

et gloriā




tua te sal



sollita




quid bi





Am

Christiani Rifu  
av 1683.  
d. 6. Jul.



THESAURUS  
CONSCRI-  
BENDARUM EPI-  
STOLARUM

*Ex variis optimisq; autoribus  
conscriptus à*

M. JOHANNE BUCHLERO  
à GLADBACH:

*Nunc verò compluribus in locis, jucun-  
dis præsertim ac utilissimis Ciceronis Epi-  
stolarum imitationibus auctus ac  
locupletatus.*

Cui in fine noviter accessit Dialogus

JACOBI PONTANI, de laudibus  
librorum Ciceronis.

*Editus curâ*

M. JOSUÆ CREPHELD

à MOSBACH

*Cum gratiâ & Privilegio Serenissimi Elect. Sax.*  
Prodit nunc tertium, quàm plurimis in locis  
correctus & à mendis repurgatus.

LIPSIÆ,

Impensis ELIÆ REHEFELDI &

JOHANNIS GROSSI,

*ANNO M. DC. XXIX.  
Pretor. Camal. C. M. C. in Insula Wigren-  
si ex Legato F. Ajathangeli*

THESEUS  
CONSCRI  
BENEDICTUM EPI

STOLATUM  
Ex parte contraria  
M. JOHANNES BUCHNER  
GLADBACH

Ex parte contraria  
Cuius hinc novus et successus Dialogus  
JACOBI PONTANI de laudibus  
liber in Germano  
Examinatus

M. JOHANNES GRAPHELD  
M. JOHANNES  
Cuius hinc novus et successus Dialogus  
liber in Germano  
Examinatus

Bien. A. III. 20

Ex parte contraria  
M. JOHANNES GRAPHELD  
M. JOHANNES  
Cuius hinc novus et successus Dialogus  
liber in Germano  
Examinatus



**M. JOSUA CREPHELD**  
à MOSBACH.

Lectori S. P. D.

**N**signem quidem superio-  
ribus annis juventuti Scholasticæ  
navavit operam *M. Johannes Buch-*  
*lerus à Gladbach*, dum libellum  
de conscribendis Epistolis ex variis optimisq;  
autoribus consignavit, *Coloniaq;* impressum  
publicavit.

Verum quia libellus iste multis in locis  
quædam adhuc desiderare videbatur, placuit  
eundem, ex multorum instinctu; meâ operâ,  
juventutis bono, 1. elegantioribus typis ite-  
rum describi: 2. mendis innumeris repur-  
gari: 3. pluribus in locis, svavissimis præser-  
tim, utilissimisq; Epistolarum Ciceronianar-  
um, in quolibet causarum genere, imitatio-  
nibus: 4. Dialogo *Jacobi Pontani* de laudi-  
bus librorum Ciceronis adaugeri. Ad auctio-  
nis verò nota talis est: 1. Id quod, Benevole  
Lector, paucis hisce significandum tibi fu-  
it. Vale, & hoc labore utere, fruiere feli-  
citer!



LIBRI LECTORIS-  
QUE διαλογισμός.

**S**is quibus audito nostro vix nomine verbis  
Ora soluturus, Lector amice, scio.

Has videor voces jam nunc audire: quis usus,  
Utilitasvê tui serò adeuntis erit?

Tenê putas quidquam Cicerone decentius ipso  
Posse adferre? erras, si potuissè putes.

Exstat Epistolicus multis Thesaurus ab annis,  
Illius ex solis conditus arte libris:

Hunc ~~poli~~tit, hunc sequitur linguae studiosa  
Latinae

Turba, stylo possit splendor ut esse suo.

Haud equidē invidéo, libet invidisse nec ulli:

Immo suus per me non minuetur honos.

Materia siquidem multum distamus uterq̃

Diversaq̃ sumus conditione sati.

Ille Phrases certis distinctas clasibus offert,

Collectas variis ex Cicerone locis:

At nusquam pueros, quânam ratione de-  
center

Hasce queant scriptis inseruisse, docet.

Ipsè

*Ipse ego trado vias, (absit jactantia verbis!)  
Littera quis fieri debeat omne genus.  
Insuper exemplis, Cicero quæ prodidit unus,  
Præceptis facio robur inesse suum.  
Possideoq; phrasas quas non sibi possidet ille,  
Svavibus appositas semper Epistolis,  
Quod si forte mihi non credis, utrumq; re-  
volve,  
Certior hinc factus, postea crede tibi.*

---

**AD POLITIORUM  
LITERARUM STUDIOSOS,  
Johannis VVilhelmi à Blitters-  
dorff Epigramma.**

**P**uelle, vis aptè, politè, splendide,  
Vis expedite Epistolas contexere?  
Vis Tulliano more quidvis eloqui?  
Age, eruditum, perpolitum, candidum  
Hunc codicem fac compares, fac lectites,  
Fac in tuis sequare scriptionibus;  
Scribesq; mox aptè, politè, candidè:  
Omnino eodem, quo eloquentiæ parens  
CICERO in Epistolis suis modo vitur,

Quem traditæ præceptiones hoc libro  
Planissime, brevissimeq; perdocent.  
Non audiendos Artis hostes noveris,  
Qui quæq; liberè locari qualibet  
In scriptione posse ridiculè autumant.  
Hæc dux habetur omnium certissima:  
Hæc adjuvat naturam, eamq; corrigit:  
Hæc ipsa veterum scripta, & eloquentium  
Intelligere, nos & docet imitari:  
Fit lectio quorum duorum gratiâ.



QUID



QUID SIT EPISTOLA, ET UN-  
DE DICTA, DEQUE ALIIS  
*eiusdem nominibus.*

**E**pistola est absentium quasi  
mutuus sermo. † Epistola est nun-  
cius animi scriptus ad absentes, de  
iis rebus, quas scire nostrā interest.

Græcum vocabulum est ἐπιστολή, ὅτι τὸ ἐπι-  
στέλλειν, quod Latinis *mittere* valet; quia ad ab-  
sentes mittitur. † Hinc Epistolium, Demi-  
nutivum, hoc est, parva Epistola.

Prisci eandem etiam *Litteras, Tabulas, Tab-  
ellas, Codicillos* appellare. Litteras quidem  
(in carmine etiam *Litteram*) ob excellentiam,  
& quod hoc scriptiois genus creberrimi in-  
ter litteras omnes usus sit.

*Tabulas, Tabellas, Codicillos* verò à materia  
ante enim chartæ & membranarum usum,  
(ut Isidorus attestatur l. 7. Orig.) ex caudici-  
bus, hoc est, arborum truncis efformabantur  
tabulæ eorū illitæ, in quibus pungendo (un-  
de Pugillarium nomen (stylo impresso, epi-  
stolarum colloquia scribebantur. † Et *Festus*,  
Tabellis, inquit, pro chartis utebantur anti-  
qui; quibus ultrò citroq; certiores faciebant  
absentes. Hinc *Tabellarius* etiam nunc, qui



## 2. DE CONSCRIBENDIS

cas perfert; quem Græci ἀπὸ τῶν γεγραμμένων, id est, à literis γεγραμματοφύγου nuncupant.

A QVO ET CVR INVENTA SIT  
*Epistola, & quod sit ejus proprium?*

† Constat ex Plutarcho, Julium Casarem omnium primum rationem reperiisse, amicos per litteras conveniendi; cum coram agendi, nec occupationes, nec magnitudo urbis semper occasionem daret. Atq; id genus propriè codicillos appellabant. Hinc & Seneca Epist. LVI. ad Lucil. Video, inquit, tibi Lucili cum maximè audio; adeò tecum sum ut dubitem, an incipiam non Epistolas, sed codicillos tibi scribere.

Inventa autem est Epistola (ut Cicero lib. 2. ad Fam. Epist. 4. inquit) ut certiores faceremus absentes, si quid esset quod eos scire, aut nostrà, aut ipsorum interesset. Ejus Proprium, (ut idem ad Q. Frat. lib. 1. scriptum reliquit) est, ut is, ad quem scribitur, de iis rebus, quas ignorat, certior fiat.

### † DE EPISTOLICÆ AR- tis utilitate.

Epistolice artis fructus percipitur in lectione & scriptione. Nam

1. Qui artem hanc Epistolicam sive rectè scribendi didicerunt, majore cum judicio,  
&



& uberiore fructu : tum etiam ferè aliquà cum voluptate doctorum hominum , seu veterum , seu recentium Epistolas legunt.

II. Multà Epistolarum doctorum hominum , præsertim verò Ciceronis lætione hoc consequuntur , ut ipsi non solum promptius & expeditius scribant , quàm ceteri : Sed & doctius , venustius & elegantius , quàm qui ducem sequantur Naturam.

III. Qui in his præceptis vel mediocriter exercitati fuerint , multò paratiores veniunt ad ipsa dicendi præcepta , & conficiendas declamationes.

IV. Ad ipsas etiam series orationes , quibus graviores tractantur & explicantur controversiæ , in Senatu vel Curia , vel apud principes , Reges & Imperatores.

#### DE EPISTOLARVM DECORO.

Epistolam scripturus diligenter tria hæc potissimum consideret : *Quis sit ipse , qui scribit ; Cui scribat ; & Quibus de rebus scribat ?*

I. Quod paulò uberius venit declarandum.

I. *Quis scribat ?*

Hoc est ; notumne illi sit , cui scribat , an ignotus ? amicus an inimicus ? Par illi an impar genere , fortunis , ætate , eruditione &c.

II. *Cui scribat.*

Hic quinq; considerentur : I. Natura. II.

#### 4 DE CONSCRIBENDIS

Fortunæ. III. Studium. IV. Dignitas, & V. Affectio.

I. In Natura spectantur hæc tria:

1. *Sexus*: Vir, an Mulier? Filius, an Filia?
2. *Ætas*: Pater, an adolescens? Vir, an senex?
3. *Natio*: Germanus, an Italus?

II. In Fortuna hæc 4. consideranda:

1. *Vita status*: servus, an Liber?
2. *Natales*: Nobilis, an ignobilis?
3. *Existimatio*: Clarus, an obscurus?
4. *Opes*: Dives, an pauper?

III. In Studio advertenda.

*Ars*: an Liberalis? Grammatica, Dialectica, Rhetorica &c. An illiberalis? Sarcotia, sutoria &c.

IV. In Dignitate.

*Persona* qualitas:

An sacra, an prophana? Num perpetua, num verò ad tempus? an princeps, vel prætor?

V. In Affectione hæc 4. spectantur:

1. *Notitia*: Cujas, an peregrinus?
2. *Benevolentia*: Amicus, an Inimicus?
3. *Conjunctio*: Cognatus, an Affinis?
4. *Officia*: Num benè, vel malè de te sit meritum?

III. Quod

III. *Quod scribat ?*

Hoc est , Scripturo Epistolam accuratè inspiciendum est Argumentum seu Materia Epistolæ , & res ipsæ , de quibus velit scribere ?

Cum enim materia multiplex sit, magnam requirit scribendi varietatem.

Certum verò est, Ciceronem scripturam Epistolam, istud Epistolarum decorum diligenter considerasse, & multò accuratius ad Doctos scripsisse, quàm ad Indoctos: ad familiarissimos aliter, ut ad Atticum. Quam ad minus famili-

kur aliter scripsisse de Republica; aliter de privatâ: aliter de reb. seriis: aliter de jocosis. Quæ consideratio ad Epistolarum decorum imprimis spectat.

## DE REBUS EPISTOLOGRAPHICIS NECESSARIIS.

Non secus in Epistola, atque in oratione Rhetorica, Primum per inventionem excogitandum est, quid sit scribendum: Deinde curandum, ut inventa ritè congruenterq; disponantur: Postremò quonam modo disposita sint aptis Verbis & sententiis eloquenda, elaborandum est. Memoria & pro-

## 6 DE CONSCRIBENDIS

nunciatio, quæ Oratori maximè necessariae sunt, huic non sunt admodum expetendæ. Ea enim, quæ Epistolis mandamus, Memoria & Actione non egent.

### DE INVENTIONE.

Inventio Epistolæ est earum rerum, quas scribere volumus, excogitatio: quam nobis ferè suggerunt quotidiana vitæ negocia, & necessitates, & hinc inde oblatae variae scribendi occasiones.

† Quò sit, ut hæc inventio non tam artis sit, quam prudentiæ, quæ paratur ingenio, iudicio, & rerum multarum usu.

### DE DISPOSITIONE.

Dispositio est rerum inventarum in ordinem distributio: in qua considerandum, quid initio, quid medio; quid congruentius in fine collocetur. In adolescentibus literarum cupidis, ut non solum fertur, sed laudatur etiam elegantium verborum studio quæsitus splendor: sic in iisdem commendatur Dispositionis studiosa quædam diligentia. Sed adultioribus vertuntur hæc vitio, nisi fortassis in Epistolis, quæ de Reipubl. negotiis scribuntur, vel mittuntur ad Reges & principes, quas paulò comptiores esse decet, & graviores cæteris: ut character argum-  
to,



to, quod tractatur, & ipsi personæ, cui scribitur, congruat.

† Quæ tamen in re, præsertim in iis Epistolis, quæ de rebus scribuntur quotidianis & domesticis: aut ad amicos & familiares, non magnopere laborandum, quod in familiari & quotidiano sermone, cujus Epistola ut Nuncius est, ita quoq; similis esse debet, dispositionis & ordinis nullâ habeatur ratio. Et sanè omnino decora hæc est incuria. Hinc Romanæ quoq; Elegantiæ parens *Cicero* rectè monuit in Epistolâ ad Atticum, *debere Epistolas interdum hallucinari*, hoc est, non curiosè ac strictè juxta artis præcepta esse compositas. Itaq; ille sæpius *casitat*, *revocat*, *turbat*, *miscet*; Dicitq; audacter, se a *amicos* scribere, quicquid in buccam venerit.

### DE ELOCUTIONE.

Elocutio est, qua res inventas, & suo qualq; dispositas, Latine, planè & ornate efferimus.

Elocutio partim in singulis, partim in conjunctis seu sententiis versis, secus quàm sit in ipsis ædificiis, in quibus nunc singulæ partes separatim præbantur, nunc verò in unum conjunctæ.

Harum partium uti Inventio maximè est



## 8 DE CONSCRIBENDIS

necessaria (scribere enim quicquam, nisi prius inveneris, non potes) ita Elocutio difficilima; nobis præferim, qui hanc linguā non quasi primam habemus: sed ut peregrinam, discimus. Hanc tamen, & reliquas duas, tribus illis rebus, quas Cicero tradit, assequi licebit, *Arte* nimirum, *Imitatione* & *Exercitatione*.

### DE ARTE.

Arte est, quæ dat, ut inquit Cicero) rationes certas, & præcepta faciendi aliquid, quæ habent ordinem, & quasdam errare in faciendo non patientes vias.

Duabus de causis Artis præcepta nobis necessaria sunt. Primum, ut de eloquentium virorum scriptis, quæ nobis proponimus ad imitandum, possimus facilius judicare.

Deinde ut rectè viam nobis commonstrent, & naturam ipsam, si non sit optima, quoad ejus fieri possit, corrigant.

Sed observatione hic opus est. Admirum in scriptis nostris si quis celemus, ut ejus nihil aut minimum Epistola præ se te-

### DE IMITATIONE.

Imitatio (quam Græci *μειμνον* vocant) est studiosa quædam mentis applicatio, ut ejus  
quàm

quàm similimi possimus evadere, quem inter optimos ceteris antecellere cognoscimus.

Quæ ipsa imitatio tantam in omni facultate vim, tantumq; ponderis ac momenti obtinere perspicitur, ut eâ qui careat, rectâ & facili viâ careat, quâ ad purè & politè scribendi facultatem pertingere queat.

Ut igitur opifices discipulis non solum præcipiunt, quo pacto instrumenta versare debeant; sed etiam seipsos laborantes intueri & considerare iubent; sic in Epistolis eleganter scribendis, non sufficit, ipsius artis præceptiones memoriâ tenere; sed ad artem accedere oportet diligentissimam scriptoris alicujus docti, quiq; in scribendis epistolis excellat, Imitationem, cui quo quis in scribendo similior extiterit, hoc & perfectior erit, & laude dignior.

† Imitationi autem subest judicium: Nisi enim eo apprehendatur, non modò nihil prodest: sed obest etiam perniciosissimè: Videndum igitur, inquit *Erasmus Roterodamus*, qui nobis imitandi sint, ne corruptissimos pro optimis aut probatissimis diligamus. Porro qui sibi Ciceronem ducem & antesignanum proposuerit, neq; eloquentiæ, neq; acuminis, neq; dispositionis eum poenitebit unquam. Falluntur tamen, qui existimant, imitationem  
per

## 18 DE CONSCRIBENDIS

per se sufficere: Verum est enim illud *Quintiliani*: Pigri ingenii est, contentum esse iis, quæ sunt ab aliis inventa. Quid enim, inquit ille, futurum erat temporibus illis, quæ sine exemplo fuerunt, si homines nihil, nisi quod jam cognovissent, faciendum sibi aut cogitandum putassent? Nempe nihil fuisset inventum. Quare rectè in imitatores exclamat Horatius l. i. Epist. ad Meccenatem:

*O imitatores servum pecus: ut mihi sapè  
Bilem, sapè jocum vestri movère tumultus?*

Et profectò nemo potest eum æquare, cujus vestigiis sibi utiq; insistendum putat. Necessè est, eodem *Fabio* autore, ut semper sit posterior qui sequitur. Et sunt quædam in oratione maxima, quæ imitanda non sunt: ingenium & inventionis facilitas. Arte igitur opus est, & præceptis: Deinde imitatione & judicio: postremò frequente stylo & exercitatione.

## DE EXERCITATIONE.

Quotidiana scribendi exercitatio, seu frequens *stylus*, doctissimi virorum calculis perhibetur esse optimus dicendi, scribendiq; magister, qui nobis sermonis opulentiam parit & copiam, & mirabilem adfert scribendi dicendiq;



dique promptitudinem, ut sibi primas non immerito in hac facultate vendiceret.

Nec studium, quantumvis vehemens, ad veram ac solidam Eruditionem parandam multum contulerit, nisi ex arte fiat usus, & in opus vertantur verba.

Sicut enim pingere volentibus, (inquit *Rochus Perusinus*) nihil prodest laudatissimorum pictorum pulcerrima considerare opera, nisi ipsi quoque arrepto penicillo pingere aliquid instituant: Ita sanè præcepta didicisse omnia, ad hæc M. Tullij, Plinii secundi, aut P. Manutij, aliorumque probatissimorum artificum Epistolas suspicere & admirari, momentum non multum attulerit, nisi tu quoque sumpto in manus calamo, te quoties scribendo diligenter exerceas.

Nemo unquam Orator, inquit optimus & præstantissimus ille dicendi Magister Cicero, nemo egregius scriptor sine multâ exercitatione evasit.

Unde Hortensius nec unquam præterire diem patiebatur, quo se non aut domi, aut in foro dicendo exerceret, sæpè utrumque eodem die faciebat.

Et ipse rursus eloquentiæ princeps Cicero agebat, se timere, si non frequenter declamaret, ne quod adeptus erat in arte oratoria Facultatis, exaresceret.

Quem

## 12 DE CONSCRIBENDIS

Quem locum adducens P. Manutius, Ep. l. i. ad Paulum scribens Contarenum: Attende, inquit, mi Paule, & tuam causam, à qua mea disjuncta non est, si placet mecum considera. Ille homo Romanus orationis inopiam metuebat, cum tamen omnibus in hoc genere divitiis abundaret. Nos quibus Latina lingua peregrina est, qui in optima scribendi aut dicendi ratione rudes, & infantes penè sumus, de summa eloquentia sine studio cogitabimus? Et unam, omnem difficultatiam rem ludibundi consequemur? vides me ipsum, qui quid sim, ego quidem non statuo, sed sunt, quibus non esse nihil videar, nullum penè diem intermittere, quin aliquid Latine scribam, cum tamen, ex quo lapidem hunc volvo, annus vicesimus abierit.

Præclare I. de Offic. Cicero: nec Medicos, nec Imperatores, nec Oratores, nec ullos alios, quamvis artis præcepta perceperint, quidquam laude dignum sine usu & exercitatione consequi potuisse.

Quia igitur nullo in studio, nedum in Orationis, nuda res sufficit, (nihil quippe Natura citò magnum fieri voluit, sed pulcherrimo cuique operi difficultatem proposuit, quæ labore & exercitatione vinceretur) in hoc certe, quæ bona pars, & rivus quidam dici potest



test doctrinæ Oratorix, plus etiam assiduitas exercitationis, quàm ars efficiet. Quare scribendum est in singulos dies, ut Apelles quotidie lineam ducebat; & scribendum est bene: bene autem scribendo etiam fiet, ut citò scribatur.

Nec magni refert, quàm multas chartas impleveris, sed quàm diligens, quàm accuratus fueris. In quo uno profectò sunt omnia, & prora & puppis, quod ajunt.

## DE EPISTOLARUM GENERIBUS.

Jam, quò melius & facilius epistolarum artem percipere possimus, ad ipsarum genera descendere operæ precium erit. **O**mnis enim cum suis formis cognitis, ipsarumq; artificio perspecto, brevi temporis curriculo, non modò scholasticas, quas appellant, umbratilesque epistolas à præceptore dictatas, optimè nobis conficere licebit: Verùm etiam nostro Marte vel meditari, vel ex improvviso per fertiles & amœnos Epistolarum campos, mirâ quadam animi nostri delectatione vagabimur, non sine maximâ omnium admiratione. Nam licet, ex doctissimorum sententiâ, nullam artem ex intimis Rhetoricorum præceptis expromptam amet epistolas: quod-

quoddam tamen artificium, non solum ex natura natum, sed ex ipsa etiam Rhetorica excerptum, in Ciceronis, Plinii, aliorumque clarissimorum virorum epistolis observatum, non aspernari videtur.

**TRIA ESSE GENERA EPISTOLARUM**, ad quæ cætera revocentur.

Tria sunt genera Epistolarum: *Deliberativum*, *Judiciale*, *Demonstrativum*. Ad hæc, tanquam ad fontes, pleræque litterarum formæ referuntur.

*Deliberativo* genere suademus, Dissuademus, Hortamur, Dehortamur, Consolamur, Perimus, Commendamus, Conciliamus, officium conferimus, Communicamus, Disputamus, Mandamus, & si quid est aliud, quod ad deliberationem referri possit.

*Judiciali* Accusamus, Expostulamus, Excusamus, Querimus, Minamur, aut aliud quidvis facimus, quod in hoc genus cadere potest.

*Demonstrativo* genere cætera omnia complectimur, quæ ad genus Deliberativum, vel judiciale commodè flecti non possunt.

**DE DELIBERATIVI GENERIS EPISTOLIS.**

Deliberativum genus causæ apud Rhetores

res dicitur, quod in consilio dando positum est, idq; *suasionem & dissuasionem* complectitur.

Cum igitur in suasoria Epistola, Dissuasoria, Cohortatoria, Dehortatoria, Consolatoria, Petitoria, Commendatoria, Conciliatoria, Officiosa, Communicatoria, Monitoria, Disputatoria, suadendo vel dissuadendo semper consilium detur, consequens est, ut unaquæq; harum formarum ad illud sit revocanda.

### DE SVASORIA EPISTOLA.

Suasoria epistola est, qua in rebus dubiis atq; incertis amico consilium damus, eidemque, ut aliquid suscipiat vel agat, suademus.

In suasionem hæc ferè observari debent.

Principiò, vel à laude & commendatione ejus, ad quem literas damus, vel verecundâ & modestâ nostrâ extenuatione, vel declaratione promptæ benèq; de amico merendi voluntatis, captanda est *benevolentia*, quod etiam in reliquis Epistolarum formis, quotiescunq; id res postulabit, servandum erit.

Exordium tamen & benevolentiae captatio his fermè de causis omitti possunt:

I. Cum amicitia mutua nullum exordium postulat.

2. Cum

2. Cum eadem de re sapius antea scriptum.

3. Cum temporis brevitatem nil, nisi rei expositionem recipit.

Deinde *Narratio* subjicienda, quæ consilii expositionem habet, adjecta etiam, prout res exigere videbitur, *Divisione*.

Tertio loco *Confutatio* erit, quæ id statim in principio refellamus, quod vehementer nobis adversari videatur: vel si commodius id futurum putes, *Confirmationi* erit subjungenda: vel certè, ut quicquid inciderit, ita illud confutari oportebit.

Quartum locum *Confirmatio* habebit: Hæc suasionis rationes atq; argumenta complectitur, sumpta, vel ab *Honesto*: vel *Utili*: vel *Necessario*: vel *Jucundo*: vel *Desiderio* & voluntate cognatorum atq; amicorum: vel *Mercedis* alicujus aut periculi: vel *Circumstantiis* personarum, temporis, loci: vel *Exemplo* & auctoritate aliorum.

*Conclusio* postrema est pars, quæ absolvitur aut petitione: aut consiliorum officiorum: vel nostrorum pollicitatione: aut suasionis repetitione: aut causis institutæ scriptiois: aut *Præcisione* aut *Voto*, ut *Dii* approbent ac fortunent, ab amico agenda.

*Exemplum* suasionis observatum in Ep.  
18. lib,



18. lib. 2. ad Famil. Qua Thermo, in Helle-  
sponto Proprætori suadet Cicero, ut provin-  
ciæ Quæstorem potiùs præficiat, quàm Lega-  
tos, quod postea fecit.

Exordium illius Epistolæ constat laude at-  
que commendatione Thermi, & significatio-  
ne promptæ de eodem benè merendi volun-  
tatis. Narratio ipsam suasionem & exposi-  
tionem consilii continet. Confirmatio e-  
iusdem rationes atq; argumenta, ab Honesto  
& Utili sumpta complectitur. Conclusio  
institutæ suasionis causis, veto atq; rationum  
repetitione absolvitur.

**O**fficium meum erga Rhodonem, ceteraq; mea  
studia, qua tibi ac tuis præstiti, tibi homini  
gratissimo grata esse vehementer gaudeo. mihiq;  
scito indies majori cura esse dignitatem tuam: qua  
quidem à te ipso integritate & clementiâ tuâ sic  
amplificata est, ut nihil addi posse videatur; sed  
mihi magis magisq; quotidie de rationibus tuis  
cogitanti, placet illud meum consilium. quod ini-  
dido Aristoni nostro, ut ad me venis, ostendi gra-  
veis suscepturum inimicitias, si adolescens potens  
& nobilis à te ignominia affectus esset. & hercle  
sine dubio erit ignominia. Thabes enim neminem  
honoris gradu superiorem. Ille autem, ut omit-  
tam nobilitatem, hoc ipso vincit viros optimos. ho-  
minesq; innocentissimos, legatos tuos, quod & qua-  
stor

Exordium  
à laudatione  
mihi

Narratio  
ab ipsa sua  
sua consilii

Confirmatio  
hoc  
ab honesto

...utili: *For est & quaestor tuus. Nocere tibi iratum nemi-*  
*nam posse perspicio, sed tamen treis fratres summo*  
*loco natos, promptos, non indifertos te nolo habe-*  
*re iratos, praesertim jure, quos video deinceps tri-*  
*bunos plebis per triennium fore: tempora autem*  
*Reipub. qualia futura sint, quis scit? mihi quidem*  
*turbulenta videntur fore. Cur ego te velim in-*  
*cidere in terrores tribunitios, praesertim cum sine*  
*cuiusquam reprehensione legatis questorem possis*  
*anteferre? Qui si dignum se maioribus suis pra-*  
*buit, ut spero & opto, tua laus ex aliquâ parte fue-*  
*rit: sin quid offenderit, sibi totum, nihil tibi offer-*  
*derit. Qua mihi veniebant in mentem, qua ad te*  
*pertinere arbitrabar, quod in Ciliciam profscisce-*  
*bar existimaui me ad te scribere oportere, tu quod*  
*egeris, id velim dii approbent, sed si me audies, vi-*  
*tabis inimicitias, & posteritatis otio consules.*  
*Vale.*

Conclusio  
 a magis  
 h. om.

Notu  
 ar rationem  
 neperitiam.

# † IMITATIO HUIUS

Epistola.

Exord.

**G**Rata tibi mea quantulacumq;  
 esse officia, ex animo lætor. Et-  
 si novum in te hoc non sit: quem  
 gratum, qui norunt, deprehende-  
 runt semper: Itaq; deinceps quoq;  
 tui magis mihi cordi honores e-  
 runt;

runt; licet tanti illi sint, ut vel meâ,  
 vel alterius opus operâ non habe-  
 ant. Ad successorem verò ejus quod *Narat.*  
 attinet, qui nuper apud vos est  
 mortuus, in eâdem adhuc sum sen-  
 tentiâ, quam nuper ad te perscri-  
 psi; coràm etiam communi nostro  
 amico exposui; plurimorum te o-  
 dia magnamq; tibi invidiam con-  
 flaturum, si repulsam adolescens  
 passus, atq; ignominiâ affectus ali-  
 quâ fuerit. † Ut enim eruditionem *Confirmat*  
 & doctrinam silentio præteream, *non hunc*  
 hoc ipso alios vincere competitores,  
 viros optimos & doctissimos  
 videtur, quod vestrâ ille in scholâ  
 ab ineunte ætate educatus, & te,  
 aliisq; præceptoribus est usus. † *ab illis*  
 E- quidem eò res esse tuas Dei bene-  
 ficio perductas video: ut aliorum  
 tibi nocere ira atq; malevolentia  
 facile nequeat. Veruntamen fra-  
 tres aliosq; ejus propinquos, non-  
 B nulla



nulla præditos autoritate offendere te nolim, præsertim jure, quos ad dignitates adhuc magnas venturos existimo. Vides autem cujusmodi sint tempora: quàm facilè lædantur homines: sæpè etiam illatas ulcisci injurias conentur tum, cum evulsas eas è memoria sepultasq; oblivione esse arbitramur. Cur ergo periculum tibi - ipsi aut tuis creares? præsertim cum sine reprehensione cujusquam aliis præponere cum possis. Quod enim ætas objicitur, tanti esse ponderis momentiq; non existimo: ut egregium impedire adolescentem debeat. Fuerunt majorum & parentum nostrorum, imò nostrâ quoque memoriâ non pauci, qui admodùm adolescentes ad officia adhibiti gravia, præclarè sese gesserunt. Et verum est, quod quodam in loco Cicero affirmat; ab excellenti eximiâque virtute ætatis



expectari progressum non oportere: ejusdem celeriore, quàm hujus cursum esse. At licet ( ut labi atq; errare facile possumus ) fortè quid ille offenderit: tamen ut adolescenti venia ei dari poterit citius; & hac ipsa quoque de causa correctionem atq; emendationem idem faciliùs admittet. <sup>Concluf.</sup> Atq; hæc necessariò ad te hoc scribenda esse tempore duxi. Quicquid hac in re egeris, id Deus Opt. Max. fortunet, rogo. Verùm, si me audies; plurimorum hominum offensiones declinabis: excitabis ad studium ac diligentiam adolescentes bonos: benè deniq; tibi ac collegis tuis consules. Vale.

† Præter hanc præcipuæ Svasoriæ in Epistolis Ciceronianis ad Familiares sunt hæc, lib. IV. epist. 7. cujus initium: *Et si eo te adhuc consilio Sc. & 8. Neg. monere te audeo Sc. & 9. Et si perpaucis Sc.* Item lib. VIII. epist. 16. *Exa-*

*nimatus sum tuis literis. &c. Item lib. IX. epist.  
9. Si vales gaudeo.*

## SVADENDI FORMÆ.

Quonquam te pro animi tui altitudine  
non arbitror monitis & præceptis egere,  
ut tamen me quoq; de dignitate tuâ cogitare  
intelligeres, putavi hæc pauca ad te scribi o-  
portere. Quod certè amore impulsus feci,  
non quo prudentiam tibi ostentarem meam,  
quod esse arrogantis videri possit: sed potius  
ut meæ erga te observantiæ ac voluntatis si-  
gnificationem aliquam facerem. Nam &  
dignitati tuæ, quam honestissimis optima-  
rum artium studiis parâsti, mirabiliter faveo:  
& nullum meum in te officium præteriri sine  
gravi culpæ reprehensione posse, mihi per-  
suadeo. Quare pro ea, quæ tecum mihi con-  
stituta est, officii ac vitæ consuetudine tibi  
svadeo, & etiam adhortor, ut in eam curam  
ac cogitationem magnis conatibus incum-  
bas, quæ tibi summam ingenii famam & no-  
minis gloriam adferat. Neq; committas in  
hac optimorum hominum de re expectatio-  
ne, in optimâ ætate in summa occasione, ut  
propter pigritiam ipse tibi defuisse, aut pro-  
pter desperationem, gloriæ tuæ cursum impe-  
divisse videaris. Non enim convenit, neque  
jam

jam integrum erit, qui ingenii moderatione  
 ac industriâ certorum hominum invidiam,  
 fregeris, in ipso nunc honoris decursu, vel la-  
 bori succumbere, vel laudi.

„Quod Alexander Rex invictissimus sibi  
 permisit, qui cum munera sua sperni à Zeno.  
 erate Philosopho intelligeret, respondisse  
 fertur; Zenocrati quidem Regis Alexandri  
 munificentia opus non esse: sibi tamen prope  
 esse necessariam, ut liberalis in Zenocratem  
 videatur: Idem mihi vel ad gratiam, vel ad  
 hujus temeritatis veniam profuturum puto:  
 ut; quanquam nullis meis consiliis egeatis;  
 ego tamen officij mei putem, quæ ad dignita-  
 tem Reipublicæ pertinebunt, vos commone-  
 facere.

Tibi suadeo, atq; etiam rogo.

Tibi imprimis suadeo, atq; hoc meo etiam  
 jure præcipio, ut, &c.

Hoc tibi agendum censeo, si meo consilio  
 parère volueris, ut, &c.

Auctor tibi sum, ut facias. Me suafore hoc  
 ages.

Hoc consilium de mea sententia capies.

Meo svasu in literarum studia incumbes.

Vide, videto, videbis. Etiam atq; etiam  
 cogita. Meditare atq; cogita.

Contende, quaeso, atq; elabora, ut, &c.



In hanc curam incumbere, ut, &c.

Totâ mente incumbere in hanc curam & cogitationem.

Dabis istud amori nostro, ut in eam opinionem sententiamque te adduci sinas, quæ cum tuis utilitatibus est conjuncta.

Tibi omninò svadeo, atq; etiam rogo, ut quæ ingenio studioq; tibi peperisti, ea in usum Republicæ referas. Etsi consilium facilius capere, quàm aliis dare possum, verorq; tibi homini summâ prudentiâ, summo ingenio prædito quidquam aut svadere aut dissuadere, ne cum amori in te meo sim obsecutus, tuo videar judicio dissidere: *malo tamen pusilliter curiosus videri, quàm ullâ in officiorum parte negligens*: quò facilius qui cursus rerum, qui exitus futurus sit, ex me quoque scire possis.

Tu si consilio meo parère volueris, in earum rerum cogitationem incumbes, quæ ad gloriam amplissimamq; gratiæ, dignitatis, splendorisque excellentiam pertinere videbuntur.

Tibi verò cum meo in te amore, tum causa tua impulsus svadeo, & si pateris præcipio, ne ullius vel injuria, vel gratia animum tuum ab optimarum rerum studio deflectas.

Si



## EPISTOLIS.

Si ad aliorum consilia rationes tuas conformare velis, hoc tibi agendum censeo, ut omnia quæ dignitatis, quæ laudis, quæ gloriæ plenissima sunt, tibi in hoc vitæ curriculo non solum imitanda, sed & percipienda proponas.

Non dubito quin ipse ad omnem animi prudentiam cum natura, tum studio satis sis informatus: tibi tamen svadeo, vel etiam moneo, ne levem hanc injuriam animi offensione potius, quàm naturæ moderatione ac æquitate definire velis.

Ego quanquam non modò nil mihi assumam, in quo dissentire tu à me possis; sed etiam si à te quidquam mihi concedatur, planè remittam: hoc tamen tibi svadere audeo, &c.

In hoc ætatis tuæ flexu, istud tibi agendum censeo, ut animum tuum conformes excellentissimorum hominum cogitatione, quos neq; communium temporum tempestas, neq; honoris studium, neque dignitatis ambitio unquam potuit de instituto vitæ suæ cursu, ad desidiam, ad desperationem, ad animi demissionem dimovere.

Cùm omnia consecutus sis virtute duce, & comite fortunâ, quæ laudem, dignitatemque merentur, planè svadeo in eam cogita-

tionem incumbas, ut reliquam vitæ dignita-  
tem ex optimo Reip. statu acquiras, sicque  
existimes, cum magnum & præcellentem  
honorem videri, qui non propter spem futuri  
beneficii, sed propter magna in Reipubli-  
cam merita claris viris deferretur atq; datur:  
tanquam perpetuum virtutis præmium.

Sic tibi persuade tantam esse apud omnes  
bonos tui caritatem, ut nullum genus amplif-  
simæ dignitatis excogitari possit, quod tibi  
non paratum sit.

Tu velim sic existimes, tibiq; persuadeas, omne perfugium bonorum in te esse positum, eoq; nullam dimicationem pro publica omnium salute esse dimittendam.

DE DISSVASORIA

*Epistola.*

**D**issuadendi eadem ratio erit quæ Suadendi :  
sed argumenta in Dissuasione contrariis  
ex locis ducenda erunt : ut à Turpi, Inutili,  
Periculoso. &c. Omnia deniq; rei, quæ dissuadebitur, incommoda hîc colligemus. Collatio  
sit talis.

Primo *Exordium* ponatur loco: constans aut nostræ pro amico curæ atq; sollicitudinis declaratione: Aut ejus ad quem scribimus laude; aut scribendi occasione; Aut reprehensione & objurigatione molli. Alte-

Altera pars *Propositio* est, quæ *dissuasionem* & *obtestationem* contineat.

In tertia parte per *Confirmationem* argumenta *Dissuadentia* adhibeantur, perita vel à Damno: vel inutili: vel Turpi: vel circumstantiis Personæ, Loci, Temporis: vel à Cura amicorum: vel à iudicio aliorum: vel ab exemplis.

In *Conclusione* fit, Aut admonitio & obtestatio amici: Aut modesta officii pollicitatio: Aut causæ instituta *Dissuasionis* indicatio: aut sententiæ & præcipuorum argumentorum repetitio: aut longioris *Dissuasionis* præcisio.

† *Exempla Dissuasionis* observantur lib. 16. Epist. 8. Cicer. ad Famil. *Magna nobis est solitudo* &c. Item lib. 7. Epist. 20. *Amabilius mihi.* Item lib. 8. Epist. 5. *Qua tu curâ sis* &c. Item lib. 10. cap. 5. *Lectis tuis literis* &c.

#### DISSVADENDI FORMÆ.

**C**Ave. Cavendum est tibi.  
Vide. Attende, quàm diligenter potes, ne quos tibi continentia terminos præscripsit, eos transeas, transgrediare, transilias.

Cavendum tibi censeo, ne improborum in te odia semel extincta incendas; sed potius



omnes animi benignitate, omni officio in gratia retineas.

Cum omnes benevolentiae comparandae causa benefici esse debeamus, facis incivilter, qui nullam operam, nullis commoditatibus laboranti amico opitulari velis.

Si prudentis est hominis in loco & tempore ad aliorum se voluntates conformare, vide an liberaliter agas, qui ab optimi & fidelissimi hominis gratiam, nullam iustam odii causam, impulsus desleetas.

Imprudenter tu quidem & incivilter agis, si in amicitia colenda eam habes rationem, ut utilitatem potius, quam officia spectare videaris, & proinde in retinenda amicitia semel constitutam sis negligentior.

Enitendum tibi puto, ut quas susceperis inimicitias, eas deponas, in optimorum ac principum virorum familiaritatem te dedas. Nam qui ex gravi & longa miseria emergere volunt, eos venire in clarissimorum hominum consuetudinem oportet.

Nihil minus est hominis, quam in amore vinciri; vel non respondere iis, a quibus provoceris.

Sejunge te quasso, aliquando ab iis, cum quibus te, non tuum iudicium, sed temporum vincula conjunxerunt.



RATIO RESPONDENDI LITTE-  
ris Svasoriis, vel Dissvasories.

Cum amici consilio acquiescimus, Principio vel amicum svadentem laudabimus: vel dolorem perceptum ex amici litteris significabimus.

Deinde sententiam & voluntatem nostram declarabimus. Tertiò rationes & causas, cur amici consilio obtemperare velimus, afferemus.

Deniq; vel gratias agemus: vel gratum animum pollicebimur: vel petemus ut deinceps nos nostraq; sibi commendata habeat.

EXEMPLVM RESPONSIONIS  
aliorum, Svasoni approbata, observatum lib. XI.  
Epist. 29 ad Famil. cujus Exordium Opii commendatione constat. Confirmatio commemorationem  
& amplificationem officiorum Opii continet.

Conclusio petitione atq; pollicitatione absolvitur.

Dvbitanti mihi, (quod scit Atticus noster) de hoc toto consilio profectionis, quod in utramq; partem in mentem multa veniebant, magnum pondus accessit ad tollendam dubitationem iudicii & consilium tuum: nam & scripsisti aperte, quid tibi videretur, & Atticus ad me sermonem tuum pertulit. Semper iudicavi, in te & in capien-

do consilio prudentiam summam esse, & in dando fidem: maximeq; sum expertus, cum initio civilis belli per litteras te consuluissem quid mihi faciendum esse censeret, eundumne ad Pompejum an manendum in Italia: suasisisti ut consulere dignitatis meae. Ex quo quid sentiret intellexi: sumq; admiratus & fidem tuam, & in consilio dando religionem. Quod, cum aliud malle amicissimum tuum putares, antiquius tibi officium meum, quam illius voluntas fuit. Equidem & ante hoc tempus te dilexi, & semper me à te diligi sensi: & cum abessem, atq; in magnis periculis essem & me absentem & meos praesentes à te cultos & defensos esse memini: & post meum reditum, quàm familiariter mecum vixeres, quàm ego de te & senserim, & praeclaram, omnes, qui solent hac animadvertere, testes habemus. Gravissimum verò iudicium de mea fide & de constantia fecisti, cum post mortem Caesaris totum te ad amicitiam meam contulisti. Quod tuum iudicium nisi mea summa benevolentia erga te omnibusq; meritis comprobâro, ipse me hominem non putabo. Tu, mi Oppi, conferebas amorem tuum (etsi more magis hoc quidem scribo, quàm quod te admonendum putem) meaq; omnia tuebere: qua tibi ne ignota essent, Attico mandavi. A me autem, cum paullum otii nacti erimus, uberiores litteras expectato. Da operam ut valeas, hoc mihi gratius facera, nihil potes.

† IMITATIO HUIUS EPISTOLAE, qua gratia aguntur amico, qui vel professionis instituenda: vel studiorum ineunda rationis autor nobis & suavor extitit.

**D**UBITANTI mihi, quod multi adhuc meorum familiarium norunt, de instituendâ ratione studiorum, quod utramq; in partem non pauca erant, quæ dubium incertumque me reddebant; ad dubitationem omnem excutiendam, tua mihi plurimum prudentia & auctoritas profuit. Neq; enim literis modo tuam mihi mentem aperuisti: verum etiam eandem latius ab illo explicari voluisti, cui eas tradidisti. Semper ego in te *tria illa, quæ in consulendo maximè requiruntur*, deprehendi: *prudentiam, fidem, benevolentiam*. Cum initio paternâ scholâ relictâ, quod mihi proficiendum existimares, te consuluis-



sem; ad hanc potissimum Academi-  
 am me ut conferrem, autor mihi  
 svatorq; extitisti. Ex quo, quàm es-  
 ses in me, meaq; studia animatus,  
 præclarè, intellexi: ut & eo, quod  
 cum nescio quibus rationibus mo-  
 ti de me revocando parentes cogi-  
 tarent; tu solus restitisti, meaque  
 commoda antiquiora, quàm illo-  
 rum voluntates habuisti. Gravissi-  
 mum verò de me iudicium fecisti,  
 tum, cum nonnulli delatione falsâ  
 animum à me tuum abalienare co-  
 narentur: tu eâdem neglectâ mea  
 promovere studia non desisti.  
Quod ego nisi debitâ observantiâ  
memoriâq; perpetuâ agnovero:  
ipse me non bonorum tantum a-  
more atq; patrocínio; verum etiam  
communi hac luce indignum judi-  
cabo. Interim te etiam atq; etiam  
rogo: amorem stum in me tuum  
conserve; studia etiam mea, resque  
 alias



alias commendatas tibi habeas :  
 quæ quonam sint in loco, ex eo, qui  
 hæc tibi tradit literas, cognosces.  
 Vale.

† Cum hac confer Ciceronis Epistolam 16.  
 lib. IV. *Officium meum &c.* Item lib. XI. Epist.  
 II. *Plurimum valuisse apud me &c.* Item lib. V.  
 Epist. 15. *Omnis amor tuus &c.*

DE HORTATORIA ET DE-  
 hortatoria Epistola.

**H**ortatorium genus ( quod Græci *παρακινη-  
 τήριον* vocant ) cum suo contrario Dehorta-  
 torio conjunctum est. Hoc simul & *Monito-  
 rium*, proximum *Suasorio* sibi locum vendi-  
 cat : quo amicum monemus atq; stimulis  
 excitamus, & quasi calcaribus seu animi mo-  
 tibus impellimus, ut vel quod optimum esse  
 factu videtur, cupidè amplectatur : vel con-  
 trā, quod Turpe, Inutile, Inhonestum, aver-  
 setur ac fugiat.

† Quamvis verò Exhortatoria ac Dehorta-  
 toria Epistola etiam *Suasoria* & *Dissuasoria*  
 possint appellari : Est tamen inter *Suasio-  
 nem* atq; *Exhortationem* aliquid discrimi-  
 nis, ut quæ nec eodem tendant, nec via il-  
 mili.

# 34 DE CONSCRIBENDIS

*Suadendo* consilium damus, ut velis rem aliquam difficilem & periculosam aggredi: *Exhortando* impellimus, ut hoc etiam audeas.

*Suademus*, errantibus, aut in capeendis consiliis haesitantibus: *Exhortamur* cessantes, aut jam etiam currentes.

† Et ut breviter dicam, *Suasor* dat consilium: *Cohortator* verò impellit, ut, quod ille frastit, audeas.

Exhortatio itaque *Suasoriae* Epistolae pars erit, nempe Epilogus, qui affectibus constat, non argumentis.

*Affectus* autem, qui in hoc Epistolarum genere requiruntur, plurimum sunt hi:

1. *Spes praemiorum*

1. Plurimum ad permovendos animos valet *Spes* egregiorum praemiorum, honoris, gloriae, honestarum voluptatum, opum, aliqujus emolumenti.

2. *Metus praeteritorum*

2. Alter huic contrarius, est *Metus* seu reformationis incommodorum periculorum, egestatis, dolorum, turpitudinis, ignominiae. *Spei* quidem in *Adhortando* propriae sunt partes, *Metus* in *Deterrendo*.

3. *Laus ipsius*

3. A *Laude* bifariam exhortabimur, ut tum rem ipsam laudemus, tum hominem. *Juventus* & *Senectus* decrepita, laude laetatur apertiore; *matura* & *virilis* aras tectis laudari debet.

4. *Ve-*

4. Vehementer etiam commovebimus, si <sup>4.</sup> *Amor*  
 amorem eorum, quorum gratiâ res geritur,  
 commemoratione renovabimus. *amicorum*

5. Rursus, si odium & atrocitatem in eos, <sup>5.</sup> *Odiu*  
 contra quos dimicatio suscipitur, quàm gra- *odio*  
 vissimè ex aggerabimus: atq; hinc amicorum  
 gratiam: hinc inimicorum atrocitatem cor-  
 nibus adversis conferimus.

6. Iisdem fermè rationibus efficitur Com- <sup>6.</sup> *Compara*  
 miseratio: si amicorum sollicitudinem, ino- *Ho.*  
 piam, luctum, squalorem: è contrario verò  
 inimicorum potentiam, ferociam, audaciam,  
 insolentiam adducemus, & Prosopopœia in-  
 terdum locus esse poterit.

7. Vehemens Exhortandi ratio petitur <sup>7.</sup> *Emulatio*  
 ab Emulatione. Nihil enim est, quod ge-  
 nerosum rectumq; animum magis inflam-  
 met, quàm certamen cum altero de laude at-  
 que gloriâ institutum. Neque quidquam tur-  
 pe aut inhonestum magis dicitur, quàm ab  
 æmulis vinci.

8. Ab Expectatione concitabimus, si o- <sup>8.</sup> *Expecta*  
 stendemus, quanta sit in omnium amicorum, *tu.*  
 & eorum maximè, quos ipse facere magni *ibenevo*  
 videatur, de illius virtute expectatio. *lorum*

E diverso autem, si malevolorum expe- <sup>9.</sup> *male*  
 ctationem atrociter exaggerabimus; si quan- *volorum*  
 tum gaudium eorum futurum sit, quæ scom-  
 mata,



### 36 DE CONSCRIBENDIS

mata, qui risus, quanta ferocitas, si res parum feliciter evenierit, descriptione sub aspectum subjiciemus.

*Exempla.* 9. Qui cohortantur, etiam exemplis corroborandi gratiâ utuntur. Unde ad Dolebellam Cicero (Epist. 19. lib. 14. ad Atticum) Proponam tibi claros viros, quod facere solent, qui hortantur: neminem habeo clariorem teipso; teipsum imiteris oportet.

Sic autem oportebit Exempla tractari, ut quos proponemus imitandos, eos cum laude statim aliqua & honorificâ præfatione; sed quæ sit ad rem accommodata, nominemus ad hunc modum: Perspexit hoc Plato Philosophiæ parens. Vidit hoc Alexander ille Macedo, vir gloriæ natus. Diversum in contrariis exemplis fieri convenit: ut; Quæ posteritas Dionysii Sacrilegi Tyranni, nomen non execrabitur? Nobilitatus crudelitate Nere, &c. Si exemplum fabulosum fuerit, Poëtæ laudem præfati, quid sibi eruditissimi prudentissimiq; homines ejusmodi figmentis voluerint, probabiliter aperiemus.

*10. Obsecratio* 10. Obsecratio extremum in hoc Epistolarum genere locum sibi vendicabit. Cum enim illis exhortandi locis usi fuerimus, eum, cui scribimus, per virtutem aliquam laudem adjunctâ amplificatam, per felicissimam indo-



indolem, per ingenium pulcerrimis & honestissimis rebus natam, per gloriam benè gestis rebus partam, deniq; per quidvis aliud, quod rei & personæ conveniat, obtestabimur, atq; obsecrabimus, ut se digna & velit & audeat.

## DE LENIENDA EX-

*hortatione.*

SI quando metuemus, ne quid offendat vehemens & importuna cohortatio, multis rationibus ejus molestiam leniemus, dicemusq; nos incredibili quodam amore fuisse inductos, ut eum hortaremur, qui non tam calcaribus, quàm frenis regat: vel certè negabimus, nos oratione nostra languentem velle accendere, sed currentem incitare: eumque rogabimus, ut nostræ ignoscat importunitati: quæ non aliunde, quàm ab immodico gloriæ, salutis, & utilitatis illius studio proficiscatur.

† Deniq; virtuti ejus omnia secunda precabimur: Cavendum verò est, ne cujusquam causâ aliter, quàm sentimus, eloquamur.

Consuevit aliquando in hoc genere Cicero uti aliqua præmunitione: ut ad Marcellum Epist. 7. lib. IV. *Et si eo te adhuc consilio usum intelligo, ut id reprehendere non audeam, non quia*

## 38 DE CONSCRIBENDIS

quin ab eo ipse dissentiam; sed quod eâ te sapientia esse judicem, ut meum consilium non antepotnam tuo: tamen & amicitia nostra vetustas, & tua summa erga me benevolentia (qua mihi jam à pueritia tua cognita est) me hortata est, ut conscriberem ad te, qua & salutis tua conducere arbitrarer, & non aliena esse ducerem à dignitate.

Ad eundem, Cicero Epistolam proximam sic exorditur: Neque monere te audeo praestanti prudentia virum. Et tamen aliquando potest scribit: Illud tamen tu vel me monuisse, vel consuluisse puta, vel propter benevolentiam tacere non potuisse.

Est ubi excusationem postponat, ut Epistola 3. lib. X. ad Plancum: Hac amore magis impulsus scribenda ad te putavi, quam quod arbitrarer te monitu & praeceptis meis egere. Sciebam enim, ex iisdem te hæc haurire fontibus, ex quibus ipse hauseram. Quare modum faciam. Hoc tantum significandum putavi, ut potius amorem tibi ostenderem meum, quam ostentarem prudentiam. Quin etiam Epistolam 4. lib. 2. ad Curionem ita concludit: In hanc sententiam scriberem plura, nisi te tuâ sponte satis incitatum esse considerem. Et quicquid attigi, non feci inflammandi tui causa, sed testificandi amoris mei.

Illud postremo est observatu dignum:

Her-

Hortationem Dehortationemque eò modestiorem esse debere, quò major est, nobilior & doctior, quem hortamur & dehortamur.

Nam considerandum hîc est, *Quis scribat*: Cui scribat, & *Quâ de re*; cùm variis ingeniis, ut corporibus, varia adhibenda sit medicina. † Hortaturus itaque aliquem, dices, nihil de tuâ, nec cujusquam gratiâ ad id faciendum impelli: sed ejus ipsius, ad quem scribis. Ideò pollicearis, necesse est, te & amantissimum, & fidelissimum ei consilium esse daturum.

Ostendens rem hortatione sive dehortatione dignam.

Cum primis svadeantur utilia, honesta, necessaria, facilia factu & æqua. Contra-ria verò ut dissvadeantur, afferenda sunt commoda & incommoda: quibus si non suâ: Reipubl. certè causâ ad id peragendum moveri debent.

Vel ipsorum parentum, vel filiorum, vel familiæ, vel amicorum, affiniumq; , vel nostræ demum benevolentie, & necessitudinis.

### COLLOCATIO PARTIVM

*in Hortatoria Epistola.*

**E**xordium, vel laude & commendatione ejus, ad quem Adhortatio scribitur, constat:

stat: vel studii, curæ, officii, sollicitudinis, benevolentia declaratione: vel voto & precatione: vel querelâ de Reipubl. misero atque perturbato statu: vel præmunitione.

*Narratio* altera pars est, rei ipsius expositionem & occasiones continens.

*Propositio* tertia pars est, eaq; vel simplex & aperta, vel involuta & occulta.

*Propositio* apertè facta, adhortatione constat simplici: aut petitione atq; obreftatione: aut amica reprehensione.

*Propositio* occultè facta instituitur, aut dubitatione: aut veteris amicitia testificatione: vel laude, vel expectatione de amico concepta.

*Confirmatio* affectus habet desumptos vel ab amore, curâ, solitudine nostrâ, & nostrorum: vel ab expectatione sanguine junctorum, aliorumve bonorum virorum: vel ab honesto & laudabili: vel ab utili: vel à facultate & occasione præclara: vel ab antea vitæ insignibus factis: vel ab opinione, testimoniis, & auctoritate doctorum & prudentium: vel ab aliorum exemplis.

*Conclusio* absolvitur, aut præcisione longioris adhortationis: aut petitione, aut vercundâ expositione causarum institutæ adhortationis: aut excusatione libertatis, & severita-



ritatis in exhortando: aut officii nostri pollicitatione: aut brevi præcipuorum locorum repetitione.

Exemplum apertæ Adhortationis, observatum in Epist. 9. lib. VII. ad Fam. qua Trebatium Cicero hortatur, de rebus suis ut scribat, operamq; det, ne occasiones optimas negligat, aut præproperè domum redeat. Partes Epistolæ illius quatuor sunt. Exordium in quo captandæ benevolentiz ergò, & scribendi sese in Trebario desiderare officium ostendit, & suum simul silentium excusat. Propositio est hortatoria, ne sibiipsi Trebati-  
us desit. Confirmatio adhortationis rationes à fine institutæ professionis, & turpi desumptas complectitur. Conclusio præcisione adhortationis, & petitione & narratiuncula de Octavio Trebatii amico absolvitur, t qui Ciceronem crebrò, sed parùm decerè; ideoque frustra ad coenam invitare solebat.

*Am diu ignoro quid agas: nihil enim scribis, neq; ego ad te his duobus mensibus scripseram, quia cum Qu. fratre meo non eras, quo mittorem, aut cui darem, nesciebam. Cupio scire quid agas, & ubi sis hyematurus, equidem velim cum Casare: sed ad eum propter ejus occupationes nihil sum ausus scribere: ad Balbum tamen scripsi. Tu tibi desce noli, scripsisti potius ad nos dum plenior. Quod*

*Confirm.* Quod hâc properes, nihil est, præsertim Vacerra  
*con. h. f.* mortuo: sed tibi consilium non deest, quid con-  
 Bitueris, cupio scire. Cn. Octavius, tuus fami-  
 liaris, summo genere natus, terra filius, is me, quia  
 scit tuum familiarem esse, crebro ad cœnam invi-  
 tat: adhuc non potuit perducere, sed mihi tamen  
 gratum est. Vale.

† IMITATIO HVIVS EPISTOLÆ,  
 qua monetur Adolefcens Studiosus, ut tempus atq;  
 ocium suum benè in Academiis collocet, operam-  
 que det, ne vacuus aliquando & inanis  
 domum redeat.

**J**Am diu ignoro, quid agas: quo-  
 modo studia tua instiruas: qua  
 aut fortunâ aut valetudine utaris.  
 Abes procul: scribis rarò: & ea ipsa  
 quæ scribis, ejusmodi sunt: ut me  
 aliosque tui amantes non parùm  
 anxios sollicitosq; reddant. Neq;  
 ego ad te aliquot jam mensibus li-  
 teras dederam; quia in Galliâ am-  
 pliùs non eras: quò mitterem aut  
 cui eas traderem, ignorabam: ne-  
 gotiis etiam non parvis districtus  
 disten-

distentusq; tenebar. Per quam sci-  
re aveo, quos viros nunc doctos au-  
dias: quæ studia tua sint atq; exer-  
citia privata, quorum amicitia &  
familiaritate utaris: & diligenter  
assiduò constanter utaris: nec, quod  
multi magno suo cum malo atque  
damno faciunt, crebrò aut docto-  
rem aut locum mutes. In illam et-  
iam mente totâ curam incumbes:  
ne, cum ad continuanda studia ne-  
cessaria omnia tibi suppetant: tibi  
ipsi defuisse: occasionibus in dor-  
miisse præclaris: parentum spem,  
expectationem cognatorum atque  
amicorum fefellisse videaris.

Seriùs potiùs ad nos, dum à do-  
ctrina magis instructus: paratus à  
linguis: moribus præditus politis  
redeas. Quod enim domum nunc  
properes, nihil est: præsertim cum  
ad sumptûs necessarios suppedi-  
tandos prompti sint parentes: quæ  
ad-



adhuc discenda restent non pauca: conditio in patria nulla jam vacet. Verùm hisce de rebus plura, opinor, ad te parens tuus perscribet. Philippus, familiaris, ut audio, & amicus olim tuus, quia tui me esse amantem intellexit, aliquoties ad cenam me invitavit. Sed adhuc certis de causis, morem ei gerere nolui. Interim tamen non ingratum hoc ejus mihi est officium. Idq; occasione datâ scribere ad eum te velim, ne fortè contemni à me sese suspicetur. Vale.

**E**xemplum occultæ cohortationis, (qua, cum ad potentiores, aut eos, qui naturæ quodam vitio cohortationes molestè ferunt, utendum est) observatum in Epist. 3. lib X ad Fam. qua Cicero Plancum hortatur, ut omnem suam operam & studium in patriæ defensionem conferat: Scripta est Epistola eo tempore, quo Antonius occiso Cæsare, Rempub. divexare cœperat. Epistolæ partes sunt quatuor.

Prima est, Exordium, quod totum ad be-



nevolentiam conciliandam dirigitur, habet membra duo: alterum commemoratione virtutum Planci constat: alterum commendatione amicitia & Familiaritatis, quam Cicero pervetustam cum Planci familia habuerat.

Altera pars Propositio est, quæ ipsam adhortationem continet, non nudè sed amoris & necessitudinis testificatione factam.

Tertia Confirmatio, argumenta habet adhortationis, ab opinione & iudicio hominum, à facultate & occasionibus præclaris ab utilitate desumpta. Quarta est Conclusio, quæ Verècundâ expositione causarum institutæ adhortationis, & officii pollicitatione absolvitur.

*Cum ipsum Furnium per se vidi libentissimè, tum hoc libentius, quod illum audiens te videbar audire: nam & in re militari virtutem, & in administrandâ provinciâ iustitiam, & in omni genere prudentiam mihi tuam exposuit: & præterea mihi non ignotam in consuetudine & familiaritate suavitatem tuam adpuxit: præterea summam erga te liberalitatem: qua omnia mihi iucunda: hoc extremum etiam gratum fuit. Ego, Plance, necessitudinem constitutam habui cum domo vestra antè aliquantò, quàm tu natus es: amorem autem erga te ab ineunte pueritiâ tuâ, confirmatâ jam etate familiaritatem, tum studio*

meo, tūc iudicio tuo constitutam. His de causis mirabiliter faueo dignitati tua: quam mihi tecum statuo esse communem. Omnia summa consecutus es virtute duce, comite fortunā: eaq; es adeptus adolescens, multis invidentibus, quos ingenio inastriaq; fregisti. Nunc me amantissimum tui nemini concedentem, qui tibi vetustate necessitudinis porior possit esse, si audies: omnem tibi reliqua vita dignitatem ex optimo Reipub. statu acquires. Scis profecto (nihil enim te fugere potuit) fuisse quoddam tempus, cum homines existimarent, te nūmus feruere temporibus: quod ego quoq; existimarem, si te ea qua patiebare, probasse etiam arbitrarer: Sed cum intelligerem, quid sentiret, prudenter te arbitrabar videre quid posses, nunc Alia ratio est omnium rerum: tuum iudicium est, idq; liberum. Consules designatus, optimā aetate, summā eloquentiā, maximā orbitate reip. virorum talium. Incumbe per deos immortalis, in eam curam & cogitationem, qua tibi summam dignitatem, & gloriam afferat. Vnus autem est, hoc praesertim tempore, per tot annos Repub. vexata, Repub. bene gerenda, cursus ad gloriam. Hac amore magis impulsus scribenda ad te putavi, quā quod arbitrarer te monitis & praeceptis meis egere. sciebam enim ex iisdem te haec haurire fontibus, ex quibus ipse hauseram, quare modum faciam. Hoc tantum significandum putavi.

tavi, ut potiùs amorem tibi ostenderem meum, quàm ostentarem prudentiam. Interea qua ad dignitatem tuam pertinere arbitrabor, studiosè diligenterq; curabo. Vale.

† IMITATIO HVIVS EPISTOLÆ,  
quà hortabimur amicum, ut in officio, quod ei  
contigit, & diligentem sese, & for-  
tem prabeat.

Cum amicum tuum veterem  
per se vidi libentissimè; tum  
hoc longè mihi extitit gratissimum,  
quod illum audiens, tecum mihi  
conferre sermones videbar. Nam  
& in consiliis de Republ. capiendis  
diligentiam: & in sustinendis labo-  
ribus industriam: & benè de singu-  
lis merendi studium mihi tuum  
exposuit: adiecit & illud (quod ta-  
men antè notum mihi erat) tuam  
humanitatem atq; liberalitatem ab  
omnibus amari summisq; in cœ-  
lum usque laudibus evchi. Quæ  
quàm mihi auditu jucunda extite-  
rint omnia, dici non potest. Antè



enim, quàm lucem tu hanc primò  
aspexisti, necessitudo mihi tuis cum  
parentibus totâque domo vestrà  
constituta fuit. Te autem ab ineun-  
te tuâ pueritiâ, amore sum & bene-  
volentia complexus : pòst etiam ,  
confirmatâ jam etate judicavi eum,  
de cujus ego mihi amicitia atq; fa-  
miliaritate gratularer. Et adhuc  
hodiè ex animo honoribus tuis fa-  
veo, qui limos, quod ajunt, oculos  
multos efficiunt. Amici etiam cum  
sit candidi & sinceri, monere; etiam  
atq; etiam te hortor, ut (quod facis)  
in munere gerendo omnia ea adhi-  
beas, quæ bonorum satisfacere ex-  
pectationi atq; voluntati: malevo-  
lorum atq; invidorum, quantum  
his quidem fieri temporibus po-  
test, subterfugere reprehensiones  
& calumnias possunt. Nosti pro-  
fectò, (neq; enim fieri potuit, quin  
ad te ista deferrentur) fuisse quos-  
dam,



dam, qui parùm de te commodè loquerentur: quasi ad opes, ad gratiam, ad honores adq; dignitates viam tibi munires, ideoque tuis actionibus offendere neminem velles. Quod sanè & ipse credidissem, nisi pro eâ, qua præditus es, prudentiâ, tulisse tum te, at non probâsse multa, quid posses, non quid velles considerâsse, arbitratus fuissem. At aliter nunc res sese habent. Liberum tuum est, atq; solutum iudicium, cum, & autoritate & potentiâ apud omnes valeas plurimum. In eam igitur curam incumbes, quæ tuâ est familiâ digna; personæ conveniens, quaq; sola ab oblivione atq; interitu memoria tua vindicata magnâ cum laude ad posteritatem usq; transmittetur. Scriberem hanc in sententiam plura, nisi tuâ te spontè in Rempub. animatum esse egregiè scirem. Et hæc

50 DE CONSCRIBENDIS

quæ attigi, non profectò attigi,  
quòd meis te monitis opus habere  
putarem; aut nescio quam ostenta-  
re prudentiam vellem, sed ut amo-  
rem in te meum singularem testa-  
tum facerem. Itaq; & æqui boniq;  
consules ista: & me omnia illa, quæ  
ad dignitatem aliaque pertinere  
commoda videbuntur, curaturum  
diligenter, persuasum habebis.  
Vale.

HORTANDI FOR-

*mila.*

**V**OS *in* hortor & moneo.

Illud te esse admonitum volo.

Te hortor, cum beneficiis tuis, tum amore  
incitatus meo, &c.

Extra jocum moneo te, quod pertinere ad  
beatè vivendum arbitror, ut te bonis semper,  
probis ac honestis adjungas socium.

Te hortor, ut omnia gubernes, & modera-  
re prudentiâ tuâ, ne te auferant aliorum con-  
silia. Nemo est, qui tibi sapientius sva-  
dere possit teipso: nunquam labere, si te au-  
dies. Non scribo hæc temerè; cui scribam,  
video.

Hor.

Hortor, ut ad eas te referas artes, quibus à primis temporibus ætatis studium tuum dedisti.

Te hortor, ut omni curâ in Rempublicam incumbas: hoc est animi, hoc ingenii tui, hoc ejus spei, quam habere debes amplificandæ gloriæ & dignitatis tuæ.

Illud erat amoris mei, quem à tua pueritia susceptum non servavi solum, sed etiam auxi, monere te atq; hortari, ut in Rempublicam omni cogitatione curâq; incumberes.

Quamobrem omnibus officiis amicitia diligenter à me sancteq; servatis, ne hoc quidem prætermittendum esse duxi, te ut adhortarer, rogaremq;, ut & hominem te, & virum esse meminisses, communem incertumque casum, quem neque vitare quisquam nostrum, neq; præstare ullo pacto potest, sapienter ferres, & dolori fortiter ac fortunæ resisteres.

Incumbe, per Deos immortales, in eam curam & cogitationem, quæ tibi summam dignitatem & gloriam affert.

Quare contende quæso, atq; labora, ut vitæ tuæ ea ratio sit, ut omnes boni cum faveant, tum etiam à te omnem diligentiam, virtutemq;, & postulent & expectent.

Facies perpetuò, quæ fecisti, ut omnes ex-



quitatem tuam, temperantiam, securitatem, integritatemq; laudent.

Illud te ad extremum & oro, & adhortor, ut tanquam poëtae boni, & actores industrii solent, sic tu in extrema parte, & conclusione muneris ac negotii tui diligentissimus sis.

Magnopere te hortor pro tuo singulari perpetuoque studio in Rempubl. ut te ad nos conferas, ut communi consilio Reip. affictæ opem atq; consilium feramus.

Hortor verò, ut maneat in sententia, neve cujusquam vim aut minas pertimescas.

Ad cursum istum tenendum, quem à prima ætate suscepisti, adhortor.

Noli in conservandis bonis Viris defatigari, non cupiditate præsertim, aut pravitate aliqua lapsis, sed opinione officii stulta fortasse, non improba.

Oro obtestorque te pro nostra vetere conjunctione ac necessitudine, proq; summa mea in te benevolentia, & tua in me pariter, te ut nobis, parenti, conjugii, tuisq; omnibus, quibus es, fuistiq; semper carissimus, saluum conserves, incolumitati tuæ tuorumque qui ex te pendent consulas: quæ didicisti, quæq; ab adolescentia pulcherrimè à sapientissimis viris tradita memoriâ & scientiâ comprehendisti, iis hæc tempore utare, quos conjunctos sum.



summa benevolentia plurimisque officiis amissisti, eorum desiderium si non a quo animo, ac forti feras.

Tu velim animo sapienti fortique sis, ut tua moderatio & gravitas aliorum infamet injuriam.

Te ipsum moneo (quanquam non eges consilio, quo vales plurimum: tamen & summi gubernatores in magnis tempestatibus à veteribus admoneri solent) hunc tuum apparatus, tamque præclarum, ne ad nihilum recidere patiar.

Quapropter hoc te primum rogo, ne contrahas, aut dimittas animum, neve te obrui tanquam fluctu, sic magnitudine negotii, finas: contraque erigas, ac resistas, siue etiam occurras ultrò negotiis.

Etiam illud te admoneo, ne quid ullis literis committas, quod si prolatum sit, molestè feramus: multa sunt, quæ ego nescire malo, quam cum aliquo periculo fieri certior. Hæc ad te scripsi fortasse pluribus, quam necesse fuit, ut videres, tuas quoque esse partes instituendi & monendi. Reliquum est, ut antequam proficiscare, mandata nostra exhaurias.

Fortissimus quisque maximos labores suscipiendos esse putet, ut aliquando in otio possit esse, præsertim cum dignitate.

Vitam ad certam rationis normam dirigito, & diligenter momenta officiorum perpendito,

Amemus patriam, pareamus senatui, consulamus bonis, præsentes fructus negligamus, posteritati & gloriæ serviamus, cogitemus, quod erit rectissimum.

Illud te esse admonitum volo: primum, qualis es, talem te existimes, & quantum à rerum turpitudine abes, tantum te à verborum libertate sejungas: Deinde, ut ea in alterum ne dicas, quæ cum tibi falsa responsa sint, erubescas.

Quæ quidem adhortatio ne tibi inanis, aut sine causâ suscepta videatur, illa me ratio moveat, ut ex nostris eventis communibus admonendum putarem, ut considerares in omni reliquâ vitâ, quibus crederes, quos caveres.

Quid sit forti atq; sapienti homine dignum, quid gravitas, quid altitudo animi, quid antea tua vita, quid studia quid artes, quibus à pueritia floruisti, à te flagitent, tu videbis.

Magna spes in te, & in tuo exercitu magna expectatio, cujus, per Deos gratiæ, gloriæq; cave tempus amittas. Sic moneo, ut filium: sic faveo, ut mihi: sic hortor, ut & pro patria & amicissimum.

Incumbe toto animo, & studio omni, in  
cam

eam rationem, qua adhuc usus es: ut eos, quos tuæ fidei potestatiq; S. P. Q. R. commisit & credidit, diligas, & omni ratione tueare, ut esse quàm beatissimus velis.

Sed præsta te eum, qui mihi à teneris (ut Græci dicunt) unguiculis es cognitus.

Teq; ad studium summæ laudis cohortabor: est enim tibi gravis adversaria constituta, & parata incredibilis quædam expectatio, quam tu una re facilimè vinctes, si hoc statueris, quarum laudem & gloriam adamaris, quibus artibus ex laudes comparantur, in iis esse laborandum.

Quare magnum fac animum habeas, & spem bonam. Cessator esse noli, & illud, *γνώσις σεαυτοῦ* noli putare ad arrogantiam minuendam solum esse dictum, verum etiam, ut bona nostra norimus.

Te adhortor, ut in eam rationem, in qua multi & honore & gloriâ floruerunt, incumbas: recorderis, virtuti te, non desidîæ: dignitati, non voluptati: laudi deniq; non otio esse natum.

Para te, meditare, atq; cogita, ut perditissimis flagitiis oppressam Rempublicam in pristinam vindices libertatem.

Vos adolescentes, qui ingenio & virtute summam laudem consequi potestis, ad majorum

jorum vestrorum, quorum prudentia imperii  
hujus splendor ac gloria constituta est, imita-  
tionem vos componite.

Perge nomen tuum commendare immor-  
talitati: atq; hæc omnia, quæ habent speciem  
gloriæ, collecta ex inanissimis splendoris  
imaginibus, contemne, brevia, fugacia, &  
caduca existima. Verum decus, in virtute  
positum est, quæ maximè illustratur magnis  
in Rempubl. meritis.

Si me audies, semper bonorum virorum  
studiosus eris: Longè enim pulchrius est, bo-  
nos imitando benè audire, quàm malos se-  
quendo apud omnes, tandem malè audire.

*HORTANDI AD MITTEN-  
dum literas formula.*

**I**Taq; tuas literas exspecto, easq; ut ad me  
sine dubitatione scribas rogo.

Tu tamen, velim, ne intermittas, quoad  
ejus facere poteris, scribere ad me, etiam si  
rem de qua scribas, non habebis: semper e-  
nim aliquid afferunt tuæ literæ.

Sic igitur facies, meque amabis & scripto  
aliquo laceßes. Ego enim respondere facili-  
us possum, quàm provocare. Quod si (ut  
es) cessabis, laceßam, ne tua ignavia etiam in-  
sertiam afferat.



Sed tamen te rogo, ne intermittas scribere ad me quidquid erit, eosq; , qui mihi tam crudeliter inimici sunt, si odisse non potes, accuses tamen, non ut aliquid proficias, sed ut tibi me charum esse sentiant. Plura ad te scribam, si mihi ad eas literas, quas proximè ad te dedi, scripseris.

Tu ad me velim quàm sapissimè scribas, atq; magis, quòd prætereà nemo scribit, ac si omnes, tuas tamen maximè expectarem. Tu mihi etiam, si nihil erit quod scribas, tamen id ipsum scribas velim, dummodo ne his verbis.

Tu velim, & quid agas, & quid acturum te putes, facies me quàm diligentissimè certiorerem.

Velim quàm sapissimè mecum per litteras colloquare, etiam si rem, de qua scribas, non habebis.

Velim diligentius omnia, quæ putâris me scire opus esse, perscribas.

Quoties habebis cui des ad me literas, nolim prætermittas.

Scribe ad me quid agas, & à nobis quid fieri aut curari velis.

Facito nos statim, quid constitueris, & quid agas, si tibi videbitur, certiores.

Cum in primis tuas literas desiderem, noli com-

committere, ut excusatione potius expleas officium scribendi, quàm assiduitate literarum.

Tu velim ad nos sæpè scribas: si rem nullam habebis, vel quod in buccam venerit, scribite.

Absentiam nostram crebris literis sarciamus.

Crebris nos literis appellato, quibus omnino de re me erudias.

Velim quàm sapissimè mecum per literas colloquare.

Tu etiam atq; etiam cures, ut valeas, literasq; ad me mittas, quotiescunq; habebis, cui des.

*Vide plura in exordiis Epistola, qua ad scribendum provocamus.*

## NOTIO DE EPISTOLA

### *Dehortatoria.*

**V**ix unquam alterum cohortamur, quin eadem operâ dehortemur. Quo in genere cum versabimur, exempla eorum, quibus ea res haud feliciter evenerit, congeremus. † Deinde rei turpitudinem, probum, convitia, incommoda colligimus: Quæ per exornationem, quam Rhetores Descriptionem vocant, ante oculos ponemus. Utrique verò generi tam exhortatorio, quàm dehortatorio, quid, quòq; modo respondendum sit, natura ipsa docebit. Nemo enim est tam inhumanus, nisi for-

fortè superbus & arrogans, qui gratias non agat hortatori, gratissimumq; ejus officium fuisse sibi significet.

## DEHORTANDI FORMVLÆ.

**P**ER fortunas tuas, per liberos, te oro atque obsecro, ne quid gravius de salute & incolumitate tuâ consulas.

Etiam atq; etiam cogita, ne te, tuosq; omnes funditus evertas: ne te sciens prudensq; eò demittas, unde exitum nullum vides esse.

Peto à te pro tua fide ac diligentia pluribus verbis, ne per summam injuriam me fortunis coneris evertere.

Rogo ad extremum, ne usq; eò meam auctoritatem despicias; gratiamque nostram contempnas, neve tantâ injuriâ afficias.

Remitte spiritum aculeorum plenum; comprime animum tuum, sedâ arrogantiam.

Hæc labes imposterum à te dimoveatur velim.

Impudentiæ tuæ fac finem aliquando.

Nolite animum meum debilitare, tum luctu, tum etiam metu commutata vestra voluntatis erga me.

Ab hoc improbo certamine, atq; injusta contentione te avoco.

Flecte te, & mores tuos respice.

Hanc,

Hanc, quæso, pro tua singulari animi sapientia reprime famam, atque effice, ne id, quod non curas, curare videaris.

Desine bonos petulantissimâ linguâ confectari: desine morbo procacitatis isto uti: deniq; desine unumquemq; moribus æstimare tuis, his moribus tibi facere amicum non potes, videris velle inimicum habere.

Noli mihi soporem & languorem exprobrare.

Deos hominesq; amicitiamq; nostram testificor, me tibi prædixisse, neq; temerè monuisse, sed postquam Cæsarem convenerim, sententiamq; ejus, qualis futura esset parta victoria, cognorim, certiore fecisse.

Vide ne te in laqueos inducas, quorum ex nullo te unquam expedire queas.

Cavendum est tibi, ne quam insignem maculam & ignominiam suscipias.

Noli tam esse injustus, ut cum tui fontes vel inimicis tuis pateant, nostros rivulos etiam amicis putes clausos esse oportere.

Noli hac mea lenitate nova abuti.

Cave, ne qua generi ac nomini tuo nota nefariæ turpitudinis inuratur.

Providete, ne rei crudelitas in me experta in vos convalescat, & calamitas remorata longius serpat atq; progrediatur, cave.

RE-



RESPONSIO AD HORTATORI-  
*am & Dehortatoriam Epistolam.*

**A**D Hortatoriam rescribes gratam tibi fuisse amici hortationem. Plurimum apud te valuisse illius consilia & admonitiones; effecisse, ut nihil in votis habeas magis, quàm iisdem te satisfacere posse. Ages præterea gratias, semper id te in memoria habiturum commemorans.

Cùm te quis hortatus, Dehortatusve fuerit, de rebus, quas tuâ sponte factururus esses, respondere poteris, confirmari tua consilia; cùm sentis prudentibus, fideliterq; svadentibus idem videri. Si statuisti non facere, à quibus ille dehortabatur, te mirari dices, cur id dicat, aut talia de te suspicetur, cùm non desint rationes, cur id de te nec dicere, nec suspicari deberet. Omnia tamen in bonam te accipere partem scribes.

Si quid vehementer addubitas in ea re, ad quam te hortatur; te tamen facturum dices, quia ipse hortatur: tuæ tamen dubitationis rationes commemorabis.

Petes igitur ab amico, ut examinet secum, omnesq; quos monuisti in utrâq; parte calculos ponat: ut id eligat, in quo vicerit ratio: ab amico enim ratio exigetur: Te excusabit obsequium.

Cùm

## 62 DE CONSCRIBENDIS

Cum verò amici præceptis parere cupimus, & aliquâ impedimur causâ, quò minus ea exsequi possimus, tunc idoneis utendum erit excusationibus.

Quatuor autem potissimum in respondendo partes sunt.

*Exordium*, quod constabit, aut brevi repetitione, & commendatione institutæ ab amico exhortationis: aut reprehensione & infectione malevolorum: aut excusatione neglecti in scribendo officii.

*Propositio* approbationem vel improbationem adhortationis continet.

*Confirmatio* rationes & argumenta ponet; quibus scilicet impellamur, ut exhortationi locum relinquamus; eaq; sumentur, vel ab Honestate vel Utilitate ipsius adhortationis: vel à rerum & temporum conditione: vel ab ejus, qui ad nos scripsit, fide, prudentiâ, auctoritate: vel ab ingenio, moribus, consuetudine nostrâ. Si exhortationi obsequi non sit animus, rationes illius ponendæ.

*Conclusio* absolvetur pollicitatione, & petitione: Pollicebimur siquidem monitis nos amici obtemperaturos: Eundemq; rogabimus, ut quoq; deinceps nos sibi commendatos habeat.

Interdum & Refutationi est & Excusationi

ni locus: cum malevolorum mendaciis & calumniis sumus onerati.

Exemplum responsionis ad Hortatoriam, observatum in 4. epistol. lib. X. ad Fam. qua Plancus Ciceroni pro adhortatione gratias agit, eidemq; obtemperaturum se promittit. Epistolæ partes sunt quatuor. Exordium commendationem institutæ adhortationis, & excusationem tarditatis in respondendo habet. Præpositio approbationis adhortationis, & obedientiæ pollicitatione constat. Confirmatio rationes & causas complectitur, quibus adductus Plancus Ciceroni obtemperat, desumptas nimirum ab utili, & auctoritate. Conclusio officii promissione absolvitur.

*G*ratissima mihi tua littera fuerunt, quas ex Furnii sermone te scripsisse animadverti. Ego autem præteriti temporis excusationem afferro, quod te profectum audieram, nec multò antè rediisse scivi, quàm ex epistola tua cognovi: nullum enim in te officium, ne minimum quidem, sine maximâ culpâ, videor posse præterire. In quo tuendo habeo causas plurimas, vel paterna necessitudinis, vel mea in te à pueritia observantia, vel tui erga me mutui amoris. Quare, mi Cicero, quod mea tuaq; patitur atas, persvade tibi te unum esse, in quo ego colendo patriam mihi constituerim  
san.



## 64 DE CONSCRIBENDIS

sanctitatem. Omnia igitur tua consilia mihi non magis prudentia plena, qua summa est, videntur, quam fidelitatis, quam ego ex mea conscientia metior. Quare si aut aliter sentirem, certe admonitio tua me reprimere: aut si dubitarem, hortatio impellere posset, ut id sequerer, quod tu optimum putares. Nunc verò quid est, quod me in aliam partem trahere possit? quaecumque in me bona sunt, aut fortuna beneficio tributa, aut meo labore parta, etsi à te propter amorem carius sunt aestimata, tamen vel inimicissimi iudicio tanta sunt, ut prater bonam famam, nihil desiderare videantur. Quare hoc unum tibi persuade, quantum viribus eniti, consilio providere, auctoritate movere potuero, hoc omne reip. semper futurum. Non est ignotus mihi sensus tuus: neque si facultas, optabilis mihi quidem, tui praesentis esset unquam à tuis consiliis discreparem: nec nunc committam, ut ullum meum factum reprehendere jure possis. Sum in expectatione omnium rerum, quid in Gallia citeriore, quid in urbe, Ianuario mense geratur, ut sciam. Interim maximam hanc sollicitudinem, curamque sustineo, ne inter alia vitia haerentes nostra mala suam putent occasionem. Quòd si proinde ut ipse mereor, mihi successerit, certe et tibi, cui maximè cupio, & omnibus viris bonis satisfaciam. Fac valeas, meque mutuo diligas.



† IMITATIO HUIUS EPISTOLÆ,  
*Continentis responſionem ad ſuperiores literas.*

**P**ER quàm gratæ mihi tuæ acceptæq; extiterunt literæ. Nam & animum in me benevolum promptumq; declarârunt. & verò adhortationem continuerunt longè ſaluberrimam. Reſpondiſſem ad eas citius, niſi te nescio quò profectum eſſe audiviſſem. Neq; enim officium ſine magna *ἀχαρίστια* reprehensione intermittere me poſſe, intelligo. Et quidem rei huius cauſas habeo plurimas & maximas; vel paternam amicitiam: vel meam in te obſervantiam: vel deniq; beneficia, quæ in me hætenus contuliſti, & adhuc confers quotidie. Itaq; etiam atq; etiam rogo, hoc tibi perſvadeas, unum te eſſe, quem parentis ego loco colam: Et in quo ſpem meam omnem fixam locatamq; habeam.

Ope-

Operam me quoq; daturum: Ut tua  
 apud me monita & prudentiæ, & fi-  
 delitatis plena eum, quem debent,  
 locum inveniunt: Nec in capeffen-  
 da Repub. officio defuisse meo cui-  
 quam videar. Pertinet hoc scilicet  
 ut graviter mones, ad famam præ-  
 claram colligendam, & comparan-  
 dam gloriam, quæ egregiis, vel in  
 cives, vel in patriam, vel in omne ge-  
 nus hominum meritis acquiritur.  
 Accedit deinde autoritas tua, quæ,  
 ut modò scripsi, apud me est tanta,  
 ut à tuis discrepare consiliis, religi-  
 oni habeam. Quantum ergò con-  
 sequi studio: viribus eniti: autori-  
 tate qualicunq; efficere meâ pote-  
 ro, in id unicum incumbam: ut Rei-  
 pub. me verè fuisse amantem ac stu-  
 diosum, & qui nunc vivunt, intelli-  
 gant. Et grata aliquando posteri-  
 tas testetur. Neq; in cæteris etiam  
 rebus committam; ut ullum meum  
 factum

factum abs te, aut aliis viris bonis reprehendi queat. Vale.

## DE CONSOLATORIA

*Epistola.*

**I**N consolando primum nostrum dolorem ex amici infelicitate, molestia, rei alicujus jactura perceptum declarabimus: vel modestas vires atque ingenium in consolando nostrum extenuabimus, vel amorem, benevolentiam, studium, officium commemorabimus: vel occasionem ob quam ipsa suscepta scriptaq; sit consolatio, narrabimus: vel sapientiam, gravitatem, animiq; magnitudinem amici predicabimus: vel petemus, ne propter literarum aut raritatem, aut tarditatem, atq; intermissam ad tempus consolationem in miseris amicum neglexisse videamur. Licet quandoq; a rationibus ipsis, quibus aliquando amicus te consolatus fuit, incipere.

Deinde hortabimur amicum, ut omnem adversam fortunam fortiter ferat, & quid sit forti & sapienti homine dignum, cogitet: vel meliorem fortunam praesto illi pollicebimur: vel causam exponemus, cur iterum ei consolationem adhibeamus, quem antea consolati fuimus.



Postea blandè & amicè rationes reddemus, quibus amicum à molestiis, & dolore abducere conemur: ex fumentur vel à voluntate Dei, cujus nutu justè, clementer, & sapienter sunt, & gubernantur omnia, cuiusq; proprium est, dolorem & incommoda omnia, in latitiam utilitatemq; convertere: vel à communi omnium fortunâ & conditione: eâ enim lege nati sumus omnes, ut nihil, quod homini accidere possit, recusare debeamus: vel ab aliorum exemplis, qui easdem calamitates sunt experti: vel à conscientiarum integritate, & culpæ vacatione: vel à temporum conditione, deploratoq; Reip. statu: vel ab antea facta vita, moribus, studiis, quibus à pueris floruit: vel à studiis, officiis, auxiliis amicorum & propinquorum: vel à testimonio & iudicio bonorum virorum: vel à malis & periculis impendentibus; vel à collatione eorum, quæ amissa & retenta sunt.

Postremo nostram amico operam, studiumq; pro viribus nostris pollicebimur: vel gratiâ contendemus, & rogandò, si quid nostrâ, aut aliorum causâ velit, ut illis se molestiis laxet: vel ad animi magnitudinem hortabimur; vel antè allatas rationes repetemus: vel causas institutæ adhortationis exponemus: vel excusabimus nos, cur longiores non sumus,



simus, ne vel diffidere prudentiæ amici videamur, vel illum obtundere.

Exemplum artificiosæ consolationis, observatum in 5, Epist. lib. 4. ad Fam. qua Servius Sulpitius, Orator & Jurisconsultus eximius, tunc Achaiam Cæsaris iussu administrans, Ciceronem ipsum, propter filix Tullix ex partu obitum, consolatur, tantâ auctoritate, prudentiâ, humanitate, orationisq; suavitate, ut nihil in eo genere putetur exstare perfectius. Partes illius Epistolæ sunt quatuor. In Exordio communem dolorem declarat, studium officiumq; suum commemorat, & modestè se excusat. In Propositione ad animi magnitudinem hortatur. Confirmatio argumenta complectitur, sumpta à collatione honorum: viri fortis officio: perturbato Reipub. statu: de mortuæ filix conditione: clarissimorum virorum exemplis: communi omnium hominum fortunâ: à Ciceronis prudentiâ & vitâ antea actâ. Conclusio præcisione, in qua causa, cur non plura scribat, exponitur, & adhortatione absolvitur.

**P**osteaquam mihi renunciatum est de obitu Tullia filia tua, sanè quàm pro eo, ac debui, graviter molesteq; tuli: communemq; eam calamitatem existimavi: qui si isthic affuissem, neq; tibi defuissem, coramq; tibi dolorem meum declarâssem.

Et si genus hoc consolationis miserum, atq; acer-  
 bum est, propterea, quod per quos id consieri de-  
 bet, propinquos ac familiares, ipsi pari molestia  
 afficiuntur, neq; sine lachrymis multis id conari  
 possunt: ut magis ipsi videantur aliorum consola-  
 tione indigere, quàm aliis posse officium suum pra-  
 stare: tamen qua in presentia mihi in mentem  
 venerunt, decrevi brevi ad te perscribere: non quod  
 ea te fugere existimem: sed quod forsitan dolore  
 impeditus, minùs ea perspicias. Quid est quod  
 tanto opere te commoveat tuus dolor intestinus?  
 Cogita, quemadmodum adhuc fortuna nobiscum  
 egerit: Ea nobis erepta esse, qua hominibus non  
 minùs, quàm liberi cara esse debent, patriam ho-  
 nestam, dignitatem, honores omneis. Illoc uni  
 incommodo additb, quid ad dolorem adungi po-  
 tuit? Aut qui non in illis rebus exercitatus ani-  
 mus callere jam debet, atq; omnia minoris aestima-  
 re? At illius vicem (credo, doles,) quoties in eam  
 cogitationem necesse est ut tu veneris, ut Enos sa-  
 pè incidimus, hisce temporibus non passim cum in-  
 esse actum, quibus sine dolore licitum est, mortem  
 cum vitâ commutare? Quid autem fuit, quod il-  
 lam hoc tempore ad vivendum magnopere invi-  
 tare posse? qua res? qua spes? quod animi consola-  
 tium? ut cum aliquo adolescente primario con-  
 iuncta aetatem ageret? Licitum est tibi (credo)  
 pro tua dignitate ex hac juventute generum dili-

gere,

gere, cuius fidei liberos tuos, reque tutò committere putares. An ut ea liberos ex sese páreret, quos cum florentis videret, lataretur? qui rem à parente traditam per se tenere possent; honores ordinatim petaturi essent in repub. in amicorum negotiis libertate sua uterentur? quid horum fuit, quod non prius quàm datum, ademptum sit? At verò malum est liberos amittere, Malum, nisi hoc peius sit, hæc sufferre & perpeti. Quæ res mihi non mediocrem consolationem attulit, volo tibi commemorare, si fortè eadem res tibi minuire dolorem possit. Ex Asia rediens, cum ab Aegina Megaram versus navigarem, cæpi regiones circum circa prospicere, post me erat Aegina, ante Megara, dextra Piræus, sinistra Corinthus. Quæ oppida quodam tempore florentissima fuerunt, nunc prostrata & diruta ante oculos jacent: cæpi egomet mecum sic cogitare: Hæc nos homunculi indignamur, si quis nostrum interiit, aut occisus est, quorum vita brevior esse debet, cum uno loco tot oppidorum cadavera projecta jaceant: visne tu te, Servi, cohibere, & meminisse, hominem te esse natum? Crede mihi, cogitatione ea non mediocriter sum confirmatus. Hoc idem si tibi videtur, fac ante oculos tibi proponas. Modo uno tempore tot viri clarissimi interierunt: de imperio præterea tanta diminutio facta est; omnes provincia conquassata sunt: in unius muliercula animula, si jactura facta est,



tantoperè commoveris? qua si hoc tempore non  
 suum diem obiisset: paucis post annis tamen ei  
 moriendum fuit, quoniam homo nata fuerat.  
 Etiam tu ab hisce rebus animum ac cogitationem  
 tuam avoca: atq; ea potius reminiscere, qua digna  
 tua persona sunt: illam quandiu opus fuerit, vixisse:  
 unà cum rep. fuisse: te patrem suum prætorem,  
 consulem, augurem vidisse, adolescentibus primariis  
 nuptam fuisse, omnibus bonis propè perfuncta  
 esse: cum res. occideret, vitâ excessisse. Quid est,  
 quod tu, aut illa cum fortuna hoc nomine queri  
 possitis? Deniq; noli te oblivisci Ciceronem esse, &  
 eum, qui aliis consueveris precipere & dare consilium,  
 neq; imitari malos medicos, qui in alienis  
 morbis proficiunt, se tunc in modicis se morbo  
 ipsi se curare non possunt: sed potius, qua aliis  
 precipere soles, ea tute tibi subijce, atq; apud animum  
 propone. NVLLVS dolor est, quem non longin-  
 quitas temporis minuat, atq; molliat, hoc te  
 expectare tempus ac non ei rei sapientia tua occurrere,  
 tibi turpe est, quod si quis etiam inferis sensus  
 est: qui illius amor in te fuit, pietasq; in omnibus  
 suos, hoc certè illa te facere non vult. Da hoc  
 illi mortua: da ceteris amicis & familiaribus, qui  
 tuo dolore moerent: da patria: ut si qua in re opus  
 sit, operâ & consilio tuo uti possit. Deniq; quoniam  
 in eam fortunam devenimus, ut etiam huic  
 rei nobis serviendum sit: noli committere, ut quis-  
 quam



quam te putet non tam filiam, quam reip. tempo-  
ra & aliorum victoriam lugere. Plura me ad te  
de hac rescribere pudet, ne videar prudentia tua  
diffidere. Quare; si hoc unum proposuero, sinem  
faciam scribendi. Vidimus aliquoties, secundam  
pulcherrimè te ferre fortunam, magnamq; ex ea re  
laudem adipisci: fac aliquando intelligamus, ad-  
versam te quoq; aquè ferre posse, neq; id magis,  
quàm debeat, tibi onus videri: ne ex omnibus vir-  
tutibus hac una tibi videatur deesse. Quod ad me  
attinet, cum te tranquilliorè animo esse cognoro,  
de iis rebus, quæ hîc geruntur, quemadmodumq;  
provincia se habeat, certiorè faciam. Vale.

† IMITATIO HUIUS EPISTOLÆ,  
continens consolationem erga amicum su-  
gentem filii obitum.

**P**OSTEAQUAM filium tuum hanc  
cum morte commutasse vitam  
intellexi; mœrore sanè sum ac tri-  
stitiâ incredibili affectus, eandemq;  
ad me quoque pertinere calamita-  
tem sum arbitratus. Quod si etiam  
tum per loci longinquitatem: tum  
occupationes illas, quibus distri-  
ctus teneor quotidie, ad te profici-

sci potuiffem: coràm profectio me-  
 um tibi testatum dolorem feciffem.  
 Ac licèt miserum omninò hoc fit  
 consolandi genus, quod apud affli-  
 ctum ab afflictis adhiberi propin-  
 quis, amicis, necessariis solet: Pro-  
 ptercà quod ipsi opus aliorum ha-  
 bere consolatione videntur. Ta-  
 men breviter per literas consolari  
 te conabor: Idq; officium in par-  
 tem optimam accepturum te pla-  
 nè confido. Neq; enim idcirco il-  
 lud facio, quàm tuæ hac in parte  
 prudentiæ diffidam: verùm quod  
 ita comparatum esse plerunq; sci-  
 am: Ut in rebus nostris nimio, aut  
 gaudio, aut dolore præpediti, quid  
 sit faciendum non videamus. Cur  
 ergò primùm tam graviter filii tui  
 ferendam esse mortem censes?  
 Considera obsecro, etiam atque  
 etiam considera, qua hætenus for-  
 tunâ simus usi: Quàm multa ami-  
 feri-

serimus, quæ, si non magis, æquè  
profectò atq; liberi jucunda nobis  
acceptaque esse debent. Deinde  
mentis oculorumque ad ea, quæ  
nunc fiunt & geruntur, aciem con-  
verte, & benè cum eo aliisq; actum  
esse fateberis, qui miseris hisce ac  
verè conclamatis temporibus ex  
hac vita placidè migrârunt, & quasi  
fugâ, cervicibus nostris imminen-  
tes calamitates, declinârunt. Quid  
verò illum ad diuturniorem hujus  
lucis expetendam tûram impelle-  
re posset? ut cum virgine aliquâ,  
honestâ ortâ familiâ & locupletè  
conjunctus vitam traduceret: Ut  
liberos procrearet, quibus dele-  
ctareris: ut reliqua à te bona tene-  
ret: ut ad honores & dignitates e-  
veheretur? Quid horum omnium  
est: quod non suas quoq; molestias  
atq; difficultates habeat? At verò  
malum est, filium amittere. Unde



## 76 DE CONSCRIBENDIS

quæso filium habuisti? Nonne precario quasi nomine à Deo usurarius tibi datus, ideoq; eundem repetenti reddendus fuit? Quid porrò in tota rerum est universitate firmum, stabile, perpetuum, omnisq; interitus expers? Quot obsecro, regna deleta? Quot mutata imperia? Quot urbes everse? Quot viri extincti clarissimi? An hominem filium fuisse tuum es oblitus, ea scilicet lege natum, ut cum aliis calamitatibus omnibus, tum verò morti obnoxius esset? Etiam illa considera, quæ tuâ cum primis dignâ personâ videatur: Pietate & virtute, non annorum numero vitæ æstimandam longitudinem esse. Filium tuum inter peregrinos quidem: At in Rep. Christianâ præclareq; constitutâ diem suum obisse: ubi neq; ad corpus, neq; animam curandam necessariis destitutus fuit. Domini quoq;



quoq; (ut cum scriptura loquamur)  
 esse terram omnemq; plenitudinē  
 ejus. Undiq; cœlestem in patriam  
 hac è vitâ migrantibus tantundem  
 viæ restare. Christianum te esse co-  
 gita, cujus est gratias Deo agere pro  
 concessis aliquandiu liberis, non de  
 iis abreptis cum eodem expostula-  
 re: Et quasi præmissum, non amif-  
 sum lugere. Veniant tibi in men-  
 tem ea, quæ mihi aliisq; simili in lu-  
 ctu præcipere es solitus: Neque  
 committe, ut illud tibi objiciatur:  
*ἄλλων ἰατρὸς αὐτὸς ἔλκεσι βεύων.* Aut  
 temporis expectâsse medicinam  
 videaris in iis, quibus pietate, ani-  
 mi magnitudine, sapientiâ, occur-  
 rendum erat. Scriberem hanc in-  
 sententiam plura, nisi vererer, ne  
 de tua dubitare prudentia viderer.  
 Prosperam & ad voluntatem fluen-  
 tem fortunam ferre semper mo-  
 deratè es solitus: Non ergò minùs

in adversis rebus infractum, erectum, excelsumque te præbebis. Quod si, uti spero, audiero, mihi gaudebo, tibi gratulabor. Sin minus atq; ita altæ radices tuo in animo mœror atq; agritudo egerit, ut evelli nullo modo queat: Tamen officium hoc qualecunque meum grato animo accipies: meq; ad omnia tua promptum paratumque fore semper persuasum habebis. Vale.

¶ Consolatoriarum literarum in Epistolis Familiaribus Ciceronis sunt præter hanc inter cæteras hæ præcipuæ: lib. V. Ep. 16. *Etsi nunc ex omnibus pulcerrimum exemplum.* &c. Item, ejusdem libri Ep. 17. *Non oblivione* &c. & ejusdem libri Ep. 18. *Etsi egomet* &c. Item lib. VII. epist. 1. *Etsi ea perturbatio* &c. Quæ præstantissima est. Et Ep. 4. *Novi quod ad te,* &c. Quæ est etiam eximia: Et 21. *Etsi cum hac ad te,* &c. Et in Epistolis ad Atticum lib. III. Ep. 11, 13, 16, 18.

## CONSOLANDI FORMYLÆ.

**R**eliquum est, ut consoler, & adferam rationes, quibus te à molestiis coner abducere. At ea quidem facultas, vel tui vel alterius consolandi, in te summa est, si unquam in ullo fuit. Itaq; eam partem, quæ ab exquisitâ quâdam ratione, & doctrinâ proficitur, non attingam, tibi totam relinquam. Quid sit & forti & sapienti homine dignum, quid gravitas? quid altitudo animi? quid acta vita tua? quid studia? quid artes tuæ, quibus à pueritia floruisti, à te flagitent, tu videbis.

Extremum illud est, ut te horter & obsecrem, animo ut maximo sis; Nec ea solum memineris, quæ ab aliis magnis viris accepisti, sed illa etiam, quæ ipse ingenio studioq; meo peperisti: Quæ si colliges, & sperabis omnia optimè, & quæ accident, qualiacunq; erunt, sapienter feres. Sed hæc tu melius vel optimè omnium.

Est omnino difficile, non graviter id ferre: Sed tamen animos nostros maximis in rebus gerendis & sustinendis exercitatos, frangi & debilitari molestiâ non oportet. Quoniam molestissimè homines ferre debent, quæ ipsorum culpâ contracta sunt.

Ego tibi hoc confirmo, etsi levis est consolatio ex miseriis aliorum, nihil te nunc



maiore in discrimine esse, quàm quemvis aut aliorum qui discesserint, aut eorum qui remanserint. Alteri dimicant, alteri victori timent. Sed hæc consolatio levis, illa gravior, quâ te uti spero, ego certò utor. Nec enim, dum ero, angar ullâ re, cum omni vaeem culpâ: Et si non ero, sensu omninò carebo. Sed rursus: *γλαῦκας εἰς ἄγῃνας*, qui ad te hæc.

Quod reliquum est, quod tibi virtus & dignitas tua reditum ad tuos aperuit, est tuæ sapientiæ, magnitudinisq; animi, quid amiseris, oblivisci: quid recuperaveris, cogitare. Vives cum tuis, vives nobiscum. Plus acquisivisti dignitatis, quàm amisisti rei familiaris. Quæ tamen ipsa esset jucundior, si ulla esset Respub.

Tu fac habeas fortem animum quem semper habuisti: Primum ob eas causas, quas scripsi: Deinde quod ea de Repub. semper voluisti atq; sensisti: Ut non modò secunda sperare debeas, sed etiam si omnia adversa essent, tamen conscientia & factorum & confessorum tuorum, quæcunq; acciderint, fortissimo & maximo animo ferre deberes.

De reliquo, ut te sapè per literas hortatus sum, ita velim tibi persuadeas, te in hæc causa nihil habere, quod timendum sit, præter

com.



communem casum civitatis: Qui, et si est gravissimus: tamen ita viximus, & id ætatis jam sumus, ut omnia, quæ non nostrâ culpâ accidunt, fortiter ferre debeamus.

Sed ad hæc omnia una consolatio est, quod ea conditione nati sumus, ut nihil, quod homini accidere possit, recusare debeamus.

Ea scripsisti, quæ luctum levare possunt, & de me consolando non mediocrem ipse animi dolorem adhibuisti.

Me non ratio tua solum, & societas penè ægritudinis: sed etiam auctoritas consolatur.

Quod si non possumus aliquid proficere aliquid suadendo, gratiâ contendimus, & rogando, si quid nostrâ causâ vis, ut istis te molestiis laxes, & ad convictum nostrum redeas, & ad consuetudinem vel nostram communem, vel tuam solius, ac propriam.

Cupio non obtundere te, si non delectare nostro studio; cupio deterrere, ne perman eas in incepto.

Et si unus ex omnibus minimè sum ad te consolandum accommodatus, quod tantum ex tuis molestiis cepi doloris, ut consolatio ne ipse egerem: Tamen, cum longius à summi luctus acerbitate meus abesset dolor, quem

quàm tuus, statui nostræ necessitudinis esse, meaq; in te benevolentia, non tacere tanto in tuo mœrore tam diu; sed adhibere aliquam modicam consolationem, quæ levare dolorem tuum posset, si minus sanare potuisset.

Est consolatio pervulgata quidem illa maxime, quam semper in ore atq; in animo habere debemus: *homines nos esse meminerimus. a lege natos, ut omnibus fortuna velis proposita sit vita nostra*: Neq; esse recusandum, quò minus eâ, quâ nati sumus, conditione vivamus; Neve tam graviter eos casus feramus, quos nullo consilio vitare possumus, Eventisq; aliorum memoriâ repetendis, nihil accidisse nobis novi cogitemus.

Beatissimi sunt, qui liberos non susceperunt: Minus autem miseri, qui his temporibus amiserunt.

Si tibi unum hoc detrahi potest, ne quid his, quos amisisti, mali putes contigisse, permultum erit ex mœrore tuo diminutum.

Quod allatura est ipsa diuturnitas, quæ maximos luctus vetustate tollit, id nos præcipere consilio prudentiâq; debemus.

Quamobrem & illius eximia virtus, summusq; in te amor magnæ tibi consolationi esse debet, & nos ceteriq; , qui te non ex fortunâ sed ex virtute tuâ pendimus, semperq;  
pen-

pendemus, ex maximâ animi tui conscientiâ, cum tibi nil meritis accidisse reputabis: Et illud adjunges, homines sapientes turpitudine non casu & delicto suo, non aliorum injuriâ commoveri.

Si tibi quid ex iis rebus, quas tibi fortuna largita est: nonnullorum hominum pervidia detraxerit, id majori illis fraudi, quam tibi futurum.

Tu fac animo forti magnâq; sis, speresque fore, ut fracto impetu levissimi hominis tuam pristinam dignitatem & gloriam consequare.

Me in summo dolore, quem in tuis rebus capio, maximè scilicet tua spes consolatur, ut infringatur hominum improbitas consiliis tuorum amicorum.

In multis & variis molestiis cogitationibusq; meis hæc unica consolatio occurrebat, quod neq; tibi amicior, quam ego sum, quisquam posset succedere: Quod si tu quoque eandem de meâ voluntate erga te spem habes, ea te profectò nunquam fallat.

Si videor augere dolorem tuum, quem consolando minuere debeam, fateor me communium malorum consolationem nullam invenire, præter illam, quæ tamen, si posses eam suscipere, maxima est, quæq; ego quotidie



84 DE CONSCRIBENDIS

die magis utar, conscientiam recta voluntatis  
maximam consolationem esse rerum incommoda-  
rum, nec esse ullum magnum malum præter culpā.

Quando præstitimus, quod debemus, mo-  
deratè quod evenit, feramus.

Hoc mihi tamen non sumo, ut te consolet  
de communibus miseriis, quæ ad consolan-  
dum majoris ingenii, & ad ferendum singula-  
ris indigent virtutis.

Vacare culpā magnum est solatium, præser-  
tim cum habeam duas res, quibus me susten-  
tem, optimarum artium scientiam, & maxi-  
marum rerum gloriam, quarum altera mihi  
vivo nunquam eripietur, altera ne mortuo  
quidem.

Philosophiæ magnam gratiam habeo, quæ  
non modò me à solitudine abducit; sed  
etiam contra omnes fortune impetûs me  
armat: Tibique idem censeo faciendum, nec  
à quo culpa absit, quicquam in malis nume-  
randum.

Amabo te, advola, & omnem abstergam  
dolorem.

Nunc me una consolatio sustentat, quòd  
tibi à me nullum amoris, nullum studii, nul-  
lum pietatis officium defuit.

Nihil est, quòd uxoris tuæ lectissimæ fœ-  
minæ mortem tam impotenter feras, nisi tu  
qui.



quidem partam felicitatem illi invid eas, & ex labore ad quietem, ex dolore ad indolentiam, ex morbo ad sanitatem, ab exilio hoc misero ad beatissimam patriam eam præcendisse agrè ac molestè feras.

Fac ististe molestiis, quæ animum tuum miserè excruciant, quàm citissimè laxes, ad tuamq; animi alacritatem redeas: Cogitesq; hanc sapientiæ laudem maximam esse, ita rationes nostras adversus omnem fortunam confirmatas habere, ut non aliunde; sed ex nostra virtute pendeamus, neq; ullo vel casu, vel acerbitate fracti firmitudinem gravitatemq; animi abjiciamus, abducamusq; ab angoribus ad ea animum, quibus publica utilitas conservatur, res nostra secundæ ornantur, juvantur adversæ.

Fac animo forti, quo in alienis esse rebus soles, nunc in tuis sis fortunis ferendis: Neq; committas, ut de naturæ statu declinasse videaris.

Hunc mœrorem, qui tibi jucunditatis sensum nunc omnem adimit, ex animo depone, atque absterge, cogitaq; cum multa & varia mortis pericula quotidie homini impendeant, iis tamen omnibus filium exemptum perpetuâ cum diis immortalibus felicitate perfrui.

Magno

## 36 DE CONSCRIBENDIS

Magno te in dolore esse, vel mœrore potius, quem ex miserabili fratris morte accepisti, tristis mœrensque ipse audio: sed te & consolor, & hortor, ut quam animi magnitudinem in aliorum negotiis subeundis adferre soles, eam mortalitatis humanæ memor, in tuis luctibus ferendis assumas: *ferasq; non culpes, quæ vitari non possunt.*

Ingenii mei non est, vehementi aliquâ & doctâ oratione stratum te atq; abjectum sublevare. Una hæc te consolatio sustentare debet, quod nullum meum tibi amoris, nullum studii, nullum pietatis officium deerit. Hoc sapientiæ, hoc magnitudinis animi tui est, recentem scilicet istam doloris tui aggritudine, si ex rerum natura non possis evellere, ex animo quidem certè excidere: sed hunc mœrorem quo omnes permovemur, amicorum voluntate concedere.

Dolendum verò insidere quorundam ingenii hanc labem, & cum ipsi nihil rectè, nihil præclare agere conentur, invidere tamen alienæ virtuti velle, ac ipsum dignitatis florem infringere: quorum invidia quia te magna ex parte premit, consolaberis te ipsum excelsâ virtutis tuæ, *quæ invidia carere non potest*, conscientia.

Si contemnere graves animi dolores, &

com-

communem naturæ sensum repudiare non poteris, colligere tamen teipsum debes, & ad aliquam saltem lenitatem moderationemque affectionum referre.

Erige animum tuum luctu dimissum atque oppressum, & in his tuis malis ab animi tui virtute & innocentia, non autem à stultis hominum querelis doloris tui perfugium pete.

Extremum istud est, ut meo in te studio, amorique nostro mutuo, obsecutus te rogemus atque obtester, animo ut magno, constanti, & elato sis: Nec ad ea solum, quæ à summis Philosophis de contemnendis fugiendisque rebus humanis scribuntur, animum referas, sed eorum quoque memineris, quæ studiū vehementiā, ingeniūque altitudine esse consecutus es. Quæ si animo pertractata teneas, superabis omnia optime, & quæ accidunt, qualiacunque erunt, feres sapienter. Hoc si feceris, retinebis omnes nos in lætitia, & ingenii tui tranquillitatem ad res præclare agendas converteres.

Tu fac bono animo fortique sis adversus invidentis fortunæ sævitiam leniendam, meoque tibi nullā in re defuturum esse confidas. Quod cum facies, omnes nos sollicitudine levaveris.

Tu fac animum fortem habearis, & ea, quæ tibi



tibi nunc sunt adversa, recte factorum innocentiam remissius placatiùsq; feras.

Hoc sapientiæ erit tuæ, propter magnitudinem & animi & ingenii, omnia moderatè ferre.

Abduc à solitudine animum, & te adversus omnes sævientis fortunæ impetûs Philosophorum more arma.

Cave ita imbecillo & inhumano sis animo, ut in communibus miseriis dolore te atq; ægritudine vinci patiaris.

Istum ego tuum, quo mihi confectus prope modum videris, mœrorem levarem, teque à nimio isto luctu deterrerem, nisi illiberale esse mihi persvaderem, quod tu in communium temporum casibus, & miseriis humanæ vitæ conditionibus tam prudenter aliis præcipere soles, hoc ipsum me in te viro gravissimo, & longo humanitatis exercendæ usu instructissimo desiderare: & qui mœrore debilitatos jacentesq; aliorum animos consolando excitare soleas, meis te literis consolari.

Et si in his meis doloribus ipse sum consolandus, ramen memoriâ veteris nostræ amicitia, tuq; benignitate admonitus, nolui ullo vel loco, vel tempore ad consolandum tibi deesse.

Videris enim iniquior in nominis tui extrema-



stimationem, fortunaſq; quàm fortem dece-  
at virum, eſſe, cum deperditum toties con-  
queraris.

Optimĩ patris tui mortem, ut doleo, vehe-  
menter, ita omnino felicem exiſtimo, qui ſic  
obierit, quando hac ſorte naſcimur omnes,  
*nihilq; diuturnum in rebus humanis, nedum per-  
petuum.*

De patris obitu conſolarer te, vir orna-  
tiſſime, ni perſaſum haberem ægritudinem  
iſtam, quam in aliis lenit, adimitque tempus  
ipſum, in te ſingulari prudentiã tuã eſſe ſopi-  
ram.

Audio te morbo cubuiſſe; ſed neq; morbi  
cauſam neq; genus intelligo. Tu, ſi potes, de  
his ad me ſcribito, & fac, ut ſciam, quid me  
facere velis. Nam ſi pecuniã opus eſt, ſive  
domesticorum miniſterio utrumq; tibi præ-  
ſto erit. Quin & ipſe iſthuc advolabo, ſi mea  
præſentia tibi utilis eſſe poteſt. Vale, ac  
quantum fieri poteſt, teipſum cura.

## AD CONSOLATORIAM

*reſponſio.*

**D**uplex hic methodus obſervanda eſt. Aut  
enim amicorum conſolationi acquieſci-  
mus: Aut tantum eſſe dolorem noſtrum o-  
ſtendimus, ut minui nullo modo poſſe videa-  
tur.

Cum

Cum amici consolationem admittimus, in Exordio amicum laudabimus, gratam nobis fuisse consolationem dicemus. In propositione allatam consolationem approbabitur, & obtemperaturos nos promittimus.

In Confirmatione repetitionem illorum argumentorum instituemus, quibus nostrum dolorem mitigare amicus est conatus, quantumque ex illis fructum ceperimus, aperiemus. In conclusione pollicebimur, nos operam duros, ut, quoad ejus fieri possit, à molestiis animum abducamus.

Quod si verò consolationem approbare non poterimus, principio laudabimus animum, studium, & ingenium consolatoris, quod tanquam bonus ac peritus medicus nullum remedium genus non admoverit. Propositio molestiarum atque doloris significationem continebit. Confirmatio corriget atque invertet argumenta ab amico allata, & causas, cur consolationi locum relinquere nequeamus, aperiet. Conclusio petitione absolvetur, te desiderare amici prudentiam; & ostendes quam multam mereri tuo mederi possis significabis.

Exemplum responsionis non approbantis consolationem observatum in 6. Ep. lib. IV. ad Familiam, quæ Cicero consolatoris Servii epistole

stolz respondet, atque ita respondet, ut eam non inanem fuisse prorsus, nec dolorem sustulisse penitus ostendat.

**E**Go verò, Servi, vellem, ut scribes, in meo gravissimo casu affuisses. Quantum enim praesens mihi adjuvare potueris & consolando, & prope aequè dolendo, facile ex eo intelligo, quod literis tuis lectis, aliquantum acquievi. Nam & ea scripsisti, quae levare luctum possent, & in me consolando, non mediocrem ipse animi dolorem adhibuisti. Servius tamen tuus omnibus officiis, quae illi tempori tribui potuerunt, declaravit & quanti ipse me faceret, & quàm suum talem erga me animum tibi gratum putaret fore: cujus officia jucundiora scilicet, saepe mihi fuerunt, nunquam tamen gratiora. Me autem non oratio tua solum & societas penè agnitudo, sed etiam auctoritas consolatur: turpe enim esse existimo, me non ita ferre casum meum, ut tu tali sapientia praeclatus ferendum putas. Sed opprimor interdum, & vix resisto dolori, quòd ea me solatia deficiunt, quae ceteris, quorum mihi exempla propono simili infortuna non defuerunt. Nam & Qu. Maximus, qui filium consularem clarum virum, & magnis rebus gestis, amisit: & L. Paullus, qui duos septem diebus & noster Gallus: & M. Cato, qui summo ingenio, summa virtute filium perdidit: iis temporibus fuerunt, ut eos tum ipsorum dignitas conso-

E  
lare-



laretur ea, quam ex Repub. consequerentur. Mihi  
autem amissis ornamentis iis, quae ipse commemo-  
ras, quaeque eram maximis laboribus adeptus, u-  
num manebat illud solatium, quod ereptum est.  
Non amicorum negotiis, non rei publicae procura-  
tione impediabantur cogitationes meae. Nihil in  
foro agere licebat, aspicere curiam non poteram,  
existimabam, id quod erat, omnes me & indu-  
stria mea fructus, & fortuna perdidisse. Sed cum  
cogitarem, haec mihi tecum, & cum quibusdam  
esse communia: & cum frangerem jam ipse me, co-  
geremque illa ferre toleranter: habebam quo con-  
fugerem, ubi conquiescerem, cuius in sermone &  
suavitate omnes curas doloresque deponerem. Nunc  
autem hoc tam grave vulnere, etiam illa, quae  
conseruisse videbantur, recrudescunt. Non enim,  
ut tum me à Repub. mactum domus excipiebat,  
quae levaret: sic nunc domo mactens ad Rempub.  
confugere possum, ut in ejus bonis acquiescam. I-  
taque & domo absum, & foro quod nec eum dolo-  
rem, quem à Repub. capio, domus jam consolari  
potest, nec domesticum Respub. Quid magis te ex-  
specto, teque videre quam primum cupio. Major  
mihi levatio afferri nulla potest, quam conjunctio  
consuetudinis, sermonumque nostrorum: quanquam  
perabam tuum adventum (sic enim audiebam)  
appropinquare. Ego autem cum multis de causis  
te exopto quam primum videre, tum etiam ut an-

tè commentemur inter nos, qua ratione traducendum nobis sit hoc tempus, quod est totum ad unius voluntatem accommodandum, & prudentis & liberalis, & (ut perspexisse mihi videor) nec à me alieni, & tibi amicissimi. Quodcum ita sit, magna tamen est deliberationis, quæ ratio sit inveniunda nobis non agendi aliquid; sed illius concessus & beneficio quiescendi. Vale.

† IMITATIO HUIUS EPISTOLÆ,  
qua continet responſionem ad amicum, qui  
in filii obitu consolationem ad-  
hibuerat.

**M**ihi verò, Timothee, nihil tuâ præſentiâ grätius fuiſſet, aut optatius. Etenim cùm, abſentis tantoperè tuis me literis recreâris: facile quid coràm, & conſolando, & dolendo æquè præſtare potueris intelligo. Fuerunt proſectò humanitatis illæ & benevolentix in me tuæ plenæ: prudentiâ atq; doctrinâ tinctæ ſingulari: Omnia denique continuerunt ea, quæ adverſâ fractum fortunâ confirmare poſ-

sunt. Propinqui etiam tui atque amici plurimis officiis simul, & suum in me declarare amorem, & tibi gratum facere voluerunt. Itaque meritò, ut grata; ita quoque jucunda ea fuisse mihi scriberem: Si hoc uti verbo meis in miseriis liceret. Quæ quidem tantæ sunt: ut vix me colligere: resistere dolori: tuam vel aliorum admittere consolationem queam. Sunt, fateor, amissa multa, eaq; chara. At eò magis illorum conditio deploranda, qui aliis spoliati rebus, etiam liberis suis dulcissimis orbantur. Mortui sunt & aliis parentibus filii. At vel plures habuerunt alios: vel instructi paratq; probè à propinquis, affinibus, amicis fuerunt: Ut unius jacturam facilè aliorum compensare copia potuerit. Mihi autem nudo à propinquis: nullâ munito cognatione; liberis destituto aliis; filius



lius abreptus unicus est: Et filius  
pius, frugi, obediens: In cuius ro-  
bur senilem me inclinaturum im-  
becillitatem speraveram. Sunt, ut  
nosti, ejuscemodi nunc tempora, ij  
hominum mores, ut non excitare  
atq; alere, sed debilitare bonorum  
virorum studia possint. Sed cum  
nihil hîc mihi separatim ab aliis ac-  
cidere sum arbitratus; meipsum  
fregi, deq; filio quoties cogitavi,  
toties curas doloresq; meos depo-  
sui. Jam verò tam alto atq; profun-  
do vulnere accepto. etjam reliqua,  
quæ sanata & cicatrices obduxisse  
videbantur, recrudescunt. Et pu-  
blicis à negotiis reversus domum  
cùm aspicio, intueor alia, quæ vel  
laboribus sunt meis multis ma-  
gnisq; parta: vel relicta à parenti-  
bus: lacrymas continere nequeo;  
Quia eum, cui destinata ista erant  
omnia, subtractum mihi esse cogi-

to. Quò magis tuas literas vel potius teipsum exspecto: ut ex conversatione atq; colloquiis tuis aliquam in luctu percipere levationem queam. Ut enim pluvia semper est bona: Magis tamen siccitatis tempore grata; Ita amicorum conversatio cum omnibus temporibus aliis, tum verò miseris maxime atq; turbulentis esse accepta solet. Itaq; peto, quod commodo tuo fiat, aut primo quoq; ad me tempore venias: aut, si fieri illud per occupationes tuas non potest, literas, quæ absentis tui vices compleant, & crebras, & benè longas ad me mittas. Vale.

AD CONSOLATIONEM  
*respondendi formula.*

Quod me consolaris, ut firmo sim animo, vellem posses aliquid ferre, quamobrem id facere possem.

Facile, omnes, cum valemus, recta consilia agrotis damus. Tu si hîc sis, aliter sentias.

Quod

Quod me sæpè accusas, cur hunc meum casum tam graviter feram: debes ignoscere, cum ita me afflictum videas, ut neminem unquam nec videris, nec audieris; Nam quod scribis audire, me etiam mentis errore ex dolore affici: Mihi verò mens integra est? Atque utinam tum in periculo fuisset, cum ego iis, quibus meam salutem carissimam esse arbitrabar, inimicissimis, crudelissimisque usus sum: qui ut me paulum inclinare timore viderunt, sic impulerunt, ut omni suo scelere, & perfidia abuterentur ad exitium meum.

Nolo commemorare, quibus rebus sim spoliatus, non solum quia non ignoras, sed etiam ne scindam dolorem meum: hoc confirmo, neque tantis bonis esse privatum, quenchquam, neque in tantas misérias incidisse; dies autem non modò non levat luctum hunc, sed etiam auget: Nam ceteri dolores mitigantur vetustate, hic non potest non & sensu præsentis miseriæ, & recordatione præteritæ vitæ quotidie augeri: Desidero enim non mea solum, neque meos, sed meipsum: Quid enim sum? sed non faciam, ut aut tuum animum angam querelis, aut meis vulneribus sæpius manûs afferam.

Solicitem esse te cum de tuis, communi-



## 98 DE CONSCRIBENDIS

busque fortunis, tum maxime de me ac de dolore meo, sentio: qui quidem dolor meus, non modò non minuitur, cum socium sibi adjungit dolorem tuum, sed etiam augetur. Omnino pro tuâ prudentiâ sentis, qua consolatione levari maxime possim: Probas enim meum consilium, negasq; mihi quidquam tali tempore potius faciendum fuisse, add's etiam (quod et si mihi levius est, quàm tuum iudicium; tamen non est leve) ceteri quoq;, id est, qui pondus habeant, factum nostrum probari; sed si ita putarem, levius dolerem. Crede, inquis, mihi: credo equidem, sed scio, quàm cupias minui dolorem meum.

Egò verò accepto nuncio de obitu filii mei, ita sum perturbatus, ut me tamen hominem esse meminèrim, & illum hanc vitam, tanquam in hospitium, ita esse ingressum, ut accitu summi Dei, æternum illud cœleste domicilium petiturus, aliquando discederet, quod si me casus iste, non opinatus ita percussisset, ut omnino jacerem: Excitarer tamen prudentiâ literarum tuarum, in quibus de luctu minuendo disputas egregiè, tuamque declaras tum homine Christiano dignam bonitatem, tum erga me benevolentiam singularem. Verùm ego, optime Sambuce, multis jam infortuniis hoc sum affectus, ut fortunam

eunam ipsam didicerim contemnere, quæ mihi, ut eripiat reliqua, nunquam adimet ea, quæ nec ipsa dedit, nec dare cuiquam potest, rectam mentem, optima studia, pietatem in DEUM. Præclarè actum opinor, cum filio meo, fruitur conspectu & consuetudine cælestium animorum: Non angitur curis: Non spe ducitur: Nihil timet adversum; at nos, qui dicimur vivere, quibus hac falsæ lucis usurâ nihil est carius, quàm multa exercent? quid laboramus, quid cupimus, quod, etiam si contingat, animus acquiescat? Itaq; verè sapientes homines, non ut diu, sed ut rectè & cum virtute viverent optare soliti sunt, quod equidem conor, & ut spero, consequar; Nihil enim magis cogito, nihil spectro, quàm, ut serviam studiis meis, & ita vivam, ut vitæ rationem Deo simul & hominibus aliquando possim reddere.

## DE PETITORIA

*Epistola.*

PETITIONES omnes aut Honestæ sunt, aut Mediæ. Honestæ apertè, liberè, sine circutione petere possumus: ut; Consilium, Amicitiam, Institutionem, Admonitionem. Media opus habent Insinuatione, Excusatione, veniæ deprecatione, ut; cùm petimus pecuniam, favorem, Auxilium pro nobis aut

amicis. Omnes, præsertim Christi cultores, cavere & providere debent, ut non petant res turpes, nec petentibus dent rogati.

Si res erit hujusmodi, quæ liberè peti possit, apertè suadebimus eam esse præstandam, quæ quidem petendi ratio, præsertim si rem difficilem petemus, tractanda erit ad hunc modum:

Primò ejus, à quo rem ipsam petimus, benevolentiam conciliabimus, à persona ipsius, factâ beneficiorum ejus erga nos, & alios mentione: A personâ nostrâ, si quales in eum fuerimus, ostendamus: A Personâ majorum utriusq; si de amicitia, quæ inter eos intercesserit, loquamur.

Alterâ Pars brevem ejus, quod petere volumus: expositionem complectitur, si quid fortè narrandum contigerit, unde ipsa petitio nascatur; Sin minùs, erit omittenda, illiusq; loco petitione utendum.

Posteâ argumenta adhibemus, quæ movere amicum posse videntur, ut nostris precibus locum relinquat, petita vel ab Honesto: vel ab Utili: vel à Necessario: vel à Jucundo: vel à Facili: vel promissis factis: vel ab aliorum Exemplis.

Postremò sequetur obtestatio, & remunerationis pollicitatio, cum nostræ facultatis exte-

extenuatione. Nonnunquam excusatio & indicatio causæ, cur pluribus verbis quid ab amico petamus: quandoque etiam petitionis repetitio ad extremum ponitur.

† Sunt autem in omni petitione (ut Servius docet in lib. I. *Aeneidos*) hæc 4. necessaria: 1. Ut res, quam petimus, præstari possit. 2. Ut eadem iusta sit & honesta, 3. Ut petitio modum habeat. Et 4. Ut sequatur remuneratio; ut nimirum polliceamur, si res ita ferre videbitur, gratum ac memorem animum nostrum.

Exemplum apertæ Petitionis observatum in 13. Ep. lib. IV. ad Atticum, qua Cicero Atticum rogat, ut Varronis uti sibi libris in Bibliotheca ejus liceat. Partes habet quatuor: Exordium causam & occasionem institutionis continet. Propositio petitione constat. Confirmatio rationes petitionis ab utili & necessario sumptas complectitur. Conclusio petitione novâ absolvitur.

**V**estorius noster me per literas facit certiores te Roma ad VI. Id. Maii putare profectum esse, tardius quàm dixerat, quò minùs valuisses. Si jam melius vales, vehementer gaudeo, velim domum ad tuos scribas, ut mihi tui libri pateant, nò secus, ac si ipse adesses, cum ceteri, tum Varronis. Est enim mihi utendū quibusdā rebus ex iis libris.

ad



102 DE CONSCRIBENDIS

ad eos, quos in manibus habeo, quos, ut spero, tibi valde probabo. Velim si quid forte novi habes, maximè à Q. fratre, deinde à C. Casare, & si quid forte de comitiis, de Repub. (soles enim tu festivè hac odorari) conscribas hoc ad me. Si nil habebis, id tamen scribas aliquid. Nunquam enim mihi tua epistola aut intempestiva, aut laquax visa est. Maxime autem rogo, rebus tuis, totoq; itinere ex sententia confecto, nos quàmprimum revisas. Dionysium jube salvere. Cura ut valeas.

† IMITATIO HVIVS EPISTOLÆ,  
quâ rogatur amicus, ut, dum abest, ac peregrina-  
tur, parentis sui nobis patere Bibliothecam pa-  
riatur; & cum de suis: cum aliorum  
ad nos rebus scri-  
bat.

**S**cripsit ad me communis noster  
amicus Philippus, te iter in Ita-  
liam opinione suscepisse tardiùs:  
quod valetudine minùs commodà  
utereris. Si meliùs iam vales, ex a-  
nimo lator: Deum etiam oro: pere-  
grinationes istas tuas ut fortunet.  
Interim te rogo, ad cognatos tuos  
perscribas: Ut mihi non secus, ac si  
ipse

ipse adesses, parentis tui, piæ memoriz, Bibliotheca pateat. Opus enim mihi est historicis quibusdam, ad ea quæ in manibus nunc habeo, & tibi aliisq; hominibus doctis non, opinor, ingrata erunt. Quod si apud alios reperire eos possem, hac meâ petitione molestus tibi esse nollem. Si quid etiam novi fortè habes de rebus bellicis, aut aliis, quas admodum festivè odorari te scio, ad me scribas velim. Quod si nihil occurrat, ut hoc scribas, te quod scribas non habere. Nunquam enim mihi tuæ literæ aut intempestivæ, aut ingratae erunt: si ve cum argumento illæ, si ve sine argumento conscriptæ fuerint. Quamquam quo modo scribendi destitui argumento possis, non video, cum in peregrinatione ista multa te videre: audire multa: multis multorum interesse colloquiis necesse sit.

Interim tamen, ut verum fatear, illa ipsa tua peregrinatio sollicitum tui in me desiderium parit. Amici etiam & cognati tui, quàm te expectent audire, ex ipsorum ad te datis literis cognosces. Itaque operam dabis, ut absoluto studiorum cursu, totoque itinere è sententia confecto, primo quoque tempore ad nos redeas. Neque committas, ut idem tibi quod Ulyssi accidat, qui ex longa atque diuturna peregrinatione domum reversus à suis agnoscere amplius non potuit. Vale.

† Si autem oblique vel recte petitiones instituendæ sunt: vel quia res ipsa, quam petimus, parum honesta, utilis, facilisve esse videtur: vel quia is, ad quem scribimus, non usque adeo nobis favet: vel nos minus verecundè atque modestè rogare illud judicari possumus, quod ad nostram laudem ac gloriam facit.

† Exemplum oblique seu recte petitionis observatur lib. XI. Epist. Cicero ad Fam. In qua oblique Brutus & Cassius, Antonium rogant;

rogant, ut sibi significet, cur milites convocârît: & an per eosdem turti in urbe esse possint. Partes illius quinque sunt. In Exordio optima quæque de Antonio polliceri se sibi Brutus & Cassius simulant. Narratio brevem rei ipsius & veteranorum ad urbem frequentis expositionem continet. Propositio petitionem habet. Confirmatio argumenta petitionis complectitur ab officio Antonii: Bruti & Cassii voluntate: amicorum curâ atque sollicitudine desumpta. Conclusio petitionis repetitione & occupatione absolvitur, qua merus arque formidinis à sese suspicionem viri fortes remonent. Sic autem illa habet.

**D**E tuâ fide & benevolentia in nos nunc persuasum esset nobis, non conscripsissemus hac tibi, quæ profectò quando istum animum habes, in optimam partem accipies. Scribitur nobis magnam veteranorum multitudinem Romam convenisse jam, & ad Calendas Iunias futuram multò majorem. De te si dubitemus, aut vereamur, simus nostri dissimiles. Sed certè cum ipsi in tua potestate fuerimus, tuoq; adducti consilio dimiserimus ex municipiis nostros necessarios, neq; solum edicto, sed etiam literis id fecerimus: Digni sumus, quos habeas tui consilii participes, in eâ præsertim re, quæ ad nos pertinet. Quare petimus à te, facias



cias nos certiores tua voluntatis in nos : Putés nos  
tutos nos fore in tanta frequentia veteranorum ,  
quos etiam de reponenda ara cogitare audimus :  
Quod velle te probare, vix quisquam credere posse  
videtur, qui nos saluos & honestos velit. Nos ab  
initio spectasse otium, nec quiequam aliud à li-  
bertate communi quassisse, exitus declarat Falle-  
re nemo nos potest, nisi tu: quod certe abest à vir-  
tute tua & fide, sed alius nemo facultatem habet  
decipiendi nos. Tibi enim uni credimus, & cre-  
dituri sumus. Maximo de nobis timore afficiun-  
tur amici nostri : Quibus etsi tua fides explorata  
est; tamen illud in mentem venit, multitudinem  
veteranorum facilius impelli ab alio quolibet,  
quàm à te retineri posse. Rescribas nobis ad o-  
mnia, q. & rogamus. Nam illud valde leve est ac  
nugatorium, eà re denunciatum esse veteranis,  
quod de commodis eorum mense Iunio laturus es-  
ses. Quem enim impedimento futurum putas,  
cùm de nobis certum sit nos quieturos. Non de-  
bemus cuiquam videri nimium vitæ cupidi, cum  
accidere nobis nihil possit sine perniciæ & confusio-  
ne omnium rerum. Vale.

† IMITATIO EIVSDEM, ADEVM,  
quem suspectum habemus, atq; rogamus, ut sui  
consilii & instituti rationes nobis  
aperiat.

**N**isi tua mihi cognita fides atq;  
benevolentia esset, hasce ad te  
jam literas non darem. Quas et-  
iam, quia ita es animatus, in partem  
bonam accipies, & respondere mi-  
hi minimè gravaberis. Plurimo-  
rum & literis & nunciis ad me per-  
fertur, magnam militum multitu-  
dinem tuo in agro jam convenisse,  
multoq; majorem adhuc expecta-  
ri quotidie. Te suspectum si habe-  
rem, contra amicitiam facere vider-  
er. Sed certè cum de tuis tuorum-  
que commodis non minùs atque  
meis sollicitus hætenus semper  
fuerim, de periculis etiam, quæ ti-  
bi impendebant, te, ut decet ami-  
cum, fideliter monuerim, non in-  
dignum me judicabis, quem con-  
silio tui participem facias, ea maxi-  
mè in re, quæ me quoq; attingit.  
Quamobrem etiam atq; etiam à te  
peto quàm primum certio rem me  
red

reddas : Existimésne in tanta militum licentiâ tuta nostra futura. Equidem minari mihi apertè eos audio. Quod tamen tuo fieri mandato nemo credet, nisi fortè levitatis & inconstantia, addo etiam perfidia te infimulare velit. Me nihil unquam, quàm religionis puritatem, pacem, & libertatem spectasse, tu ipse testis mihi esse potes, quocum mea sum communicare consilia solitus. Itaq; neq; quisquam aut fallere me magis, aut damno afficere majori potest, quàm tu, cui uni maximè ego credidi. Longè abesse illud à tua fide & constantia, scio. Sed tamen hæc ad te ut scribam, amicorum crebræ literæ faciunt, quide me anxii atq; solliciti esse videntur. Occurrunt & illa : Facile honestas rei causas posse obduci: sæpe vel invitos, vel repugnantes ad bellum à pacis osoribus inflammari :  
Reti-

Retineri in officio difficulter milites. Rescribas ad hæc mihi primo quoq; tempore rogo. Nam illud leve admodum est quod prætenditur, propterea militem conscriptum esse, ut contra aliorum vim & injurias agrum ille tuum defendat. Quæ enim damnum dare posse tibi censes, cum de nostra aliorumq; vicinorum tibi fide ac benevolentia constet? Ego sanè, ut nullius rei malæ mihi sum conscius: ita minimè quoq; mihi metuo. Neq; accidere quicquam mihi posse video, sine aliorum perniciæ, atq; adeò Germaniæ totius perturbatione.

## PETENDI FORMULÆ.

Peto & quaeso. Peto & oro. Peto contendoque. Rogo & obsecro. Oro obtestorque. Obtestor & obsecro.

Hoc à te peto & summiè contendo.

Illud à te magnoperè peto, contendoque.

Illud unum à te vehementer contendo.

Hoc



110 DE CONSCRIBENDIS

Hoc abs te peto, & pluribus verbis rogo.  
Æquè à te peto, ac si mea negotia es-  
sent.

Sic à te peto, quasi in eo mihi sint omnia  
ut, &c.

Singulari studio abs te contendo: sic ut  
nihil unquam magis.

Te vehementer etiam atq; etiam rogo,  
magis quam à me vis, aut pateris te rogari,  
ut hanc cogitationem toto pectore comple-  
ctare.

Vehementer, valdè, magnoperè, etiam at-  
que etiam.

Majorem in modum. Singulari studio.  
Quàm possum studiofissimè.

Valdè hoc ex animo contendo.

At te etiam atque etiam majorem in mo-  
dum peto.

Hoc à te, si pateris, gratià contendo &c.

Peto à te amicitia nostræ nomine, quam  
confido apud te plurimum posse.

A te etiam atque etiam pro summa nostra  
conjunctione, proque tua in me perpetua  
& magna benevolentia majorem in modum  
peto atque contendo.

Illud te præcipuè rogo & obtestor, pro a-  
more nostro: Amoris nostri causâ: Pro no-  
stra amicitia: Amicitia nostræ nomine:  
Pro

Pro iure nostræ amicitiz : Pro nostra inveterata amicitia : Pro nostra summa conjunctione : Pro nostra summa necessitudine : Pro conjunctissima nostra necessitudine : Pro conjunctione & benevolentia nostra : Pro pari inter nos & mutua benevolentia : Pro summa mea in te benevolentia : Pro tua incredibili in me benevolentia : Pro tuo perpetuo in me studio, meoque item in te singulari.

Per omnem amorem, quo me complecteris, rogo.

Ne me rogantem suppliciter à te rejicias.

Noli pati meas esse irritas & inanes preces.

Sis apud te, rogo & obsecro, precibus meis locus.

Hoc à te ita postulo, peto, contendo, ut fortunas in eò meas positas putem.

Quare te oro, ut, quod facies, pergas mea studia tueri, juvare, provehere.

Quare me tibi commendo, atque oro, ut, quod facis, me & studia mea clementer tueri velis.

Te rogo, quanquam te rogari non patiaris.

Impedior verecundiâ, ne te pluribus verbis regem.

Velim existimes, quod à te peto, id ejusmodi

di esse, ut meæ fortunæ omnes agantur, in eo consistant, locatæ, positæ, constitutæ sint.

Rogo te quàm studiosè possum, da mihi hoc, largire, sine me hoc à te impetrari.

Hoc in me confer gratiæ, hoc impertias gratiæ.

Peto abs te pro nostra necessitudine conjunctionissima, plurimisq; officiis paribus ac mutuis, ut voluntate, auctoritate, studio tuo perficias, ut Marcus Anneius intelligat, te & sibi amicum esse, quod non dubitat; Et multò amiciores his literis esse factum.

A te hoc omni contentione peto, sic ut majore cura, majore animi labore petere non possim, ut ad ea, quæ tuâ spontè sine cujusquam commendatione faceres, in hominem tantum, & talem calamitosum, aliquem asferant, cumulum meæ literæ, quæ studiosius cum quibuscunq; rebus possis juves.

A te peto majorem in modum, pro amicitia nostra, & pro tuo perpetuo in me studio, ut in hac re etiam elaborares.

Non audeo vehementius à te contendere, ne aut ipse tuæ perpetuæ consuetudinis erga me oblitus esse videar, aut te oblitum putem.

A te magnoperè, pro nostra summa conjunctione, tuæque singulari humanitate etiam

iam atque etiam peto, & quaeso, ut, quibuscunq; rebus potes, (potes autem plurimis) prospicias & consulas rationibus meis.

Amicitiae nostrae fiducia à te peto, ut absentem me, quibuscunq; in rebus opus fuerit, tueare, si nullum officium tuum apud me intermoriturum existimas.

Huic ego neq; tribunatum, neq; praefecturam, neque illius beneficii certum nomen peto: Benevolentiam tuam & liberalitatem peto: neque impedio, quò minus, si tibi ita placuerit, etiam hisce eum ornes gloriae insignibus.

Te, mi Curio, rogo pro tua incredibili in me benevolentia, meaque item in te singulari, atque oro, ne patiari mihi quicquam ad hanc provinciam molestiam temporis prorogari.

Si me amas, cura, elabora, perfice, ut Flavius & mihi & tibi quàm maximas agat gratias: hoc te ita rogo, ut majori studio non possim.

Te tuosq; qui tibi consilio adsunt, oro atq; obsecro, ut multis injuriis jactatam atq; agitatam aequitatem in hoc tandem loco consistere & confirmari patiamini.

Non dubitavi id à te per litteras petere, quod mihi omnium esset maximum, maximumq; necessarium &c.

Quamob-



#### 84 DE CONSCRIBENDIS

Quamobrem si memorem, si gratum, si bonum virum, si deniq; dignum tuis beneficiis iudicas, hoc à te peto, ut subvenias huic meæ sollicitudini.

Si me diligis, si à me diligi vis, ad me literas, ut quàm primum lætitiâ afficiat, mittito, & reliquum quod est promissi ac muneris tui, persolvas mihi velim.

Illud quod polliceris, velim pro tua fide diligentiaque, & pro nostra non institutâ, sed jam inveteratâ amicitia cures, enitare, ut supplicatio nobis decernatur. Meq; totum, & mea & meos, commendatos habebis.

Abs te quantum tua fert voluntas, peto quæsoq; , ut &c.

A te rogo quæsoque, ut mei absentis famam atq; fortunas in tua fide & patrocinio esse patiaris.

Quare si me, sicut soles, amas, suscipe me totum, atq; hoc quicquid est oneris ac muneris, pro mea dignitate tibi tuendum & sustinendum puta.

Quod ut enitare contendasq; , vel potius ut perficias (posse te enim mihi persvadeo) vehementer te etiam atq; etiam rogo.

Si de tua in me voluntate dubitarem, multis à te verbis peterem, ut dignitatem meam tuerere, sed profectò est ita, ut mihi persvasi, me tibi esse curæ,

Velim

Velim igitur, mi Brute, tibi persuadeas, nihil me majore studio à te petere, nihil te mihi gratius facere posse, quàm si omnibus tuis opibus, omni studio Lamiam in petitione juveris, quod ut facias, vehementer te rogo.

Grata mihi est vehementer memoria nostri tua, quam significasti literis, quam ut conserves, non quod de tua constantia dubitem, sed quia mos est ita rogandi, rogo.

Peto à te majorem in modum, quod sine tua molestia fiat, ut ei te habitatione accommodes.

Ego te planè rogo, atq; ita, ut majore studio, iustiore de causâ, magis ex animo, rogare nihil possim.

Peto à te hoc diligentius, quàm si mea res esset, quod est honestius, de amicorum pecunia laborare, quàm de sua.

Peto à te tanto scilicet studio, quanto intelligis debere me petere pro homine tam mihi necessario, & tam familiari, ut ejus negotia explices, expedias &c.

Te, mi Plance, pro paternâ necessitudine, pro nostro amore, pro studiis & omni cursu nostro totius vitæ simillimo, rogo & à te ita peto, ut majore curâ, majore studio nullo possim, ut hanc rem suscipias, enitare, contendas, &c.

Te rogo causam meam agas, meque tibi in omnes partes defendendum putes.

A te pro nostra conjunctione peto, ut meas injurias, quas mihi improbiissimi hominis profusa nequitia inussit, proinde doleas atque ulciscaris, ut tuas persequi soles.

Oneris tibi imponere nec audeo quicquam, nec debeo. Hoc tamen à te, si pateris, gratia contendo, ut quicquid studio, benevolentia, auctoritate efficere poteris, totum id ad rationes meas tuendas conferas.

Grave est homini pudenti petere aliquid magnum ab eo, de quo se bene meritum putet: ne id, quod petit, exigere magis quam rogare, & in mercedis potius, quam beneficii loco numerare videatur: Sed quia tua in me vel nota omnibus, vel ipsa novitate meorum temporum clarissima & maxima beneficia extiterunt, estque animi ingenui, cui multum debeas, eidem plurimum velle debere: Non dubitavi id à te per literas petere, quod mihi omnium esset maximum, maximeque necessarium. Neque enim sum veritus, ne sustinere tua in me vel innumerabilia beneficia non possem: cum præsertim considerem, Nullam esse gratiam, quam vel non capere animus meus accipiendo, vel remunerando cumulandoque illustrare possit.

Impe.



Impedior verecundiâ, ne te pluribus verbis rogem.

Nullam mihi majorem voluptatem adferre, aut pleniore gratiâ tibi me obligare poteris, quàm, ut meis à te rationibus prospectum esse cognoscam, quod ut facias, à te maxime peto.

Per nostram te amicitiam oro, ne propter falsas aliorum calumnias tui erga me amoris voluntatisq; propensionem abjicias.

A te etiam atque etiam pro nostra summa necessitudine, proque tua in me humanitate, mea que in te summâ & perpetuâ benevolentiam majorem in modum peto, atq; contendendo, ut laudi meæ atque dignitati servias.

A te peto, ut meas injurias perinde doleas, ut me existimes, & dolere, & tuas ulcisci se-  
lere.

Peto à te majorem in modum, ut omnibus in rebus, quantum tua dignitas, fidesq; patitur, utilitatibus meis servias.

Te autem pro mea perpetua in te observantiâ rogo, obtestorq;, ut in hac causa majorem rationem voluntatis habere velis, quàm vel judicij, vel constantiæ tuæ.

Pro mea perpetua cupiditate vestræ dignitatis retinendæ & augendæ, quæso obtestor-  
que vos, ne in dignitate mea propugnanda



plus apud vos valeat odium malevolorum ,  
quàm studium optimorum hominum.

### AD PETITORIAM

#### *Responsio.*

**R**espondendi modus hîc duplex est : Aut enim petita concedimus , aut petita denegamus.

Si locum petitioni amici relinquimus ab acceptarum literarum lectione , & ab oblata nobis ei gratificandi facultate exordiri possumus.

Deinde subjungemus pollicitationem eorum , quæ petit amicus.

Tum causas & rationes afferremus , quod nimirû res illa , quæ petitur , sit cum honestate vel utilitate conjuncta : neq; usq; adeo ardua & difficilis : is qui petit de nobis vel nostris meritis præclarè : eâ præditus virtute , pietate , doctrinâ , nobilitate , ut denegare ei nihil possimus , dicemus nos illi omnia debere.

Postremo , ut prosperè feliciterq; omnia amico succedant , precabimur : vel precabimur , ut nostrâ operâ frequentius , & majoribus in rebus uti velit , nosq; idem facturos , cum opus fuerit , ostendemus : Eaquæ omnia scribemus , quæ animi nostri bonitatem liberali-

ralitatemq; declarent, ut libentissime quicquid fecimus, fecisse videamur.

¶ Illud autem vel maxime convenit, ut, quando petita concedimus, utamur quâdam verborum comitate, hoc, vel simili modo.

Te ipsum quod petiit amicus jam destinasse, tibiq; sponte currenti calcaria addita fuisse, nihilq; esse, quod ab amico tibi mandari, aut majus aut gratius potuerit.

Nihil quod honestius a te suscipi possit, quam ut id agas.

Injuriam tibi fieri putare, cum rogaris, majora illum, cui das, esse promeritum.

Dolere, quod tam effusè, tam ambitiosè sis ab amico rogatus. ●

Plura te facturum fuisse dices, si per facultatem tuam tibi licuisset.

In denegando, prætermisâ omni verborum asperitate, ita comiter, & apertè rationes, cur id faciamus, reddemus, ut non solum nobis amicum illum conservemus, verum etiam amicissimum faciamus, atq; ita rem negabimus, ut ille per nos non steterit, quod minus efficeretur, existimet: Nostramque in eum voluntatem, benevolentiam, fidem, diligentiamq; & præteritum officiorum exemplo testabimur, & in posterum omnibus in rebus cupidissime pollicebimur.

Principium, quod ad collationem attinet, vel scribendi occasiones, vel nostri doloris & studii erga amicum significationem habet.

Pars altera vel dehortatione vel reprehensione constat.

Tertia pars, causas & rationes continet, cur, quod petitur, impetrari non possit.

Postrema vel petitione: vel officii atq; studii pollicitatione plerumq; absolvitur.

† Exemplum responsionis ad petitoriam extat apud Ciceronem lib. IX. Ep. 13. ad Atticum; ubi Cæsari respondetur, qui à Cicerone contenderat, ut ad urbem sibi præstò esset. Hujus partes sunt 4. Exordium argumenti literarum Cæsaris & studii atque voluntatis promptæ significatione constat. Propositio modestâ ac verecundâ recusatione ejus, quod petebatur, facta. Confirmatio denegationis ac recusationis argumenta continet, ab *Vtili & Honesto* desumpta. Conclusio habet gratiarum actionem, & novam petitionem.

**U**T legi tuas literas, quas à Furnio nostro acceperam, quibus mecum agebas, ut ad urbem essem; te velle uti consilio & dignitate meâ: Minus sum admiratus. De gratia, & de ope quid significares, mecum ipse quarebam. Spe tamen deducebar ad eam cogitationem, ut te pro tua  
admi-



admirabili ac singulari sapientiâ, de otio de pace, de concordia civium agi velle arbitrarer, & ad eam rationem existimabam satis aptam esse & naturam, & personam meam. Quod si ita est, & si qua de Pompeio nostro tuendo, & tibi ac Reipub. reconciliando, cura te attingit: Magis idoneum, quàm ego sum, ad eam causam profectò reperies neminem, qui & illi semper, Senatui: cum primùm potui pacis auctor fui. Nec, sumptis armis, belli ullam partem attingi: judicaviq; te eo bello violari, contra cujus honorem populi R. beneficio concessum inimici atq; invidi niterentur. Sed, ut eo tempore non modò ipse auctor dignitatis tuæ fui, verùm etiam ceteris auctor ad te adjuvandum: Sic me nunc Pompeii dignitas vehementer movet. Aliquot enim sunt anni, cum vos duos delegi, quos præcipuè colerem, & quibus essem, sicut sum, amicissimus. Quamobrem à te peto, vel potius precibus omnibus oro, & obtestor, ut in tuis maximis curis aliquid impertias temporis huic quoq; cogitationi, ut tuo beneficio bonus vir, gratus, pius deniq; esse in maximi beneficii memoria possim. Quæ si tantum ad me ipsum pertinerent, sperarem me à te tamen impetraturum: Sed, ut arbitror, & ad tuam fidem, & ad Rempub. pertinet, me & pacis utriusq; vestrum, & ad civium concordiam, per te, quàm accommodatissimum conservari. Ego, cum antea



*tibi de Lentulo gratias egissens, cum ei saluti, qui mihi fuerat, fuisses, tamen ejus lectis literis, quas ad me gratissimo animo de tua liberalitate beneficiorumq; misit, eandem me salutem à te accepisse putavi, quam ille. In quem si me intelligis esse gratum, cura, obsecro, ut etiam in Pompeium esse possim.*

† IMITATIO HUIUS EPISTOLÆ,  
*quā studiosus bonarum literarum Magistratus alicui, ad docendi vel in Ecclesia, vel Schola eum munus vocanti, respondet & denegationis atq; recusationis causas modeste exponit.*

**U**T literas ego vestras legi, viri amplissimi, Domini observantiā perpetuā colendi, quibus honestissimo liberalissimoq; stipendio oblato mecum agebatis, meam vobis operam ut addicerem: Incredibili profectò sum latitiā affectus. Etenim, si Demosthenem illum Atheniensem aquam ferentis muliculae delectatum susurro fuisse legimus, quid mihi, homini, nec ab<sup>o</sup> inge-

ingenio nec doctrinâ magnâ instructo animi esse putatis, qui tot ac tantorum virorum egregiam in me voluntatem, præclarum de studiis factum iudicium intelligo. Equidem jam ante audieram, vos pro vestra singulari pietate ac sapientia de literarum ludis restaurandis eandemque ad rem viris accersendis doctis consilia tractare. Eam verò ad provinciam me aptum atque idoneum iudicatum iri, nunquam credidissem. Itaque quò magis præter spem hoc meam & expectationem accidit, eò plus vestro me debere amorì agnosco, qui scilicet ad me vocandum vos impulit. Atque utinam is ego essem, qui vestram aliorumque de me concitaram sustinere existimationem possem, sed novi ego meo me pede metiri: quàm angusta mihi sit accisaque eruditionis supellex. Voluntatem forte

tè & conatum quantulumcunque  
 benè de adolescentum studiis me-  
 rendi profiteri audeo: Præter verò  
 eundem quod pollicear, non ha-  
 beo. Verùm, utut hæc fiat, nullam,  
 me Christe, Rempub. novi, in qua,  
 ab hac urbe ubi recessero, rerum  
 mearum sedem collocare fixam  
 malim, quàm vestrâ, utpote clarâ.  
 nobili: piis, doctis, prudentibus  
 viris affluente: Ab iis omnibus e-  
 gregiè parata, quæ in benè consti-  
 tuta Repub. requiri & solent & de-  
 bent. At non libera hîc solutaque  
 est voluntas. Aliquot enim jam sunt  
 anni, cùm hanc ego in urbem veni,  
 tot etiam tantaq; ab eâdem benefi-  
 cia accepi, & adhuc accipio quoti-  
 diè, ut sine summa *ἀναγκῇ* repre-  
 hensione deferere eam nequeam.  
 Quamobrem vos ego, viri amplissi-  
 mi, rogo & oro; Vitio hoc mihi mi-  
 nimè detis, quod de referenda gra-  
 tia



tia benè de me meritis, quàm vel honoribus, vel opibus augendis sollicitus sum. Neq; dabitò, quin, quæ vestra est cùm prudentia, tùm humanitas, impetraturus hoc sim à vobis facilè: præsertim si amicos apud vos meos audire volueritis, ad quos de rerum mearum statu atque causis, quæ me impediunt, quò minus gratificari vobis possim, copiosè scripsi: Interim ut pro hoc honorifico de me meisq; studiis facto iudicio, gratias, quas possum vobis & ago, & habeo maximas: Ita illud quoque submissè peto: In clientium vestrorum me album ascribere, hocque persuasum habere dignemini, operam me daturum sedulò: ut mea; licet exigua atq; tenuia officia vobis liberisq; vestris prompta semper parataque fuisse intelligatis.

† Methodum quoq; adolescentem studiosum



sum nōsse oportet instituendæ gratiarum actionis apud eos, qui locum precibus nostris reliquere.

Collatio hunc in modum est instituenda, Ut *Exordium* indicationem habeat eorum, ex quibus amici studium & voluntatem cognovimus.

*Propositio* gratiarum actionem, perpetuæque memoriæ pollicitationem contineat. *Confirmatio* enumerationem atq; amplificationem accepti beneficii complectatur. *Conclusio* aut gratitudinis pollicitatione: aut petitione, aut commendatione novâ, aut voto ac precatatione absolvatur.

Exempli gratiâ nō hūc ponemus Ep. 11. lib. XV. ad Famil. Hujus *Exordium* beneficii indicatione: *Propositio* gratiarum actione, & pollicitatione memoriæ: *Confirmatio* enumeratione atq; amplificatione à personæ conditione petita: *Conclusio* voto & precatatione constat.

**Q**uanta tibi cura meus bonos fuerit, & quādem extiteris consul, in me ornando & amplificando, qui fueras semper cum parentibus tuis & cum tota domo, et si res ipsa loquebatur, cognovi tamen ex meorum omnium literis. Itaq; nihil est tantum, quod ego non tuâ causâ debeam, facturumq; si cum studiosè, tum libenter, Nam  
magni

magni interest, cui debeas. Debere autem nemini malui, quàm tibi, cui me, cum studia communia, beneficia paterna, tuâq; jam antè conjunxerant: Tum accedit, meâ quidem sententiâ maximum vinculum, quod ita Rempub. geru atq; gessisti, qua mihi charius nihil est, ut quantum tibi omnes beni debeant, quò minus tantundem ego unus debeam, non recusem. Quamobrem tibi velim, hi sint exitus, quos mereris, & quos fore confido. Ego, si me navigatio non morabitur, qua incurrebas in ipsas Etesias, propediem te, ut spero, videbo. Vale.

† IMITATIO HVIVS EPISTOLÆ,  
qua utipossumus, quoties gratia amico veniunt  
agenda, qui causam nostram apud alios  
diligenter fideliterq;  
egit.

Quàm curæ tibi cordiq; res meæ  
extiterint, etsi jam antè cognitum atq; exploratum satis habebam: Tamen ex fratris quoq; aliorumq; cognatorum literis cognovi. Itaq; dum lucis hujus mihi frui usurâ contigerit, gratum me ac memorem præstabo. Neq; quicquam

tam erit difficile, aut molestum, quod ego non tuâ causâ aut susce-  
pturus sim libenter, & expediturus  
sedulò. Etsi non parùm refert, cui  
debeas: nemo profectò est, quem  
tibi hâc in re antepondere velim, vi-  
ro scilicet multis nominibus de me  
optimè merito. Nihil ego jam de  
studiorum communione scribo,  
quæ quantam ad conglutinandos  
animos hominum vim habeat, no-  
tum est. Parentes tui nostram in  
familiam promerita, & plurima &  
maxima latere patior. Silentio  
Rempub. prætereo, quam, dum fi-  
de ac diligentia singulari admini-  
stras, meritò obstrictos devictosq;  
tibi omnes bonos tenes. Vel hoc  
quod jam in me contulisti benefi-  
cium, quanti obsecro facere me  
existimas? neq; enim parum pro-  
fectò est, hisce potissimum moribus  
atq; temporibus absentis famam &



existimationem defendere: aut in competitorum copiâ magnâ locum in Repub. honestum impetrare. Quamobrem cum referre nunc tibi gratias mea me tenuitas non sinat; Operam dabo sedulo, enitar, perficiam denique, Ut memoriam & voluntatem promptam mihi non defuisse intelligas. Deum interim Opt. Max. rogo: Surgenti tuæ gloriæ ut faveat: ita quoque consilia & actionesque tuas spiritu suo sancto regat & gubernet, ut, quod summâ hætenus cum laude fecisti, diu Reipub. & adjumento, & ornamento esse possis. Ego, nisi quæ impedimenta inciderint, brevi te, ut spero, videbo: Coram etiam tibi & gratias agam, & quæ literis credi committi que tutò nequeunt, exponam. Vale.



## AD PETITIONEM RE-

*spondendi formula,*

**N**equē negare audeo, tibi homini eruditissimo, cujus ego plurimi semper amicitiam feci: neque si pollicear, praestare possum id, quod à me petis: Premor enim domesticis oneribus, ut vix sustineam: Peto igitur ab te, meis ut occupationibus ignoscas, & voluntatem in te propensam, licet absit res, tamen ames.

Quod mecum per literas agis, unam ob causam, mallet coram egisses. Non enim solum ex oratione, sed etiam ex vultu, & oculis, & fronte (ut ajunt) meum erga te amorem perspicere potuissē. Nam cum te semper amā, primum tuo studio, post etiam beneficio provocatus; tum his temporibus Respubl. te mihi ita commendavit, ut carior rem habeam neminem. Literæ verò tuæ tum amantissime tum honorificentissime scriptæ, sic me affecerunt, ut non dare tibi beneficium viderer, sed accipere ac ita petere, ut inimicum meum, necessarium tuum, me invito servare nolles, cum id nullo negotio facere posses.

Faciam quod desideras, tam diligenter, quam libenter.

Quod admones, gratias ago: quod rogas,  
que-

queror, admoneri enim debeo, ut sciam: Rogari non debeo, ut faciam, quod mihi non facere turpissimum est.

Excusarem me perfectè, vel fratri, hoc sane tempore: sed arctior est amicitia nostra, quàm ut ullam patiatur exceptionem, quoties alterius seria res agitur. Amo te, quod verecundè petis, sed istam posthac verecundiam abjice, obsecro, si quid aliquando mecum ages. Nescis, apud me quo loco sis, & quo ego apud te esse cupiam: Quod si nescis, aut etiam si dubitas, injuriam facis utriusque nostrum.

## DE COMMENDATITIA

## Epistola.

Commendatitia Epistola partim Demonstrativi generis est, cum eum, quem commendamus, cum laude breviter describimus: partim Deliberativi, cum rem ipsam, aut honestam, aut utilem, aut facilem ostendimus. Absolutè tamen Deliberationis, cum illæ laudes ad suadendum referantur.

In commendatitio literarum genere tres Personæ sunt considerandæ: Nostra, Ejus, qui commendatur: Ejus cui scribimus. Rerum quoque habenda est ratio, ut non, nisi justa, honesta, necessaria suscipiatur commendatio.

A per.

### 132 DE CONSCRIBENDIS

A persona nostra persuadebimus, si amicum nostrum ostendamus eum, quem commendamus, aliasque causas commendationis plurimas, easque iustas & magnas referemus.

Ab ejus persona, qui commendatur, si virum bonum & commendatione dignum confirmabimus.

A persona ejus, cui scribimus, si ejus in alios benignitatem & humanitatem leviter attingemus: ac eum, quem commendamus, de ipso quàm optimè & sentire & prædicare dicemus.

A re ducta commendatio valebit, si eam facilem, illi potissimum, cui hominem commendamus, monstrabimus: si piam, si honestam, si utilem, probabimus. Tum si ejusmodi erit, quæ Patrono laudi, gratiæ, auctoritati, aut emolumento aliquâ ex parte futura sit.

Obsecrationibus etiam uti licebit.

Principiò, quod ad collationem attinet, causas commendationis à personæ commendandæ patriâ, parentibus, familiâ, doctrinâ, virtute, nobilitate, amicitia, & id genus rebus aliis, vel ab ejus, cui scribitur, personâ sumptas, scribemus. Vel (cùm iterum & sæpius eadem de re commendandus est aliquis,



quis, ne nimis importuni videamur, ) petemus, ut id ignoscat, addemusque nos id non facere, quod partim confidamus, illius liberalitati aut amicitiae: sed in omne confereamus, vel in desiderium, quo maximo tene- mur, rem gratam ac utilem amico faciendi, vel in rem ipsam, cum tanta res ac etiam estimatio agatur.

Deinde rem ipsam, quam pro amico petimus, exponemus.

Post sequentur argumenta, petita vel ab *Honesto*: vel à *Facili*: vel ab *Utiles*: vel à beneficiis nobis nostrisque, praestitis: vel ab *Exemplo* nostro & aliorum: vel à *Judicio* & testimonio magnorum virorum: vel ab amicorum precibus.

Postremo jam loco pollicebimur, commendatum, & nos futuros gratos, studiumque nostram & operam mutuam, cum offeret occasio, deferentes: Nonnunquam hæc etiam spei præclaræ de amico conceptæ, indicatio fit.

Exemplum apertæ commendationis observatum in 1 Epistol. lib. XIII, ad Fam. qua Avianum Memmio Cicero commendat, & ut ei de habitatione accomoderet, petit. Partes complectitur quatuor: Prima commendatione Aviani, quam à familiaritate sumit,  
con-



134 DE GONSCRIBENDIS

constat. Altera petitionem continet. Tertia, argumenta à necessitate, & utilitate sumpta habet. Postrema grati animi pollicitatione absolvitur.

**C**Ajo Aviano Evandro, qui habitat in tuo sacrario, & ipso multum utor, & patrono ejus M. Emilio familiarissime. Peto igitur à te majorem in modum, quod sine tua molestia fiat, ut ei de habitatione accommodes. Nam propter opera instituta multa multorum, subitum est ei migrare Kalend. Quintilib. Impedior verecundiâ, ne te pluribus verbis rogem. Neq; tamen dubito, quin, si tua nihil, aut non multum interfit, eo sis animo, quo ego essem, si quid tu me rogares. Mihi certe gratissimum feceris. Vale.

† IMITATIO HUIUS EPISTOLÆ,  
qua commendatur adolescens in Academia quadam commorans, viro docto, ut eidem cum de aliis rebus, tum commodo hostitio prospiciat.

**J**acobo, qui vestra in Academia studiorum nunc gratiâ commoratur, & ipso longo jam tempore sum usus familiariter, & parentibus ejus atq; cognatis familiarissime.

mè. Itaq; etiam atque etiam abs te  
peto, quod citra molestiam tuam  
fiat, eidem cum aliis in rebus auxi-  
lio consilioq; tuo adsis: tum verò  
de habitatione commodâ prospici-  
as. Nam propter studia, quæ  
pleno, ut audio, nunc est cursu in-  
gressus, hospitium mutare, & vini  
alicujus docti mensâ, tectoq; uti  
eum deinceps vult parens. Non  
pluribus abs te hoc petere per-  
recundiam audeo. Neque tamen  
dubium mihi est ullum, quia, cum  
præclarè sis in omnes adolescentes  
studiosos animatus, eorundemq;  
pro virili provehere conatûs laudâ-  
biles cupias, huic quoq; præclaræ  
spei juveni haud gravatè sis adfutu-  
rus. Mihi certè rem longè facies  
gratissimam: si commendationi hu-  
ic meæ locum reliqueris: Et ado-  
lescentem ipsum bonorum amore  
ac benevolentia dignum: Bene  
me-

memores atq; gratos semper ejusdem parentes & cognatos reperies. Vale.

Exemplum testæ & oblique commendationis observatum in Epist. 6. lib. II. ad Fam. quæ est ad Curionem de Consularis petitione perscripta. Partes illius sunt quatuor. In Exordio benevolentiam Curionis sibi conciliat, & objectioni de festinatione occurrit. Deinde de suis & Curionis meritis & beneficiis agit, & illa quidem extenuat, hæc verò exaggerat. Narratio rei, quæ petitur, expositionem continet. Confirmatio ab utilitate & facultate desumptæ argumenta habet. Conclusio longioris petitionis præcisione, & animi grati pollicitatione, absolvitur.

**N**ondum erat auditum te ad Italiam adventare cum Sex. Villium Milonis mei familiarē cum his ad te literis misi; Sed tamen cum appropinquare tuus adventus putaretur, & te jam ex Asia Romam versus profectum esse constaret, magnitudo rei fecit ut non vereremur, ne nimis citò mitteremus, cum has quamprimum ad te perferri literas magnoperè vellemus. Ego si mea in te essent officia solum, Curio, tanta quanta magis à te ipso pradicarè, quàm à n.e ponderari solent; verè cunctius à te, si qua magnæ res petenda mihi esset,



contenderem. GRAVE est enim homini pudenti petere aliquid magnum ab eo, de quo se bene meritum putet; Ne id quod petat, exigere magis, quam rogare, & in mercedis potius quam beneficii loco numerare videatur. Sed quia tua in me vel nota omnibus, vel ipsa novitate meorum temporum clarissima & maxima beneficia exstiterunt. ESTQUE animi ingenui, cui multum debeas, eisdem plurimum velle debere; Non dubitari, id, & te per literas petere, quod mihi omnium esset maximum, maximeque necessarium. Neque enim sum veritus, ne sustinere tua in me vel innumerabilia beneficia non possem, cum praesertim considerem nullam esse gratiam tantam, quam non animus, vel in accipiendo capere, vel in remunerando, cum mulandoque illustrare posset. Ego omnia studia, omnem operam, curam, industriam, cogitationem, mentem denique omnem in Milonis consulatu fixi, & locavi: Statuique in eo me non officii solum fructum: sed etiam pietatis laudem debere quarere. Neque verò cuiquam salutem ac fortunas suas tanta cura fuisse unquam puto, quanta mihi sit honoris ejus, in quo omnia mea posita esse, decrevi. Huic te unum tanto adjuumento esse, si volueris, posse intelligo, ut nihil sit prater ea nobis requirendum. Habemus hac omnia bonorum studium, conciliatum ex tribunatu propter nostram (ut spero te intelligere) causam Vulgi ac multitudinis, propter magni-



magnificentiam munerum, liberalitatemq; natura  
 juvenutis & gratiosum in suffragiis, propter  
 ipsius excellentem in eo genere vel gratiam vel di-  
 ligentiam: Nostram suffragationem si minus po-  
 tentem, approbatam tamen & justam & debi-  
 tam, & propterea fortasse etiam gratiosam. Dax  
 nobis & auctor opus est & eorum ventorum quos  
 proposui, moderator quidam, & quasi governa-  
 tor. Qui si ex omnibus exoptandus esset, quem  
 tecum conferre possemus, non haberemus. Quam-  
 obrem si memorem, si gratum, si bonum virum  
 vel ex hoc ipso, quod tam vehementer de Milone  
 laborem, existimare potes: Si dignum deniq; tuis  
 beneficiis iudicas: Hoc à te peto, ut subvenias huic  
 mea sollicitudini, ut huius mea laudi, vel (ut verius  
 dicam) prope salutem tuum studium dices. De ipso  
 T. Annio tantum tibi polliceor, te majoris animi,  
 gravitatis, constantia, benevolentia erga te, si  
 complecti hominem volueris, habituram esse ne-  
 minem. Mihi vero tantum decoris, tantum di-  
 gnitatis adjunxeris, ut eundem te facile agnoscam  
 fuisse in laude mea, qui fueris in salute. Ego ni-  
 te videre scirem, cum hac ad te scriberem, quan-  
 tum officii sustinerem, quanto opere mihi esset in  
 hac petitione Milonis omni non modo contentio-  
 ne, sed etiam dimicatione, elaborandum, plura  
 scriberem. Nunc tibi omnem rem atq; causam,  
 meq; totum commendo atq; trado. Vnum hoc  
 sic

sic habeto: si à te hanc rem impetraro, me pones plus tibi, quàm ipsi Miloni debiturum. Non enim mihi tam mea salus cara fuit, in qua præsens sum ab illo adjuvatus, quàm pietas erit in transferenda gratia iocunda. Eam autem unius tui studio me assequi posse confido. Vale.

† IMITATIO HUIUS EPISTOLÆ,  
qua petitur, ut amicus noster locum & conditionem aliquam honestam consequatur.

**N**ondum erat auditum, de Clarissimi Doctissimiq; viri demortui successore deliberari, cum hasce ad te literas dedi: sed tamen cum tempus appropinquare, atq; cum aliquo periculo conjuncta esse mora videretur, non metui, ne aut festinatio hæc mea præpropera, aut gravis molestaq; petitio tibi videretur. Facerem hoc verecundiùs, si quæ à me in te, aut tuos essent profecta beneficia: ne id quod peto meo quodam jure postulare, non rogare, inq; mercedis potiùs, G quàm

quàm beneficii habere loco judi-  
carer. Sed quia in te mea nulla  
prorsus, aut certè pauca, eaquæ te-  
nuia: plurima contrà, maximaquæ  
tua in me ac meos extant prome-  
rita, viriç; est boni & agnoscere, &  
celebrare accepta beneficia: Non  
idè te sum petere veritus, quod mi-  
hi omnium gratissimum, amico u-  
tile cum primis, summeç; necessa-  
rium esse potest. Ego omnem me-  
am curam, cogitationem, mentem  
in Timothei fixam locatamç; pro-  
motione habeo. Neque cuiquam  
tàm esse suas curæ res posse exi-  
stimo, quàm ejus mihi cordi est ho-  
nos atq; incolumitas. Huic si mo-  
dò volueris, magno esse adjumen-  
to poteris in conditione eâ, quæ  
per doctissimi clarissimique viri  
nunc mortem vacat: Ut aliorum  
minimè opus auxilio, aut interces-  
sione habero videamur. Sunt in



nos, uti spero, multisque hactenus  
sum in rebus expertus, animati  
præclarè ii, qui principem apud vos  
in senatu locum nunc tenent, eli-  
gendi que potestatem habent. Non  
testimonia desunt clarissimorum  
doctissimorumq; virorum, qui sin-  
gulari Timotheum benevolentia  
atq; amore prosequuntur: Propter  
insignem pietatem: doctrinam exi-  
miam: vitæ sanctimoniam singula-  
rem: rarum concordia studium.  
Monitor hîc tantum & moderator  
totius negotii requiritur: ne, ut  
hominum esse mos hodiè solet, ab  
aliis locus ei honestus præripiatur.  
Qua quidem in re, quemnam te-  
lum conferamus, scimus nemi-  
nem. Itaq; si virum me bonum: si  
tuâ amicitia dignum: si accepto-  
rum beneficiorum memorem gra-  
tumq; judicas: Tantum amico vel  
potius mihi ipsi studium dices, de-  
dasq;

dasq; etiam atq; etiam rogo. De  
 Timotheo hoc verè tibi sanctèque  
 polliceri possum, te, si promovere  
 hominem volueris, majoris pieta-  
 tis, doctrinæ, gravitatis, diligentia,  
 industriæ vix quemquam habitu-  
 rum. Mihi verò tam hoc est gra-  
 tum acceptumq; futurum: ut in me  
 ipsum hoc esse beneficium colla-  
 tum, sim existimaturus. Scriberem  
 hanc in sententiam ad te plura, nisi  
 commendationis hujus meæ atq;  
 sollicitudinis causas tibi cognitas  
 esse putarem. Nunc totum tuæ  
 fidei atq; diligentia negotium tra-  
 do, utq; in eodem, non tam amici  
 utilitatis, quàm meæ pietatis ratio-  
 nem habeas, quâ possum, diligen-  
 tiâ oro. Vale.

## C O M M E N D A N D I

*alios formula.*

**H**unc tibi commendo eâ commendatione  
 quæ potest esse diligentissima.

Hunc

Hunc tibi commendo non minore studio ,  
quàm si rem meam commendarem.

Eum tibi ita commendo, ut homines grati ac memores benè de se meritos commendare solent.

Vehementer te rogo, ut cum auctoritate tuâ, qua plurimum vales, conservatum velis, & cures ut intelligat, hanc meam commendationem maximo sibi apud te & adjumento, & ornamento fuisse.

Ita peto, ut majori studio magisvè ex animo petere non possim, ut ei omnibus in rebus, quantum tua fides patietur, commodes.

Omnium tuorum officiorum, quæ & multa & magna sunt, mihi gratissimum fore, si *Henricum Beckstadium* nostrum ita tractâris, ut sciat, ut sentiat, ut intelligat, & se à me, & me à te amari.

Te, mi *Backere* etiam atq; etiam rogo, ut omnia *Michaelis Kittelmanni*, *Syndici Salsfeldensis* negotia, mea putes esse, curesq; , ut intelligat hanc meam commendationem maximo sibi usui fuisse : Hoc mihi gratus nihil facere poteris.

Commendo tibi eum non vulgariter : sed ita prorsus, ut quos diligentissimè valdeq; ex animo soleo.



Pergratum mihi feceris, si intellexero, has literas tantum, quantum scribens confidebam, apud te pondus habuisse.

Gratissimum mihi feceris; si eum ita tractaris, ut merito tuo mihi gratias agere posses.

Totum denique hominem tibi ita trado de manu (ut ajunt) in manum tuam istam & videri & fide praestantem.

*Fusum* nostrum tanti à te fieri, quantum ipsius humanitas & dignitas postulat, nec miror, & gaudeo: teq; hoc existimare volo, quidquid in eum iudicii officiiq; contuleris, id ita me accipere, ut in meipsum te putem contulisse.

Est ita temperatis moderatisq; moribus, ut summa severitas summa cum humanitate jungatur. Cujus tibi negotia ita commendando, ut majore studio, magisq; ex animo commendare non possim. Pergratum mihi feceris, si dederis operam, ut is intelligat meas apud te literas maximum pondus habuisse.

Tantum velim existimes, si Lamiam defenderis, gratius mihi futurum, quam si ea liberalitas tua pertinuisset ad rem familiarem tuam. Cura ut intelligat, hanc commendationem maximo sibi usui fuisse. Hoc mihi gratius facere nihil potes.

*Ammum Fusum*, unum ex meis intimis; observantissimum studiosissimumq; nostri; eruditum hominem, & summâ humanitate; tuâque amicitia dignissimum, velim ita tractes, ut mihi coram recepisti.

Tâm mihi gratum id erit, quàm quod gratissimum. Ipsum præterea summo officio & summâ observantiâ tibi in perpetuum devinxis.

Tuæ fidei, justitiæ, bonitatiq; commendo; & pro nostra summa necessitudine, pariq; inter nos & mutuâ benevolentia hoc abs te peto, &c.

Te majorem in modum rogo, ut Curtii rem meam putes esse, quid quid meâ causâ faceres, ut id Curtii causâ cum feceris, Onem existimes. Quod ille per me habuerit, id me habere abs te putato.

Vehementer te rogo, ut cures, ut ex hac commendatione mihi Cuspius, quàm maximas, quàm primum, quàm sapientissimè gratias agat.

Hoc mihi cum gratissimum feceris, tùm viros optimos, homines honestissimos, eodemq; gratissimos & tuâ necessitudine dignissimos summo beneficio in perpetuum tibi, tuisq; devinxis.

Id cum mihi gratissimum feceris, tùm il-

146 DE CONSCRIBENDIS

Iud tibi expertus promitto & spondeo, te socios Bithyniæ, si his commodaris, memores esse & gratos cogniturum.

Cura igitur, si me tanti facis, quanti & Varro existimat, & ipse sentio, ut quàm primum intelligat, hanc meam commendationem, tantum illi utilitatis attulisse, quantum & ipse sperarit; nec ego dubitarim.

Gratissimum mihi feceris, si Manlium quàm maximè, quibuscunq; honestè ac pro tua dignitate poteris, iuveris atq; ornaveris. Ex ipsius præterea gratissimis & humanissimis moribus confirmo tibi, eum te, quem soles fructum a bonorum virorum officiis expectare, esse capturum.

Per gratum mihi feceris, si eum, quod sine molestia tua fiat, qua in re opus ei fuerit, iuveris. Id & mihi vehementer gratum erit, & postea tibi iucundum.

Hominem enim summâ probitate, summâ humanitate, summâq; observantiâ cognoscēs.

Sic velim existimes, non minùs me de illius re laborare, quàm ipsum de sua. Sed tum illum studeo quàm facilimè ad suum pervenire, tum illud laboro, ut non minimum hac meâ commendatione se consecutum arbitretur.

Hanc

Hanc rem, mi *Francis*, si effeceris, meam de tuâ erga me benevolentiam spem confirmaveris, ipsumque Capitonem gratissimum, officiosissimum, optimum virum, ad tuam necessitudinem, tuo summo beneficio adjunxeris.

Hunc in tuam fidem ira recipias, ut ipse intelligat, nullam rem sibi majori usui aut ornamento, quam meam commendationem esse potuisse.

*Elia Kühnio*, multos annos familiariter utor. Is cum antea semper & suo splendore & nostrâ cæterorumque commendatione gratissimus fuit, tum hoc tempore, propter tuum in me amorem nostramque necessitudinem, vehementer confidit his meis literis, se apud te gratiosum fore: Quæ ne spes eum fallat, vehementer rogo, omnibusque rebus cum ita trahes, ut intelligat hanc meam commendationem non vulgarem fuisse.

*Reinbothium* nostrum eximia spe, summæ virtutia adolescentem, cæteris rebus, quibus studuisti semper ipse, tum in primis imitatione tui fac erudias: Nulla enim hac præstantior disciplina: Quem nos, & quia tuus, & quia dignus te filius, & quia nos diligit, semperque dilexit, in primis amamus charumque habemus.

De ipso *T. Klugio* tantum tibi polliceor, te



majoris animi, gravitatis, constantiæ, benevolentiæ erga te, si complecti hominem volueris, habiturum esse neminem.

*C. Pharetratum* ita tibi commendo, ut quanquam ipsius causâ confidit, te facturum esse omnia: tamen abs te hoc petam, ut si quid in te residet amoris erga me, id omne in *Pharetrati* negotio ostendas. Hoc mihi gratius facere nihil poteris.

Omnia ejus negotia tibi commendo: in primisq; ipsum virum optimum, mihiq; familiarissimum, his studiis literarum doctrinæq; præditum, quibus ego maximè delector: in meis intimis maximèq; necessariis scias esse: Itaq; tractes, ut intelligat meam commendationem sibi magno adjumento fuisse.

Quanquam à te quidem cumulatè satisfit & mihi & meis omnibus: Tamen velim existimes, hanc familiam, & hos, quos tibi commendo maximè nobis conjunctos vetustate, officiis, & benevolentia, quamobrem abs te majorem in modum peto, ut his omnibus in rebus, quod sine molestia tua facere possis, quantumq; tua dignitas fidelique patietur, commodes. Id si feceris, erit mihi vehementissimè gratum.

Hæc ego omnia collegi, ut intelligeres: non vulgarem esse hanc meam commendationem.

tionem. Peto igitur abs te, ut omnibus rebus, quod sine molestia tua facere possis, ei commodes, habeas in numero tuborum, perficiasq; ut intelligat. has literas meas sibi magno usui fuisse. Erit id mihi majorem in modum gratum.

Commendo tibi majorem in modum adulescentes, omnibus optimis artibus ornatos, meos per necessarios, tuâ amicitia dignissimos. Si ulla apud te mea commendatio valet, quod scio multas plurimum valuisse, hæc ut valeat rogo: quod si eos honorificè liberaliterq; tractâris, & tibi gravissimos optimosq; adulescentes adjunxeris, & mihi gratissimum feceris.

Iraq; eum tibi commendo majorem in modum, hominem domi splendidum, gratiosum extra domum, quem fac ut tuâ liberalitate tibi obliges: Gratum hominem, & observantem cognosces.

*Hartmannum* tibi commendo, & à te peto, ut des operam, ut intelligat, me diligenter scripssisse de se, meamque commendationem usui magno sibi fuisse: erit id mihi vehementer gratum.

Gratissimum mihi feceris, si huic commendationi meæ tantum tribueris, quantum cui plurimum tribuisti.

Quare à te majorem in modum peto, ut hunc, quem tibi commendo, tuis officiis ac liberalitate complectare. Scriberem ad te qualis vir esset, ut superioribus feceram, nisi eum jam per seipsum satis tibi esse notum arbitrarer.

Mitto ad te *Drabitium*, atq; ita commendo, ut inire ò meâ spontè; pòst autem invitatu tuo mittendum duxerim. Hunc, mi *Kleini*, sic velim omni comitate complectare, ut omnia, ad quæ per me possis adduci, ut in meos conferre velis in unum hunc conferas: de quo tibi hoc spondeo (quomodo homines non ineptè loquuntur) probiorem neminem.

Hoc igitur ambos sic tibi commendo, ut majori cura, studio, sollicitudine animi, commendare non possim. Volo ipsorum causa, meque in eo vehementer & amicitia moveat, & humanitas.

*N. Pormannum*, familiarissimum meum, tanto tibi studio commendo, ut majore non possim: cui cum propter omnes virtutes, tum etiam propter studia communia sumus amicissimus.

Nihil est ex rebus omnibus, quod gratius mihi esse possit, quàm ut hujus dignitatem sic tuearis, ut beneficij memoria sempiterna tibi

tibi se obstrictum esse cognoscat. Est enim hic vir cum in primis inter suos nobilis, & honestus, cum verò propter singularem in omnes benevolentiam beneficio tuo dignissimus.

*Præsius* noster, qui ad te venit, vir est summo ingenio, prudentia, integritate, virtute singulari: ut ejus tibi negotia commendarem, fecit illius in me maxima & opportuna benevolentia.

Quare velim quicquid in te est studii, laboris, consilii, ingentis, quicquid auctoritatis, fide, constantia poteris, id universum ad illius negotia, quæ isthic plurima & magnis implicata controversiis habet, illi pollicearis, & deferas. Amicitia nostræ fiducia peto à te, ut nullum studii, officiiq; munus in hoc viro augendo prætermittat: quod eò studio suus facies, quò mihi es carior.

Gratissimum mihi feceris, si viri hujus dignitati suffrageris, atq; omnia, quæ ad illum novo honoris splendore augendum illustrandumq; pertinebunt, summo studio suscipias & defendas.

Hic cum intelligeret, in aliquâ me gratiâ atq; auctoritate apud te esse, voluit meis quoque literis tibi fieri commendatior. Quare, ut cum tuis opibus, studiis atq; auctoritate,



qua apud omnes plurimum vales, augeas atque ornes, majorem in modum a te peto atque gratiâ contendo: hoc tuum officium ita gratum mihi erit, ut majus à te mihi beneficium dari posse non sperem. Hunc tibi sic commendando, ut quicquid in te amoris, erga me tui residet, ac benevolentiae, id totum in illum, cujus gloriae ac fortunae mirabiliter faveo, conferas: quod te facturum & meâ, & illius causâ confido.

Qui literas tibi meas adfert, eum sic velim omnibus officiis tuis juves, ut nullum tempus, neque diurnum, neque nocturnum de ejus dignitate eggerandi, faciendique; quod agendum sit, dimittas: idque non modò recules, sed apponas etiam atque deposcas: desque omnino operam, ut nemini in illius causa suscipienda & defendenda studio, cupiditateque concessisse videaris.

Gratissimum mihi feceris, si libertum meum omnibus rebus integrum incolumemque esse volueris: Cujus studia, rem domesticam, fortunae fidei tuae, justitiae, bonitatisque commendo.

A te majorem in modum peto atque contendo, ut quantum te facere posse, & meâ causâ libenter facturum arbitror, tantum studii, diligentiae, praesidii conferas ad Cæsium  
ornan-

ornandum, ut ex mea commendatione quam maximas mihi gratias agere possit: hoc cum mihi gratissimum feceris, non verò honestissimum virum, & tuâ necessitudine dignissimum summo beneficio in perpetuum tibi tuusq; devinxeris.

*Lipsium* tibi commendo, majoremque in modum à te peto, ut rem utilitatemque ejus per te quam maximè defensam & auctam esse velis: ut quantum ipse speravit utilitatis, tantum illi hæc mea commendatio attulisse videatur.

Vehementer mihi gratum feceris, si *Lipsium* amicitia benevolentia humanitate tua, quæ singularis est, comprehenderis: atque ad id, quod tua de causa libenter factuom existimo, addas cumulū commendationis meæ: quidquid enim ei commodaveris, erit mihi majorem in modum gratum.

Quamquam non libenter incredibili tuæ humanitate ad amicorum forrunas augendas obutor, hunc tamen justissimis de causis vel dignitatis, quam amplissimam consecutus est, vel humanitatis, vel illius in me beneficii tibi commendo, petoque à te majorem in modum, ut res ejus omnes sic ornēs, ut gratias utrique habere velit immortales.

Da-

Dabis hoc amoris nostro, vel voluntati  
meæ, ut *Hæfenerum*, qui cum constituta ami-  
citiâ ad summam benevolentiam pervenit,  
quàm diligentissimè tuearis ac propugnes:  
proq; eo ornando nullos nec labores, nec con-  
tentiones, nec sollicitudines subterfugias:  
quod & mea in illum benevolentia, & ho-  
minis ornatissimi splendor à te impetrare  
debet.

Qui hanc suam causam ad te defert, ma-  
gna amicitia mihi est conjunctus & valde ca-  
rus: eum tibi commendo, sicut tua fides &  
meus pudor postulat: tantum ut faciles adi-  
tus ad te habeat, quæ postulabit æqua, ut ju-  
bente te impetret, sentiatq; meam sibi amici-  
tiam imprimis prodesse.

Communem nostrum amicum, qui has li-  
teras adfert, tibi majorem in modum com-  
mendo: magnoq; opere à te peto, cures, ut  
is intelligat meam commendationem maxi-  
mo sibi apud te adjumento & ornamento  
fuisse.

Velim honoris mei causa, quibus rebus  
honestè & pro tua dignitate poteris, quàm  
honorificentissimè & quàm liberalissimè  
hunc tractes. Id mihi sic erit gratum, ut gra-  
tius nil esse possit.

Huic persuasum est, & te apud principem.

& me apud te plurimum valere : & de te quidem haud fallitur, de me ne fallatur, non tam promissus sum, quam cupio.

Scio non sine causa dictum Horatio: *Quem cui commendes etiam atq; etiam aspice*. Sed huius hominis integritas sic mihi multis argumentis est explorata, ut non dubitem illum tibi vel capitis mei periculo commendare. Quem si complecteris, gratias agam, quod mihi credideris.

Hunc, qui nostras tibi reddit literas, & probum & doctum hominem, tuo non dedignaberis hospitio. Facies enim quæ te decet, & quæ mihi gratissima sunt futura.

### COMMENDANDI SUI

*ipsum formula.*

**T**E etiam atq; etiam oro, ut me totum tuendum suscipias, ut si ii salvi erunt, quibus eum sum, unâ cum iis possim incolumis esse, salutemq; meam benevolentia tua acceptam referre.

Quare ut alia, sic me vel maximæ tuæ amicitia benevolentiaque, consilio, & potestate permitto.

Nunc tibi omnem rem atq; causam meq; totum commendo atq; trado.

Me totum, & mea, meosq; commendatos habebis.

Suum



Sum commissus vestrae fidei, permissus vestrae potestati.

Me tibi dedo, addico, adstringo: Omnium nervorum ac laborum meorum tu potissimum fructus uberes diuturnosq; capies.

Tuae auctoritati sum totus deditus.

Ego in tua me potestate, tutelâ ac fide pono atq; permitto.

Omnia mea iura, commoda, auxilia, fortunas, famam deniq; in tuo arbitrio, in tua auctoritate, in tua sententia colloco.

Tibi negotia mea, opes fortunaq; omnes commendo, tibi committo existimationem ac spem reliquæ vitæ.

Summâ à te gratiâ contendo, ut omnibus in rebus causæ meæ defensionem suscipere velis.

A te peto, ut voluntatem tuam ad studia mea provehenda deferas: & quæcunq; meæ dignitati utilitatiq; conducere arbitraberis, tanto facias studio, quanto in rebus meis te fuisse & esse cognovi: quæ ad te pertinebunt diligenter curabo.

Tibi velim persvadeas, nihil me diligentiore curâ, studio majore, animo cupidiorè à te petere, nihil te mihi vel gratius vel honorificentius facere posse, quàm si opibus tuis atq; suffragationibus in consulatus petitione

me

me iuveris: quod ut studio tibi esse velis, pro mea perpetua in te benevolentia rogo.

Quæ in provincia habeo negotia; summo studio commendo: tibi quæ persuadeas velim; omne meum perfugium in his afflictæ fortunæ reliquis, in tuo positum esse præsidio.

Non dubito, quin si hæc admonitione mea, quæ naturæ est facilitas, studiosè omnia sis factururus: si tamen levis admonitio à me tanquam currenti calcar, adhiberi debeat, sic velim existimes, gratius te mihi facere non posse, quàm ut rationes meas omnes tuearis.

Cum in tua prudentia ac fide maxima Reip. spes sit, fac quæso, ut ad omnia summa contendas, & cum meam, tum eorum proleues fortunam, quibus auctoribus ad hoc summum honoris fastigium es evectus.

Magnoperè à te peto, ut ad illam voluntatem, quam in me amicam & benevolam conferre consuevisti, quàm maximus nunc in hoc negotio suscipiendo cumulus accedat.

#### AD COMMENDATITIAM

*responsio.*

Qui eruditè ad aliorum Commendationes respondere volunt, rationem primum

mum eorum habeant necesse est, qui alios commendant, & qui commendantur. Pro personarum enim diversitate diversus quoque respondendi modus adhibendus est.

Si amicus fuerit, & dignè, atque ut meretur, commendatus, gratum nobis fuisse Commendationem dicemus, in qua præsertim de homine agatur, qui multos jam annos cum suis, vel ab ineunte ætate in nostro sit ære: multumque à nobis diligatur, non solum propter veterem amicitiam in nos atque nos suos: sed propter summam etiam ejus humanitatem, doctrinam, bonos mores, ceterasque virtutes.

Quamobrem rescribemus, non posse nos ei non amicos esse, neque solum amici commendatione, quæ apud nos valeat, valueritque semper plurimum, sed nostro etiam judicio ac voluntate.

Ergo summo nos studio, & cura, omnia pro amico vel fecisse, vel facturos dicemus, nihilque nobis laboriosum ac molestum videri posse, sed omnia, cum facilia, tum honesta.

Quod tamen admonemur, agemus gratias: quod rogamur, queremur. Admoneri enim debemus, non rogari, ut faciamus, quod nobis non facere turpissimum est.

Si nulla tibi cum commendato erit necessitudo: ita tamen hominem commendatum habebis, ( cum amicus sit amici ) ut tuam operam, consilium ac favorem, nullâ unquam in re desideret.

Deinde & res ipsæ ejusmodi sunt, videntur. Sunt enim quædam honestæ, utiles, faciles, in quibus non gratificari animo turpe est. Sunt aliæ inhonestæ, inutiles, difficiles, periculosæ, in quibus sine reprehensione commendatio rejici potest.

Inhonestæ commendatio inhonestè non est ac insolenter rejicienda: Semper enim amico aliquâ ex parte acquiescendum videtur.

Sic igitur respondere poterimus: Jam diu nos desiderâsse aliquam nobis datâ occasionem nostri in eum animi ostendendi, & idè dolere scribemus, non posse nos, salvâ existimatione nostrâ, illius morem gerere voluntati.

Beneficium tamen in aliud tempus magis idoneum nos differre dicemus: quæ res & ampliorem illi utilitatem conciliatura, & nostram benevolentiam clariùs testatura, nobisq; & ipsi majori gloriæ futura sit. Non minùs enim beneficium dare videtur, qui honestè negat, quod negandum judicat, quàm qui æqua concedit.

Quan-



Quandoq; eâ, quâ decet, modestâ mirari nos dicemus, amicum nostrum, tanta cum doctrina, tum virtute præditum, tales recipere causas. Hominem esse crudelem, ingratum, indignum omni commendatione: omnia tamen nos cupere quæ amicus velit.

Qui commendationem admittit, exorditur aut à laude amici: aut à pollicitatione: aut à literarum acceptarum, & commendationis institutæ brevi repetitione: aut à narratione eorum, quæ jam egerit.

Deinde animi prompti, studii atq; officii promissionem facit.

Post rationes ponet, cur commendatum sibi amicum velit, sumptas vel à persona commendantis, vel commendati.

Postremò repetitio brevis antè factæ promissionis institui potest.

Exemplum responsionis ad Commendatitiam observatum in Epist. II. lib. V. ad Fam. quâ Vatinii commendationi Cicero respondet, in Exordio laude Vatinii, atq; brevi commendationis repetitione positâ; omnia sua studia atque officia ejusdem uxori commendatæ defert: Ratione deniq; à commendantis petitâ personâ & honesta, & laboriosa minis sibi fore pollicetur ea, quæ in amici rebus acturus sit.

Grata

Rara tibi mea esse officia non mirer: cognovi  
 enim te gratissimum omnium: idq; nunquam  
 aestiti predicare: nec enim tu mihi gratiam mo-  
 do habuisti: verum etiam cumulatissime retulisti,  
 quamobrem reliquis tuis rebus omnibus, pari me  
 studio erga te, & eadem voluntate cognoscet.  
 Quod mihi faminam primariam Pompeiam,  
 uxorem tuam commendas, cum Sura nostra flu-  
 tim tuis literis lectus locutus sum, ut ei meis verbis  
 diceret, ut quidquid opus esset, mihi denuntiaret,  
 me omnia, quae ea vellet, summo studio, curaq;  
 facturum: itaq; faciam: eamq; si opus esse vide-  
 bitur, ipse conveniam. Tu tamen ei velim scri-  
 bas, ut nullam rem, neq; tam magnam, neque  
 tam parvam putet, quae mihi aut difficilis, aut  
 parum me digna videntur. Omnia, quae in tuis  
 rebus agam, & non laboriosa mihi, & honesta  
 videbuntur. De Dionysio, si me amas, confice,  
 quamcumq; ei fidem dederis, prestabo. Si vero  
 improbus fuerit, ut est, duces eum captivum in  
 triumpho. Dalmatis dii male faciant, qui tibi  
 molesti sunt, sed, ut scribis, brevi capientur, &  
 illustrabunt res tuas gestas: semper enim  
 habiti sunt bellicosi.

Vale.

**G**Rata tibi mea quantulacunq;  
esse officia atque studia, lator,  
& ex animo lator. Quanquam no-  
vum hoc in te, aut mirum videri  
minimè debet. Cum enim omnibus  
virtutibus aliis te præditum cogno-  
vi: tum verò animum maximè gra-  
tum deprehendi in te, eundemque  
prædicare hætenus non destiti.  
Neque quod cum multis esse tibi  
commune posset, gratias mihi mo-  
dò egisti: verum etiam reipsâ a-  
bundè atq; cumulatè retulisti. Quo  
etiam nomine obstrictum me tibi  
hætenus devinctumq; semper ha-  
buisti, pari que studio ac voluntate  
deinceps in te tuosq; deprehen-  
des. Quod mihi adolescentem stu-  
diosum, cognatum tuum com-  
mendas, statim literis tuis lectis  
largè mea illi officia obtuli; cum  
popu-

cum popularibus etiam ejusdem  
sum locutus, meis verbis ei indica-  
rent, ut cum in studiis, tum aliis re-  
bus audacter meâ operâ uteretur :  
paratum me promptumq; semper  
futurum. Itaq; faciam : &, si opus  
videbitur, ipse studiorum illius in-  
spector, moderator, gubernator  
ero. Quia etiam plerumque vere-  
cundia obstare adolescentulis so-  
let, ei scribas velim, me sæpè ut con-  
veniat: nec grave hoc mihi, aut mo-  
lestum fore existimet. Ita enim de  
me es meritis præclarè, ut à te  
commendatis nulla in re deesse, vel  
velim, vel possim. Negotia illa, de  
quibus nuper ad te scripsi, pri-  
mo quoq; tempore expedias rogo:  
Gratum me præstabo. Sin impedi-  
mentum objectum aliquod fuerit:  
de eo certiozem me fieri velim.  
Dii illis malè faciant, qui in re lon-  
gè æquissimâ atq; honestissimâ im-

H

pedi-



pedire nos conantur. Sed ut scribis, egoq; planè confido, brevi improbitatis suæ poenas dabunt.

† Ita responderi his potest, qui suos nobis amicos per literas commendatunt. Restat ut, antequam ad novum Epistolæ genus accessum faciamus, exempla proferamus instituendæ gratiarum actionis apud eos, qui commendatione nostrâ cōmōti benè amicis fecerunt. Collocatio autem hujus gratiarum actionis hunc in modum est instituenda, ut in Exordio sit aut laticia declaratio, quam ex humanitate & benevolentia amici percipimus: aut excusatio, quod eodem sæpè apud amicum literarum exemplo utamur: aut gratiarum actio, pro præstita humanitate, hospitalitate, liberalitate amico commendato. In parte alterâ beneficia exponantur, commendentur, amplificentur. In tertiâ nova instituat petitiō; ut, quemadmodum hæc fecimus, ita deinceps quoque amicum sibi commendatum habeat. Epilogus absolvatur vel renovatione commendationis & petitionis: vel animi grati promissione: vel præfatione ulterioris commendationis.

Exempli loco nobis hîc esse debet Epistola 42. lib. XIII. in qua Cullcolo gratias Cice-

ro agit. Partes illius Epistolæ sunt quatuor. Exordium gratiarum actione constat. Narratio expositionem & commendationem præstiti officii continet. Propositio commendationem & novam habet petitionem; ut deinceps etiam Luceio adesse Culleolus velit. Conclusio grati animi pollicitatione absolvitur.

**Q**ua fecisti L. Luceii causâ, scire te planè volo, te homini gratissimo commodasse: & cum ipsi, qua fecisti, pergrata sunt, tum Pompejus quotiescunq; me videt (vidit autem sæpissimè) gratias tibi agit singulareis. Adde etiam illud, quod tibi jucundissimum esse certo scio. meipsum ex tua erga Lucejum benignitate maximâ voluptate affici. Quod superest, quanquam mihi non est dubium, quin cum antea nostrâ causâ, nunc jam etiam tua constantia gratiâ mansurus sis in eadem ista liberalitate: Tamen abs te vehementer etiam atq; etiam peto, ut ea, qua initio ostendisti, deinceps fecisti, etiam ad exitum augeri & cumulari per te velis. Id et Lucejo & Pompejo valde gratum fore, teq; apud eos præclarè positurum confirmo & spondeo. De Repub. deq; his negotiis, cogitationibusq; nostris perscripseram ad te diligenter paucis antè diebus, easq; literas dederam pueris tuis. Vale.

† IMITATIO HVIVS EPISTOLÆ,  
*quā gratia aguntur amico, qui nostrā commen-  
 datione motus humaniter atq; benevole  
 adolescentem studiosum  
 tractavit.*

**Q**Uæ fecisti adolescenti studio-  
 so, qui à me tibi commenda-  
 tus fuit, homini te grato fecisse sci-  
 as velim. Neq; enim satis per lite-  
 ras tuam mihi prædicare humani-  
 tatem atq; benevolentiam potuit,  
 eoq; nomine in ære sese meo futu-  
 rum semper affirmavit, quod tibi  
 commendatus fuerit. Neque ipsi  
 modò adolescenti grata hæc mea  
 commendatio extitit: verùm etiam  
 parens illius, vir clarissimus, quo-  
 ties me videt; (vidit autem ferè  
 quotidie) & mihi, & tibi gratias im-  
 mortales agit. Addo illud quoq;  
 quod tibi minimè ingratum aut  
 injucundum esse planè statuo, me  
 quoq; ex ista tua in adolescentem  
 humanitate atq; benevolentia vo-  
 lupta-

luptatem incredibilem percepisse.  
Quod reliquum est, etsi non dubi-  
tem, quin pro tua prona propen-  
saq; benè cùm de omnibus aliis,  
tùm verò studiosis maximè adole-  
scentibus, merendi voluntate, con-  
stans hâc sis in re mansurus: Tamen  
majorem in modum à te peto, ut  
quæ præstare hæcenus cœpisti, de-  
inceps quoq; conserves, augeas,  
cumules. Tàm hoc mihi gratum,  
quàm quod gratissimum fore: Teq;  
& apud parentem, & filium egre-  
giè positurum, sanctè polliceor.  
De rebus meis privatis nuper ad te  
copiosè diligenterq; perscripsi, ut  
quod præterea jam scribam, non  
reperiam. Unicum hoc abs te pe-  
to: ut, quod facis, me ames, meq;  
tuum & esse jam & fore perpetuò  
confidas. Vale.



## AD COMMENDATIONEM

*respondendi formula.*

**N**umerium Numesticum libenter accepi  
in amicitiam, & hominem gravem & prudentem, & dignum tuâ commendatione cognovi:

Cratoni re, & verbis ostendi, quid tua commendatio ponderis haberet. Itaque in intimis est meis, cum antea notus non fuisset.

Quid ego audio? vis tibi ignosci, quod me tuis commendatitiis literis oneras. Imò sic interpretor, ingens beneficium abs te datum, qui tali viro me conciliâris.

Quid possim, tu videris. Quis sit exitus rei futurus, fortunæ in manu est. Illud efficiam, ut Antonius intelligat nostram amicitiam haudquaquam vulgarem esse.

Et tu diligenter commendas hominem, & ille mihi visus est dignus, cui tantoperè faveas. Sed temporum iniquitas in causa fuit, quò minus licuerit, illi tantum præstare, quantum volebamus.

Qui mihi tuas attulit literas, ei ego meam omnem operam, si qua in re veller uti, atque omnino quidquid valeo, tuâ causâ detuli, visus est meam amicitiam plurimi facere, & à me, præter eam, nihil expetere, quod illi fa-

cili-

cilimum fuit impetrare : Nam cum omnibus naturâ pateo, tum verò, qui à te diliguntur. amore meo nunquam excludentur.

Germano tuo cupio meherculè satisfacere, sed adversantur multa, maximè peregrinitas, haud satis apta nostris moribus, & ignoratio sermonis Italici : meum tamen illi studium nullo loco deerit, si monuerit : Si ipse aliquid videro, in quo liceat ejus rationibus consulere, aggrediar, & quantum in me erit, perficiam.

## DE EPISTOLA

*Conciliatoria.*

**C**onciliatoria Epistola est, qua nos in benevolentiam alicujus insinuamus. Hoc epistolarum genus commendatio non dissimile est.

In hujus tractatione exordiri licebit à prædicatione, vel spe egregia humanitatis, benevolentia, auxilii ejus ad quem literas damus.

Deinde petemus, ut nos in suorum amicorum numerum ascribat.

Pòst argumenta adhibebimus, quæ ad nos amandos atque promovendos amicum impellere posse videntur. Quæ in re assentationis speciem, & bonorum prudentumq;

offensionem summo studio fugiemus. Nihilis  
 evehere laudibus, cujus conciliare nobis be-  
 nevolentiam volumus, molestum ac ingra-  
 tum est: Multa magnaq̃, de nobis ipsis pol-  
 liceri, stultum & invidiosum.

Si quid in nobis erit, quod illum ad amo-  
 rem mutuum provocare possit, id sine arro-  
 gantia subjudicabimus: ut sunt observantia,  
 amor, admiratio doctorum & magnorum  
 virorum: studium & diligentia in capeffen-  
 dis artibus & disciplinis: honestæ laudis &  
 gloriæ cupiditas. Præterea quàm sit hoc no-  
 bis honestum ac necessarium, ei verò ad quem  
 scribimus, laudabile, vel etiam utile futurum  
 demonstrabimus ab Exordio.

Postremò totos in eo nos fore pollicebi-  
 mur, ut magnorum virorum non indigni fa-  
 vore videamur, observantia, memoria, fides  
 in nobis, & gratitudo debita unquam deside-  
 retur. Vel petemus ut flagranti nostro amori  
 ignoscere, commendatosq̃; sibi nos habere  
 amicus dignetur.

Exemplum Conciliatoris epistolæ, obser-  
 vatum in Epist. 9. lib. V. ad Fam. qua Vatini-  
 us Ciceronem adversus malevolorum invidi-  
 am sibi defensorem parafre studet. Partes Epi-  
 stolæ illius sunt quatuor: Principio causas  
 Vatinius recenset, quibus adductus Cicero-  
 nis

nis sibi conciliare benevolentiam conetur. In Propositione rogat, ut sese commendatum sibi habere velit. In Confirmatione petitionis causas & rationes ponit. Conclusio gratitudinis pollicitatione absolvitur.

**S.** V. B. E. E. V. Si tuam consuetudinem in patrocinis tuendis servas, P. Vatinius cliens advenit, qui pro se causam dicere vult. Non, puto, repudiabis in honore; quem in periculo recepisti. Ego autem quem potius adoptem, aut invocem, quam illum, quo defendente vincere didici? an verear, ne qui potentissimorum hominum conspirationem neglexerit pro mea salute, is pro honore meo pusillorum ac malevolorum obrectationes, & invidias non prosterнат atq; Oterat? Quare si me, sicut soles, amas, suscipe me totum: atq; Hoc quicquid est oneris ac muneris, pro mea dignitate tibi tuendum ac sustinendum puta. Scis, meam fortunam nescio, quomodo facile obrectatores invadere, non meo quidem mehercule merito: sed quanti id refert, si tamen fato nescio quo accidit: Si quis forte fuerit, qui nostra dignitati obesse velit: peto à te, ut tuam consuetudinem & liberalitatem in me absente defendendo mihi praestes: literas ad senatum de rebus nostris gestis quo exemplo miseram, infra tibi perscripsi. Dicitur mihi tuus servus anagnostes fugitivus cum Vardais esse: de quo tu mihi nihil mandasti, ego tamen, terra,



172 DE CONSCRIBENDIS

*mariq; ut conquireretur, præmandavi : & profecto tibi illum reperiam nisi in Dalmatiam aufugerit, & inde tamen aliquando eruiam. Tu nos fac ames. Vale, ad III, 1d. Quintileis ex castris Narona.*

† IMITATIO HVIVS EPISTOLÆ,  
*qua petimus à docto aliquo claroque viro, ut in  
suorum nos amicorum aut clientum  
numero habeat.*

**S**i pristinam adhuc consuetudinem in amandis atq; promovendis bonarum artium studiosis servas: Nunc ad te venio: Et ut tuo dignum me amore ac patrocinio judices, etiam atque etiam rogo. Non opinor, me aspernaberis & rejicies, qui alios plurimos singulari es humanitate ac benevolentia complexus. Cujus verò ego potius amorem & patrocinium expetam, quàm illius, qui, cum propter ingenii monumenta præclara, tum egregias virtutes plenâ, quod  
ajunt,

ajunt, manu collaudatur ab omnibus? An verear ne, qui nemini unquam suam benevolentiam denegârit, illiteratos quoq; amicitia dignos suâ judicârit, is me repudiet? Cùm illud fieri plerumq; videamus: ut qua quisq; in arte maxime excellit, eos qui ejusdem sunt amantes & studiosi, amore persequatur. Neq; ad hominum animos benevolentia congruendos studiorum quicquam sit similitudine aptius atq; accommodatius. Quare, si non doctum quidem: sed tamen doctorum observantem discendiq; cupidum, suscipe ac commendatum habe. Nota tibi ætatis est nostræ imbecillitas, insecitia, temeritas. Scis quàm in studiis instituendis adolescentes errent sæpè: quàm crebrò institutum mutant: quàm multa iisdem objiciantur, ex quibus, sine prudentum ac

doctorum virorum expedire sese  
consilio auxilioq; nequeunt. Idem  
ego quoq; expertus haecenus sum  
sæpè: Et adhuc experior quotidie.  
Quocircà tua inprimis prudentia  
mihi est opus: quæ fluctuantem re-  
gat: & uti spero, prompta mihi pa-  
rataq; erit. Fateor sanè, & ingenuè  
libenterq; fateor: Me à tua insigni  
pietate, nominis celebritate præ-  
clara: doctrinâ eximiâ: autoritate  
summâ longissimè abesse. Neque  
quonquantisq; distantibus ac distri-  
ctus negotiis tenearis ignorant ii,  
quibus tua iuvandi alios, cum vo-  
luntas, tum facultas est cognita.  
Veruntamen si ad eos, de quibus  
benè mereris quotidie, me quoq;  
unum minorem, quàm mediocrem  
aggregaveris: dies noctesq; in illud  
incumbam: ut gratum me fuisse,  
teq; alterum quasi parentem colu-  
isse atq; observasse intelligas. Benè  
vale

vale vir doctissime, & literis hisce  
meis ignosce, nec, quàm in iisdem  
exarandis sim infans, sed tui amans,  
confidera.

CONCILIATORIÆ EPI-  
*stola Exordia.*

**L**iteræ Q. Fratrîs, & T. Pomponii necessariî  
mei tantum mihi spei dederant, ut in te  
non minus auxilii, quàm in tuo collega mi-  
hi constitutum fuerit. Itaque ad te literas  
statim misi: Per quas, ut fortuna postulabat,  
& gratias tibi egi, & de reliquo tempore au-  
xilium petii.

Nisi certò cognoscerem tuam erga me sum-  
mam, verum etiam in omnes, tametsi alie-  
nos, bonarum literarum studiosos non vul-  
garem benevolentiam, vererer profectò, vir  
humanissime, studiorum tuorum tranquilli-  
tatem temerè appellare.

Cum sciam quàm non illibenter ab amicis  
te sollicitari patiaris, audacter te paucula soli-  
citurus accedo.

Singularis tua humanitas mihi hanc fidu-  
ciam ministrat, ut tametsi nihil promeritus;  
audeam tamen tuum officium liberè requi-  
rere.



Cum & mihi conscius essem, quanti te facerem, & tuam erga me benevolentiam expertus essem, non dubitavi meis te literis interpellare.

Quod meis te literis appellare sum ausus, vir optime, non tam impudentiæ meæ, quam tuæ, quam ab omnibus præd cari audio, benevolentia asscribere debes.

Cum ex tui studiosissimis eum te esse intellexissem, qui non solum oblatas amicitias diligenter coleres, verum tuâ sponte soleas etiam alios provocare, tuam amicitiam vehementer ardere cœpi.

Non reperio, vir humanissime, qua verborum forma tibi explicem, quantum tibi deberem: quando tu vir ista auctoritate & præstantia, tam honorificè de me sentias & loquaris.

Miram sanè rem, & tibi, ut opinor, auditu jucundissimam, non potui non ad te perscribere.

Amor inter nos mutuus, mea quæ de tua virtute opinio fecit, ut &c.

Deerat omninò quod scriberem, & inani te epistolâ interpellare volebam: mihi tamen illud est gravissimum, ut existimes nullis adhuc meis literis meum in te animum atque amorem satis esse testatum: tantus enim

est, ut de illo magis ipse ex te & tui ingenii dexteritate, quàm ex oratione & infantia mea judicare te velim.

Cùm neq; haberem, quod tua magnoperè interesset à me scribi, & te scirem summis occupationibus assiduè districtum, tamen faciendum mihi putavi, ut aliquid omninò ad te literarum darem: ad meum enim officium valdè pertinet, te de nobis optimè meritum intelligere, & quo te studio colam, & qua tuorum in me meritòrum memoriam religione conservem, quod, ut spero, consequar literarum bono: Nam ut remunerari unquam possim, sperare vix audeo.

Nihil est; mihi crede virtute formosius, nihil pulcrius, nihil amabilius. Semp̃er te propter summum ingenium, suavissimos mores, singularem probitatem & constantiam amavi, ad quem amorem hoc tempore tantum accessit, ut mirarer locum fuisse augendi in eo, quod mihi jam pridem cumulatam etiam videbatur.

Summa ejus erga me officia exstiterunt his nostris temporibus, ex quibus facilimè bonam benevolentiam hominum & fidem perspicere potui.

Te mei amantissimum cognovi in omni varietate rerum mearum, tum patris tui pluribus

ribus beneficiis, vel defensus tristibus temporibus, vel ornatus secundis. Quare necesse est, ut & sim totus vester, & esse debeam; cum præsertim matris tuæ gravissimæ, atq; optimæ fœminæ, majora erga salutem dignitatemq; meam studia, quàm erant à muliere postulanda, perspexim.

Tuam erga me singularem benevolentiam vel in labore meo, vel in honore perspexi; totamque domum vestram vel salutis vel dignitatis meæ studiosissimam, cupidissimamque cognovi.

Quanta tibi curæ fuerim, & quàm idem exstiteris in me ornando & amplificando, qui fueris semper cum Parentibus tuis, & cum tota domo, etsi res ipsa loquebatur: cognovim tamen ex meorum omnium literis: itaque nihil est tantum, quod ego non tuâ causâ debeam, facturûsq; sim cum studiosè, tum libenter.

Studium tuum, curaque tua de salute mea, nulla me nova voluptate affecit: non solum enim usitatum: sed etiam quotidianum est, aliquid audire de te, quod pro nostra dignitate fideliter atque honorificè dixeris, aut feceris.

OFFERENDI SE IPSVM FOR-  
mula, quarum creberrimus in Conciliato-  
rijs epistolis usus est.

**E**Go omne studium atque ingenium con-  
feram ad gloriam laudemque tuam cele-  
brandam.

Ego meam operam tibi nunquam defutu-  
ram esse, profiteor.

Omnes vigilas, curas, cogitationes in tua  
salute figam, defigam.

Consilio, quantum potero, labore, plus  
penè quàm potero excubabo vigilaboque  
pro te.

Me tibi in omnibus rebus affixum habe-  
bis, neque à me ulla res, quæ ad te pertineat,  
negligetur.

Tu velim tibi ita persvadeas, nullam rem  
esse minimam, quæ ad te pertineat, quæ mihi  
non carior sit, quàm mea res omnes.

Quantum literis, quantum studiis, veteri-  
bus nostris delectationibus consequi poterim-  
us, id omne ad arbitrium tuum, qui semper  
hac amasti, libentissimè conferemus.

Ego omnia studia, omnem operam, cu-  
ram, industriam, cogitationem, mentem de-  
niq; omnem in te fixi & locavi.

Ego, ut me tibi amicissimum esse, & æqui  
& iniqui intelligant, curabo.

Me



Me tibi non amicum modò : verùm etiam amicissimum esse existimes velim : profectò omnibus meis officiis efficiam, ut ita esse verè possis judicare.

Ego quæ pertinere ad te intelligam , studiosissimè omnium , diligentissimeque curabo , tuorumque tristissimo meo tempore meritorum erga me memoriam conservabo.

De mea in te voluntate sic velim judices , me quibuscunq; rebus opus esse intelligam , opera, consilio, studio, rei, famæ, saluti tuæ præstò futurum.

Ego quæ ad te & ad tuos pertinere arbitror , omnis studio & diligenterque curabo, quæ cum faciam , benevolentiam tuam erga me imitabor, merita non assequar.

Polliceor tibi studium quidem meum & operam, sine ulla exceptione aut laboris, aut occupationis, aut temporis; gratiam autem & auctoritatem cum exceptione hac, quantum valeam quantumq; possim.

Nullum officium erga te hominis amanatissimi, diligentissimi, fidelissimi prætermittam.

Ego, ut debeo, ad tuas me rationes adjungam, ad tuam me voluntatem conformabo.

Amplector adeò libenter tuam familiaritatem :

tatem : nam ante hunc diem non sum in tuam me consuetudinem, quam meus mihi pudor clausit, ausus insinuare.

Qua in re si tuam mihi declares benevolentiam, incredibilem tibi amorem, omniaq; summa & singularia studia libenter debebo & præstabo.

Hoc tibi vicissim polliceor, semperq; præstabo, si quid ingenio, labore, diligentia possum, totum me illud ad amplitudinem tuam conversurum : neq; ullam rem, quæ quidem ad te pertinet, & à me confici possit, futuram unquam, in qua non ego vel vitæ periculo faciam omnia, quæ te velle arbitror. In retinenda amicitia nostra & que colenda sic contendam atq; laborabo, ut omnibus amplissimis rebus dignus videaris.

Ego quid possim nescio : illud tamen tibi polliceor, me quæcunq; salutis, dignitatique tuæ conducere arbitror, tantò studio esse facturum, quanto semper tu & studio & officio in meis rebus eris.

Velim tibi persuadeas, me nullo loco, tempore, aut casu tuæ gloriæ defuturum.

Quod meum est, illud libenter & studiose faciam : actibi tuiq; omnia mea officia, studia, curas, cogitationes polliceor, quæ ad tuam laudem & gloriam pertinebunt.

Ve-

Velim tibi persuasum haberi, te mihi carissimum esse, in cuius salute non detrecto omnem meum laborem, omnem operam, curam & studium consumere.

Vide Officiosa Epistola formulas, à p. 183.

## DE EPISTOLA

*officiosa.*

**E** *Pistola Officiosa* sunt, quibus amicis, etiam si nihil perant, operam nostram ultro deferimus.

Harum Exordium constat vel significatione latitiae ac voluptatis ex amici benevolentia perceptae; vel excusatione similitudinis superioris temporis: Vel occasione scribendi; vel certe commemoratione amoris, benevolentiae, meritorum.

Deinde nihil tam promptum & paratum esse scribemus, quam omnem nostram operam, curam, diligentiam, auctoritatem, gratiam, & facultates ad omnia, quae ad amici voluntatem, commodum, & dignitatem pertinere cognoscemus.

Ideo rogabimus, ut nostra, quantulacunque sit opera, aliisque rebus & ipse, & sui in omnibus utantur negotiis: nos in omnibus paratissimos fore.

Addemus etiam (si ad rem facere videbitur)

eur) nos semper desiderasse tempus dari, quo & ipse, & alii cognoscerent, quanti à nobis fiat: vel doluisse nunquam datam nobis fuisse occasionem præstandi officii jam diu debiti.

Pòstrationes & causas afferemus, cur amico benè velimus.

Deniq; nihil nos prætermitturos pollicebimur, quod ad utilitatem honestatemq; ejus spectaverit: si quid prætermittum fuerit, & crebritate & magnitudine officiorum nos refarturos pollicebimur: vel petemus, ut ad nos sæpe scribat, & tantum, quid fieri velit, significet: vel etiam mutuo in amore respondeat.

Exemplum Officiorum epistolæ observatum in Epist. 8. lib. 5. ad Fam. quâ Crasso Cicero scribit, quænam absenti præstet: eisdemq; omnia sua studia atq; officia defert. Partes illius sunt quatuor. Exordium partim commemoratione officiorum, partim excusatione & translatione culpæ in temporis iniquitatem, & homines malevolos constat. Propositio officiorum & studiorum pollicitationem habet. Confirmatio causas & rationes ponit, quibus scilicet adductus Cicero non possit non benè & velle, & facere Crasso. Conclusio petitione absolvitur: Rogat enim Crassum Cicero, ut omnibus in negotiis suis liberè sua opera utatur;

Quan-



**Q**uantum meum studium existerit dignitatis  
 tuae vel tuenda, vel etiam augenda, non du-  
 bito, quin ad te omnes tui perscripserint: non enim  
 fuit aut mediocre, aut obscurum, aut ejusmodi,  
 quod silentio posset prateriri. Nam & cum consu-  
 libus, & cum multis consularibus tantâ conten-  
 tione decertavi, quantâ nunquam antea ulla in  
 causa; suscepî; mihi perpetuam propugnationem  
 pro oronibus ornamentis tuis, veteriq; nostra ne-  
 cessitudini jam diu debitum: sed multa varietate  
 temporum interruptum officium cumulatè red-  
 didi. Neq; mehercule unquam mihi tui aut co-  
 lendi, aut ornandi voluntas defuit: sed, quadam  
 pestes hominum laude aliena dolentiû. Et te non-  
 nunquam à me alienarunt, & me aliquando im-  
 mutarunt tibi. Sed exstitit tempus optatum mihi  
 magis, quàm speratû, ut florentissimis tuis rebus,  
 mea perspicui possit & memoria nostra voluntatis,  
 & amicitiae fides: sum enim consecutus, non modò  
 ut domus tua tota: sed ut cuncta civitas me tibi a-  
 micissimum esse cognosceret. Itaq; & prestantissi-  
 ma omnium faminarum uxor tua & eximia pie-  
 rate, virtute, gratia tui Crassi meis consiliis moni-  
 tis, studiis, actionibusq; nituntur: & senatus popu-  
 lusq; Rom. intelligit, tibi absenti nihil esse tam  
 promptum, aut tam paratum, quàm in omnibus  
 rebus, quae ad te pertineant, operam, curam, dili-  
 gentiam, auctoritatem meam, Qua sint acta,  
 quaq;

quæq; agantur, domesticorum tibi literis declarari  
puto. De me sic existimes, ac tibi persuadeas ve-  
hementer velim, non me repentina aliqua volun-  
tate, aut fortuito ad tuam amplitudinem meis of-  
ficiis amplectendam incidisse: sed ut primum foris  
attigerim, spectasse semper, ut tibi possem quam  
maximè esse conjunctus. Quo quidem ex tempore  
memoria teneo, neq; tibi meam observantiam,  
neq; mihi tuam summam benevolentiam ac libe-  
ralitatem defuisse: Si qua interciderunt non tam  
re, quàm suspitione violata, ea cum fuerint & fal-  
sa & inania, sint evulsa ex omni memoria, vitæq;  
nostræ. Is enim tu vir es, & eum me esse cupio, ut  
quoniam in eadem Reipub. tempora incidimus,  
conjunctionem, amicitiamq; nostram utriq; no-  
strum laudi sperem fore. Quamobrem tu quan-  
tum tuo iudicio tribuendum nobis esse putes, sta-  
tues ipse, & ut spero, statues ex nostra dignitate.  
Ego verò tibi profiteor, atq; polliceor eximium, &  
singulare meum studium in omni genere officii;  
quod ad honestatem & gloriam tuam spectet, in  
quo etiam si multi mecum contendunt, tamen cum  
reliquis omnibus, tum Crassis tuis iudicibus;  
omneis facile superabo: quos quidem ego ambos  
unicè diligo; sed in Marco benevolentia impari:  
hoc magis sum Publico deditus, quod me quanquàm  
à pueritia sua semper: tamen hoc tempore maxi-  
mè, sicut alterum parentem & observat, & diligit.

HAS

*Has literas velim existimes fœderis habituras esse vim, non epistola: meq; ea, quæ tibi promitto ac recipio, sanctissime esse observaturum diligentissimèq; facturum. Quæ à me suscepta defensio est, te absente, dignitatus tuæ, in eajam ego non solum amicitia nostræ: sed etiam constantia mea causâ permanebo. Quamobrem satis esse hoc tempore arbitratus sum, hoc ad te scribere: Me, si quid ipse intelligerem, aut ad voluntatem, aut ad commodum, aut ad amplitudinem tuam pertinere, meâ spontè id esse facturum? Sin quidpiam aut à te essem admonitus, aut à tuis: effecturû, ut intelligeres, nihil neq; te scripsisse, neq; quenquâ tuorum ad me frustra detulisse. Quamobrem velim ita & ipse ad me scribas de omnibus minimis, maximis, mediocribusq; rebus, ut ad hominem amicissimû: & tuis precipias, ut opera, consilio, auctoritate, gratia mea sic utantur in omnibus publicis, privatis, forensibus, domesticis, tuis, amicorum, hospitum, clientum tuorum negotiis, ut quoad ejus fieri possit, præsentia tua desiderium meo labore minuatur. Vale.*

## † IMITATIO HVIVS

Epistola.

**Q**uanto ego studio negotia  
promovere tua conatus fue-  
rim,



rim, ex amicorum tuorum literis intellexisse te arbitror. Neq; enim illud, aut ita est leve atq; exiguum, ut negligi, aut obscurum, ut ignorari queat. Tanta profectò contentione cum adversariis tuis adhuc decerto quotidie, quantâ nunquâ antè vel in meis, vel propinquorum meorum rebus decertare sum solitus. Faciam etiam illud impossibile, operamq; dabo, ut si quid fortè neglectum à me superioribus temporibus fuerit, compensem ac sarciam. Quanquam tui juvandi, aut ornandi non mihi studium, sed facultas defuit: quam tempora partim, partim homines quidam malevoli ademerunt. Lator ergò, & ex animo lator, tempus aliquando extitisse, quo meam erga te promptam voluntatem, & amicitia per-  
spicere fidem posses. Me etiam consecutum ut & ij, qui istam hîc cau-



famagunt, meis consiliis atq; stu-  
 diis nitantur, & ceteri, qui tibi fa-  
 vent, tui me amantissimum ac stu-  
 diofissimum; prompta officia, ope-  
 ram, curam, diligentiam paratam  
 intelligant. Neq; dubito, quin de  
 eis, quæ hætenus sunt acta & adhuc  
 aguntur, tuorum jam sis literis fa-  
 ctus certior. De me sis tibi persua-  
 sum habeas, rogo; non casu aut te-  
 meritate quadam amare me te, atq;  
 colere cœpisse: Sed illud multis  
 jam annis propositum habuisse, ut  
 conjunctus esse tibi possem. Recor-  
 dor etiam, nunquam tuam huma-  
 nitatem mihi atq; benevolentiam  
 defuisse. Si quæ interim simultates  
 intervenerunt, vel potius suspicio-  
 nes leviculæ ex rumusculis incertis  
 aut malevolorum sermunculis or-  
 tæ, sint oblivione illæ perpetuâ se-  
 pultæ, omniq; è memoria nostra e-  
 vulsæ. Eâ enim tu pietate, doctrinâ,

virtute, autoritate præditus vires:  
Eum quoq; me esse cupio; ut ami-  
citiam atque conjunctionem istam  
nostram, & voluptati nobis, & no-  
stris ornamento, & Reip. usui emo-  
lumentoq; fore confidam. Itaque  
quo me deinceps habere loco ve-  
lis, ipse statues, & ut spero, meo ex  
commodo & honore statues. Ad  
me quod attinet: studium meum  
eximium in omni genere officii, si-  
ne ullâ ullius, vel laboris, vel occu-  
pationis, vel periculi exceptione  
defero. Neq; hac in re amicis tuis,  
aut propinquis cedam: quos ego,  
& quia sanguinis te communione  
attingunt: & quia viri sunt boni,  
unicè diligo. Quæ quidem ad te  
perscribere nunc placuit ut scires,  
primùm in suscepta semel tui de-  
fensione constantem me perman-  
surum. Deinde in cæteris quoque  
rebus, si quæ ad tuam, vel dignita-  
tem,

tem, vel utilitatem, vel voluntatem  
 pertinere intellexero, ultrò me se-  
 duloq; facturum. Tum admonitum  
 à te vel per literas, vel amicos, in eo  
 totum futurum, ut nihil à me fru-  
 strà fuisse postulatum intelligas. I-  
 taq; velim audacter tua mihi cre-  
 das committaq; omnia: tuis etiam  
 præcipias: ut mea quantulacunque  
 opera, gratiâ, auctoritate in nego-  
 tiis, cùm publicis, tùm privatis,  
 quotiescunque placuerit, utantur.  
 Vale.

DEFERENDI ALICVI SVVM

*Officium formulæ.*

**T**uum negotium agam, sicut debeo, dili-  
 genter.

Omni meâ curâ atq; operâ providebo.

Omni ope atq; operâ enitar.

Summo studio diligentiaq; curabo.

Defero tibi officium meum, promptamq;  
 omnem voluntatem meam.

Si quid est, in quo tibi possim gratificari,  
 nihil sum recusaturus.

Non

Non sum defuturus officio meo, sicubi  
queam tibi esse commodo.

Quæ te velle arbitrabor, facturus sum o-  
mnia cum studiosè, tum libenter.

Si quid erit, in quo queam tibi gratum fa-  
cere, facito periculum, an ex animo te dili-  
gam? Animum ad quidvis obsequii prom-  
ptissimum polliceor in omnibus, in quibus  
desiderabis amici officium.

Illud cave dubites. Tu velim certò con-  
fidas.

Tu velim ita tibi persuadeas: De me sic ve-  
lim judices, me tibi semper præstò futurum.  
me tibi nullâ re unquam defuturum.

De me sic velim judices, quantum ego pos-  
sum, me tibi salutis tuæ, liberisq; tui summo  
cum studio semper præstò futurum.

Singula persequi non est necesse: Uni-  
versum studium meum, & benevolentiam ad  
te defero.

Mea in te omnia summa necessitudinis of-  
ficia constabunt.

Me tibi non amicum modò, verum etiam  
amicissimum existimes velim: Profectò o-  
mnibus meis officiis efficiam, ut ita esse verè  
possis judicare.

De me tibi sic promitto atq; confirmo, me  
pro tua dignitate, rogando deprecatoris, &c.



suscepturum officia atq; partes. Omnia volo à me & postules & exspectes: vincam meis officiis cogitationes tuas.

Reliquum est, ut tibi me in omni re eum præbeam, præstemq; , ut ad omnia, quæ tui velint, ita sim præstò, ut me non solum omnia debere tuâ causâ: sed etiam quæ non possim, putem.

Tu verò ut intelligas, homini amicissimo te tribuisse officium, re tibi præstabo.

Ego, quæ pertinere ad te intelligam, studioissime omnium diligentissimeq; curabo, tuorumq; tristissimo meo tempore meritum erga me memoriam conservabo.

Ego te mihi semper amicum esse volui, me ut tibi amicissimum esse intelligeres, laboravi. Maneo in voluntate, & quoad voles tu, permanebo, citiusq; amore tui, fratrem tuum odisse desinam, quàm illius odie quidquam de nostra benevolentia detrahiam.

Ego tibi profiteor, atq; polliceor eximium & singulare meum studium in omni genere officii.

Has literas velim existimes foederis habituras esse vim, non epistolæ; meq; ea, quæ tibi promitto ac recipio, sanctissime esse observaturum, diligentissimeq; facturum.

Hoc existima, neminem me tui amantior rem habere.

Tu

Tu ei velim scribas, ut nullam rem, neque tam magnam, neque tam parvam putet, quæ mihi aut difficilis, aut parum me digna videatur.

Omne meum consilium, operam, studium, certè velim existimes, tibi tuisque liberis esse debitum.

Quare velim ita statutum habeas, me tui memoriam cum summa benevolentia tenere, tuasque omnes res non minori mihi curæ, quam meas esse.

Studium, officium, operam, & laborem meum, & pollicitus sum, & deruli totum.

A me tibi liberisque, tuis omnia paratissima esse confidas velim: Id enim & vetustas nostri amoris, & mea consuetudo in meo, & tua multa erga me officia postulant.

Quæ mihi venient in mentem, quæ ad te pertinere arbitror, & meâ sponte faciam, si quid ignorabo, de eo admonitus omnium studia vincam.

Me scito omnem meum laborem, omnem operam, & studium in tua salute consummere.

Ego quid possim nescio, vel potius me parum posse sentio. Illud tamen tibi polliceor, me quæcunque saluti dignitatiq; tuæ conducere arbitror, tanto studio esse facturum.

rum, quanto semper tu studio & officio in rebus meis fuisse.

Quare de omnibus rebus, fac ut quam primum sciam, aut consolando, aut consilio, aut sejuvero.

Quod quando uterque nostrum consecutus est, reliquum est, ut officiis cereremus inter nos, quibus æquo animo vel vincam te, vel vincar abs te.

Tux dignitati ita favemus, ut omne nostrum consilium, studium, officium, laborem, diligentiam ad amplitudinem tuam conferamus.

Ita facillimè de Reipublica, quæ mihi carissima est, & amicis nostræ, quam sanctissimè nobis colendam puto, me intelligo, satisfactorum.

Quapropter in privatis rebus nullum neq; officium, neq; studium meum desiderabis.

Interea quæ ad dignitatem tuam pertinere arbitror, studiosè diligenterq; curabo.

Nullum in te officium ne minimum quidem, sine maxima culpa videor, posse præterire.

Quare, mi Cicero, persuade tibi, te meum esse, in quo ego colendo patriam mihi constituerim sanctitatem.

Me tuorum consiliorum adiutorem, dignitatis

tatis factorem, omnibus in rebus amicissimum fidelissimumq; cognosces.

Faciám illud, quod meum est, ut omnia tibi mea officia, studia, curas, cogitationes pollicear, quæ ad laudem tuam & gloriam pertinebunt.

Exploratum habeto, tuis laudibus nullo loco nec consilium, nec studium meum defuturum esse.

Illud tibi persuadeas velim, me omnia quæ ad tuam dignitatem augendam pertinebunt, quæ est per se amplissima, summo semper studio suscepturum & defensurum, quod quamquam intelligo me cum multis esse facturum, tamen appetam hujus rei principatum.

Quod tuum judicium, nisi mea summa benevolentia erga te omnibusq; meritis comprobâro, ipse me hominem non putabo.

Interim velim sic tibi persuadeas, mihi cum Reip. quàm semper carissimam, tum amoris nostri causâ, maximæ curæ esse tuam dignitatem.

Nullum officium, nullum certamen, in quo illis prodesse poterò intermirtam.

Te ita existimare volo, quibuscunq; officiis Atticum obstrinxeris, iisdem me tibi obligatum fore.

Nihil est tantum, quod ego non tuâ causâ

debe-



debeam, facturūque sim & studiosè ac libenter.

Quod si à te erit impetratum, sic velim existimes, me de tua liberalitate ita interpretaturum, ut tuo summo beneficio me affectum judicem. Ego quæ te velle, quæque ad te pertinere arbitrabor, studiosè diligenterque curabo, &c.

Quod si feceris, me, quem voluntate & paternâ necessitudine conjunctum semper habuisti, maximo beneficio devinctum habebis, idque; ut facias, te vehementer etiam atque etiam rogo.

Nostram fidem omnes, & amorem tui absentis præsentibus tuos cognoscent.

U. quàm rectissimè agantur, omni meâ curâ, operâ, diligentia, & gratiâ providebo.

A me autem omnia summa in te studia, officiaque expecta: Non fallam opinionem tuam.

Quæ ad me de tuis rebus domesticis scribis, quæque mihi commendas, ea tantæ mihi curæ sunt, ut me nolim admoneri; rogari verò sine dolore magne vix possim.

Ego & memoriâ nostræ veteris amicitie & virtute atque; filii tui observantiâ monitus, aulico loco deero, neque; ad consolandum, neque; ad levandum fortunam tuam.

Tu

Tu si quid ad me fortè scripseris, perficiam, ne te frustra scripssisse arbitrèr.

Meus animus erit in te liberòsq; tuos semper, quem tu esse vis, & qui esse debet.

RESPONSIO AD OFFICIOSAM  
Epistolam.

**R**espondurus ad officiosam, non perceptam modò amici voluntatem, humanitatem, & benevolentiam, officiiq; pollicitationem laudabis, verùm etiam cum gratiarum actione roges amicum oportet, ut deinceps quoq; benè in te animatus esse velit.

Principiò vel amici amorem, studium, benevolentiam laudabis: Vel gratias, pro benè in te affectà voluntate ages; vel breviter, quod & aliis Epistolarum responsionibus commune est, te amici literas recepisse, legisse, gratas tibi fuisse commemorabis.

Deinde præstita beneficia recensebis per teq; , ut in te amando & promovendo constantiam amicus tueri velit. Polliceberis etiam operam tuam, certandumq; officii esse dices, quibus æquo animo vel vincas illum, vel vincaris ab illo. Tuam spem significabis in illo uno, vel in illo maxime post Deum ipsum, à quo bona omnia primò emanant, positam esse.

Tandem tantam humanitatem & benevolentiam, tot tantaq; officia nullam unquam obscuraturam oblivionem polliceberis.

Exemplum responsionis ad officiosam, observatum in Epist. II. lib. X. ad Fam. qua Ciceroni primum Flancus gratias agit. Deinde in se collata beneficia enumerat. Tum eundem rogat, ut deinceps in senatu se defendere velit. Postremò suam in defendendâ Repub. fidem, & in amicitia grati animi memoriam promittit.

Quibus omnibus affabrè expressis, quæ in bello contra Antonium gerendo proposita habebat, consilia, indicat.

**I**mmortales ago tibi gratias, agamq; dum vivam. Relaturum me affirmare non possum; tantis enim officiis non videor mihi respondere posse, nisi fortè, ut tu gravissimè discretissimèq; scripsisti, ita sensurus es, ut me tum referre gratiam potes cum memoria tenebo. Si de filii tui dignitate esset actum, amabilis certe nihil facere potuisses. Prima tua sententia infinitis cum munibus, posteriores ad tempus, arbitriumq; amicorum meorum composita, oratio assidua & perpetua de me, surgia cum obrectatoribus propter me notissima mihi sunt. Quare non mediocris adhibenda mihi est cura, ut Reipub. me civem dignum tuis laudibus præstem, in amicitia tua me-

morem



merem atq; gratum. Quod reliquum est, tuum munus tuere, & me, si quem esse voluisti, cum exitu rebusq; cognoscis, deferre ac suscipe. Cum Rhodanum copias trajecissem fratrem cum tribus millibus equitum pramississem, ipsa iter ad Mutinam dirigerem: In itinere de pralio facto, Brutog; Mutina obsidione liberatis, audiui. Animadverti, nullum alium receptum Antonium reliquiasq; qua cum eo essent, habere, nisi in his partibus: Duasq; ei spes esse propositas, unam Lepidi ipsius, alteram exercitus. Quod quadam pars exercitus non minùs furiosa est, quam qui cum Antonio fuerunt, equitatum revocaui. Ipse in Allobrogibus consiti, ut proinde ad omnia paratus essem, ac res me moueret. Si nudus huc se Antonius conferet, facile mihi videor per me sustinere posse, remq; publicam ex vestra sententia administrare, quamvis ab exercitu Lepidi recipiatur. Si verò copiarum secum aliquid adducet, etsi decima legio, veterana, qua nostrâ operâ revocata cum reliquis est, ad eundem furorem redierit: Tamen ne quid detrimenti fiat, dabitur opera à me, idq; me praestitutum spero, dum isthinc copia trajiciantur, conjunctaq; nobiscum facile perditos opprimant. Hoc tibi spondeo, mi Cicero, neq; animum, neq; diligentiam defuturam. Cupio mehercule nullam residuam sollicitudinem esse: sed si fuerit, nec animo, nec bonovolentia, nec pa-



## 200 DE CONSCRIBENDIS

scientia cuiusquam pro vobis cedam. Do quidem ego operam, ut etiam Lepidum ad huius rei societatem incitem, omniaq; ei obsequia polliceor, si modo Rempublicam respicere velit. Utor in hac re adiutoribus, interpretibusq; fratre meo, & Latereuse & Furnio nostro. Non me impedient privatae offensiones, quò minus pro Reipub. salute etiam cum inimicissimo, consentiam, quod si nihil profecero, nihilominus maximo sum animo, & maiore fortasse cum meâ gloria vobis satisfaciam. Fac valeas, meq; mutuo diligas.

## IMITATIO HVIVS

## Epistola.

**M**agnastibi nunc, uti debeo, ago gratias: majores habeo, & habiturus sum, dum animâ spirabo meâ; Relaturum me affirmare mea me non sinit tenuitas. Tot enim tantaq; tua in me extant promerita: ut vix illa percensere numerando, nedum remuneratione explere aliquâ possim. Nisi fortè quæ tua est humanitas, retulisse me gratiam existimaveris, si memoriâ ea tenuero.

nūero. Si de propinquorum, aut etiam liberorum agendum tibi rebus esset, majorem profectò curam, fidem, diligentiam adhibere non posses, quàm in hoc meo molestò sanè ac difficili negotio adhibere te intelligo. Quot enim quantosq; mei causâ labores sustineas: quorum hominum odium tibi atq; invidiam concilies: quibus cum jurgiis propter me contendas: Cognitum jam dudum exploratumq; habeo. Itaq; hæc hunc cura animo erit meo infixæ perpetuò, ut & publicè dignum tuâ me laude atque commendatione geram: & verò privatim minimè committam, ut tuorum officiorum memoria meo ex animo effluxisse videatur. Vale, & quem semel tuâ benevolentia atq; defensione dignum judicasti, eundem & deinceps amare, fovere, tueri, perges.

## AD OFFICIOSAM RE-

*spondendi formulæ.*

**Q**uod grata tibi mea officia scribis esse, facis tu quidem vehementiâ amoris, ut etiam grata sint ea, quæ prætermitti sine nefario scelere non possunt.

Magnum est hoc, Sauli clarissime, humanitatis & amoris in me tui argumentum, quod, cum in istis locis nunc sis, ubi multam diei partem cum singulari viro, Cardinale Polo, gravissimis, sanctissimisq; sermonibus traducas, non modò tamen de me cogites, quo ego uno contentus esse poteram, verùm etiam idipsum mihi declarandum literis existimas.

Dehinc tibi, mi Conrade, tot jam nominibus, prorsus ut non videam, qui solvendo esse possim. Scripsisti ad me sæpè. tantumne? sunt alia: humanissime, elegantissime Laudes in me contulisti eas, quas si agnoscam, ipse me nimis videar amare. Tibi tamen habeo gratias de istâ tam liberali, tamque erga me prolixa voluntate, eamque, si gratus, id est, vir bonus esse volo, ut certè volo, puto mihi esse inter summa beneficia collocandam.

Profectò nihil est uberius amore in me tuo: nec amorì cedit ingenium. Ita q; mea causâ

& vis omnia, & idem facile præstas; quod cum ita sit, nimis tamen facerem impudenter, atq; adeò neq; ipse te amarem, nec amore tuo dignus essem, si plus oneris tibi imponerem, quàm occupationes patiantur tux.

## DE COMMUNICATORIA

*Epistola.*

Communicatoriam illam appellare possumus epistolam, qua nostra cum amico communicamus, consilia, eundemque rogamus, ut quid faciendum, omittendumve nobis ille censeat, indicet. *Hoc epistolarum genus, quàm proximè ad petitorium accedere videtur.*

Principiò studium & cupiditatem nostram communicandi cum amico, ob singularem ejus doctrinam, prudentiam, experientiamq; significare possumus, vel certè causam nostræ scriptiōis appetimus.

Deinde rem ipsam, quæ in consultatiōnem venit, proponemus.

Post causas & rationes illas, quæ dubios nos reddunt, enumerabimus.

Postremò petemus, ut pro sua erga nos benevolentia, vel nos conveniat, vel saltem per literas significet, quid sentiat, quid agendum, aut omittendum arbitretur, pollicemur etiam, nos in sententiam suam modò, quid



quid ille constituerit, sciverimus, ultrò ituros.

Exemplum communicatoria observatum in Epist. 3. lib VIII ad Atticum, qua Cicero sua cum Attico consilia de bello communicat. In cujus Exordio se cupidissimum esse coram cum Attico deliberandi significat. Deinde consultationem ponit. Confirmatio dubiam, difficilemq; reddentia consultationem argumenta complectitur. Conclusio petitione constat.

**M**aximis & miserrimis rebus perturbatus, cum coram tecum mihi potestas deliberandi non esset: uti tamen tuo consilio volui. Deliberatio autem omnis hæc est, si Pompeius Italiã cedat (quod cum facturum esse suspicor, quid mihi agendum putes, & quo facilius consilium dare possis, quid in utramq; partem mihi in mentem veniat, explicabo brevi. Cum merita Pompeii summa erga salutem meam, familiaritasq; que mihi cum eo est, tum ipsa Reip. causa me adducit, ut mihi vel consilium meum cum illius consilio, vel fortuna coniungenda esse videatur. Accedit illud se maneo, & illum comitatum optimorum & clarissimorum civium defero, cadendum est in unius potestatem, qui etsi multis rebus significat, se nobis esse amicum, & ut esset, à me est (tuto scis) propter suspicionem huius impendentis tempestatis.

o. multo.

multò antè provisum: tamen utrumq; conside-  
randum est, & quanta ei fides sit habenda: & si  
maximè exploratum sit, eum nobis amicam fore,  
sitnè viri fortis & boni civis esse in ea urbe, in qua  
cum summis honoribus, imperiisq; usus sit, res  
maximas gesserit, sacerdotio sit amplissimo pradi-  
tus, non futurus sit sui juris, subeundumq; pericu-  
lum sit cum aliquo fortè dedecore si quando Pom-  
peius Remp. recuperarit. In hac parte hæc sunt.  
Vide nunc quæ sint in altera. Nihil actum est à  
Pompeio nostro sapienter, nihil fortiter, adde et-  
iam nihil, nisi contra consilium, auctoritatemq;  
meam. Omitto illa vetera, quod istum in Remp.  
ille aluit, auxit, armavit, ille legibus per vim, &  
contra auspicia ferendis auct. ille Gallia ulterio-  
ris adiutor: ille gener: ille in adoptando P. Clo-  
dio augur: ille restituendi mei, quàm retinendi stu-  
diosior: ille provincia propagator: ille absentis in o-  
mnibus adjutor: idem etiam tertio consulatu post-  
quam esse defensor Reip. cepit, contendit, ut X. tri-  
buni pleb ferrent ut absentis ratio haberetur: quod  
idem ipse sanxit lege quadam sua, Marcoq; Mar-  
cello Cos finienti provincias Gallias Kalend. Mar-  
tiis restitit. Sed ut hæc omittam, quid scditus, quid  
perturbatius hoc ab urbe discessu, si ve potius tur-  
pissimâ fuga? Quæ conditio non accipienda fuit  
potius, quàm relinquenda patria? Male con-  
ditiones erant, Fateor, sed nunc quid hoc peius?

At

At recuperabit Remp. Quando? aut quid ad eam  
 spem est parati? non pecunia omneis & publica,  
 & privata, ad versario tradita? Deniq; nulla caus-  
 sa, nulla vires, nulla fides, nulla sedes, quod con-  
 currant, qui Remp. defensam velint. Apulia de-  
 lecta est, inanissima pars Italia, & ab impetu hu-  
 jus belliremotissima: fuga & maritima oportuni-  
 tas visa quari desperatione. Invitè cepi Capu-  
 am: non quò munus illud defugerem: sed sine cau-  
 sa in qua nullus esset ordinum, nullus apertus pri-  
 vatorum dolor: bonorum autem esset aliquis, sed  
 hebes, ut solet: & ut ipse sensissem: multitudo,  
 & infirmus quisq; propensus in alteram partem:  
 multi mutationis rerum cupidi: Dixi ipsi, me ni-  
 hil suscepturum sine praesidio, & sine pecunia, itaq;  
 habui nihil omnino negotii, quod ab initio vidi,  
 nihil quari prater fugam. Eum si nunc sequor,  
 quonam? Cum illo non: Ad quem cum essem pro-  
 fecturus, cognovi in his locis esse Casarem, ut into  
 Luceriam venire non possem. Infero mari nobis,  
 incerto cursu hyeme maxima navigandum est.  
 Age jam, cum fratre, an sine? Cum filia? An  
 quomodo? In utraq; enim re summa difficultas  
 erit, summus animi dolor: Qui autem impetus  
 illius erit in nos absentes, fortunaeq; nostras. A-  
 prior, quàm in ceterorum, quod putabit fortassis  
 in nobis violandis aliquid se habere populare. Age  
 jam, has compedes, fasces, inquam, hos laureatos,  
 offer-



efferre ex Italia quàm molestum est? Qui autem  
 locus erit nobis tutus, ut jam placatis utamur fla-  
 gitibus, autè, quàm ad illum venerimus? Quis  
 autem, aut quò, nihil scimus. At, si restituro, &  
 fuerit nobis hac in parte locus: idem fecero,  
 quod in Cinna dominatione L. Philippus,  
 quod L. Flaccus, quod Qu. Mutius, quoque  
 modo ea res huic quidem cecidit, qui tamen ita  
 dicere solebat, se id fore videre, quod factum est:  
 sed hoc malle, quàm armatum ad patria monia  
 accedere. Aliter Thrasibulus. Et fortasè melius:  
 sed est certa quadam illa Mutii ratio, atq; sen-  
 tentia: est illa etiam Philippi: & cum sit neces-  
 se servire tempori, & non amittere tempus, cum  
 sit datum. Sed in hoc ipsi habent tamen idem  
 fasces molestiam. Sit enim nobis amicus, quod in-  
 certum est: sed sit: deferet triumphum. Non ac-  
 ciperene periculosum sit: an accipere, invidiosum  
 ad bonos? O rem, inquis, difficilem. Et inexpli-  
 cablem. Atqui explicanda est. Qui enim fieri po-  
 test? Ac, ne me existimaris, ad manendum esse  
 propensorem, quod, plura in eam partem verba  
 fecerim: Potest fieri quod sit in multis questioni-  
 bus, ut res verbosior hac fuerit, illa verior.  
 Quamobrem, ut maxima de re a quo animo deli-  
 beranti ita mihi des consilium velim. Navis &  
 in Cajeta est parata nobis, & Brundusii. Sed  
 ecce nunc scribente me hac ipsa noctu in Calero,  
 ecce



ecce litera, Casarem ad Confinium, Domitium  
 Confinii cum firmo exercitu & pugnare cupiente.  
 Non puto etiam hâc Cn. nostrum commissurum,  
 ut Domitium relinquat: Est Brundisium Sci-  
 pionem cum cohortibus duabus pramiserat, legio-  
 nem à Fausto conscriptam, in Siciliam sibi placere  
 à Coss. Duci, scripserit ad Coss. Sed turpe Do-  
 mitium erit deserere, implorandum ejus auxili-  
 um. Est quadam spes mihi quidem non magna,  
 sed in his locus firmus. Affranium in Pireneo cum  
 Trebonio pugnasse, pulsum Trebonium, etiam Fa-  
 bium tuum transisse cum cohortibus: Summum  
 autem Affranium cum magnis copiis adventare.  
 Id si est, in Italia fortasse manebitur. Ego au-  
 tem, cum esset incertum iter Caesaris, quod vel ad  
 Capuam, vel ad Luceriam iturus putabatur, Le-  
 ptam ad Pompejum misi, & literas: Ipse, ne quo  
 incideram, reverti Formias. Hac te scire volui,  
 scripsisti, sed atiore animo, quàm proximè scripse-  
 ram, nullum meum iudicium interponens, sed ex-  
 quirens tuum.

† IMITATIO HVIVS EPISTOLÆ,  
 qua cum amico de instituenda studiorum &  
 peregrinationis ratione nostra consilia  
 communicamus.

**M**agna & necessaria de re con-  
 sultatio est mihi suscipienda,  
 quam

quam hisce tibi nunc literis exponere volui, cum coram tecum agendi facultas non concedatur. Est autem hæc omnis deliberatio: Cum studiorum meorum cursum ad finem propè hac in schola perduxerim, ideoq; de alia jam sit mihi cogitandum; quid mihi agendum existimes: Manendumne in Germania diutius, an verò in Galliam, aut Italiam eundum? Et, quò facilius tuo mihi adesse consilio queas, quid utramq; in partem occurrat, paucis indicabo. Cum, & clarissimorum virorum exempla intueor, & studiorum meorum considero finem, omninò necessariam mihi esse peregrinationem video. Etenim cum ad Reipublicæ tractanda gubernacula sapientiâ sit magnâ opus, eaque non tam ex libris, quam usu & experienciâ paretur: Utile omnino, imò necessarium

rium videtur, exterarum me nationes  
lustrare: Earundemq; linguas non  
modò addiscere, aut viros audire  
doctissimos: verum etiam leges, in-  
stituta, mores cognoscere. Moveo  
me deinde & illud, quod negligi  
contemniq; passim eos animadver-  
to qui limine paterno pedem nun-  
quam extulerunt, licet ab eruditio-  
ne illi fuerint atq; doctrinâ præcla-  
rè instructi. Huc accedit, quod si  
maneo diutius, & commilitonum  
meorum optimorum adolescen-  
tium comitatum desero, soli alio  
tempore, aut fortè cum ignotis sit  
mihi profectio suscipienda: qui li-  
cèt amicos sese interdum simulent;  
tamen fidere illis tutum satis non  
videtur. Etsi maximè exploratum  
sit, fideles eos fore: longè ta-  
men utilius est ac jucundius cum  
doctis, & iis, quibus aliquandiu  
usus fueris familiariter, quàm cum  
mer-



mercatoribus, aut aliis non literatis iter facere. Habes in hac parte, quæ ad profectiorem hoc instituendam tempore me potissimum hortantur: Nunc quæ sint in altera parte accipe. Omnia molestiarum atq; difficultatum plena in peregrinationibus esse longinquis solent. Mitto sumptus, quos maximos facere eos audio, qui in Gallia, Italia, aliisq; locis studiorum nunc gratiâ vivunt. Quot & quàm præclarorum adolescentum corrumpi in gentia atq; mores istis peregrinationibus videmus? Quàm multa itineribus magnis, molestiis infinitis, cum vitæ etiam periculo, ab improvidis adolescentibus addiscuntur, quæ majorum nostrorum verè germana detestata simplicitas, integritas, probitas fuisset? Ut enim in sole, qui ambulant, etsi non propterea ambulent, ut colorentur; Nihilò

K

tamen



tamen minùs colorari solent; Et qui in unguentaria aliquandiu commorantur taberna, illius secum odorem ferunt: Ita & qui peregrinantur, vel inviti peregrinos induere mores: vitia imitari confecerunt. Etatem deinde meam cum considero; talis ea est, ut nondum peregrinationibus longinquis maximè apta videatur. Movent præterea me non parùm tempora, in quibus vivimus: Bellaq; ferè omnibus nunc in locis, aut geruntur: aut metuuntur: insidiæ quæ bonorum adolescentum, & vitæ, & fortunis struuntur: Annonæ caritas summa: Morbi varii, iidemq; periculosi: Exempla multorum, qui paucos intra annos cum spe atque expectatione sui magnâ parentes & cognatos complevissent, miserè atq; procul à patriæ finibus remoti, avulsi à parentibus dulcissimis:

A co-

A cognatis & amicis abstracti, ex hominibus abierunt. Tandem & parentum me ancipitem atque dubium voluntas reddit; qui tantum me via capeffere nolunt. Ac ne me putes ad manendum proniorum esse, quod plura de peregrinationum incommodis scripserim. Potest fieri, ut quemadmodum in aliis: ita hac quoque consultatione plus verborum posterior: veritatis prior pars habuerit. Itaque à te, quem secundum patrem meum omnium hominum maximè colo, etiam atq; etiam peto, ut de re utili cum primis ac necessaria deliberanti tuo mihi adesse consilio velis. Quicquid svaseris, fixum apud me ratumq; erit: neq; ullo unquam tempore committam, ut vel frustra consilium mihi dedisse, vel malè apud me tua posuisse beneficia conqueri possis. Vale.

**M**agna de re consultatio mihi suscipienda est, quam tibi literis his exponere volui, cum coram tecum agendi facultas non concedatur.

Hujus epistolæ non solum ea causa est, ut ne quis à me dies intermittatur, quin de ad te literas: sed etiam hæc justior, ut à te impetrarem, ut sumeres aliquid temporis, quo, quia tibi perexiguo opus est, explicare mihi tuum consilium planè volo, ut penitus intelligam.

Quoniam justas causas adfers, quod te hoc tempore videre non possim: quæso, quid mihi sit faciendum.

Hæc ad te scribo, non ut queas tu demere sollicitudinem, sed ut cognoscam, ecquid tu ad ea afferas, quæ me conficiunt.

Prorsus nihil abest, quin sim miserrimus. Sed ad primum revertor, quid putes faciendum, occultè ne aliquo propius veniendum, an mare transeundum? Nam hic maneri diutius non potest.

Considerandum vobis etiam atque etiam animæ meæ diligenter puto, quid faciatis, Romæne sitis, an mecum aliquo tuto loco. Id non solum meum consilium est: sed etiam vestrum.

Magnè.

Magnoperè te hortor, pro tua singulari perpetuoq; studio in Remp. ut te ad nos cōferas, ut communi consilio Reip. afflictae opem atq; auxilium feramus.

Testatum, apud animum tuum relinquam, quid senserim: ut, si quando (quod nolim) displicere tibi tuum consilium cœperit, possis meum recordari.

Sed tamen si sciam, quid tu constitueris, meum consilium accommodabo potissimum ad tuum; Quare exspecto tuas literas.

Atq; utinam primis illis, quas Luceriā miseris, paruissem: sine ulla enim molestia dignitatem meam retinuissem.

Nemo est omnium, quocum potius mihi, quam tecum communicandum putem. Nec enim clarissimorum virorum, quorum similes esse debemus, exempla, neq; doctissimorum, quos semper coluisti, præceptate fugiunt.

Quamobrem quicquid habes ad consulendum, collige, & illa scribe, non ex doctrina, neq; ex libris (nam id quidem domi est) sed nescio quomodo imbecillior est medicina, quam morbus, hæc potius conquire.

Ego tuum consilium, propter singularem animi tui de virtute iudicium, audire desidero.



Freti tuâ humanitate, quod verissimum nobis videbitur de eo, quod ad nos scripsisti, tibi consilium dabimus: Quod si non fuerit prudens, at certè ab optimo animo proficiscetur.

Tibi autem id consilij do quod mihi met-  
ipso, ut vitemus oculos hominum, si linguas  
minus facile possumus.

RESPONSIO AD COMMV-  
*nicatoriam Epistolam.*

**H**ic primum videndum cujusmodi sit id,  
quod in consultationem cadit. Deinde  
considerandum, sententiamne nostram cum  
amico communicare, an suspendere velimus?  
vel enim quaeritur ab amico simpliciter, pla-  
ceatne hoc, vel illud fieri, aut non fieri? vel  
propositis duobus & comparatione factâ,  
utrum horum placeat fieri, & quæ Electio  
instituenda?

In responsione quâ sententiam nostram  
explicamus ac probamus aliquid, aut impro-  
bamus, exordiri licebit à commendatione &  
laude amoris, benevolentiz, humanitatis e-  
jus, qui nos consuluit: vel à repetitione ac-  
ceptarum literarum.

Deinde sequetur approbatio, vel improba-  
tio ejus sententiz, in quam inclinare magis  
amicus noster videtur.

Tum argumenta ponentur, quæ nos commovent, ut probandum, faciendum, eligendum aliquid esse statuamus: Quia honestum, quia utile, quia jucundum, quia necessarium, quia sine labore & molestia fieri possit: Cum persona sufficiat, conveniat locus, tempus sit accommodatum, modus sese offerat agendi expeditus. Aut improbandum, omittendum, fugiendum, quod contraria omnia deprehendantur: obftet difficultas: impendeat damnum: sit metuenda turpitudine: Nulla illud ipsam suscipere necessitas cogat.

Postremò nostram operam officium ac studium deferemus: vel sententiam repetemus.

Si liberam eligendi potestatem amico relinquere placuerit.

Principiò amicum laudabimus, verecundè & modestè extenuantes ea, quæ amicus nobis tribuit. Ostendemus favere ex animo nos studiis ac commodis ejus, qui nos consulit: Pro virili provehere eadem nos cupere: Non tamen agnoscere prudentiam, doctrinam, usum rerum atq; experientiam, & id genus alia, quæ amicus nobis tribuit: Esse illum talem, ut nostro consilio sibi non sit opus. Deinde ad deliberationem aditum faciemus, eamq; esse difficilem, & arduam affirmabimus, ita ut, quid potissimum faciendum sit, hæsitemus.

Tum argumentorum quæ utrinq; sese offerunt, comparationem instituemus.

Tandem concludemus permissione, ut cum nondum nobis constet, utrum sit melius, ipse statuatur amicus, quod sibi maximè profore existimaverit, aut in consilium alios adhibeat: vel petitione, ut nos communicandi gratiâ conveniat.

Exemplum responsionis ad communicationem in medio consultationem relinquens, observatum in Epist. 2. lib. IV. ad Fam. quâ Sulpitio Cicerô respondet, qui de instituendis rebus suis ipsum consuluerat. Partes illius sunt quatuor: Exordium scribendi occasione & laude prudentiæ Sulpitij & sui ingenij doctrinæq; extenuatione constat. Propositio dubitatione facta est. Confirmatio utilitatis & honestatis comparationem continet. Conclusio querelâ & petitione absolvitur.

**A**D III. Kalend. Majas, cum essem in Cumano, accepi tuas literas: quibus lectis cognovi, non satis prudenter fecisse Philotimum: qui, cum abs te mandatum haberet, ut scribis, de omnibus rebus, ipse ad me non venisset, literas tuas non misisset: Quas intellexi breviores fuisse, quod eum perlaturum putasses: Sed tamen postquam literas tuas legi, Posthumia tua me convenit, &

Ser-



Servius noster. His placuit, ut tu in Cumanum venires, quod etiam mecum, ut ad te scriberem, egerunt. Quod meum consilium exquiris: id est tale, ut capere facilius ipse possim, quam alteri dare. Quid enim est, quod audeam suadere tibi homini summâ auctoritate, summâq; prudentiâ? si, quid rectissimum sit, quarimus, perspicuum est, si, quid maximè expediat, obscurum. Sin hi sumus, qui profectò esse debemus, ut nihil arbitremur expedire, nisi quod rectum honestumq; sit: non potest esse dubium, quid faciendum nobis sit. Quod existimas meam causam conjunctam esse cum tua, certè similis in utroq; nostrum, cum optimè sentiremus, error fuit: Nam omnia utriusq; consilia ad concordiam sectaverunt. Quia cum ipsi Casari nihil esset utilius: gratiam quoq; nos inire ab eo defendendâ pace, arbitrabamur. Quantum nos fefellerit, & quem in locum res deducta sit, vides: Neq; solùm ea perspicis, quæ geruntur, quæq; jam gesta sunt, sed etiam qui cursus rerum: qui exitus futurus sit. Ergò aut probare oportet ea, quæ fiunt: aut interesse, etiamsi non probes: Quarum altera mihi turpis, altera etiam periculosa ratio videtur. Restat ut discedendum putem: In quo reliqua videtur esse deliberatio, quod consilium in discessu, quæ loca sequamur. Omninò cum miserior res nunquam accidit, tum ne deliberatio quidem difficilior: Nihil enim



enim constitui potest, quod non incurrat in magnam aliquam difficultatem. Tu si videbitur, ita censeo facias: Vt, si habes jam statutum, quid tibi agendum putes, in quo non sit conjunctum consilium, cum meo, supersedeas hoc labore itineris; sin autem est quod mecum communicare velis; ego te expectabo, Tu quod tuo commodo fiat, quamprimum velim venias, sicut intellexi, & Servio & Posthumio placere. Vale.

† IMITATIO HVIVS EPISTOLÆ,  
qua respondere conamur ei qui tempore aliquo  
periculoso, aut bello aut tumultu exorto no-  
stram de institutendis rebus suis sen-  
tentiam exquirere.

**A** Ccepi tuas literas, quibus le-  
ctis malè amicum fecisse tuum  
intellexi; qui cùm rogatus abs te  
esset, me ipse ut conveniret, de quæ  
rebus omnibus certiozem faceret,  
per alios missis tuis literis discessit.  
Sed tamen paulò post quidam ad  
me amici tui venerunt, quibus pla-  
cuit, ut certo aliquo in loco conve-  
niremus: aut saltem ad te primo  
quoq;

quoque tempore scriberem. Quod  
meum consilium exquiris: quid fa-  
ciendum tibi esse existimem: Equi-  
dem is ego sum, qui vix mihi ipsi,  
nedum aliis consulere possum. Tibi  
præsertim homini eâ, & doctrinâ &  
prudentiâ & experienciâ prædito,  
ut neque meo, neque cujusquam  
alterius opus consilio habeas.  
Quod si tamen hæc animo stat sen-  
tentia: sic habeto. Si pietatem spe-  
ctamus aut propositam honesta-  
tem habemus, res jam est explita-  
ta. Si quid conducat maximè qua-  
rimus: obscura, intricata, difficilis.  
Sin tales sumus, quales esse meritò  
debemus: ut nihil, nisi quod pium  
rectumque fuerit, utile esse statua-  
mus: quid faciendum, aut omit-  
tendum sit, dubitare minimè pos-  
sumus. Religionis, libertatis, justi-  
tiæ defensione, gratiam & favorem  
sepe hominum conciliaturum, uter-

que nostrum speravit. Sed quam spes ista longè nos fefellerit : quem res sint in locum deductæ : quis earundem cursus : Facile intelligis. Interesse negotiis si cupis : Ea quæ fiunt, gerunturq; aut probes, aut improbes necesse est : Quorum illud turpe, hoc periculosum : Utrumq; à verè prudentis alienum officio est. Restat igitur, ut aliorum curâ abjectâ, de nobis tantum solliciti simus. Verum & hæc ipsa deliberatio difficultatis non parum habet. Neq; enim boni cordatiq; est viri in tantâ rerum perturbatione atq; confusione sua solum spectare : Trahantur nec ne pedibus cætera, susq; deq; ferrè. Et fieri plerumq; videmus, ut qui mediis esse & quiescere cupiunt, utrinq; premanantur, idemque illis accidat, quod in media domus parte habitantibus evenire solet. Planè aqua, quod

ajunt,



ajunt, hac mihi in re hæret: nec deliberatio unquam oblata fuit difficilior. Tu, si fortè coràm communicare toto illo de negotio volueris, id quod amicis placere tuis intellexi, locum mihi atq; tempus, quo conveniamus, designabis. Quod si verò certijam quid constituisti; labore hoc superfedere facile poterimus. Vale.

## DE DISPUTATORIA

*Epistola.*

**D**isputatorium Epistolarum genus illud dicitur, quo proposita quæstione viri docti sententiam exquirimus: vel aliorum opinionibus expositis, quid nos sentiamus, ostendimus.

Cùm quæstione proposita alicujus sententiam audire desideramus.

In Exordio benevolentiam conciliare licebit, à laude eruditionis & humanitatis illius, ad quem scribimus: vel veniæ deprecatione, atq; excusatione modestâ.

Deinde quæstio & controversia ipsa proponenda est,



Pōst enumeratio diversarum opinionum & rationum, quæ utrinq; adferuntur, & dubios nos reddunt, instituenda.

Postremum rogandus ille, cui scribimus, ne suam nobis de quæstione & controversiâ propositâ, explicare sententiam gravetur: eademq; grati animi memoria deferenda est.

In disputatoris illis Epistolis, quibus aliorum expositis opinionibus, quæ nostra sit sententia, declaramus. Partes præcipuæ sunt duæ Narratio, quæ enumeratione diversarum opinionum, quæ in proposita quæstione reperiuntur, constat: Et Conclusio, quæ nostri iudicii, sententiæque expositione, absolvitur. Nonnunquam Exordium etiam Ciceronis Epistolis præmittitur, ut in epistola proximè sequenti videre licet.

Exemplum disputatoris Epistolæ, observatum in Epist. 23 lib. VII ad Fam. qua Cicero cum Trebatio de actione hæredis contra furtum ante hereditatem commissum, discipulat. Cujus exordium, à circumstantiis & occasione agitatæ quæstionis sumptum est: Deinde controversiâ ipsa ponitur. Tum auctiores varii recitantur: Postremo Cicero suam sententiam aperit.

*I*lluseras heri inter scyphos, quod dixeram, controversiam esse, possetne hæres, quod furtum  
antea

antea factum esset, recte furti agere. Itaque, etsi domum bene potius, seroque redieram: Tamen id caput, ubi hac controversia est notari & descriptum tibi misi: ut scires, id quod tu neminem sensisse dicebas, Sex. Aelium, M. Manlium M. Brutum sensisse. Ego tamen Scævola, & Testa assentior. Vale.

## † IMITATIO HVIVS

## Epistola.

ILLuferas proximo in colloquio, quod dixeram, inter ipsos Philosophos controversiam esse, possetne hac in vita certò aliquid sciri aut cognosci? Itaque etsi domum reversus alia negotia inveneram: tamen locos quosdam notavi, descriptosque tibi misi: ut scires Herillos, Pyrrhonios, & Academicos maximè recentiores scientiam omnem è medio sustulisse. Ego tamen Platoni & Aristoteli assentior, qui ut sciri posse omnia, minimè asserunt: Ita sciri quoque, nihil verè negant: Cum, ut alia nunc mittam, discen-

scendi ardorem restingui : Artes  
& disciplinas cunctas corruiere : le-  
gum honestatis omnis ruinam se-  
qui necesse sit, si sciri à nobis nihil  
hâc posse in vita statuatur. Vale.

DISPUTATIONIBVS SER-  
*vientes formulas*

**S**iliberius tecum, quàm naturæ meæ mode-  
ratio vel etiam usus postulat, agere videar,  
quæso obtestorq; , ne id consuetudini meæ  
potius, quàm hujus disputationis magnitu-  
dini attribuire velis. Libenter enim, quæ-  
cunq; tribui dignitari fidei, auctoritati tuæ  
velis, concedam omnia: neq; committam, ut  
tuam sententiam propter singulare meum de  
animi tui præstantia iudicium sprevisse vide-  
ar, sed tamen sustinebis me quoq; aliqua in  
parte conformare eam, vel emendare: Non  
quo prudentiam tibi ostentem meam, sed ut  
ex me, quid alii sentiant, cognoscas.

Quanquam ego non ingrato animo : sed  
obstinatione quadam sententiæ à tuis dissen-  
siam consiliis : Malo tamen prudentiæ hâc ,  
quàm vel amicitia, vel consuetudinis nostræ  
jacturam aliquam facere.

Tuum mihi omnino quasi pro lapide Ly-  
dio

dio iudicium debet esse. Nam ut illo purum dignoscitur aurum ab adulterino, sic apud me de tua facile sententia verum videtur posse falsumq; discerni.

Nec est, in quo tam bene de propriis mihi studiis spondeam, quàm quod ita disputare soleo, de ambiguis, ut plus invento vero gaudeam, quàm victoriâ.

Quanquam autem abs te tantæ auctoritatis homine provocatio non est, tamen pro tuâ singulari humanitate quæso, benignè audias, quid ad ista respondeam.

Cupio & de cæteris quid sentias audire, tantò maiorem tibi adhibiturus quoridiè gratiam, quanto ab erroribus me vel sapius, vel liberius, vel postremò etiam severius vindicaveris.

Quod Plinium redarguis nostrum, in hoc ego ut liberè agam & amicè, longè à te dissentio. Nec autem verebor ejus viri patrocini-um suscipere audacter, qui fuerit de vita & literis tam præclarè meritis, præsertim adversus te, hoc est, adversus eminentem Philosophum, cui nihil veritate ipsâ debeat esse antiquius. De vestris enim illa sunt scholis;  
*Amicus Socrates, amicior veritas, & idem:*  
*Amici arbo, plus tamen habendum honoris veritati est.*

Hæc



Hæc habui, quæ tibi pro Plinio (verané an falsa nescio: sed mihi tamen verisimilia) ob-  
jicerem. Quæ si tibi doctissimo homini  
probabuntur, labor equidem. Sin minus,  
expecto jam quid ad hæc nostra qualiacunq;  
respondeas: Etenim cum gravissima sit apud  
eruditissimum quemque Plinii auctoritas,  
aut non tentanda fuit, aut aliquando forti-  
tis, quàm certe adhuc fecisse videris, convel-  
lenda.

Hæc ego ad te liberè quidem, sed & amicè  
scripsi, mi Scala, non tam meipsum videlicet  
asserens à risu tuo, quo equidem non offen-  
dor, quàm Hermolaum ipsum Barbarum le-  
viter defendens, hominem seculi nostri eru-  
ditissimam, deq; literis & Philosophiâ, dum  
vixit, optimè meritum. Liceat autem mihi  
per te, quæ tua est in rebus omnibus animi æ-  
quitas, sentire aliud omninò in literis, quàm  
tu sentias, dum modò nulla inter nos amoris,  
hoc nomine benevolentiaq; mutux jactura  
fiat.

Si quis nos arguat hebetudinis & tardita-  
tis, age amabo quicunque is est, pedem con-  
ferat.

Quorum sententiæ nec ego planè accedo,  
nec ingenuo cuiquam ac liberali acceden-  
dum puto.

## DE MANDATORIA

*Epistola.*

**M**andatoria illa Epistola appellatur, in qua potestati nostræ subjectis mandamus, ut, quæ volumus, primo quoque tempore expediant. Est hoc Epistolarum genus proprium Magistratum, Parentum, Præceptorum, aut potestatem aliquam gerentium. Sed cum illi per alios ut plurimum scribant præcepta tradenda, brevitati hîc maximè studendum. Sunt præcidenda & rejicienda hîc multa: neque de argumentis multis cogitandum, cum dominorum voluntas locum rationum suppleat.

Omnibus qui per literas aliquid mandaturi sunt, siue suo, siue alieno nomine id agant; tria potissimum consideranda sunt: 1. *Quibus imperetur*: 2. *Quid imperent*: 3. *Quomodo imperent*?

Nam etiam omnibus benignè mansveteque imperandum est (omnes enim humanitati, quàm superbiæ potius obtemperant) ingenuis tamen & generosis animis mansvetius & consideratius imperandum est: spontè enim quæ agenda sunt, agunt.

Retinenda etiam est semper majestas Imperatoris, ne, cui præest subesse, aut quem cogere potest, rogare videatur.

In hoc genere, quod ad collocationem attinet, aut nullo, aut quàm brevissimo Exordio utendum est: Id si res postulabit, sumetur vel à scribendi occasione, vel negotii, quod expediri volumus: vel occupatione, quâ diffidentia suspitioni occurritur.

Deinde ipsum mandatum, aut directè, aut obliquè cum præteritione proponendum.

Tum rem, quæ imperatur, fieri posse: Imò etiam facilem, aut certè non difficilem, honestam præterea aut utilem, non ei qui imperat solum; sed ei quoq; , qui imperium sustinet, & si poterit, etiam necessariam ostendendum. Modus quoq; rei gerendæ, facultasque præbenda: & quid ex ea re emolumentum vel laudis sit uterque consecuturus, asperendum.

Tandem mandatum repetendum, & ut sine mora & sine tergiversatione diligenter curatur negotium, monendum est.

Hæc sæpè nihil artificii præter sermonis elegantiam habet.

Prohibendi ratio non sanè ab imperando multum discrepat. Quibus enim rationibus imperamus, iisdem quoque prohibeamus necesse est. Sed prohibemus asperius: & præmii loco pœnam ignominiamq; proponimus.



† Exemplum mandatorix Epistolæ observatum lib. XVI. Epist. 24. ad Famil. qua Cicerone Tironi maximè sua negotia mandat. Exordium sumitur ob occasione scribendi. Narratio est de pensione extorquendâ. Postea per quandam transitionem monet de publicis negociis & de suo consilio. In fine est brevis adhortatio.

**E**T si manè Harpalum miseram: tamen cum haberem, cui rectè darem literas, etsi novi nihil erat, iisdem de rebus volui ad te sapius scribere: Non quin considerem diligentia tua; sed rei magnitudo movebat. Mihi prora & puppis, ut Græcorum proverbium est: fuit à me tui dimittendi, quod rationes nostras explicares; O filio atq; Aurelio utiq; satisfiat. A Flamma si non potes omne, partem aliquam velim extorqueas: Inprimisq; ut expedita sit pensio Kalend. Ianuar. De attributione, conficies: de representatione videbis. De domesticis rebus hactenus. De publicis omnia mihi certa, quid Octavius, quid Antonius, quæ hominum opinio, quid futurum putes. Ego vix teneor, quin accuram, Sed literas exspecto: Et scito Balbum tum fuisse Aquini, cum tibi est dictum, & postridie Hirtium: puto utrumq; ad aquas Semas. Quid egerint Dolabella procuratores fac ut admoneantur. Appellabis etiam Papiam. Vale.



† IMITATIO HUIUS EPISTOLÆ,  
*qua ablegato à nobis famulo mandamus, ut  
 commissæ negotia diligenter & primo  
 quoq; tempore expe-*  
*diant.*

**E**T si paucos ante dies omnibus  
 rebus prolixè ad te scripseram:  
 Tamen cum certum hominem ad  
 vos euntem nactus essem, denuò de  
 iisdem ad te dare literas volui. Non  
 quod de tua diligentia dubitem,  
 quam hæcenus ego probavi sem-  
 per, sed quia rei me ita anxium so-  
 llicitumque magnitudo reddit, ut,  
 nisi ea expedita, tranquillo pacato-  
 que esse animo nequeam. Quo ego  
 consilio, quantisque te sumptibus  
 ablegârim, non ignoras. Præra,  
 quod ajunt, & puppis mihi fuit re  
 ablegandi: ut & privatas res meas  
 expedires: & de publicis me certio-  
 rem faceres. Creditoribus, ut  
 primo quoq; tempore satisfiat, o-  
 peram dabis. Ab iis, quorum no-  
bris

stris in tabulis nomen exstat, si non omnem, saltem aliquam partem extorquebis, neq; committes, ut tua nobis fraudi lenitas esse queat. Inprimis autem curabis, ut in nundinis nostris proximis expedita sit pensio. De rebus aliis privatis videbis. De publicis omnia mihi certa: Quid ex Italia, Gallia, Anglia scribatur quæ hominum de bellis opinio. Apud nos varia, sine tamen capite & autore certo, sparguntur. Egonisi negociis Impediter, ipse ad vos excurrerem, sed nostri rerum mearum statum & conditionem. Itaque totus in eo eris, & de omnibus, primâ quaq; oblatâ occasione, certiores me facias. Et debitores vel per procuratores nostros admoneas, vel ipse appelles. Vale.

## MANDANDI FORMULÆ.

**P**restare hoc ratione officii tu debes.

Non mediocris adhibenda est tibi cura,  
ut, &c.

Man-

Mandata mea pro tuâ fide diligentiaque cures.

Non minimam quidem moram interpones, quin quàm primùm iussa mea exsequaris.

Rem administrandam tibi sine ullâ morâ & confestim gerendam censeo. Ut præsens te multùm diuque adinonui, cave quicquam meo in iussu tentaveris.

Tu fac, ut quemadmodum soles, & æquum est, officio tuo fungare; Erit apud me diligentia tua præmium.

Curabis hæc & diligenter, & quàm primùm.

Quod facto tibi videbitur opus, id perinde, ac si ego auctor essem, exsequitor.

Si quâ in re sedulò tuo functus es officio, fac hoc in negotio omnem fidem, industriam, diligentiam, ingenium expendas.

Et si ante dies non ita multos pluribus ad te quid fieri velim, scripserim; tamen in præsentia, oblato hoc tabellario, eadem mihi paucis repetenda putavi: Non quod tua apud me diligentia in dubium venerit: sed quia rei magnitudo me ita anxium sollicitumque reddidit, ut, nisi ea expedita, tranquillo sedatoque animo esse nequeam.

Totus in eo eris, ut omnibus de rebus me quamprimùm certiorem facias.

Quid

Quid agas, & te acturum quid putes, facito me statim certiores.

Fac sciam, quid agas, quod sine solitudine summa nescire non possum.

Si quid erit, quod inter sit me scire, perscribe ad me diligentissime.

Quid futurum putes, ad me perscribas.

Quicquid erit in te industriae, operae, diligentiae, virium, ad hanc rem conferes.

Dabis operam, quantum in te erit, pro eo quod in te erit, quantum in te positum, quantum vales, quoad potes, ut mihi primo quoque tempore à Demea satisfaciat.

Summe conaberis, omni studio contendes, omnibus tum animi, tum corporis viribus eniteris, summo conatu adniteris. Nullum studium praetermittes, toto pectore in hoc incumbes, ut honestissimae parentum de te expectationi aliquando satisfacias.

Agas pro viribus, pro tuâ virili, pro virili, ut hoc propediem mihi effectum des.

Mandatorium epistolarum genus minimum abest à Petitorio: Mandamus enim cum auctoritate: Petimus ab iis, in quos nullum nobis mandandi jus est,

#### DE IUDICIALIS GENE-

*ris Epistolis.*

Judiciale causae genus id Rhetores dicunt, quod



quod in lite ordinanda positum est. Hujus partes precipue sunt duæ: *Accusatio* & *Defensio*, quibus partibus alix subsunt: *Accusatio* enim querelam, minas &c. *Defensio*, quæ ad easdem responsiones instituuntur, comprehendit.

DE *ACCUSATORIA* SEU  
*expostulatoria Epistola.*

**A**ccusatoria seu Expostulatoria illa epistola dicitur, quæ vel cum inimicis de illarum injuriâ, vel cum amicis de neglecto officio expostulamus.

Accusamus illum, qui, quod promiserat, non præstitit: Item accusamus aliquem brevitaris Epistolæ, tarditatis, negligentix, intermissionis literarum: modestè tamen & ingeniosè. Accusamus illum, qui quod factum oportuit, non rectè fecit: Item qui nos vel nobis charos deferuit.

Cum alium accusant docti, de aliové conqueruntur, causas addere solent, lenissimis utentes verbis, cur mirentur, cur expostulent, cur illud rectè factum non sit: Illud solim agentes, ut illud impofterum nolint fieri, magisq; solliciti videantur esse de futuro, quam dolere de præterito.

Idcò aut petunt, aut hortantur, aut rogant,

neq;

ne posthac ea non faciat solum, verum etiam aliquam virtute compenset.

Interdum nos etiam ipsi excusamus amicum, cur aliquid prætermiserit, omiseritve, vel non credentes, illum fuisse in causa, vel errorem vitiumve aliquo modo extenuantes.

Debet prætereà, qui alios reprehendit, omni vacare culpâ, ne illud foras se occinatur Horatianum :

*Cum tua per videas oculis mala lippus inunctis,*

*Cur in amicorum vitis tam cernis acutum?*

Idcirco Cicero, cum alicujus se suspectum esse rei arbitrat, diligenter se expurgat, factumque suum cum facto illius, quem accusare paratus est, si opus est, comparat.

Collocatio in hujus generis epistolis sic institui potest. Nonnunquam à principio abrupto hic exordiri convenit: quo statim & nostrum dolorem & rei atrocitatem indicamus. Id erit, si ab exclamatione aut dubitatione, aut ab alia figurâ, quæ modò ad rem quadret initium capiemus. Possumus etiam hic, ut & in aliis Epistolarum formis, ab occasionis, & causarum institutæ descriptionis expositione, incipere.

Deinde ipsam rem verisimili narratione explicabimus.

Mox probabilibus argumentis rem demonstrabimus : Eaque adferemus , quæ factum ipsum exaggerent , dignumq; ex postulatione & reprehensione doceant : quia scilicet contra pietatem , leges , vel divinas , vel humanas , mores bonos , consuetudinem , promissa & facta commissum : neq; aut casu . aut errore , aut necessitate , sed datâ operâ atque studio commissum : Et commissum contra eum , qui vir sit bonus , non de aliis meritis malè , ob ætatem , doctrinam , prudentiam , auctoritatem colendus : & commissum ab eo , qui facere hoc minimè debeat : Possumus quoq; acceptorum & neglectorum officiorum contentione factâ illud ipsum exaggerare .

Postremò Epilogum subiciemus : factum aut adhortatione , ne iterum amicus peccet , nevé inimicus , quàm amicus esse malit : Aut petitione , ut , quod neglectum , compenset , vel , quod perperam factum , corrigat : Aut comminatione : aut excusationis & ex postulationis mitigatione , & officii nostri pollicitatione .

Exemplum Ex postulationis , observatum in 5. Epist. lib. V. ad Famil. qua Antonii ingrati tudinem Cicero accusat . In cujus Exordio , causas Cicero exponit , quibus ad ductus ad Antonium nunc scribat . Propo-  
sitio

scitio expostulationem continet. In Confirmatione ab Antonio ingratis commissis bonorum virorum testimoniis, & acceptorum neglectorumq; beneficiorum collatione amplificatur. Conclusio comminatione, & adhortatione absolvitur.

**E**T si statueram nullas ad te literas mittere, nisi commendatitias (non quod eas intelligerem, satis apud te valere; sed ne iis, qui me rogarent, aliquid de nostrâ conjunctione imminutum esse ostenderem) tamen cum T. Pomponius, homo omnium meorum in te studiorum & officiorum maximè conscius, tui cupidissimus, nostri amatissimus, ad te proficisceretur, aliquid mihi scribendum putavi, præsertim, cum aliter ipsi Pomponio satisfacere non possem. Ego si abs te summa officia desiderem, mirum nemini videri debeat; Omnia enim à me in te profecta sunt, quæ ad tuum commodum, quæ ad honorem, quæ ad dignitatem pertinerent, pro iis rebus, nullam mihi abs te relatam esse gratiam, tu es optimus testis. Contra etiam esse aliquid abs te profectum, ex multis audiui. Nam comperisse me non audeo dicere, ne fortè id ipsum verbum ponam, quod ajunt à me solere proferri; sed ea, quæ ad me delata sunt, malo te ex Pomponio, cui non minùs molesti fuerunt, quàm ex meis literis, cognoscere. Meus in te animus quàm si regulari officio fueris, & Senatus & popu-



populus Rom. testis est: tu quàm gratus erga me fueris, ipse existimare potes: quantum autem mihi debeas, ceteri existiment. Ego qua tuâ causâ antea feci, voluntate sum adductus, ut facerem, posteaq; constantia. Reliqua verò, mihi crede, multò majus studium meum, majoremq; gravitatem & laborem desiderant: qua ego si non profundere ac perdere videbor, omnibus meis viribus sustinebo: sin ingratum esse sentiam, non committam, ut tibi ipse insanire videar. Ea qua sint, & cujusmodi, poteris ex Pomponio cognoscere, atq; ipsum tibi Pomponium commendo, ut quanquam ipsius causâ confido, te omnia esse facturum: Tamen abs te hoc petam, ut, si quid residet, in te amoris erga me, id omne in Pomponii negotio ostendas. Hoc mihi nihil gratius facere potes. Vale.

† IMITATIO HVIVS EPISTOLÆ,  
qua cum amico de alexandria exposu-  
lamus.

**E**T si constitueram nullas ad te prorsus dare literas: quod valere apud te parùm eas scirem: Tamen cum ad te viri aliquot proficiscerentur boni, & utriusque nostrum amantissimi atq; cupidissimi,  
ali-

aliquid ad te scribendum mihi esse  
sum arbitratus. Ego si quæ tua in  
me desiderarem officia, non, opi-  
nor, malè facerem, aut in bonorum  
virorum reprehensionem incurre-  
rem. Quæ enim cunq; à bono ve-  
roque expectari amico possunt, ea  
pro virili præstita à me tibi esse me-  
mini. Nihil profectò tuis me com-  
modis atq; honoribus habuisse an-  
tiquius: tui nōrunt amici ac pro-  
pinqui: Gratiam, quam mihi retu-  
leris, ipse scis. Sed quid de gratia  
ego nunc scribo, cū etiam male-  
ficiis mea te compensare beneficia  
ex multis jam audierim? Nolo enim  
scribere compertum hoc explora-  
tumq; habere, ne in idem levitatis  
crimen incidam, quod in te multi  
mecum viri boni reprehendunt.  
Quæ verò sint illa, quæ ad me amici  
detulerunt, literis hisce non com-  
mittam: Ex aliis cognosces, quibus

æquè atque mihi auditu illa gravia  
 molestaq; extiterunt. Quàm tui  
 ego amans extiterim semper, quàm  
 de studiis senserim præclarè: Quàm  
 ad hæc eadem provehenda prom-  
 ptus semper paratusq; fuerim, non  
 amici modò & qui sanguinis te at-  
 tingunt communione sciunt: sed al-  
 lii quoq; & quidem senatorii ordi-  
 nis viri testes mihi erunt. Quàm tu  
 interim erga me fueris gratus, &  
 his & aliis pluribus cognitum est.  
 Jam enim pervulgata res est, inque  
 omnium ore versatur; Et tu ipse  
 existimare poteris, si tua quædam  
 in me cùm dicta, tùm facta in me-  
 moriam redigere volueris. Quæ tuâ  
 causâ hætenus feci; primùm opi-  
 nione quadam tuarum virtutum:  
 Deinde amore: tùm constantiâ ad-  
 ductus feci. Sed quia ejusdem esse  
 dementiae ajunt, & in undis mari-  
 nis sementem facere; & in homi-  
 nem

nem ingratum beneficium conferre; non committam, ut vel tibi vel aliis insanire videar. Interim illud tibi Plautinum occurrat velim: *Improbus est homo, qui beneficium scit sumere, & reddere nescit.* Ista ad te nunc cur scribam: ex iis, qui hasce meas tibi literas tradunt, cognoscere poteris. Quos etiam ita tibi commendo: ut quanquam ultro facturum te omnia confido, tamen precibus meis abs te hoc contendam: ut si quid amoris in me tui adhuc est reliquum, illud omne in viris hisce optimis, nostrique amantissimis ostendas, atque ita eos tractes, ut domum reversi apud me gratias agere tibi queant.

## ACCUSANDI ET EXPO-

*sculandi formula.*

**TU** punctum temporis nullum vacuum .  
peccato præterire passus es.

Hujus te suspicionis affinem esse ajunt.

L 5

Exper-



Expertus sum jam pridem tuam perfidiam, prodeundi tibi in publicum potestas negatur.

Totius familie, nostriq; nominis famam tuis probris, flagitiisq; violasti.

Seditionis stimulator & concitator tu fuisti.

Tibi nulla lex est, nulla religio, nullus estimationis pudor, nullius apud te gravis auctoritas, nullum egregium exemplum, quod sequi velles.

Tu in manifesto maleficio teneris.

Præ cupiditate neq; officii tui, neq; periculi, neq; pietatis, neq; humanitatis rationem habuisti unquam.

Quis contumacior, quis inhumanior, superbior, acerbior, crudelior unquam fuit?

Tu quis sis, non solum vita; sed etiam corpore atq; ore significas.

Immensa es aliqua vorago, gurges vitiorum, turpitudinumq; omnium.

Ita cæcus crudelitate & scelere ferris, ut cupiditatem tuam nulla unquam turpitudine retardarit.

Quæ nota turpitudinis non iniusta vitæ tuæ!

Quæ libido ab oculis, quod facinus à manibus unquam tuis, quod flagitium à toto corpore tuo absuit? Incredibili scelere hoc scelus cumulasti.

Tu

Tu is non es, ut te aut pudor à turpitudine, aut metus à periculo, aut ratio à furore revocet.

Usum vitæ, & mores tuos, omnes respiciunt.

Homo ineptus es & loquax: sed tu tibi videris ita doctus, ut etiam magistrum aliorum esse te putes.

Verbis locupletem te facis, cum tamen nihil præter impudentiam habeas.

Discipulos tuos dimidio stultiores reddis, quam accepisti: Nihil apud te, nisi literarum ignorantiam, discunt.

Neminem adeo infatuare potuisti, ut tibi nummum ullum crederet.

Sermo tuus habet quandam volubilem & præcipitem celeritatem.

Prudentissimum atque optimum virum, splendidissimum atque ornatissimum civitatis suæ, probris omnibus maledictisque vexasti.

Religionem tu omnem omni flagitio polluisti, dedecore maculasti, scelere obligasti.

Tu tuam vitam, quam turpiter egisti, magnas offidisti tenebras: ut etiam si fuerint egregie, certè venerint in oblivionem.

Sic ad nos omnes ferè deferunt, nihil, cum absit iracundia, te fieri posse jucundius: sed

cum te alicujus improbitas perversitasque commoverit, sic te animo incitari, ut ab omnibus desideretur humanitas.

Quid juvat alios docere, quid ornatissimis semper verbis de virtutibus loqui prodest, si te interim ipse non audias?

Tu eos, quos beneficio prosequi, pietate colere, veneratione suscipere atque observare debebas, inaudita crudelitate perdidisti.

Tu adolescentiam quam virtutis institueris præceptis ac tueri singulari prudentia atque integritate debebas, ad summam stultitiam nequitiamque adduxisti.

Quem officiis tuis tueri ac colere debuisti, eum negligendo ingratus impiusque contempsisti.

*Ciconia* defessos ætate & senio languentes parentes in humeris deferunt: *Cætera* quoque bruta animalia venerationem parentum non abjiciunt; Tu vero patrem, cui vitam, cui fortunas, cui dignitatem omnem debes, illiberaliter atque impie contemnis; & cujus solitudine tot tantisque curis educatus, ab omni iniqua injuria fueris conservatus, eum necessitate intermori, cum opem auxiliumque ferre possis, sustineo.

Nihil turpius, quam eum, ejus plurimis & necessariis usus officiis sis, non solum non colere, sed etiam contemnere. Exi-

Existimaveram pro mutuo inter nos animo, & pro reconciliata gratia, nec absentem ludibrio læsum iri me, nec Metellum fratrem ob dictum capite ac fortunis per te oppugnatum iri. Nunc video illum circumventum, me desertum, à quibus minimè conveniebat. Te tam mobili in me meosq; esse animo non sperabam.

Antonii tanta est non insolentia, sed immanitas, non modò ut vocem, sed ne vul-tum quidem liberum possit ferre cujusquam.

Vix adduci possim, ut credam, quod mihi de te ab auctoribus alioquin minimè vanis adfertur. Est enim & à mea de te existimatione, & à tuis moribus pristinis longè alienum.

Antonius tibi diem dicit, & sponso-rem appellat: Non enim præstas, quod receperas.

Ego verò tibi vehementer etiam irascerer, qui toties tam accuratè monitus à nobis non auscultâris: nisi parùm esset humanum, irasci calamitoso.

Arcanum, quod nuper tibi commisi, utpotè ei, quem nihil unquam celare solebam, id audio jam prolatum in lucem, quotidie ad plures serpere. Te rumoris hujus auctorem esse necesse est, quando ipse mihi sum consci-



us, cum nemine illud præter te unum mortalium communicasse. Quod si falsò est mihi obnunciatum, est quod vehementer gaudeam. Malim enim in illis vanitatem accusare, quàm in te amici fidem desiderare: sin verè, haud te dignum fecisti. Quid enim tam perfidum, quàm amicorum arcana prodere? Res est non tam expostulatione, quàm acri reprehensione digna. Sed nondum de tua fide diffido. Tu fac hoc scrupulo me quàm primum levis.

Carior mihi es, quàm ut tibi possem irasci. Sed tamen vehementer & miror & doleo, quòd contempto meo consilio & fideli & salutari, in tantum periculum te ipsum conjeceris.

Tantus in te meus est amor, ut nullà exauriri possit injurià: sed tamen non commoveri non possum.

Absolvi non potes, ne Cicerone quidem patrone, in culpa tam manifesta.

Hæc ad te scripsi liberius, fretus conscientia officii mei, benevolentiaq; quam à me certo iudicio susceptâ, quoad tu voles, conservabo.

#### ACCUSANDI LITERARVM

*intermissarum formula.*

**B**Reves tuæ literæ, breves dico, inò nullæ; scribisné versiculis his temporibus Brutus  
ad

ad me? Nihil scripsissem potius, & requiris meas: Quis unquam ad te tuorum sine meis venit? Quæ autem epistola non pondus habuit?

Omnia enucleatè ad te scripsi, sed me illa cura sollicitat angitque vehementer, quod dierum jam amplius decem intervallo nihil à te, nihil à Cæsare, nihil ex istis locis, non modò literarum, sed ne rumoris quidem affluxit.

Nimium rarò nobis abs te literæ afferuntur, cum & multò tu facilius reperias, qui Romam proficiscantur, quàm ego, qui Athenas. Et certius tibi sit me esse Romæ, quàm mihi, te Athenis: Itaque propter hanc dubitationem meam brevior hæc epistola est, quod cum incertus essem, volebam illum nostrum familiarem sermonem in alienas manûs devenire.

Jam pridem nullas abs te accipio literas: Ego verò binas ad te dedi eodem exemplo, de quibus nihil addubito, quin alteræ saltem sint redditæ, quæ erant benè longæ, & multis de rebus, quas ipse, nî fallor, cupiebas cognoscere.

Et si magnam mihi putem fieri injuriam, quod tot epistolis provocatus, nihil responderis: Humanius tamen esse duxi, peccare offi-

officio, quàm silentio rependere injuriam. Audi igitur, optime Tondi, in quo statu res meæ sint.

Puto te jam supputare, cum hæc te tertia jam epistola antè oppressit, quàm tu schedulam aut literulas ad me. Sed non urgeo: Longiores enim expectabo, vel abs te potiùs exigam.

Irascor, & graviter irascor, quod à te jam literæ nullæ. Exorare me potes uno modo, si nunc saltem plurimas & longissimas miseris: Hæc mihi sola excusatio vera, cæteræ falsæ videntur.

Demiror te jam diu nihil scribere, neque enim opinor te sic occupatum, ut non vacaris, neque tam fortunæ successu elatum, ut veteres congerrones fastidias.

Expectanti mihi abs te quotidie literarum aliquid, sæculum panè præterit, & multæ ad te scribendi occasiones è manibus elapsæ, dum aliquid semper puto suscepturum, cui responderem.

Tu licet mutus sis: ego tamen non desinam frequentibus tibi epistolis obstrepere, & te amabo, si me contempseris etiam.

Quod tam diu nihil ad me scribis, mi Schelgere, non irascor tibi: Irascerer tamen, si fas esse crederem.

Doleo

Doleo tibi chartam deesse: si ejus inopiâ ad me & rariùs scribas & brevius.

Sæculum mihi exisse videtur, humanissime Haslere, quod nihil abs te redditur.

Video te occupatissimum esse, qui ad quaternas meas literas non responderis.

Nimis diu jam videor mihi à te literas expectare. Quod si nihil habes, quod ad me scribere necesse sit, saltem inter nos mutuam veteremq; benevolentiam taciti conserve-  
mus. Sin offensus es proximis meis literis: quæ tecum liberiores fuerunt, quæso tu concedas hoc naturæ ac libertati meæ.

Si *Fidlerum* meum non nōsem, suspicarer me illi excidisse, quia non scribit: Nunc vero de tam cognito atq; explorato amico tantum metuo, ne quid aliter agat, quàm velit: Quia jam pridem nihil audio. Est enim amor mihi meticulosus. Tu igitur scribe, quo mihi hunc timorem adimas.

Jam pridem nihil abs te accipio, quod non contigit sine magna mea sollicitudine, non quod exciderim tibi: Nihil enim minus est mihi abs te metuendum: sed ne incommodiore valetudine impediarius: Tu si me amas, exime mihi hanc curam, seu anxietatem v-  
rariùs si non crebris literis, certè crebrâ salutatione, per eos, qui proficiscentes huc, te convenerint.

Re-



*Responsio ad Accusatoriam seu Expostulatoriam epistolam, ex cujus institutione ratio scribendi epistolas Excusatorias, seu Apologeticas, & Deprecatorias plenissime percipitur.*

In accusationis seu expostulationis responsione quadripartita consideratio est: Aut enim id, cujus causâ accusamur, nos neque dixisse, neque fecisse dicimus: Aut recte nos fecisse dixisseve rationibus honestis comprobamus: Aut rem ipsam extenuamus: Aut deniq; peccatum nostrum aliorumve, quorum causâ scribimus, planè aperteque confitemur, idq; ut nobis, vel aliis ignoscatur, supplices petimus.

Cum id de quo expostulatio instituitur, negare volumus, ne quidem illud cujus nos causâ alii reprehendant, nobis in mentem, ut faceremus vel diceremus venisse: Non potuisse nos odisse vel oblivisci amicum, quia cum nemo odio prosequatur, quia optime de nobis meritis, quia nemo nos instiget, ut hoc vel illud maleficium committamus: Exiguam utilitatem, vel nullam potius; imò damni plus, quàm emolumenti inde nos percepturos fuisse, asseremus. Nec temporis nos satis, neq; locum opportunum, nec occasiones rei gerendæ habuisse, ostendemus: Ita vitam hactenus instituisse, ut nulla improbitatis,

invidiæ, odii, nequitia; verum benevolentia, morum, probitatis, vitæ integræ plurima in nobis deprehensa vestigia fuerint. Nos etiam optimorum virorum testimoniis evincere posse, tale à nobis dictum factumvé esse nunquam. Deniq; petemus ne numeribus, præsertim si capite illi auctoreq; caruerint, temerè fidem habeat. Memor illius : *Quicquid crediderit, falletur sapè.*

Cum verè non negare aliquid : sed ut rectè factum defendere placet, ostendamus ; *Primo* honestum, justum & æquum esse id, quod in nobis reprehenditur, conjunctum etiam cum utilitate, vel privatâ, vel publicâ illius, qui nobiscum expostulat. *Deinde* iudicia doctorum ac prudentum proferenda : *Scilicet* auctoritates sacræ scripturæ, Philosophorum, Poëtarum, aliorumvé scriptorum, producendæ : *Leges* depromendæ : *Exemplis* denique utendum : Propterea quod exemplis, quæ sunt, rectè fieri judicantur : Maxime si illa hominum probatorum & prædicatorum auctoritate exstiterint. Gravem nobis non fuisse illam accusationem, sed gratam potius, cum ab amico amico, à prudenti, à fidei venerit.

Quoties autem id, quod nobis obicitur, non simpliciter ut rectè factum, defendendum

dum: sed utcumq; excusandum est: demon-  
strabimus, non consultò, non odio aliquo,  
non nocendi studio, non aliâ simili de causâ  
rem esse commissâ, verùm aut impruden-  
tiâ, aut casu, aut necessitate, aut fortunâ ad-  
versâ. Difficultates quoq; & impedimenta  
colligenda, quæ nobis obstiterint, quò minùs  
ea, quæ erant facienda præstaremus: Hæc à  
personis, locis, temporibus, instrumentis,  
ignorantiâ, orationis paupertate, occupatio-  
nibus, morbis, periculis, sumentur.

Quandoq; non crimen: sed culpam à no-  
bis amovemus, in aliumq; hominem vel in  
quampiam rem conferimus: Sæpè compa-  
ratâ causâ dicimus, necesse fuisse alterum fa-  
cere & id, quod fecerimus, satius fuisse:  
*E duobus exitus malis, cum fugiendum majus sit,  
minus est eligendum.*

Ingenui tamen hominis est, pro loco &  
tempore rem non modò fateri: sed petere  
etiam, ut sibi ignoscatur, & polliceri, se ne-  
gligentiam, jacturam temporis, non præstita  
beneficia, & reliqua id genus, assiduâ dili-  
gentiâ, multo labore, curâ, studio, & amore,  
vel cum scœnore compensaturum. Perquam  
festiva tamen & venusta habetur excusatio,  
cùm eodem crimine amicum condemnan-  
dum esse dicimus, quo nos vel condemnat, vel  
condemnare posset.

Huc



Huc pertinet, cum vel non accusati excusamus nos, rationesq; in medium afferimus, cur aut aliquid fecerimus, dixerimusve, aut amicum hortati ad aliquid fuerimus.

Utpote, cum semel atq; iterum, vel sæpius aliquem eidem commendas, viderisq; illius liberalitati, cui scribis diffidere: tum enim causas, quamobrem id facias, explicabis.

Postremo, cum ita sese res habet, ut excusationi locus non sit, peccatum confitebimur, & ut venia tribuatur, orabimus, quam ut facilius impetremus, nos lapsos esse ætate, imprudentiâ, errore, nunc primum, antehac tale quid nunquam, perpetrâsse: nos, seu illud, pro quo scribimus, in magno mœrore versari, præ pudore domo pedem non efferre: timere omnia, & non mediocrem ob admissam culpam dolorem præ se ferre: polliceri emendationem: ipsum delictum ejusmodi non videri, ut tam ærem expostulationem mereatur. Ostendemus, æquum & honestum esse, ut imprudentiâ lapsis venia detur: maxime, si ignosci sibi petant, atq; meliora deinceps promittant: præne, quod *Seneca* ait, innocentem esse cum, quem peccasse pœniteat; labi humanum esse: & neminem tam lynceum, quin aliquando offendat. Exempla quoque proferenda eorum, quibus simili in causa, aut



aut etiam majori, data venia fuerit: Atque etiam ejus, qui nunc nobiscum expostulat. Ubi maximè *Dei* exemplum valet, qui gravissimè offensus, misso tamen Filio hominibus ignovit, & adhuc quotidie benefacit.

Deniq; ejus, quem placare voluerimus, lenitatem clementiamq; laudabimus, & ex antecedente probitate hominis, qui peccavit, spem bonam illi faciemus, ut ipsi supplicanti veniam impertivisse non poeniteat.

Collocatio in hujusmodi responsionibus sic instituenda, ut *Exordium* constet aut significatione doloris, ex amici accusatione percepti: ac reprehensione institutæ expostulationis: aut excusatione silentij, & intermissionis literarum, aut occasione scribendi: aut obtestatione: aut execratione.

*Pars altera* complectetur aut negationem facti: aut defensionem absolutam, aut remotionem & translationem culpæ in alias personas, & in imprudentiam, in fortunam, in necessitatem in occupationes, in ætatis imbecillitatem.

*Pars postrema* absolvatur aut testificatione amoris & benevolentix, aut eorum, quæ amicus requirere videtur, pollicitatione, aut mitigatione & excusatione acerbitatis in respondendo adhibita: aut petitione, ut bonam

bonam in partem, quod factum, amicus interpretetur: suspicionibus depositis optima quæque sibi de nobis polliceatur: non temerè fidem adhibeat iis, quæ deformandi gratiâ à malevolis adferuntur: sed Agesilaum, & Alexandrum imitatus, puram & obstrictam quoq; aurem absenti relinquat: nec minus reprehendentium, quàm reprehensorum vitam & mores consideret.

Exemplum lenis & modestæ responsionis ad accusationem, seu expostulationem, obfervatum in Epist. I. lib. II. ad Fam. quâ Curioni se Cicero purgat: à quo ob literarum raritatem accusatus fuerat. Cujus Exordium significationem doloris, & Curionis accusatione percepti continet. Pars altera purgatione, partim negatione, partim remotione facta, constat. Postrema pars præcisione & rejectione longioris excusationis & officii inscribendo pollicitatione constat.

*Quoniam me nomine negligentis suspectum tibi esse doleo: tamen non tam mihi mole-  
stum fuit, accusari abs te officium meum, quàm  
jucundum requiri. Præsertim cum in quo accusa-  
bar, culpâ vacarem; in quo autem desiderare te  
significabas meas literas, præ te ferres, perspectum  
mihi quidem illum, sed tamen dulcem & optatum*

*amæ*

amorem tuum. Equidem neminem pratermissi, quem quidem ad te perventurum putarem. cui literas non dederim. Etenim quis est tam in scribendo impiger quam ego? A te vero bis, terve ad summum, & eas perbreves accepi. Quare, si iniquus es in me iudex: condemnabo eodem ego te crimine. sin me id facere noles, te mihi aquum prabere debebu. Sed de literis haftenus: non enim vereor, ne non scribendo te expleam: praesertim si in eo genere studium meum non aspernabere. Ego te abfuisse tam diu à nobis & doleo, quod carui fructu jucundissima consuetudinis tua: & lator, quod absens omnia cum maxima dignitate es consecutus: quodq; in omnibus tuis rebus, meis optatis fortuna respondit. Breve est quod me tibi praecipere meus incredibilis in te amor cogit; tanta est expectatio vel animi vel ingenii tui, ut ego te obsecrare, obtestariq; non dubitem. sic ad nos confirmatus revertare, ut quam expectationem tui contitasti, hanc sustinere ac tueri possis. Et quoniam meam tuorum erga me meritorum memoriam nulla unquam delebit oblivio: te rogo ut memineris, quantacumq; tibi accessiones fient & fortuna & dignitatis, eas te non potuisse consequi, nisi meis puer olim fidelissimis atq; amantissimis consiliis paruisses. Quare hoc animo in nos esse debbis, ut atas nostra jam ingravescens in amore atq; in adolescentia tua conquiescat. Vale



## † IMITATIO HVIVS

*Epistola.*

**E**T si doleo, ob literarum me raritatem atq; infrequentiam accusari: Tamen non tam hoc mihi grave molestumq; extitit, quam gratum cognoscere, memoriam adhuc te me tenere. Idque eo fuit mihi gratius, quod de quo expositulationem mecum institueras, in eo culpâ me vacare omni scirem. Ego tuæ familiæ splendorem, uti debui, magnifeci semper: Te ipsum ob doctrinam singularem, auctoritatem summam, incredibilem humanitatem, egregias virtutes alias colui: propter plurima maximaq; beneficia non Patroni modò; verum etiam parentis loco habui. Eadem adhuc mea est voluntas, & erit, quamdiu lucis hujus frui usurâ contigerit: neq; illa, vel temporis diuturnitate, vel locorum interval-

M

lis,



lis, vel re ullâ aliâ immutabitur.  
Qua de re, quia propter silentium  
subdubitare videris, quæso æquum  
te præbeas: neque suspiciones te  
meque dignas parum, aut concipi-  
as ipse, aut suscitatas ab aliis fove-  
as, atq; confirmes. Literas tu meas  
requiris, equidem quoties fuit, cui  
rectè tutòque eas dare possem: sine  
illis ad te ire neminem sum passus.  
Sed non notum illud mihi semper  
esse potest: quando ad vos quisque  
proficiscatur. Deinde non, opi-  
nor, ignoras, cujusmodi esse tabel-  
larii nostri soleant, qui ad scriben-  
dum spacium concedunt nullum:  
petasati accedunt: aut ad portam  
à comitibus, aut domi à suis, vel a-  
liis, à quibus ablegati, expectari se  
se clamitant: ut saltem literas sese  
petiisse affirmare queant: nisi etiam  
inaurati fuerint, easdem vel ei, qui  
primò sese offert, tradunt: vel in  
pro-

proximum flumen projiciunt. Huc accedit, quod eo sum ingenio praeditus, ut non temerè literas scribam, nisi quid offeratur, quod aut me scribere, aut eos, ad quos scribo, scire necesse sit: Præsertim si docti illi, aut publicis districti negotiis fuerint. Quanquam, cum, quoties ad me scripseris, cogito; non sanè video; quomodo meam in scribendo reprehendere negligentiam possis. Bis aut ter ad summum, easq; admodum breves literas à te accepi: ut, vel hoc nomine, æquum te mihi facilemque futurum minimè dubitem. Sed utut sit: quia istud officii genus non displicere tibi video: operam dabo sedulo, ut scribendo te expleam: &, vel cum argumento vel sine argumento literas ad te mittam. Vale.

**E**xemplum acerbioris responsionis ad accusationem, observatum in Epist. 28. lib. VII. ad Fam. quâ ad capita accusationis: Gallijusdâ Cicero ita respondet, ut se extra culpam, illum verò accusatione dignum demonstraret. Cujus Exordium reprehensione institutæ accusationis constat, mox objecta refutantur crimina. Conclusio adhibita in reprehendendo acerbitatis causam, & mitigationem continet.

**M**iror, cur me accuses, cum tibi id facere non liceat, quod si liceret: tamen non debeas, EGO ENIM TE (inquis) IN CONSV. LATU OBSERVARAM. Et ais fore, ut te Caesar restituat. Multum tu quidem dicis, sed tibi nemo credit. Tribunatum plebis dicis te mea causa petiisse. Utinam semper esses tribunus: Intercessorem non quæreres. Negas me audere, quod sentiam dicere. Quasi tibi, cum parum prudenter me rogares, parum fortiter responderim. Hac tibi scripsi, ut isto in genere, in quo aliquid posse vis, te nihil esse cognosceres. Quod si humaniter mecum questus esses, libenter tibi me & facile purgâsem: non enim mihi ingrata sunt, qua fecisti, sed, qua scripsisti, molesta. Me autem propter quem ceteri liberi sunt, tibi liberum non visum demiror. Nam si falsa fuerint, qua tu ad me, ut ais, detulisti, quid ego tibi debeo? Sin vera, tu es optimus testis,



restis, quid mihi populus Romanus debeat.  
Vale.

† IMITATIO HVIVS EPISTOLÆ,  
qua amico respondemus, qui de ingratitude, &  
inuriis nostris expostulationem per literas  
instituit.

**M**iror, cur per literas mecum  
expostules: & quidem ita ex-  
postules acerbè, cum nec habeas,  
de quo verè accusare me possis: nec  
si haberes, ita mecum agere debe-  
bas. Quid enim est, quod tantam  
tibi in nasum bilem concivit? Tuæ,  
inquis, fortunæ autor solus extiti:  
Fore, ais, brevi, ut tuo rursus auxi-  
lio consilioq; indigeam: Multa ad-  
dis alia, quæ tamen nemo, aut per-  
quam pauci credunt: quia longè  
rem se habere aliter, nòrunt. Sed  
sint sanè, quia ita vis, tua in me pro-  
merita neq; nulla, neq; parva; quâ  
obsecro in re ingratum me es aut  
immemorem expertus? Quid est,



quod non, quantum quidem per tenuitatem fieri meam potuit, abundè tibi sit concessum? Negas audere me in promovendis iis, quos caros acceptosq; habes, offendere alios. Quasi verò, non rogatus, ultrò sese quis, sine impudentiæ suspicione, inferre queat: Aut major ejuscemodi in rebus gratiæ atque amicitæ, quàm publicæ utilitatis sit ratio habenda. Nihil ego jam ad reliqua accusationis tuæ capita respondeo. Te ipsum quæso paulisper collige: locum non affectibus: sed rationi & consilio relinque: superioris temporis memoriâ acta recole: Audi amicos & propinquos tuos, & quàm justè honestèque me accuses, facilè intelliges. Sed nimirum hoc me natum sydere video: ut in vitæ meæ cursum, licèt obscurum, veluti scopum aliquem, conjectos oculos malevoli habeant.

Qui-

Quibus tamen aut aures accom-  
modare, aut fidem habere temerè,  
alienum ab amicitia, contrarium  
pietati, repugnans gravitati est.  
Quod si certare cum istis homini-  
bus criminationibus vellem, nã  
haberem, quæ illis, & verè objice-  
rem. Verùm hic Gelo mihi ille apud  
Herodotum placet, qui monet, ne  
convitiis, quasi in Symbolo con-  
gestis, respondeamus. Probatur &  
Socrates, qui ab amico admonitus,  
ut calumniatori responderet, num,  
*inquit, asinus te si calcitraret, calce eum  
rursus percuteres?* Et sanè hac ipsa in  
responsione, libenter me tibi faci-  
lem præbuissem, si paullo tu mecum  
humanius egisses. Neq; enim de te  
ego unquam, nisi summo cum ho-  
nore sum locutus. Neq; in optatis  
quicquam habui magis, quàm ut  
meam tibi fidem, gratique animi  
probare memoriam possem, neque

reprehendi unquam, quæ gessisti: sed quæ scripsisti nuper, laudare omnia non potui. Si enim vera fuerunt ea, quæ tu mihi aliquando tribuisti: cur nunc ita exagitas? si falsa, quid tibi quæso debeo? Itaque æquiores deinceps te mihi exhibebis. Quod si verò aliorum obtestationibus irritatus, renuntiare planè mihi amicitiam volueris: Officii mei benevolentiaque fretus conscientia, non sanè multum laborabo. Id quod Agamemnonis usurpabo? *περ' ἐμοί γε καὶ ἄλλοι, μάλιστα δὲ μητιέζεις.* Vale.

**E**xemplum Deprecationis, observatum apud *Plinium* Epist. 22. lib. IX. ad *Sabinianum*. Hæc insigne, & imitatione dignum Deprecandi (cujus nullum adeò illustre in *Ciceronis* Epistolis ad Fam.) exemplum continet.

Libertus tuus, cui succensere te dixeras, venit ad me, advolutusque pedibus meis tanquam tuis hæsit, flevit multum, multum rogavit, multum etiam tacuit. In summa, fecit  
mibi



mihî fidem poenitentia. Verè credo emendandum, quia deliquisse se sentit. Irasceris, scio; & irasceris merito. Id quoque scio. Sed tunc præcipua mansuetudinis laus, cum iræ causa iustissima est tamâsti hominem, & spero amabis. Interim sufficit, ut exorari te sinas. Licebit rursus irasci, si meruerit: quod exoratus excusatius facies. Remitte aliquid adolescentiæ ipsius, remitte lacrymis, remitte indulgentiæ tuæ: ne torseris illum, ne torseris etiam te: torqueris enim, cum tam lenis irasceris. Vereor ne videar non rogare, sed cogere, si precibus ejus meas iunxero. Jungam tamen tantò plenius & effusus, quanto ipsum acrius, severius & corripui, districtè minatus, nunquam me postea rogaturum. Hoc illi, quem terreri oportebit: tibi non idem: Nam fortassè iterum rogabo, iterum impetrabo, sit modò tale, ut rogare me, ut præstare te deceat. Vale.

## ACCUSATIONI RESPON-

dendi formula.

Quod me sæpè accusas, cur hunc meum casum tam graviter feram, debes ignorare.

Nihil equidem feci, cur me tam graviter accuses. Quare velim nihil sinistri de me

M 5

suspi-



suspiceris. Non te decet calumniæ fidem habere, & mendaci famæ: *Belli enim mater est Calumniæ.*

Jam etiam gravius accusas, quàm patitur tua consuetudo.

Accusasti me per literas gravioribus verbis, quàm tua consuetudo ferebat.

Lenissimis, amantissimis verbis utens, te graviter accusas.

Nos aliquando objurgare desine.

Tu me, ut facis, operâ, consilio, gratiâ juva. Consolari jam desine: objurgare verò noli.

Hæc eò scripsi, ut potius relevares me, quàm ut castigatione aut objurgatione dignum judicares.

Ad omnia accipe, & cognosce quæso æquitatem expostulationis tuæ.

Quod me scribis rationibus tuis obstare, sic velim existimes, nihil me unquam aut contrariam tuam, aut existimationem fecisse, voluntatemque tuam commodis meis omnibus anteposuisse: sed tamen in communibus nostris negotiis conficiendis magis secutum fuisse, quod fides me, & dignitas publica, ut facerem, coëgit, quàm tua, quæ mihi non mala, sed nimia visa est cupiditas.

Si ea fuisset Audii mei suffragationisque  
liber-

libertas, qua ante hoc tempus usus semper fui, non desiderares ullum in te officium meum vel benevolentiam: nunc verò cum unus hominis crudeli ambitione omnia sint impedita, neq; quidquam quod ad te pertineat, hoc tempore confici possit, ignoscas sollicitudini meæ.

Suspicio quædam significatur in tuis literis & dubitatio tua, de qua alienum tempus est mihi tecum expostulandi; purgandi autem mei necessarium: Ubi enim ego cuiquam legationi sui impedimento, quo minus Romam ad laudem tuam mitteretur? &c.

Scribis ad me te existimasse, pro mutuo inter nos animo, & pro reconciliata gratia; nunquam te à me ludibrio læsum iri, &c.

Quod autem ita scribis, pro mutuo inter nos animo: quid tu existimes esse in amicitia mutuum, nescio: equidem hoc arbitror, cum par voluntas accipitur, & redditur.

Quod scribis de reconciliata nostra gratia, non intellige, cur reconciliatam esse dicas, quæ nunquam immutata est, &c.

Quod scribis non oportuisse Metellum obdictum à me oppugnari: Primum hoc velim existimes, animum mihi istum tuum vehementer probari, & fraternam, plenam humanitatis ac pietatis, voluntatem, &c.

Hæc volui per literas, ut haberes, quod diceret, si quando in vituperatores meos incidisses.

In quo si peccat, magis ineptiis, quam improbitate peccat.

Tibi gravissimo atq; integerrimo viro rationem mei facti probabo.

Qui possum sermones iniquorum effugere?

Premium dignitatis, quod maioribus meis semper detulisti, miror cur mihi denegeris. Non sum beneficii huius obrectator, aut virtutis hostis, aut laudis invidus.

Me una vis ferum præter cæteros, me asperum, me inhumum existimari? me singulari immanitate & crudelitate præditum: cum tamen natura me misericordem esse voluerit.

Me huius criminis nemo unquam insinulavit.

Equidem vehementer læror, eum esse me, in quem tu, cum cuperes, nullam contumeliam iacere potueris. Nemo mihi unquam hæc objecit, etiam cum multi mihi inviderent.

Sapientissimi homines interdum etiam lapsi sunt.

Adeoñe nobis alienus à sanitate, adeo oblitus constantiæ meæ videor?

Nemini injustè periculum creavi, nemini innocenti calamitarem.

Nihil feci unquam, quod contra illius existimationem esse vellem.

Illud quidem scio, meos multos & illustres labores, & ex superiore, & ex æquo loco sermones habitos, cum tua summa laude, & cum magna significatione nostræ familiaritatis, ad re verè potuisse deferri.

Hoc verò, ex quo suspicio nata est, me exquississe aliquid, in quo te offenderem, translatitium est.

Quod si essem eā perfidia, quā sunt ii, qui in nos hæc conferunt: Tamen eā astutitiā certè non fuisset. Ut aut in obscuro odio apertas inimicitias, aut in quo tibi nihil noceret, summam ostenderem voluntatem nocendi.

Si me virum bonum, si dignum iis studiis, eaq; doctrinā, cui me, à pueritia dedi, si satis magni animi, non minimi consilii in maximis rebus perspectum habes; Nihil in me non modò perfidiosum & insidiosum, & fallax in amicitia: sed ne humile quidem aut jejunum debes agnoscere: Sin autem me astutum & occultum libet fingere, quid est quod minus



cadere in ejusmodi naturam possit, quàm florentissimi hominis aspernari benevolentiam?

Nec in te (ut scribis) animo fui mobili, sed ita stabili, ut in mea erga te voluntate, etiam desertus ab officiis tuis permanerem.

Bis ad te scripti, me purgans diligenter, te leviter accusans in eo, quod de me citò credidisses.

Adeoné me injustum esse existimasti, ut tibi irascerer, quod parùm mihi constans & nimium cupidus discedendi viderere, ob eamque causam me arbitrarere literas ad te jamdiu non misisse. Mihi perturbatio animi tui, quam primis Oteris perspiciebam, molestia attulit: Neq; alia fuit ulla causa intermissionis literarum, nisi quod, ubi esses, planè nesciebam.

Consciens mihi eram, nihil à me commissum esse, quod boni cujusquam offenderet animum.

Amabo te, mi frater, ne si uno meo facto & tu & omnes mei corruistis, improbitati & sceleri meo potius, quàm imprudentiæ assignes: nullum est meum peccatum, nisi quod ais credidi; à quibus nefas putàram esse me decipi, aut etiam quibus ne id expedire quidem arbitrabar: intimus, proximus, familia-

rimus quisq; aut sibi pertimuit, aut mihi invidet.

Opinionem falsam de me in vestris mentibus concepistis, quam ratio ipsa labefactabit, & veritas extorquebit.

Non consuevi homines asperius appellare, nisi laceffitus. Ego à luxuria & levitate sum remotissimus.

Ego non modò à facto, verùm etiam à conscientia suspicione absui. Istius facti non modò non suspicione, sed ne infamiâ quidem sum aspersus.

Quem bonorum non colui? cuius fortunæ dignitatique non cessi? Versatus in intima familiaritate potentissimi hominis, atq; præclarissimi, neminem unquam aut ore, aut verbo, non vultu deniq; offendi.

Quid dictum à me cum contumelia? quid non moderatè? quid non amicè?

Quo auctore ista proferuntur? unde ista erumpunt?

Quod sitoties sim tibi literis purgandus, quoties illi falsò infimulabunt, & ego scribendo, & tu legendo defatigaberis.

Libet ex universo hominum contubernio in extremas fugere solitudines, quoties illorum hominum mores in mentem veniunt, qui ad hoc unum se natos arbitrantur;

274 DE CONSCRIBENDIS

ut alienam innocentiam, sua putida mendaciis; lingua contaminent.

Ais te fecisse amico animo; sed meâ quid refert, utrum me amice jugules, an inimice?

Scio te, quæ facis, optimo animo facere. Quid enim mihi exploratius esse potest, quam animus tuus erga me? Sed tamen, ut ingenuè dicam, quod sentio, videris mihi quadam facere, non ausim dicere inconsultius, virorum prudentissime non dicam inimicè, vit sincerissimæ fidei; sed tamen parùm circumspectè.

Quid ergò istis maledicentissimis nebulonibus, qui nostræ benevolentiae invident, ac semper aliqua commiscuntur, quod eam vel extinguant, vel diminuunt, imprecer, nisi ut penitus obmutescant?

Quod mandata tua ita ut tu jusseras, & ego receperam nondum peregi: facultas mihi hætenus defuit, non voluntas.

Et ipse mallem, & tu promeritus es, ut offeio potius, quam purgatione apud te uterer, nisi utriusque nostrum fortuna mea invideret.

In hoc tibi Jovem lapidem jurare non dubitem, me insciente facta omnia.

Sanctè tibi de jero, vel juranti crede.

## L I T E R A R U M S I L E N T I U M

*excusandi formula.*

**D**E literarum intermissione sine causa abs te accusor: nunquam enim ab ullo certior factus sum, esse, cui literas dare possem: Porro autem neq; mihi accidit, ut haberem, qui ad te proficisceretur.

Quod tam longo temporis intervallo nihil ad te dederim literarum, excusationem accipe, non peccati, sed silentii. Pudet quidem me tam diu nihil tibi scripsisse: sed profectò, si scias, quantis hinc distinear occupationibus, facile habeas silentio meo veniam.

Quod tanto temporis intervallo nihil ad te dederim literarum, nec veteris meæ erga te observantiæ benevolentiaq; memoriam renovarim, non meâ negligentia neq; adeò oblivione mutui nostri amoris: sed potius pudore quodam accidit.

Puto tibi molestum jam esse silentium meum, at mihi silentij causa longè molestior: nam toto ferè biennio neq; corpori valetudo, nec animo quies contigit: Ira, qui absentes amicos literis saltem colere consuevi, jucundissimam mihi consuetudinem intermittere, & in officii cursu languere sum coactus.

Quod sit tibi fidem mea non facit affirmatio,  
recte



testes habeo, &c. Hanc excusationem probari à te cupio, nec omnino despero.

Et si pudet me post diuturnam cessationem nunc ad te scribere: Tamen non dubito, quin pro tua in amore constantia, mea, si qua fuit, negligentia, benignus interpret sis futurus, praesertim cum nihil esset privati, quod scriberem: Publica verò omnia copiose ab aliis ad te praescribi non ignorarem.

Longum intervallum est, cum literas ad te dedi nullas, quod accidit non remissione observantiae in te mea, nec oblivione virtutis, humanitatis, & benevolentiae erga me tuae: sed quia multis & molestis occupationibus impeditus, alia quoque officia permulta deferre coactus sum.

Diu est, quod nihil ad te dedi literarum, non oblivione amicitiae nostrae: sed quod cum nihil haberem, quod scriberem, tuam laetatione dignum, nullas volui potius, quam inanes esse meas literas. Nunc verò cum se mihi occasio, & propè necessitas quaedam obtulerit scribendi ad te, libenter hac opportunitate usus sum.

Non oblivione amicitiae nostrae, neque intermissione consuetudinis meae, superioribus temporibus ad te nullas mihi literas.

Non ea res me deterruit, quod minus literas

ras ad te mitterem, quod tu ad me nullas mileras: sed quia nec quid tibi pollicerer, nec quid consolationis reperiebam. Hæc quamquam nihilo meliora sunt, tamen inanes esse meas literas, quàm nullas volui.

Quod epistolæ tuæ non responderim, mi Celse, non voluntas in causa fuit, quæ est erga te, ut potuisti cognoscere, profectò summa: sed valetudo adversa mea, quæ per ingentes dolores tum corporis tum animi vires valdè affixit. Neq; nunc scriberem, nisi vererer, ne quid tu de immutata mea erga te voluntate secus suspicarerè, quàm res habet. & ego vellem: Cupio enim ut intelligas, me in ratione ista amicitia paria tecum facere, & tantoperè amantem non mediocriter redamare.

Non ausus fui dare ad te aatehac quicquam literarum, quod, cum res non esset ulla digna, quæ scriberetur, inanem sermonem literarum tibi injucundum fore putavi.

Jam diu est, cum ego ad te nihil literarum dedi, quod accidit non oblivione tui meâ, neque pigritiâ aut negligentia nostrâ, sed quod ipse meis occupationibus impeditus, dubitans de tuis, veritus sum, ne mea sedulitas forsitan tibi molesta esset, si te à gravioribus & sanctioribus curis, inanium lectione

lite-

literarum avocâssem, etsi inanes epistolæ nunquam esse solent, quæ ut aliud nihil afferant; testes tamen sunt amoris, & conservatæ optimæ voluntatis. Verùm hoc testimonium neq; ut ego arbitrør, tu à me desideras, neq; ego abs te requiro; Satis enim nostra veritas constansq; amicitia testimonii utriq; nostrum præbet, esse nos inter nos, quales esse debemus, amicissimo animo videlicet & constantissimâ voluntate conjunctos.

Etsi ratio officij mei postulabat, ut post tuum à nobis discessum crebras ad te literas darem, quibus & de rebus publicis; & de privato rerum statu, fieres certior, nescio tamen quo pacto factum esse dicam, ut cum dies nullus esset, quo non id facere cogitarem, omnes tamen re, ut ita dicam, infectâ elaberentur. Cum verò tandem me diuturni silentii suppudere, constitui semq; omnino impropterum ejusmodi negligentia maculam epistolarum frequentia delere, repentè redditus est mihi à te fasciculus.

#### LITERARVM RARITATEM

*excusandi formula.*

**S**I fortè rariùs tibi à me, quàm à cæteris literæ redduntur, peto à te, ut id non modò non negligentia mea, sed ne occupationi qui-



quidem tribuas: quæ etsi summa est: tamen nulla esse tanta potest, quod interrumpat iter amoris nostri & officii mei.

Ego ad te propterea minus scribo sæpè, quod certum non habeo, ubi sis, aut ubi futurus sis? Huic tamen, nescio cui, quod videbarur is te visurus esse, putavi dandas esse literas.

Puto te existimare, me nunc oblitum consuetudinis & instituti mei rariùs ad te scribere, quàm solebam: Sed cùm loca & itinera tua nihil habere certi viderem, nemini, nisi ad te proficiscenti dedi literas: neq; enim exsunt epistolæ nostræ, quæ, si perlatæ non sint, nihil ea res nos offensa sit.

Meas literas quid requiris? Impedior inopiâ rerum, quas nullas habeo literis dignas, quippe cui nec quæ accidunt, nec quæ aguntur, ullo modo probentur.

Nollem te existimare aut negligentiam fieri meam, aut oblivione nostræ veteris amicitie, ut raras ad te dem literas: Non enim ea causa fuit, sed quod, &c.

Quod nihil literarum ad te dedi, non id quidem causæ fuit, quod scribendi argumento destituerer, quo planè abundabam: sed quod, &c.

Non committam posthac, ut me accusare  
de



de epistolarum negligentia possis, tu modo videto in tanto ocio, ut mihi par sis.

Miraris, amice, quod non scripserim; mirari desine, jam scribo: & si placet, Laconicus Laconico respondebis.

Si quid haberem, quod ad te scriberem, facerem id, & pluribus verbis & sapius: Nunc quæ sint negotia vides.

Ad te ideo rarius scripsi, quod non habebam idoneum, cui darem, nec satis sciebam, quod ad te scriberem.

Nolim me putes oblivione tui rarius ad te scribere, quàm solebam.

Vereor ne literarum à me officium requiras, quas tibi & jam pridem & sæpè misissem, nisi quætidie latiora, quæ ad te scriberem, expectarem.

Jam diu nihil literarum ad te dedi, quod cum non haberem ferè quid scriberem (quæcunq; enim hæc agerentur, ad te perscribi à tuis sciebam) nolui te inanibus literis meis obtundere.

Segniores me facit ad scribendum non oblivio tui, sed quod me deterreant epistolarum vestigia, omnia te adversum spectantia, nulla retrorsum.

Quod raras adhuc mihi ad te literas, scito rationem esse habitam à me occupationum

tuorum: Hac enim solum impediō veracundia, ne te sapius interpellem, quam obrem tu nobis aliquam debes gratiam.

Non oblivione mutue benevolentie nostrae rariùs ad te do literas, quam forsitan usus veteris nostrae conjunctionis postulet: sed pudore quodam id sit potius, quod verior, ne tuis gravioribus curis intemptivius obtrepanis.

Quod pristinam meam scribendi consuetudinem intermissam miraris, nihil est quod suspiceris mali: Neque enim, ut semper fui, tui amantiſſimus esse vel desino, velle desinam, dum memor ipse mei, dum spiritus hos reget artus.

Cum longo locorum intervallo disjunctiſſimus, per literas tecum loqui cuperem: Quod si rariùs fiet, quam tu expectabis: Id erit causae, quod non ejus generis meae sunt literae, ut eas audeam cuius temerè committere.

Diu est, quod desistimus inter nos missare literas: Neque enim inveteratae amicitiae tanta conjunctio talem operam ullam aut oblectamentum requirebat: Nec fuere alia, de quibus esset opus alterum nostrum ab altero certiore fieri.

Cum me vides praeter institutum meum  
lito-

literas ad te non tam sæpè, quàm solebam  
mittere, nimirum etiam, me tacente, quàm  
sim occupatus, intelligis. Ternas te dedisse  
scribis, omnes accepi. Nihil amabilius, ni-  
hil etiam elegantius.

Ego ad te rariùs solito do literas, quod  
non dubitem, te & negociis occupatum, &  
gravitate valetudinis defectum minùs liben-  
ter ad exercitium hoc scribendi epistolas ve-  
nire, sed nec amicitia nostra fulcimentis illis  
indiget, quibus vulgares permultæ. Rogo te  
etiam atque etiam, ut posthac, quoties mihi  
scribes, quemadmodum & corpore & animo  
sis affectus, paucis verbis significes.

(1)  
*L I T E R A R V M T A R D I T A T E M*  
*excusandi formula.*

**M**iraberis, & quidem non injuriâ, respon-  
sum à me literis tuis multò seriùs, quàm  
tu fortasse desiderabas, & ipsæ literæ tuæ me-  
ritò postulabant. Id cur ita evenierit, pau-  
cis accipe. Iturus erat isthuc Vulturius, no-  
ster &c.

Non licuit mihi id, quod vehementer o-  
ptavi, aut celerius aut uberius ad te scribere,  
quod adversâ valetudine mensem amplius  
afflictatus, in hunc usque diem convalescere  
adhuc omnino non potui.

Tuis

Tuis literis, mense Januario ex urbe datis, quod adhuc non responderim, iusta hæc apud te erit excusatio, quod minus commode valui.

Literas tuas accepi: tabellarium, cui dederas, non vidi: Sin statim non responderim, omnem in illum culpam refundendam putato.

Decreveram scribere ad te, verum intervenere, nescio quæ, quæ mihi hoc propositum excuterent.

Distuli tuis respondere literis, quod existimavi fore, ut præsens præsentem amplecteretur.

Non est quod succenseas nobis, si aliquando tardiores fuerimus in scribendo, multa fuere impedimenta.

Noli mirari, si tuis sanè jucundis mihi & fravibus literis serius respondi, quam æquum fuit.

Epistolæ tuæ, quæ mirificam mihi attulit voluptatem, nondum respondi, occupatus in nihil agendo, & ita affectus desidia, ut qui olim ad omnia solebam mihi otium facere, ipse nunc negotiis negotia opponam, siæta utiq; & opinione animi mei simulata, ut vera ac seria excludam.

Noli admirari, si & meâ & tuâ expectatio.



ne ferius hasce dedi ad tuas amicissime atque humanissime scriptas literas: Morbo impeditus satisfacere officio non potui, quo tamen levare jam video. Itaque, ut primum facultatem nactus sum, non commisi, ut diutius desiderares à me hoc officium.

Vulgare est, ut qui ferius paulò ad amicorum literas respondeant, nimias occupationes suas exeusent. Ego vero, qui minus maturè rescripserim non tàm culpam confero in occupationes (quanquam ne ipsa quidem defuerunt) quam in acerbissimum porius hunc dolorem, quem mihi patrum mei obitus attulit.

Allatae sunt mihi tuae literae aliquantò ferius, quàm dierum ratio postulabat: quibus in litteris facilè amorem erga me & memoriam veteris nostrae consuetudinis recognovi: Sed quò minus ad eas celeriter responderim, publica negotia, quae nos hic anxios & sollicitos habent, aliquandiu retardarunt.

LITTERARVM BREVIATEM  
excusandi formula.

**P**osteros habes tabellarios, etsi me quidem non offendunt: tamen cum à me discedunt, flagitant literas, cum ad me veniunt, nullas offerunt: Atque id ipsum facerent

com-

commedius, si mihi ad scribendum aliquid spatii darent: Sed Petasari veniunt, comites ad portam expectare dicunt.

Pluribus verbis ad te scriberem, si aut tua humanitas longiorem orationem expectaret: aut id fieri nostra amicitia pateretur: aut res verba desideraret, ac non pro se ipsa loqueretur.

Sed ad te brevior inscribenda incipio fieri, dubitans Romæne sis, an jam profectus sis? Quod tamen quoad ignorabo, scribam aliquid potius, quàm committam, ut tibi cum possint reddi à me literæ, non reddantur, nec tamen jam habeo, quid aut mandem tibi aut narrem.

Vereor ne putidum sit scribere ad te, quàm sum occupatus: sed tamen ita distinebar, ut vix huc epistolæ tempus habuerim, atque id ereptum è summis occupationibus.

Tàm multum est, quod scribam, ut nec initium inveniam nec exitum: propter hanc dubitationem meam brevior hæc epistola.

Copiosissimam ad te scribere epistolam gestiebat animus, nî & otium deesset, & propediem vos ipse visere decrevissem.

Pluribus tecum verbis agere non licet, ita multis distrahor curis: Unum hoc: Crato-

nus &c.

N<sup>2</sup>

Ad

Ad literas tuas mihi longè gratissimas tribus verbis respondebo , velut occupatissimus.

Nihil unquam accidit mihi, mi Frater, tuis literis mellitius : ad quas , si breviter respondeo, facile tu quidem ignosces, si scias, quantis studiorum laboribus pænè confectus sim, à quibus simul atq; dabitur otium, scribam epistolas alias super alias.

Exspectanti mihi quotidie à te literas, Thorus noster, subito denunciavit, ut ad te scriberem, si quid vellem. Ego verò, etsi quod scriberem, non habebam, inanem autem sermonem literarum, tibi injucundum esse sciebam, brevitatem secutus sum te magistro.

Nimium rarò nobis abs te literæ referuntur, cum & multò tu facilius reperias, qui Romam proficiscatur, quàm ego qui Athenas, & certius tibi sit, me esse Romæ, quàm mihi, te Athenis. Itaq; propter hanc dubitationem meam, brevior hæc epistola est, quod cum incertus essem, nolebam illum nostrum familiarem sermonem in alienas manus devenire.

Quòd non perinde ac debeam tuis eruditissimis literis responderim, velim æstimes nullà id negligentia meà factum esse : sed occupationibus his, quibus necessario distineor,

neor, in maximo ut scis munere perfungendo: quo fit, ut frequenter, &c. eam ob rem ignosces & cunctationi & brevitati mearum literarum, quando iisdem de causis, quibus in hanc deveni tarditatem, adhuc impediior, ne longior sim. Jam verò illud, quod abs te rogatus sum, faciam sedulò ac perlibenter.

L I T E R A R V M B R E V I T A T E M  
excusandi in calce earum formula.

**P**roperantibus tuis tabellariis alienis hanc epistolam dedi, eò breviorē etiam, quod eram missurus meos.

Brevitas tuarum literarum me quoq; breviorē in scribendo facit; & verē ut dicam, non satis occurrit, quid scribam.

Longior fuisset epistola, nisi eo ipso tempore petita esset, cum jam iretur ad te.

Scribam ad te pluribus aliàs, cum plus otij nactus ero.

Oro, obsecro, ignosce; non possum plura scribere.

Hæc scripsi festinans, subito, raptim, raptissimè, ex tempore, plusquam ex tempore.

Cum plus otij nactus ero, uberiores à me literas expectato.



Breviloquentem jam me tempus ipsum fecit.

Brevitate temporis tam pauca egor scribere.

Habes Epistolam plenam festinationis & pulveris.

Plura scriberem, si jam putarem te libenter legere posse.

Sum brevior, quod, ut spero, coram qua volumus, brevi confectum licebit.

Quid præterea scribam non habeo, & eram in scribendo conturbatus.

Pluribus ad te scriberem, ni mihi dolor facultatem mentis ademisset.

Pluribus verbis tecum agerem, nisi pro me res ipsa loqueretur.

Scribentem me hæc, nunc coena, nunc alia multa interpellant.

Ignosces brevitati mearum literarum: nam celeriter unâ futuros nos arbitror.

Plura me ad te de hac re rescribere pudet; ne videar amicitia nostræ diffidere.

L I T E R A R V M L O N G I T V D I N E M

*excusandi sub finem earundem*

*formula.*

HABES epistolam verbosiolem fortassis, quam velles: quod tibi ita videri putabo, nisi mihi longiorem remiseris. Ego, si, quæ

velo, expediero, brevi tempore te, ut spero, videbo.

Longius me prorexit dulcedo quædam tecum loquendi: sed jam finem faciam, ne modum, quem etiam orationi adhibendum puto, excedam.

Hæc scripsi ad te pluribus verbis, quam soleo, non etiam abundantiam: sed amoris erga te, quo me quædam epistolâ invitâras.

Velim mihi ignoscas, quod tanta harum prolixitate te, pænè obtundam: orlabar jam enim & tuas volebam elicere.

Longior fui in his literis, ac putavi me fore; sed sævitate consuetudinis tuæ, & studio tecum colloquendi evocatus sum, longius fortasse, quam debebam.

Hæc amore magis impulsus scribenda ad te putavi, quam quod arbitrarer te monitis & præceptis meis egere.

Hæc ad te scripsi paulò fusiùs, quam par est, ut, &c.

Hæc ad te scripsi fortasse pluribus verbis, quam necesse fuit, benevolentiam magis adductus, quam quod res ipsa postularer.

Sed hæc satis multa, vel plura potius, quam necesse fuit; facit autem non loquacitas mea: sed benevolentia longiores epistolas.

Sed jam modum, aut finem potius scriben-

290 DE CONSCRIBENDIS

di faciam. Modum enim epistolæ jam diu multumq; excessi: Valebis igitur.

Sed provehor longius, quam volebam, & charta me deserit, ut vides, tecum suavissime colloquentem. Fac igitur valeas.

Sed jam ultra metas epistolam porrigo, dum tui amore mei ipsius oblitus rapior. Vale igitur, & nos, ut soles, dilige.

Sed de his quoq; satis. Extremum est, ut te orem, ut me tui amantissimum diligas absentem, & cum opus erit, tuo patrocinio protegas ac tueare. Vale.

DEPRECATIONES

*formula.*

**A**bscepero. ut mihi hoc ignoscas, & me excusares humanitate esse prohibitum, ne contra amici summam estimationem, miserissimo hoc tempore venirem: cum is omnia sua studia & officia in me contulisset. Quod si voles in me esse durior, ambitionem mihi putabis obstitisse. Ego autem arbitror, etiam si id sit, mihi ignoscendum esse, *ἵνα ἡ ἀρετὴ τοῦ ἀνθρώπου ἵκεται*: id est, *divinum enim bonum honor.*

Nunquam putavi fore, ut supplex ad te venirem; sed herclè facile patior datum tempus, in quo amorem experirer tuum. Atti-

sum

cum quanti faciam seīs. Amabo te, da mihi & hoc: obliviscere meā causā, illum aliquando suo familiari adverbario tuo voluisse consultum, cum illius existimatio ageretur: Hoc primum ignoscere, est humanitatis tuæ. Suos enim quisq; debet tueri. Deinde, si me amas, omitte Atticum Ciceroni tuo, quem quanti facias, præ te soles ferre. Totum hoc, ut, quod semper existimavi, nunc planè intelligam, me à te multum amari.

Orat, confitetur, purgat, poenitet. Quid quæris? *quod factum est, infectum fieri non potest.* Non tam tibi hoc factum displicet, quam ipsi, qui fecit. De reliquo futurum illum emendatum ego in me recipio: meo periculo pro illo fidejubeo. Si rursum peccaverit, vel me ipsum ad supplicium deposcitur. Ut jure peccanti succensebas, ita poenitenti æquum est ignoscere, præsertim puero, & aliena malitia ad delictum impulsio. Non quid hujus stultitia: sed quid tua clementia postulet, tibi considerandum puto. Eja ne nimium durus sis pater. Nihilne tu peccas vel senex? & puero nihil vis condonare? Vin' tuos continuo senes nasci? Adeonè excidit, qualis ista in ætate fueris?

Si quid in te peccavi, ac potius quoniam peccavi, ignosce. In me enim ipsum peccavi vehementius.

N s

Er-



Erravi, temerè feci, poenitet: Ad clementiam tuam confugio; Delicti veniam peto ut ignoscas oro.

Tantum mihi dolorem cruciatumque attulerunt errata ætatis meæ, ut non solum animas à factis: sed aures quoq; à commemoratione abhorreant.

Castigabat quidam filium suum quod paulo sumptuosius equos & canes emeret. Huic ego juvens digresso, heus tu nunquamne fecisti, quod à patre corripì possit? Fecisti dico, non interdum facis, quod filius tuus, si repenti pater ille, tu filius, pari gravitate reprehendat? Nonne omnes homines aliquo errore ducuntur; non hic in illo sibi, in hoc alius indulget? Hæc tibi admonitus immodicæ severitatis exemplo, præ amore mutuo scripsi, ne quando tu filium tuum acerbius duriusq; tractares. Cogita & illum puerum esse, & te fuisse: Atq; ita hoc, quod es pater, utere & memineris hominem te esse, & hominis patrem. Vale.

Ignoscas oro, ser opem; qui spem dare innocentis, qui dolore iusto moveri, qui causis æquitate adduci soles: Moveat tua te misericordia, flectat pietas, alliciat humanitas: in commiserationem deniq; adducat, cum sortis humanæ miseræ & semper incertæ, cum communis casus recordatio. Oro

Oro atq; obsecro, fave innocentiz, subveni sollicitudini. Quæso abs te, ut aliquam dolori meo veniam tribuas, & mecum contra eos pugnes, qui humanitatem opprimunt, virtutem lædunt, industriæ sunt inimici.

Vos imploro atque obtestor iudices, ut si omnes meæ curæ, vigilæ, cogitationesq; ad communem civium salutem, innocentissimorumq; hominum defensionem laboraverint, si hunc miserum afflictum, & infelicem reum cum acerba fortunæ invidia, tum pertinax certorum hominum odium oppresserit: si antea actæ vitæ dignitas & præclara in Rempub. merita ad culpæ deprecationem plurimum semper valuerint, ut quæ mea in hoc defendendo fuerit fides, eadem vestra in hoc absolvendo misericordia sit atq; pietas.

Vestræ erit misericordiæ atque pietatis, iudices, levare hunc miserum afflictum, & in falsa invidia versatum reum, jacentem atque iniquis criminationibus oppressum, ad spem salutis erigere atque excitare: favere voluntati optimorum hominum, quos hic supplices & multis lacrymis hujus rei culpam non studio, sed casu admissam deprecari intelligitis.

## RESPONSIO AD PURGATIONEM seu Excusationem.

**A** Excusationem responsio admodum modesta erit, ut rem non aliter nos accepisse dicamus, quam ipse vel fecerit, vel dixerit. Ideo si quis se excusat, cur vel sæpè eodem exemplo, vel rariùs scribat, & huiusmodi, accipiemus excusationem, qua usus est, ex ea parte, quæ ad scribentis honorem spectat.

Si modestiæ causâ dicat, vel pauperem se esse orationis, vel indoctum, vel aliquid simile, id nunquam concedere, nostræ etiam est modestiæ, vel potius humanitatis.

Dicemus aliquando iustam & idoneam esse excusationem; Id tamen ne sæpiùs faciat, rogabimus, rationesq; subijciemus. Et demum assiduitate potiùs literarum, aut aliqua aliâ re explendum esse officium, quàm excusatione, ostendemus.

Quod si Excusatio minùs probabilis videtur, inveniendæ sunt rationes, quibus modestè ostendamus, non esse accipiendam, admonebimusq; ut maiorem impofterum aut utilitatis, aut honoris sui, aut commodi aliorum rationem habeat.

Hæc tamen omnia ita scribenda sunt, ut ad virtutes potiùs bonosque mores amicus inflammetur, quàm ad ullam provocetur iram.

In

In Deprecationibus initio culpæ confessionem laudare poterimus, & eā nos maxime impelli dicemus ad ignoscendum. Cupere nos quantum in nobis est, nemini prorsus irasci, neminem punire: sed aliorum delictis à mansuetudine nostra ad iustissimam iram aliquando traduci, imò potius trahi.

Nihilominus semper apud nos valuisse istam ad ignoscendum, quàm istam ad puniendum, nec nos tam aliorum injuriis lædi, quàm summisione placari.

Pollicebimur, si ita se imposterum gesserit, ut promiserit, nos illum multò cariores habituros.

Licet interim Deprecationibus acerrimè respondere.

Exemplum responsionis ad purgationem, observatum in Epist. 4. lib. IV. ad Fam. qua Cicero Sulpitio, literarum excusanti raritatem & silentium, respondet: atq; ita respondet, ut purgationem partim admittat, partim improbet ac rejiciat. Deinde illius conditionem præ sua evahit. Scribit præterea de beniguitate Cæsaris erga Marcellum, & ceteros: ut Servium à reditu non deterreat, monet: illum & filium laudat ejus. *Missa est epistola.*



**A**ccipio excusationem tuam, qua usus es, cui  
 sapius ad me literas uno exemplo dedisses; sed  
 accipio ex ea parte, quatenus aut negligentia aut  
 improbitate eorum, qui epistolas accipiunt, fieri  
 scribis, ne ad nos perferantur. Illam partem ex-  
 cusationis, qua te scribis orationis paupertate (sic  
 enim appellas) iisdem verbis epistolas sapius mit-  
 tere, nec agnosco, nec probō. Et ego ipse, quem tu  
 per jocum (sic enim accipio) divitias orationis  
 habere dicis, me non esse verborum admodum in-  
 opem agnosco (ἐπιμαρτυρῶ enim non necesse est) sed  
 tamen idem (nec hoc ἐπιμαρτυρῶ) facile cedo  
 tuorum scriptorum subtilitati & elegantia. Con-  
 silium tuum, quo te usum scribis, hoc Achaicum  
 negotium non recusavisse, cum semper probavis-  
 sem, tum multo magis probavi lectis tuis proximis  
 literis; omnes enim causas, quas commemoras, ius-  
 tissimae sunt, tuarumque auctoritate, & prudentia  
 dignissimae. Quod aliter cecidisse rem existimas,  
 atque opinatus sis, id tibi nullo modo assentior; Sed  
 quia tanta perturbatio & confusio est rerum, ita  
 percussa & prostrata foedissimo bello jacent omnia,  
 ut is cuique locus, ubi ipse sit, miserrimus esse vide-  
 tur; Propterea & tui te consilii praeferet, & nos,  
 qui domi sumus, tibi beati videmur; At contra  
 nobis, non tu quidem vacuus molestiis, sed pra-  
 nobis beatus. Atque hoc ipso melior est tua, quam  
 nostra conditio, quod tu, quid doleas, scribere au-  
 des:

des: Nos, ne quidem tutò possumus: Nec id victo-  
 ris vitio, quo nihil moderatius: sed ipse victoria,  
 qua civilibus bellis semper est insolens. Vno te vi-  
 cimus, quod te Marcelli collega tui salute paulò  
 antè, quàm tu, cognovimus: Etiam mehercule,  
 quod quemadmodum ea res ageretur, vidimus.  
 Nam sic fac existimes, post has misérias, id est,  
 postquam armis disceptari cœptum est de jure pu-  
 blico, nihil esse actum aliud, cum dignitate;  
 Nam & ipse Caesar accusatâ acerbitate Marcelli  
 (sic enim appellabat) laudatâq; honorificentissi-  
 mæ & equitate tuâ & prudentiâ, repenti prater  
 spem dixit, se senatui roganti de Marcello, ne ho-  
 minis quidem causâ negaturum. Fecerat autem  
 hoc senatus, ut, cum à L. Pisone mentio esset facta  
 de Marcello, & cum C. Marcellus se ad Caesaris  
 pedes abjecisset, cunctus consurgeret, & ad Caesa-  
 rem supplex accederet. Noli, querere: Ita mihi  
 pulcher hic dies visus est, ut speciem aliquam vi-  
 derem videre quasi reviviscentis Reip. Itaq; cum  
 omnes ante me rogati gratias Caesari egissent, pra-  
 ter Vulcatium (Is enim, si eo loco esset, negavit se  
 facturum fuisse) ego rogatus mutavi meum consi-  
 lium; Nam statueram non mehercule inertia: sed  
 desiderio pristina dignitatis, in perpetuum tacere.  
 Fregit hoc meum consilium & Caesaris magnitu-  
 do animi, & senatus officium. Itaq; pluribus  
 verbis egi Caesari gratias: Modò metuo, ne etiam

in ceteris rebus honesto otio privarim. Quod erat unicum solatium in malis. Sed tamen, quando effugi ejus offensionem, qui fortasse arbitraretur, me hanc Rempub. non putare, si perpetuo tacerem: modicè hoc faciam, aut etiam intra modum: ut & illius voluntati, & meis studiis serviam. Nam et si à prima aetate me omnis ars & doctrina liberalis, & maximè Philosophia delectavit: Tamen hoc studium quotidie ingravesco, credo & aetatis maturitate ad prudentiam, & his temporum vitiis, ut nulla res alia levare animum molestiis possit, à quo studio te abduci negotiis intelligo ex tuis literis: sed tamen aliquid jam noctes te adjuvabunt. Servius cuius vel potius noster, summa me observantia colit, cuius ego cum omni probitate, summaque virtute, tum studiis doctrinaque delector. Is mecum saepe de tua mansione aut de reffione, communicat. Adhuc in hac sum sententia, nihil ut faciamus, nisi quod maximè Caesar velle videatur. Res sunt ejusmodi ut si Roma sis, nihil te præter tuos delectare possit. De reliquis nihil melius ipso est. Ceteri & cetera ejusmodi, ut, si alterutrum necesse sit, audire ea malis, quàm videre. Hoc nostrum consilium nobis minime jucundum est, qui te videre cupimus; sed consulimus tibi.

Vale,

## † IMITATIO HVIVS

*Epistola.*

**A**ccipio excusationem tuam, qua usus es, cur rariùs ad me haecenus scripseris: sed propterea accipio, quod non negligentia quadam aut amicitiae nostrae oblivione: sed tabellariorum, cum penuria, tum improbitate factum illud esse scribis. Illam autem excusationis tuae partem, qua non facile adductus, & publicis districtus negotiis literas te dare inanes affirmas: Nec agnosco, nec probo. An quicquam obsecro, vel summis gravissimisque in occupationibus accidere mihi posse jucundius existimas, literis ab amicis missis, quas ego, dum lego, ipsos mihi compellare videor. Possuntne verò inanes atq; jejuae ab eo literae expectari, qui ab ingenio est praeclare instructus, probe paratus à doctrina, viris literatis ac

pru-



300 DE CONSCRIBENDIS  
prudentibus familiaris : In urbe  
deniq; eâ nunc vivit, in quâ, præ-  
ter studia, multa quotidie notatu  
relatuq; digna, & audit, & videt ?  
sed subodorari me existimo, quid  
anxium te maximè sollicitumque  
reddat. Nihil nisi perfectum ab in-  
genio, politum doctrinâ, elabora-  
tum industriâ, scribi à te oportere  
existimas. Non equidem istud im-  
probo. Sed esse etiam negligentiam  
quandam diligentem nosti, quæ  
non ingrata esse viris doctis solet.  
Neq; ad amicos literas dum exaramus,  
curâ est & solitudine magnâ  
opus : Cum etiam ipse Cicero quodam  
in loco in Epistolis plebeio  
se cum amicis agere sermone fa-  
teatur. Itaq; ejus, quod discedens  
mihi recepisti memor, quod tan-  
dem cumq; in mentem venerit, ad  
me perscribes. Neq; ob dignitatis  
& fortunarum nescio quam acces-  
sio.

sionem, alium me esse factum existimabis. Vale.

EXCUSATIONEM ACCI-  
piendi formula.

**A**ccipio tuam de intermissione literarum excusationem, sed eâ demum lege, ut me tibi eodem nomine purgatum esse velis: Neque enim ullâ negligentiâ mihi officium defuisse videtur, qui quod scriberem, nihil planè haberem: Tum verò vel te, vel à te aliquid unde scribendi argumentum nasceretur, in dies singulos expectarem.

Quod te mihi purges, accipiendam puto excusationem.

Excusationem angustiarum tuî temporis accipio: Scio enim, quàm soleas esse occupatus.

Et si literarum tuarum semper incredibili desiderio teneor, propterea, quòd mihi ex eruditione fructus, ex elegantia voluptas, ex auctoritate summus honos conciliatur: facillè tamen id ego differri nonnunquam patior, vel ne te à studiis avocem potioribus, vel certè ut exemplum mihi tuum, sexcentas jam debenti epistolas, patrocinetur. Tu verò adeò nihil mihi debes, aut silentij, aut officij

ali-

alicujus erga me tui nomine, ut mihi literæ tuæ magno etiam rubori fuerint, qui negligentiam meam pro tua deprecari apud me, cum utrumq; apud te quacunq; mercede prius à me redimi debuerit.

Accipio excusationem tuam, cur ad nos rarius hoc anno scripseris: sed accipio eâ ex parte, quatenus aut negligentia aut improbitate eorum, qui epistolas accipiunt, accidisse scribis, ne ad nos pervenerint.

EXCUSATIONIS NON NE-  
*cessaria formula.*

**A**Nte à tibi non nihil irascebar: nunc sum vehementer iratus: nec injuriâ: hæc tuam diligens purgatio effecit, ut videaris, aut parum nosse meum ingenium, aut certè de amicissimo homine non amicissimè sentire.

Quod cessationem tuam tam religiosè excusas, facis tu quidem humaniter: sed nihil fanè, ut te mihi purgatum velles, opus erat, qui mihi negligentia nomine suspectus nunquam fueris.

Quod te de literarum intermissione excusas, facis tu quidem humaniter: sed nihil, mihi crede, opus fuit, ut te apud me eo nomine purgares, qui, & quantis occupationibus distingere, novi, neq; de tuo in me amore quicquam dubitavi.

Justâ & idoneâ quidem usus es excusatione,  
me, sed eâ nihil opus erat.

Tuam excusationem non desiderabam, requirebam, expectabam.

Non erat, cur te excusares.

Officium te excusandi sine causa suscepisti.

Causam excusandi nullam habuisti.

Minimè necessaria fuit excusatio.

Supervacanea fuit apud me tua excusatio.

### EXCUSATIONEM REJL

*ciendi formula.*

ET si justâ & idoneâ usus es excusatione intermissionis literarum tuarum: tamen id ne sæpius facias, rogo: Nam et si Reipub. rumoribus, & nunciis certior sis, & de tua in me voluntate semper ad me perscribit pater: Tamen de quavis minimâ re scripta à te ad me epistola semper fuit gratissima. Quare cum in primis tuas literas desiderem; noli committere, ut excusatione potius expleas officium scribendi, quàm assiduitate literarum.

Illam partem excusationis nec agnosco, nec probō.

### DE QUERULA SEU INDIGNATORIA epistola.

Querula, seu Indignatoria epistola dicitur illa, in qua vel de nostris, vel nostrorum,  
vel



vel Reipublicæ miseris, adversâque fortunâ querimus, dolemus, ingemiscimus: Et aut in nos ipsos, aut in adversariorum improbitatem, & alia, culpam conferimus.

Gaudet hoc epistolarum genus interrogationibus & exclamationibus, ut & magis illum, ad quem scribimus, movere possimus, & nostrum dolorem ac mœrorem non mediocre esse significemus. In quibus tamen, ut in aliis omnibus adhibendus est modus. Cavendum ne molliter nimis & indecorè doleamus, nec in nugis Tragœdias agamus. Hic ostendendum, meritò nos dolere, queri, lamentari, propterea, quòd quid commissum sit contra leges, mores, æquum ac bonum, non errore, non casu, non fortunâ adversâ, non necessitate: sed datâ operâ, consultò, improbitate, odio, invidiâ: vel etiam nostrâ bonitate, credulitate.

Hic indicandum damnum, quod nostris insertur opibus, vitæ, famæ, existimationi, quæ vitâ ipsâ carior esse debet.

Hic planum faciendum, eos gravissimè offendi, lædique, quorum salus & incolumitas in primis cara esse debebat: & lædi ab iis, de quibus sint optimè meriti: Et lædi eo potissimum tempore, quo varia magnaque impendebant pericula, quo amicorum præsidia

A laxi-

maximè requirebantur : Et ladi eo loco, quo minimè conveniebat, & ladi non vulgari-  
rer, sed novo & raro, inusitato contrumelia  
genere.

Collatione quoque factâ, & allatis alio-  
rum testimoniis aut rumoribus spâris, illud  
ipsum de quo querela instituitur, exaggeran-  
dum est.

Collocatio sic institui potest, ut *Exordium*  
constet querelâ vel indignatione, vel ejus  
laude, ad quem scribimus, vel excusatione  
raritatis, tarditatis, brevitatis literarum : vel  
instituræ scriptiois occasione.

*Propositiô* vel querelam ipsam, vel adhorta-  
tionem continet.

*Confirmatio* instituræ querelæ rationes  
reddir, quæ quales esse debeant, supra di-  
ctum.

*Conclusio* absolvitur vel exclamatione in  
rei indignitatem : vel testificatione nostri  
amoris, benevolentia, studii, vel repetitione  
doloris & mœroris nostri : vel pollicitatione  
fidei, amoris : vel hortabimur amicum, ut no-  
stras ob injurias æquè atque suas doleat, eas-  
que ulciscatur : ut valetudinem curet : ut no-  
bis in amore respondeat : ut sæpè nobis  
scribat.

*Exemplum quomodo de nostrâ calami-  
tate*

tate querela instituenda sit, observatum in Epist. 3. lib. XIV. ad Fam. qua primum à querela orditur Cicero. Deinde calamitates suas exaggerat. Tum ad varia Terentia uxoris suae capita responder. Postremò ad scribendum eam, & valetudinis ut curam habeat, hortatur.

**A**ccepi ab Aristocrito tres epistolas, quas ego lacrymis propè deleui. Conficior enim dolore, mea Terentia, nec mea me miseria magis excruciant, quàm tua, vestraq;. Ego autem hoc miserior sum, quàm tu, qua es miserrima, quod ipsa calamitas communis utriusq; nostrum, sed culpa mea propria est: meum fuit officium, vel legatione vitare periculum, vel diligentia & copiis resistere, vel cadere fortiter, hoc miserius, turpius, indignius nobis nihil fuit. Quare cum dolore conficior, tum etiam pudor. Pudet enim me uxori meae optima suavissimis liberis virtutem & diligentiam non prestitisse. Nam mihi ante oculos dies nocteisque versatur squalor vester, & moror & infirmitas valetudinis tua; spes autem salutis perennis ostenditur. Inimici sunt multi, invidi paene omnes. Ejicere nos magna fuit, excludere facile est. Sed tamen quàm diu vos eritis in spe, non deficiam, ne omnia mea culpa cecidisse videantur. Ut tutò sim quod laboras, id mihi nunc facillimum est quem etiam inimici volunt vivere



in his tantis miseriis. Ego tamen faciam qua precipis. Amicis, quibus voluisti, egi gratias: & eas literas Desippo dedi: Meq; de eorum officio scripsi à te certio rem esse factum. Pisonem nostrum mirifico esse studio in nos & officio, & ego perspicio, & omnes predicant. Dii faxint, ut tali genero mihi presenti tecum simul & cum liberis nostris frui liceat. Nunc spes reliqua est in novis tribunis pl. & in primis quidem diebus. Nam si inveterarit, actum est, ea re ad te statim Aristocritum misi, ut ad me continuo initia rerum, & rationem totius negotii posset scribere: Et si Desippo quoq; ita imperavi, statim ut recurreret: & ad fratrem misi, ut crebro tabellarios mitteret. Nam ego eo nomine sum Dyrrachii hoc tempore, ut quam celerissime, quid agatur, audiam, & sim tutus: Civitas enim hac semper à me defensa est. Cum inimici nostri venire dicentur, tum in Epirum ibo. Quod scribis te, si velim, ad me venturum: Ego verò cum sciam magnam partem istius oneris abs te sustineri, te isthic esse volo. Si perficis quod agitis, me ad vos venire oportet. sin autem. Sed nihil est opus reliqua scribere. Ex primis aut summum secundis literis tuis constituere poterimus quid nobis faciendum sit. Tu modo ad me velim omnia diligentissime perscribas: Et si magis jam rem quam literas debeo expectare. Cura ut valens, & ita tibi persuadeas, mihi te carius nihil esse, nec unquam



unquam fuisse. Vale mea Terentia, quàm ego  
videre videor: Itaq; debitor lacrymis. Vale,  
Pridie Kalend. Decembr. Dyrrachii.

† IMITATIO HUIUS EPISTOLÆ,  
qua uti possumus, quoties apud parentes, aut  
cognatos de periculis & miseriis nostris  
conqueri necesse ha-  
bemus.

**A**Ccepi tuas & propinquorum  
meorum literas, quas ego la-  
crymis propè delevi. Conficior e-  
nim ac ferè contabesco mœrore,  
optatissimo ac dulcissime pater:  
nec mea me magis adversa affligit  
fortuna: quàm tuus nostrorumque  
dolor excruciat. Et quidem hoc te  
sum miserior, qui tamen esse miser-  
rimus videris, quod mihi ipsi non  
aliis imputanda culpa est. Mei fuit  
officii, vel intempestivam & pericu-  
losam peregrinationem hoc tem-  
pore intermittere: vel cautiùs can-  
dem instituerè: videre denique cui  
fide-

fiderem. Propter hoc factum & dolore & pudore conficior. Dolo-  
re, quod summi mœroris ac tristi-  
tiæ autor tibi sum : Pudore, quod  
tibi parenti optimo amicis itidem  
& cognatis fidelissimis minimè ob-  
temperavi, mihi sanè ante oculos  
omnium vestrum mœror versatur:  
maximè verò tua me ætas affligit,  
quæ jam ingravescens atq; inclina-  
ta fulciri à me atq; recreari debe-  
bat. Spes verò salutis perquam  
monstratur exigua : Cùm turba-  
rum, tumultus, belli plena sint nunc  
omnia : Animi magis, quàm un-  
quam antè exacerbat. Faciam ta-  
men ea quæ jubes : iis etiam grati-  
as agam, quibus salutem meam cu-  
ræ cordique extitisse scribis. Quod  
verò addis, te, si aliter obtineri res  
nequeat, ad me venturum : Non  
profectò video, quomodo fieri il-  
lud tutò commodeq; queat. Est

iter non bene solum longum, verum etiam periculosum; teque domi manere, & deprecatorias à Principibus & aliis impetrare literas, multo mihi utilius erit. Eas si fuero nactus, non dubito, quin brevi ad vos rediturus sim. Sin autem, sed plura non scribam, ne te molestum jam, proh dolor, antè satis magis excruciem. Ex primis verò, vel summum secundis literis, quid spei sit reliquum, intelligere poterò. Itaque primo quoque tempore ad me, optatissime ac suavissime parens, scribes: Et ex me omnes nostros salutabis, quibus, quò minus scribam incredibilis dolor facit. Et hæ ipsæ lituræ, quas meis in literis deprehendis, lacrymis factæ tristitiæ meæ testes esse poterunt. Vale.

**E**xemplum quonam modo de aliorum improbitate queri debeamus, observatum in



in Epist. 12. lib. II. ad Fam. qua apud Brutum de rei bene contra Antonium gerendâ, neglectâ occasione conqueritur Cicero: sed modestè & personæ factâ commutatione, ne Brutum offendant. Cujus pars prima Exordium, institutæ querelæ causas & occasiones, continet, Pars altera querela est ipsa rectè admodum facta: Se enim in Bruto nihil desiderare, sed populum de Bruti tarditate & negligentia conqueri, scribit. In Conclusionè hortatur, ut provideat, ne qua iusta querela & reprehensio esse possit.

**T**Reis uno die à te accepi literas: unam brevem, quam Flacco Volumnio dederas: Duas pleniores, quarum alteram tab. Carius T. Vibii attulit, alteram ad me misit Lupus. Ex tuis literis & ex Graccii oratione non modò non restinctum bellum, sed etiam inflammatum videtur; Non dubito autem pro tua singulari prudentia, quin perspicias, si aliquid firmitatis nactus sit Antonius, omnia illa tua praeclara in Rempub. merita, ad nihilum esse ventura. Ita enim Romam erit nunciatum, ita persuasum omnibus, cum paucis intermibus, perterritis metu, fracto animo fugisse Antonium. Qui si ita se habet, ut (quemadmodum audiebam de Graccio) configi cum eo sine periculo non possit: non ille mihi fugisse à Mutina videtur; sed locum belli gerendi mutasse. Itaq;



homines alii fracti sunt: Nonnulli etiam queruntur, quod persequuti non sitis; opprimi potuisse, si celeritas adhibita esset, existimant. Omnino est hoc populi, maximeq; nostri, in ea potissimum abuti libertate, per quem eam consecutus sit. Sed tamen providendum est, ne qua iusta querela esse possit. Res sic se habet: Is bellum confecerit, qui Antonium oppresserit. Hoc quam habeat vim, te existimare malo, quam me apertius scribere. Vale.

† IMITATIO HUIUS EPISTOLÆ,  
qua de rei bene gerenda neglecta occasio-  
ne apud amicum conquiritur.

**P**lares ego jam diversis ex locis; sed ejusdem propè argumenti accepi literas; ex tua verò epistola, & ex sermone illius, qui eam mihi tradidit, non modò non sedatos extinctosq; tumultus: verum renovatos planè video. Neq; dubium mihi est ullum, quin pro singulari tuâ prudentiâ ipse intelligas, si respirare & colligere sese hostes cœperint, præclara illa in miseros oppres-

pressosq; Tyrannide promerita, interitura esse omnia. Ita enim & rumore, & literis nunciabatur, paucos adhuc atq; eos quidem inermes opprimi delerique potuisse antè facile, quàm aut sese colligerent, aut armis exterisque rebus instruerent. Quod si autem ea nunc illorum esset conditio, ut quemadmodum ex amico tuo audiebam, sine periculo magno resisti ipsis amplius nequeat, jam majus opinor, quàm unquam antè metuendum periculum videtur: Longeq; fuisset satius, arma contra ipsos nunquam sumere. Itaq; & multorum jam sunt animi mutati: Nonnulli etiam queruntur, quòd, aut avaritiâ, aut ebrietate impediti, optimas occasiones neglexeritis: Neque eam celeritatem adhibueritis, quæ ejuscemodi requiri in rebus solet. Omnino hæc populi esse

natura consuevit: ut leviter laudet  
& reprehendat: Confidat ac me-  
tuat; utque ventis agitata unda,  
rumusculis motus, in transversum  
rapiatur. Suam etiam in iis maxime  
libertate abutatur, quorum operam  
atque laboribus eandem est conse-  
cutus. Sed & idem, ut quodam in  
loco pollicitus optimus Cicero  
scribit, magister est maximus. Itaque  
ejus iudicium non usque adeo con-  
temnendum; verum opera danda  
est, ne quæ ab illo iuste moveri que-  
rela possint. Quid in aliis hactenus  
populus desiderarit, te cogitare  
malo, quam me aperte scribere.  
Vale.

QUERENDI FORMULÆ.

**N**on possum tibi, quales uterque volumus,  
epistolas mittere, cum mihi nihil rerum  
omnium ex sententia procedat. Sed quid  
ego, mi *Gasmanne*, te meis querelis ex animo  
(nisi quod iuvat apud familiarissimum ami-  
culum graves animi mei curas deponere.)  
Credo



Credo & superos, & inferos in meam perniciem conjurasse: Ita ubi hoc malum vix effugi, succedit aliud multo acerbius.

Quid vel maximis, vel minimis in rebus à me tentatum est, quid tam dextero consilio institutum, quod non infelicissime evenerit? O me omnium, qui sunt, quiq; fuerunt, infortunatissimum. Egoné unus ex universo hominum numero, præposterus ille Poly-crates existit, cui omnia adversarentur, cui nihil unquam obrigerit optatum? Quantum dolorem acceperim, & quanto fructu sum privatus, & forensi, & domestico, Lucii fratris nostri morte, inprimis pro nostrâ consuetudine, tu existimare potes. Nam mihi omnia, quæ jucunda ex humanitate alterius & moribus, homini accidere possunt ex illo accidebant. Quare non dubito, quin tibi quoq; id molestum sit, cum & meo dolore movere, & ipse omni virtute, officioq; ornatissimum, tuique & suâ spontè, & meo sermone amantem affinem amicumq; amiseris.

Premor cum luctu, tum desiderio omnium rerum, quæ mihi me cariores semper fuerant.

Ita sunt res nostræ, ut in secundis fluxæ: ut in adversis, bonæ. In re familiari valde sumus, ut scis, perturbati.



Amisimus, mi Pomponi, non omnem modò succum ac sanguinem: sed etiam colorem & speciem pristinam civitatis.

Qui sit omnium rerum status noster vides. Nihil est mali, quod non & sustineam, & exspectem. Quarum rerum eò gravior est dolor, quò culpa major.

Quid restat, nisi ut miser fiam?

O rem perditam, ô facinus indignum, ô me infelicem: quid hoc statu vel desperatius vel fœdus?

O me afflictum!

O superbiam inauditam, alios in facinorè gloriari, aliis ne dolere quidè impune licere.

O miseram, & brevità celerem, & tam variam Reipublicæ commutationem!

O magnum atq; intolerandum dolorem! ô gravem acerbamq; fortunam!

O tempus illud miserum, atque acerbum nobis, ô casum illum multis innocentibus calamitosum atq; funestum! ô istius nequitiam atq; turpitudinem singularem!

De prædio per calumniam erepto graviter angerer, nisi jam animus diurnâ desperatione ad novum dolorem obdurusset.

Ita animus multis malis obstupuit, ut sensu etiam molestiæ carere cœperit, quod ipsum est omnibus miserius.

Quid

Quid quæris? Nihil me infortunatius. Nos tamen in his etiam miseriis, erecto animo, & minimè perturbato sumus, honestumque & dignitatem nostram magnâ curâ tuemur.

Plura scribere non possum, ita sum animo perculso & ejecto.

Non faciam ut enumerem misérias omnes, in quas incidi propter summam injuriam & scelus, non tam inimicorum, quàm invidorum, ne & meum mœrorem exagitem, & te in eundem luctum vocem.

Ego & sæpius ad te, & plura scriberem, nisi mihi dolor meus, cum omnes partes mentis, tum maximè hujus generis facultatem admississet.

Itaque cum meus me mœror quotidianus lacerat, & conficit, tum verò hæc addita cura vix mihi vitam reliquam facit.

Nec tam mise umquicquam est, quod non in fortunam nostram cadere videatur. Quare quando me afflictum & confectum luctu audies, existimato me stultitiæ meæ poenam ferre gravius, quàm evenit. Quod ei crediderim, quem esse nefarium non putâram.

Quæso ecquod tantum malum est, quod in meâ calamitate non sit? Ecquis unquam ex tam amplo statu, tam bonâ causâ, tantis

facultatibus ingenii, consilii, gratiæ, tantis prædiis bonorum omnium concidit? Possum oblivisci, qui fuerim, non sentire, qui sum: Quo caream honore, quâ gloriâ, quibus liberis, quibus fortunis, quo fratre? Quem ego, ut novum genus calamitatis attendas, quàm me ipsum semper fecissem, vitavi, ne viderem: aut ne me, quem ille florentissimum reliquerat, perditum illi afflictumque offerrem. Mitto cetera intolerabilia: etenim fletu impediior.

Dies autem non modò non levat luctum hunc: sed etiam auget. Nam ceteri dolores mitigantur vetustate, hic non potest, & sensu præsentis miseriæ, & recordatione præteritæ vitæ non continuò augeri. Desidero enim non mea solum, neque meos, sed me ipsum. Quid enim sum? sed non faciam, ut aut tuum animum angam querelis, aut meis vulneribus sæpius manus adferam.

Non mediùs fidius præ lacrymis possum reliqua, nec cogitare, nec scribere.

Aut quis me non solum infelicior, sed jam etiam turpior?

Si in malo hoc fortunæ iniquitatem incidissem, honestior esset plaga: Nunc nostra culpa videmur accersisse, quod commodè vitari poterat.

Luget

Luget Senatus, mœret equester ordo, tota civitas senio confecta est, squalent municipia, affliguntur coloniae, agri deniq; ipsi tam beneficium, tam salutarem, tam mansuetum civem desiderant.

Magno in dolore sum, vel mœrore potius, quem ex crudeli & miserabili morte optimi civis moderatissimiq; hominis accepi.

O rem acerbam! Sed hæc satis diu multumq; defleta sunt.

Quis liberos, quis conjugem aspicere poterat sine fletu? quis domum? tecta? quis larrem familiarem? Jam aut foeditissimam mortem omnes, aut miserabilem fugam cogitant.

Perpetuum dolorem, avulsus à meis sustineo.

Dolebam & acerbè ferebam, si tua salus ob eam ipsam causam esset infestior, quod meam salutem atq; vitam tuâ benevolentia præsidio, custodiâq; texisses.

Tuo in periculo non dolorem meum significarem?

Quis tum non gemit? Quis non ardet dolore?

Consumptis lacrymis tamen infixus animo hæret dolor.

Sed opprimor interdum, & vix resisto dolori, quod ea me solatia deficiunt, quæ ceteris



ris, quorum mihi exempla propono, non defuerunt simili in fortuna.

Doleo, ita communem rem esse delapsam, ut ne spes quidem, aliquando melius fore, relinquatur.

Tullia nostra venit ad me, cujus summâ virtute & singulari humanitate graviori etiam dolore sum affectus, nostrâ factum esset negligentia, ut longè aliâ in fortunâ esset, atq; ejus pietas ac dignitas postulabat.

Sed hæc omittamus, augemus enim dolorem retractando.

RESPONSIO AD QUERV-  
lam Epistolam.

EAdem est hic fere, cum de nostris nostrorumve miseriis querelam institumus, respondendi ratio, quæ est consolationum: Cum verò super adversariorum malitiâ querimur, sequemur respondendi ad expostulatorias epistolas modum: Vel enim simpliciter negatur id, quo de nobiscum amicus conqueritur: vel illud ipsum ut rectè, justè honesteque factum defenditur: vel culpa in rem aut personam aliam transfertur: vel ad confessionem, veniamq; deprecationem confugitur.

In hujus collocatione pars prima constabit,

aud

aut significatione doloris ex amici querelis percepti: vel institutæ purgationis causâ: vel ejus, ad quem scribimus, reprehensione: vel amoris & benevolentiz amici laude: vel certè excusatione brevitatis literarum.

Pars altera purgationem ipsam complectitur, factam, aut defensione, aut infirmatione ejus, quod obicitur: aut causæ remotione in ignorantiam, in personas alias, in ipsum, qui de nobis conqueritur, in locum, in tempus, in instrumenta.

Postrema pars absolvetur, aut excusatione libertatis acerbitativè in respondendo adhibitæ: aut studij benevolentizq; nostræ pollicitatione: aut malevolorum reprehensione: aut adhortatione, ut excusationem nostram admittat amicus, nevé calumniatoribus nostris fidem habeat.

Exemplum responsionis ad Querulam Epistolam, observatum in Epist. 26. libr. XI ad Fam. qua se Marco Cicero purgat, quod non labefactaverit ejus famam: sed dignitatem, & potius atque auctoritatem defenderit. In cujus Exordio purgationis institutæ occasio indicatur, benevolentiz etiam conciliandæ ergo, amoris causæ plurimæ recensentur. Exponuntur deinde querularum causæ & earundem subjungitur purgatio: Absolvitur

tur adhortatione obliquâ, ut excusationem  
admittat.

**N**ondum satis constitui, molestiané plus, an  
voluptatis attulerit mihi Trebatius noster,  
homo tûm plenus officii, tûm utriusq; nostrâ a-  
mantissimus. Nam cûm in Tusculanum vesperi  
venissem: postridie ille ad me nondum satis firmo  
corpore cûm esset, manè venit. Quem cûm objur-  
garem, ut parûm valetudini parceret: Tum ille ni-  
hil sibi fuisse longius, quàm ut me videret. Nam  
quidnam, inquam, novi: detulit ad me quere-  
lam tuam: de qua priusquam respondeo, pauca  
præponam: Quantum memoriâ repetere præte-  
rita possum, nemo est mihi te amicus antiquior,  
Sed **V**ETUSTAS habet, aliquid commune cum  
multis: amor non habet. Dilexi te quo die cogno-  
vi, meq; à te diligi iudicavi. Tuus deinde disces-  
sus, isq; diuturnus, ambitio nostra & vita dissi-  
militudo non est passa voluntates nostras consue-  
tutine conglutinari. Tuum tamen erga me ani-  
mum agnovi multis annis ante bellum civile, cûm  
Cæsar esset in Gallia. Quod enim vehementer  
mihi utile esse putabas, nec inutile ipsi Cæsari, per-  
fecisti, ut ille me diligeret, coleret, haberet in suis.  
Multa prætereo, quæ temporibus illis inter nos fa-  
miliarissimè dicta, scripta, communicata sunt.  
Graviora enim sunt consecuta, & initio belli ci-  
vilis, cum Brundisium versus res ad Cæsarem  
venisse

venisti ad me in Formianum : primum hoc ipsum  
quanti, praesertim temporibus illis ? Deinde obli-  
tum me putas consilii, sermonis, humanitatis tuae ?  
Quibus rebus interesse memini Trebatium. Nec  
verò oblitus sum literarum tuarum, quas ad me  
misisti, cum Casari obviam venissem, in agro, ut  
arbitror, Trebulano. Secutum illud tempus est,  
cum me ad Pompejum proficisci sive pudor meus  
coëgit, sive officium, sive fortuna. Quod officium  
tuum, quod studium, vel in absentem me, vel in  
praesentes meos defuit ? Quem porro omnes mei  
mihi, & sibi te amiciores iuicaverunt ? Veni  
Brundisium. Oblitumne me putas, qua celeri-  
tate, ut primum audieris, ad me Tarento advola-  
ris, qua tua fuerit accessio oratio, confirmatio ani-  
mi mei fracti, communium miseriarum metu ?  
Tandem aliquando Roma esse cepimus. Quid de-  
fuit nostrae familiaritati ? In maximis rebus quo-  
nam modo me gererem adversus Casarem, nisi  
tuo consilio sum. In reliquis officiis, cui tu tribu-  
isti, excepto Casare, praeter me ut domum venti-  
tares, horasque multas saepe suavissimo sermone con-  
sumeres ? Tum, cum etiam, si meministi, ut hac  
Φιλοσοφία scribebam, tu me impulisti. Post  
Casaris reditum, quid tibi maiore cura fuit, quam  
ut essem ego illi quam familiarissimus ? Quod ef-  
feceras. Quorsum igitur hac oratio longior, quam  
putaram ? Quia sum admiratus, te, qui hac nosse  
debe-



deberes, quicquam à me commissum, quod esset alienum à nostra amicitia credidisse. Nam præter hac, quæ commemoravi, quæ testata sunt, & illustra, habeo multa occultiora, quæ vix verbis exequi possum. Omnia me tua delectant, sed maxime, maxima tûm fides in amicitia, consilium, gravitas, constantia tûm lepos, humanitas, litera. Quapropter redeo nunc ad querelam. Ego, te suffragium tulisse in illa lege, primum non credidi, deinde, si credidissem, nunquam id sine aliqua iusta causa existimarem te fecisse. Dignitas tua facit, ut animadvertatur, quicquid facias, Malevolentia autem hominum, ut nonnulla durius, quam à te facta sint, proferantur. Ea si tu non audis, quid dicam? nescio. Equidem si quando audis, tam defendo, quam me scio à te contra inimicos meos solere defendi. Defensio autem est duplex, alia sunt quæ liquido negare soleam, ut de isto ipso suffragio: alia, quæ defendam à te præstari & humanè ut de curatione ludorum. Sed te hominem doctissimum non fugit si Caesar Rex fuerit (quod mihi quidem videtur) in utramq; partem de officio tuo disputari posse, vel in eam, quæ ego uti soleo, laudandam esse fidem & humanitatem tuam, qui amicum etiam mortuum diligas: vel in eam, quæ nonnulli utuntur, libertatem patriæ vitæ amici anteponendam. Ex his sermo, quibus utinam essent delata ad te disputationes meæ.

• Illa

illa verò duo, quæ maxima sunt laudum tuarum, quis aut libentius, quàm ego commemorat, aut sapius: Te & non suscipiendi belli civilis gravissimum auctorem fuisse, & moderanda victoria? In quo, qui mihi non assentiretur, inveni neminem. Quare habeo gratiam Trebatio familiari nostro, qui mihi dedit causam harum literarum, quibus nisi credideris, me omnis officii & humanitatis expertem iudicâris. Quo nec mihi gravius quicquam potest esse: Nec à te alienius. Vale.

† IMITATIO HVIVS EPISTOLÆ;  
ad eum, qui conquestus est, nos in colloquio quodam parùm de se locutos honestè fuisse; quasdam etiam actiones impro-  
bass.

**N**ondum affirmare possum, plusné voluptatis & lætitiæ, an doloris, atque tristitiæ communis nostri amici adventus tulerit. Cùm enim VVittebergam benè vesperî ex peregrinatione longa rediisset: ad me, cùm adhuc de via languere videretur, venit. Quem cùm pro more interrogarem, ecquid novi ille secum afferret, commodenè  
vale.

valeres: quo aliorum essent amicorum res loco: tuam ad me querelam detulit. De qua brevissime respondere conabor, si paucula quædam præmiserò. Cùm pueritiæ memoriam ultimam recordor, te antiquiorem amicum neminem reperio. Sed nolo ego vetustate amicitiam nostram: sed mutuâ potius benevolentia metiri: Cùm illa communis esse queat multis: Hæc verò paucorum, atq; vera veræ constantisq; amicitia causa sit, amore te sum complexus, quo die te novi, meq; abs te vicissim amari sum arbitratus. Tua deinde peregrinatio, eaq; satis longa ac diuturna, genus præterea vitæ diversum, consuetudinem quidem nostram & familiaritatem diremerunt: At animorum atq; voluntatum divellere conjunctionem non potuerunt. Neque enim tu solum me benevolentia

• sin-

singulari es profecutus : verùm etiam tuâ commendatione effecisti , ut ii, qui autoritate atque potentiâ valent, & me diligenter, & in suis haberent. Deinde recenti adhuc in memoria habeo , ut ex itinere domum meam veneris : ut horas benè multas suavissimis colloquiis tuis mecum consumpseris : ut ad ea studia excitaris , in quibus nunc versor : Ut munus atque officium, quo fungor , mihi comparâris. Quorsum verò , inquires , hæc tam altè repetita amicitia ? Ecquid beneficiorum ista sibi vult commemoratio ? ut intelligas, mirari me & mirari vehementer, cui hæc nota sunt omnia, credere potuisse quicquam de te parùm commodè atq; honorificè, aut sensisse me , aut locutum esse. Præter enim illa, quæ modò recensui, manifesta, testata, illustria : Etiâ alia sunt minùs aperta.



ta, quæ ad constanter te amandum  
me impellunt: Ego verò verbis asse-  
qui vix possum: fides in amicitia,  
morum amabilitas, candor, inte-  
gritas, humanitas benè de omnibus  
merendi prona propensaquæ vo-  
luntas. Itaq; ad querelas nunc tuas  
revertor. Ego, te in amicorum gra-  
tiam fecisse aliquid, quod in bono-  
rum virorum incurrere reprehen-  
sionem posset, primò non credidi:  
Deinde, si credidissem, non profe-  
ctò sine causa istud abs te fuisse fa-  
ctum arbitrarer. Sed nimirum tua  
& virtus eximia, & natura præstans,  
& bona alia, quibus longo post te  
intervallo plurimos alios relin-  
quis, faciunt, ut quicquid, vel di-  
cas, vel facias, animadvertatur ab  
omnibus: Invidiâ autem & male-  
volentia quorundam durius, quàm  
sunt à te facta, accipiantur & pro-  
ferantur. Nostj enim, ut alia  
nunc

nunc mittam, illud viri, & poëtae optimi:

*Obvia res odii, quanquam liberrima virtus,*

*Et bene qui meruit, præmia rarus habet.*

*Invidia premitur, quæ nulla infamia taxat.*

*Et cui jura favent, vis inimica nocet.*

Et ut eos, qui in Sole ambulant, umbra comitatur: Ita felicitatis comes invidia est: quæ tamen, si, ut præclare Cicero scribit, virtute fuerit parata, gloria, non invidia putanda est. Equidem si tale quid de te audio, tam illud defendere atq; excusare soleo, quam meam scio famam & exstimationem à te contra malevolos defendi. Defensio autem ita à me instituitur, ut velliquidò negem ea, quæ de te sparguntur: vel non sine gravi causâ, aut etiam rectè justeq; facta contendam. Sed te interim hominem prudentem non fugit, in utramque hinc partem de tuo disputari officio posse. Vel  
in

in eam, qua ego uti soleo, laudandum te, non reprehendendum esse, quod amicos officiis prosequaris, cum amicitia illud sit proprium, facere quæ bono esse amicis videntur. Vel in eam, qua alii continent, honestatem & justitiam amicitia esse anteponendam, primamque hanc in eadem legem requiri, ut neq; rogemus ab amicis res turpes, neq; rogati faciamus. Ex hac sententiarum collatione velim ad te ea quoq; esse perscripta, quæ pro te dixi. Neminem enim fore existimo, qui hoc affirmare verè possit: quicquam in medium me unquam protulisse, quod tuæ detrahere aliquid famæ atq; existimationi præclaræ queat. Itaque gratiam amico nostro habeo, qui de tuis querelis certior me reddidit, & autor harum literarum extitit. Quibus si fidem habueris, erit, quod mihi  
 gra-

gratuler, pluris te purgationem hanc meam quàm malevolorum calumnias facere. Sin minùs : omnis me humanitatis, officii, fidei expertem judicabis. Quod & nostra ab amicitia alienum & te indignum ; & verò mihi tam est grave futurum, quàm quod gravissimum. Vale.

**E**xemplum responsionis ad excusationem querelarum, observatum in Epist. 27. lib. XI. ad Fam. quâ Ciceroni Marcus respondet, & de ejus amore atq; benevolentia primum sibi gratulatur, eundemq; laudat quod non temerè fidem habuerit. Deinde sese Caesaris, utpotè viri de se, & aliis non malè meriti, mortem jure deplorasse, cum refutatione eorum, quæ contrà afferri poterant, ostendit. Postremò Trebatio gratias agit, quod querelam ad Ciceronem detulerit.

**M**agnam voluptatem ex tuis literis cepi, quod quam sperâram atq; optâram habere te de me opinionem cognovi. De qua, etsi non dubitabam : tamen quia maxime aestimabam, ut incorrupta maneret, laborabam : Conscius autem mihi eram, nihil à me commissum esse, P quod



quod boni cuiusquam offenderet animam. Eo minus credebam plurimis atq; optimis ariibz ornato tibi temerè quicquam persuaderi potuisse, præferim in quem mea propensa & perpetua fuisset atq; esset benevolentia. Quod, quoniam, ut volui scio esse: Respondebo criminibus, quibus in pro me, ut par erat, pro tua singulari bonitate & amicitia nostram sapè restitisti. Nota enim mihi sunt, qua in me post Caesaris mortem contulerint. Vitio mihi dant quod mortem hominis necessariè graviter fero, atq; eum, quem dilexi, periisse indignor. Ajunt enim patriam amicitia præponendam esse: proinde ac si jam vicerint, obitum ejus Reip. fuisse utilem. Sed non agam astute Fateor, me ad istum gradum sapientia non pervenisse. Neq; enim Casarem in dissensione civili sum secutus, sed amicum quanquam re offendebar, tamen non deserui: neq; bellum unquam civile, aut etiam causam dissensionis probavi, quam etiam nascentem exstingui summè studui. Itaq; in victoria hominis necessarij, neq; honoris, neq; pecunia dulcedine sum captus. Quibus præmijs reliqui, minus apud eum quàm ego cum possent, immoderate sunt abusi. Atq; etiam res familiarum mea lege Caesaris diminuta est: Cujus beneficio pleriq; qui Caesaris morte latantur, remanserunt in civitate. Civibus victis ut parceretur, aquè ac pro mea salute laboravi. Possum igitur, qui omnes

velus-

voluerim incolumes, eum, à quo id impetratum est, periisse non indignari? Cum praesertim iidem homines illi & invidia & exitio fuerint. Plecteris ergo inquit quando factum nostrum improbavimus audes. O superbiam inauditam; Alios in facinore gloriari, aliis ne dolere quidem impune licere. At hac etiam servis semper libera fuerunt, timent, gauderent delerent suo potius, quam alterius, arbitrio. Quae nunc isti, ut quidem dictitant, libertatis auctores metu nobis extorquere conantur. Sed nihil agunt: nullius unquam periculi terroribus ab officio, aut ab humanitate desiscam. **NUNQUAM ENIM HONESTAM** mortem fugiendam, saepe etiam appetendam putavi. Sed quid mihi succensent, si id opto, **OP**erniteat eos sui facti? Cupio enim Caesaris mortem omnibus esse acerbam. At debeo pro civili parte remp. velle salvam. Id quidem me cupere, nisi & ante acta vita & reliqua mea spes, tacente me, probat, dicendo vivere non postulo. Quare maiorem in modum te rogo, ut rem potiore oratione ducas: Mihiq. si sentis expedire, recte fieri credas, nullam communionem cum improbis esse posse. An quod adolescens praestiti, cum etiā errare cum excusatione possem, id nunc a te praecipitata commutē, ac me ipse retexam? Non faciam: Neq. quod displiceat, committam, praeterquam quod hominis mihi conjunctissimi ac viri amplissimi doleo gravem ca-

*sus. Quod si aliter essem animatus, nunquam quod facerem, negarem, ne & in peccando improbus, & in dissimulando timidus ac vanus existimarer. At ludos quos Caesaris victoria Caesar adulescens fecit, curavi. At id ad privatum officium non ad statum Reipub. pertinebat. Quod tamen munus & hominis amicissimi memoria atq; honoribus prestare etiam mortui debui, & optima spe adolescenti negare non potui. Veni etiam Consule Antonii sapè domum, salutandi causâ. Ad quem qui me parum patria amantem esse existimant, rogandi quidem aliquid aut auferendi causâ frequentius venditasse reperias. Sed qua hac est arrogantia, quod Caesar nunquam interpellavit, quin, quibus vellem, atq; etiam, quos ipse non diligebat, tamen iis uterer: Eos, qui mihi amicum eripuerunt, carpendo me, efficere conari, ne, quos velim, diligam? Sed non vereor, ne aut mea vita modestia parum valitura sit impofterum contra falsos rumores: Aut etiam ii, qui me non amant, propter meam in Casarem constantiam, non malint me, quàm sui similes amicos habere. Mihi quidem si optata contingent: quod reliquum est vitæ in oîi Rhodi degam: sin casus aliquis interpellarit, ita in Roma ut rectè fieri semper cupiam Trebatio nostræ magnas gratias ago, quod tuum erga me animum simplicem atq; amicum aperuit. Et quod eum, qui semper dilexi lubenter, quò magis jure colere atq; observare deberem, fecit. Benè vale, & me dilige.*



† IMITATIO HVIVS EPISTOLÆ.  
*quæ continetur responsio ad superiores proxi-  
 mas excusatorias.*

**M**agnâ me tuæ literæ lætitiâ ac  
 voluptate affecerunt. quod ex  
 iis, quàm esses in me animatus præ-  
 clarè, cognovi. Etsi enim de eo du-  
 bitare ego hæcenus nec potui, nec  
 debui: Tamen quia in aliis, quan-  
 tum possint calumniæ eram exper-  
 tus, non parùm metui, ne, quæ alio-  
 rum à me voluntates abalienârunt,  
 convitia te quoq; putarent. Quod  
 quia factum non esse, reipsâ jam  
 comperio; mihi sanè gaudeo: Tibi  
 gratias ago maximas. Interim ta-  
 men breviter, quæ mihi sunt vitio  
 data, exponam: Et quod antè fecis-  
 se te intelligo, ad hæc eadem re-  
 spondere paucis conabor. Nota  
 enim mihi sunt ex amicorum cùm  
 literis, tùm relatu ea, quæ crimi-  
 nandi causâ à malevolis mihi non-



nullis obijciantur. Vitio mihi datum, quod in provchendis amicorum commodis sum nimius: quod fortunam illorum adversam, iniquè feram: quod honestatis minorem, quàm vel amicitia, vel necessitudinis, vel utilitatis quoque rationem habeam. Quasi verò amicorum ego actiones parùm honestas unquam probârim: aut si bonam quorundam colligere gratiam, aut de opibus cumulandis sollicitus esse voluissem, non aliâ, & quidem longè meliores jamdudum mihi oblatae occasiones fuerint. Rem meam familiarem, non augeri, sed diminui ejuscemodi amicorum defensionibus si affirmarem, nihil profectò à veritate alienum scriberem. Odium verò, quàm in me acerbum concitem, vel hominum querelæ istæ graves satis ostendunt. Et nimirum eò superbiam nonnulli descendunt: ut,  
quod

quod etiam servis liberum esse so-  
let, eorum me miseras atq; calami-  
tates deplorare nolint, quos priva-  
tas illi ob causas odisse semel coe-  
perunt. At laterem, quod ajunt, hi lavant: Nullius apud me, vel au-  
toritas, vel potentia tanta erit, quæ  
ab officio me & humanitate avocet.  
Verum major honestatis quam a-  
micitiæ, inquiunt, ratio habenda.  
Esto. At quid verè sit honestum et-  
iam atq; etiam considerandum esse  
censeo. Ejus me perquam studio-  
sum extitisse semper, nisi antea  
mea vita ostenderit, verbis ut evin-  
cam, non laborabo. Nulla mihi  
cum improbis communio fuit &  
familiaritas tum, cum ætas errorem  
excusare meum posset. Neq; nunc  
igitur me ipsum retexam, aut inge-  
nium mutabo. Neq; ego quicquam  
facio aliud, nisi quod amicorum  
casus acerbos doleo: Existimatio-

## 338 DE CONSCRIBENDIS

nem fartam, quod ajunt, testamq;  
conservare cupio. Nec si quid fa-  
cerem aliud, illud ipsum negarem,  
aut occultarem; ne cui & in pec-  
cando malus, & levis in dissimulan-  
do viderer. Negotia si quæ amico-  
rum curavi alia, privata fuerunt,  
neq; petentibus denegari potue-  
runt. Veni, id quod malevolos ma-  
ximè carpere video, sæpè ad ami-  
cos salutandi gratiâ. Sed quæ hæc  
obsecro superbia est, alios prorsus  
suum ad nutum vivere; Compella-  
tionibus, colloquiis, conversatio-  
nibus interdicare velle eorum,  
quos odio illi prosequuntur. Sed  
non dubito, quin, aut vitæ meæ mo-  
destia satis imposterum contra ru-  
mores falsos sit valitura: Aut etiam  
ii, qui ita deformare jam me co-  
nantur, mei similes amicos expeti-  
turi. Interim pro præstitis huma-  
nitatis officiis gratias ago: ut & ami-



co nostro, qui de querelis certio-  
rem te reddidit, atq; effecit, ut pa-  
tronum atq; defensorem innocen-  
tia mea inveniret. Vale.

# DE MINATORIA

## Epistola.

**M**inatoria dicitur illa Epistola, qua poenas  
denunciamus, & metum injicimus iis,  
qui aut maleficii alicujus rei sunt, aut, nisi  
prohibeantur, malum committerent.

In comminatione aequitas & moderatio  
adhibenda est, ne levi & molli brachio cum  
improbis agatur, nevé ira & minæ modum  
excedant. Sententiis hic opus, quæ animi  
justam commotionem & iram declarent. &  
factum ipsum, ob quod minæ instituantur,  
exaggerent. Rei turpitudine & iniquitas do-  
lorem concitat, atque ad minas compellit:  
Contumeliæ, maledicta, impeditiones hono-  
rum, voluntatum, laborum, studiorum, & id  
genus alia amplificantur notatione personæ,  
partim nostræ, quæ est læsa, partim ejus, cui  
succensumus, & minamur: vel modi agendi:  
vel temporis, aliarumvé circumstantiarum.

In collocationis prima parte crimen ipsam  
cum querelâ & indignatione ponendum.

Parte alterâ illud exaggerandum.



Postrema adhortatione, aut reprehensione & comminatione absolvitur.

Exemplum Minacis epistolæ, observatum in Epist. I. lib. V. ad Famil. qua Ciceroni Metellus ob fratrem injuriâ affectum minatur, & quidem in Exordio factum ipsum cum indignatione & querelâ proponit. Post profert ea, quæ à contumeliâ atq; injuriâ Ciceronem avocare debuissent. Postremò minatur & levitatem eidem atque inconstantiam objicit, seq; etiâ non desint causæ, Reip. tamen nequaquam defuturum esse significat.

*S*i vales bene est. Existimaram pro mutuo inter vos animo & pro reconciliata gratia, neq; me absentem ludibrio lasum iri, nec Metellum fratrem, ob dictum capite ac fortunis per re oppugnatum iri, quem si parum pudor ipsius defendebat, debebat vel familia nostra dignitas, vel meum studium erga vos, & Rempub. satis sublevare. Nunc video illum circumventum, me desertum, à quibus ininimè conveniebat. Itaq; in luctu & squalore sum, qui provincia, qui exercitui praesum, qui bellum gero: Qua quoniam nec ratione, nec majorum nostrorum clementiâ, administratis, non erit mirandum, si vos poenitebit, te tam mobili in me meosq; esse animo non sperabam. Me interea nec domesticus dolor, nec cujusquam injuria à Rep. abducat. Vale.

† IMITATIO HVIVS EPISTOLÆ,  
*qua Magistratus nomine pœna non obedi-*  
*tibus subditis denunci-*  
*antur.*

**E**Xistimaramus, pro debitâ Ma-  
 gistratui reverentiâ, nostrâque  
 verè paternâ in vos benevolentîâ ac  
 clementiâ, neque nostrorum apud  
 vos dictum ludibrio habitum iri :  
 Neq; quos plenis ad vos cum man-  
 datis ablegaveramus, ita spretos  
 contemptosq; fore. Quos si parùm  
 ipsum legationis jûs, quod sanctum  
 apud omnes inviolatumque fuit  
 semper, defendebat vel Magistra-  
 tus autoritas & jus illud jurandum,  
 quo devincti nobis obligatiq; estis,  
 sublevare debebat. Nunc videmus  
 illos contumeliâ, & quidem insigni  
 affectos : mandata simul edictaque  
 nostra rideri ac contemni : Nova  
 quædam & inusitata tentari ab illis,  
 qui pietatis hætenus atque obse-  
 quen-

quentiæ laudem habuerunt. Quæ quoniam nec jure ullo, nec ratione bona: nec majorum vestrorum exemplo fiunt: Non erit mirandum, si brevius poenitebit. Quod enim nostri esse muneris atque officii videtur, faciemus: Et quam legatis nostris intulistis injuriam, eâ, quæ par est, severitate ulciscemur: Atque ita vos puniemus, ut reverenter deinceps submisceat vos gerere discatis. Exemplo quoque sitis aliis, ne quid superbe atque seditiosè contra Magistratûs suos moliantur.

## C O M M I N A N D I

*Formule.*

**S**i pergas maledicere me provocare, contumeliarumq; in me aculeos excutere, ita vicissim mea in te tela conicientur, in tuis ut pulmonibus & visceribus adhæreant.

Ferocitatem istam tuam comprimam, audaciam frangam, loquatitatem retardabo.

Tibi

Tibi istam ego licentiam fractis cupiditatibus concutiam.

Nisi istam tuam maledicendi libidinem, profusamq; constringas scurrilitatem, ostendam eum me esse, qui nec dignitatem, nec nominis sui existimationem, ludibrio tuo oblatam esse pariat.

Vide ne mejorem viribus tuis hostem provoces, nevé quas seditiones excites, in tuum sanguinem redundant atq; perniciem.

Invitus facio, ut ad tuam impudentiam, nequitiam, furorem, animi mei obiciam moderationem: sed nisi humanitate potius mecum, quam injuriis certare velis, cogat & ipse, & in te violentior esse, quam vel usus meus vel natura postulat.

Non fugit nos tuum facinus, quod perpetrasti: Multa enim certa signa habemus, etiam si abneges: Maxime autem eos, qui tibi conscii fuerunt, atq; ipsius facti socii. Nunquam hujus culpæ pœnam effugies.

Ego tibi istam linguæ lasciviam præcudam.

Sic tuos furores excitabo, ac frangam insolentiam, ut, quò te veritas, nescias.

In eam te fortunarum omnium desperationem adigam, ut nullum tibi neq; laboris, neq; miseris, neq; periculi perfugium, relinquatur.



Obtundam istam tibi, quæ se nunc protervè ac petulanter effert, maledicendi cupiditatem.

Ex his laqueis si te exueris, ac te aliqua vi ac ratione explicâris, in plagas majores incidendum est tibi, mortem acerbam crudelēque tibi proponemus.

Ego vix abste manus ac tela contineo.

Tibi ego confido, impendere fatum aliquod, & pœnas jamdiu improbitati, nequitiae, secleri, libidini dabitur, aut instare jam planè aut certè jam appropinquare.

Si in eâ mente manes, ea quæ mereris, expectes.

Ego si attulero nervos & industriam (mihi crede) excutiam tibi istam verborum jactationem, exq; somno excitabo, nec patiar me abste, nisi virtute vincas, superari.

Permitto aliquid tracundiae tuae, do adolescentiae, cedo amicitiae: sed nisi tibi aliquem modum vitae constitueris, coges oblitum me nostrae amicitiae habere rationem, dignitatis meae.

Noli hac meâ novâ lenitate abuti, noli aculeos rationis meae, qui te conditi sunt, excusos esse arbitrari, noli id putare omnino omissum à me, si quid tibi remissum atq; concessum. Erumpet aliquando ex me ve-

ra vox, & dicam sine cunctatione. quod sentio.

Exemplum Responsionis ad Minaces epistolae, observatum in Epist. 3. libr. XI. ad Fam. quâ Brutus & Cassius Antonio ita respondent, ut pluri se patriæ libertatem, quàm vel gratiam facere ostendant. In parte prima repetitio fit argumenti literarum Antonii. Pars altera refutatio est, in qua Brutus & Cassius Antonii minas iniquas esse, & parum à se metui indicant. Conclusio adhortatione & voto est facta: Antonium enim & hortantur, ne quid contra Rempub. tentet: & simul DEOS rogare se affirmant, ne consilia quæ tractat, vel sibiipsis, vel Reipub. perniciofa sint.

**L**itteras tuas legimus similimas edicti tui, contumeliosas, minaceis, minimè dignas, quæ à te nobis mitterentur. Nos Antoni, te nulla laceessimus injuria: neq; miraturum credidimus, si prætore & ea dignitate homines, aliquid edicto postulassemus à Consule. Quod si indignaris ausos esse id facere, concede nobis ut doleamus, ne hoc quidem abs te Bruto & Cassio tribui. Nam de delectibus habitis & pecuniis imperatis, exercitiibus sollicitatis, & nunciis trans mare missis; quod te questum esse negas: Nos tibi quidem credimus, optimo animo te fecisse: Sed tamen  
neq;

neq; agnoscimus quicquam eorum : Et te miramur, cum hac reticueris, non potuisse continere iracundiam tuam, quin nobis de morte Casaris obijceres. Illud verò quemadmodum ferendum sit, tuto cogita : non licere Pratoribus concordia ac libertatis causâ, per edictum, de suo jure decedere, quin consul arma minetur. Quorum fiduciâ nihil est, quod nos terreas. Neq; enim decet aut convenit nobis periculo ulli submittere animum nostrum : neq; est Antonio postulandum, ut iis imperet, quorum opera liber est. Si alia hortarentur, ut bellum civile suscitare vellemus, litera tua nihil proficerent. **NUL**LA enim minantis auctoritas apud liberos est. Sed pulchrè intelligis, non posse nos quoquam impelli : & fortassis ea rominaciter agis, ut judicium nostrum metus videatur. Nos in hac sententia sumus, ut te cupimus etiam in libera Repub. magnum atq; honestum esse : Vocemus te ad nullas inimicitias : sed tamen pluri nostram libertatem, quàm tuam amicitiam asstimemus. Tu etiam atq; etiam vide, quid sustinere possis : Neq; quamdiu vixerit Caesar, sed quàm non diu regnarit, fac cogites. Deos quasumus, consilia tua Reip. salutaria sint ac tibi seminis, ut salva atq; honesta Repub. tibi quàm minimum noceant optamus. **Pridie**  
**Non. Sextilis.**



## † IMITATIO HVIVS

*Epistola.*

**L**Egi tuas literas superbas admodum & minaces, minimeq; aut homine literato, aut amico dignas. Nihil ego unquam à me dictum factumvé memini, quod esset contra, vel rem, vel existimationem tuam. Neque etiam miraturum te arbitratus sum, si amicus, & amicus non novus, sed vetus ac probatus, liberè, candidè, aperteq; de iis te commonefaceret, quæ ad salutem tuam & famam pertinere videntur. Quod si ægrè molestèq; fers, ausum istud me facere: Etiam mihi concede ut doleam atq; indigner, te adeò malè ac sinistrè amicorum admonitiones interpretari. Nam de sermonibus nescio quibus tuum in nomen emissis, quod te questum esse inficiaris; Tibi sanè credo: sed simul quoq; fecisse me illud nego,



& constanter nego. Interim te mi-  
ror, cum hæc reticueris, non po-  
tuisse affectus tuos reprimere, aut  
cohibere iracundiam: quin mihi  
de literis ad te nuper datis objice-  
res. Illud verò quoniam sit accipi-  
endum modo, cogita: Non licere  
cui, honestatis gratiâ, liberè per li-  
teras amicum monere, castigare,  
reprehendere; quin ob illud malè  
audiat, & pœnam expectare coga-  
tur. Quia scilicet ventis nunc ute-  
ris admodum secundis, & ad vo-  
luntatem fluunt omnia: Quia po-  
tentiâ vales: Quia multorum col-  
lectam gratiam habes: quia opibus  
polles, ac divitiis: Idcirco cristas  
erigis: transverso amicos humero  
despicias: admonitiones atq, casti-  
gationes ferre minimè potes. Sed  
ista omnia ego non curo. Neque  
enim convenit ad delicta amico-  
rum tacere, aut clausis oculis in  
alio-

aliorum gratiam ab honestate & ju-  
 stitiâ deflectere : aut deniq; ea pro-  
 bare, quæ nemo laudare vir bonus  
 potest. Neq; minantis apud libe-  
 ros, cordatos, prudentes autoritas  
 esse magna, aut potest, aut debet :  
 cum, ut trito dici proverbio solet :  
*Minis nemo moriatur: Nec, nisi pueri ac*  
*stulti moveantur.* Ego in te ita sum  
 animatus, ut non temerè ad ullas  
 inimicitias aut similtates vocare te  
 velim : Magis etiam magisq; incla-  
 rescere cupiam. Sed interim Peri-  
 clem secutus : *ut xpi & pauis qd dicitur* civi &  
 plurisq; honestatem ac virtutem,  
 quàm vel tuam, vel cujusquam alte-  
 rius amicitiam atq; gratiam æsti-  
 mo. Tu etiam atq; etiam videbis,  
 quid agas : diligenterq; cogitabis ;  
 cujusmodi exitus fuerint eorum,  
 qui eadem, quæ tu, tentârunt. De-  
 um ego Opt. Max. rogo : ut consilia  
 & tibi, & aliis ; Rei denique pu-  
 blicæ

blicæ toti salutaria tibi suppediter.  
Vale.

Appositissima comminatoriarum Epistolarum cum responsionibus ad easdem exempla habet secundus *Laconicarum Epistolarum* liber.

### DE DEMONSTRATIVI

*generis Epistolis.*

**D**emonstrativum causæ genus Cicero in Partitionibus Oratoriis *Exornationem* dixit. Est autem genus hoc Exornationis, ut ibidem Cicero affirmat, latum & varium, omniaque complectitur, quæ à duobus aliis causarum generibus remota dicuntur, vel scribuntur ad cognitionem, & ad aurium voluptatem. Itaque ille idem in Oratore Exornationi subiecit laudationes & vituperationes, descriptiones, historias, reliquarumque rerum formam, quæ absunt ab omni contentione.

### DE NVNTIATORIA SEV

*narratoria Epistola.*

**N**untiatoriam Epistolam, sub qua Narratoriam seu Expositoriam comprehendit certum est, Demonstrativi generis esse constare, cum grave iudicium Ciceronis habeamus,



mus, qui in Orat. ad Brutum Historiam seu Narrationem ad id genus revocavit.

Hæc enim pertinet ad cognitionem rerum gestarum, & ad eam voluptatem, quæ capitur ex cognitione, quas nemo negabit esse exortationis. Est autem Epistola Nunciatoria, Historiæ quasi alumna quædam, sicut Epistolæ Ciceronis, & præcepta ipsa declarant.

*Nuntiatoria* enim *Epistola* est, qua facimus amicum certiores, si quid novæ rei gestum sit apud nos, quod illius referat scire, vel quod illi voluptatem sit allaturum, siue privatum sit illud, siue publicum. *Privatum*, ut cum significamus absenti, qua valetudine sumus, nos aliivè, quid fiat in studiis, quid rure, quid in urbe, quid in ædificiis, quid in litibus successerit? & alia hujusmodi: *Publicum* verò, ut de pace, de bello, de rebus gestis, aut veteribus, de pestilentia aut inundationibus, terræmotu, tempestatibus, aliisque generis ejusdem.

Quod ad collationem attinet, cum Epistola esse debeat expressio quædam amoris erga amicum, cui scribimus: captanda est initiò *Nuntiatoria*, non secus, atq; in aliis Epistolarum formis, benevolentia, vel excusatione silentii, & raritatis literarum: vel commendatione alienius facti illius, ad quem scribitur:



tur: vel instituta: scriptionis occasione: vel occupatione & insinuatione in re aliqua tri-  
 flis. Exordium tamen & benevolentia: ca-  
 ptatio, ut supra annotatum certis de causis  
 omitti potest.

Pars altera Narratio est, quae nunciatio-  
 nem atque expositionem continet, factam  
 notatione circumstantiarum Loci, Tempo-  
 ris, Personarum, Modi, Consiliorum, Causa-  
 rum, Factorum, Testimoniorum, & similium  
 rerum.

Hanc his virtutibus commendari necesse  
 est, ut sit Brevis, Simplex Dilucida, Elegans;  
 & veritati consentanea.

In Narrando, ita rerum ac temporum ser-  
 vabitur ordo: ut à latioribus exordiamur, &  
 prius de amici rebus dicamus, quam de no-  
 stris, si fortè de nostris dicere aliquid volue-  
 rimus.

Narrationis quoque inspicendus est finis, is  
 enim geminus esse potest; vel sola rei cogni-  
 tio, vel ejusdem etiam delectatio.

Cum sola cognitio quaeritur, ita narrabi-  
 tur, ut si petiverit, ad se perscribi, sciat nos  
 ipsi diligenter esse satisfacturos.

Si non petierit, nos ipsum rei noscendae  
 cupidum reddemus, ut sciat, nos etiam ab-  
 stractos, quae scire is velle debeat, etiam ultro

adfer-

adferre: & tūc rem sic narrabimus, ut nihil cognitione dignum omittamus.

Si verò delectationis causā narramus quippiam, admittenda tūc erit major verborum sententiarumq; urbanitas simul ac varietas, ut ab initio omnia ad iucunditatem ipsam conferantur.

In *Epistola Narratoria*, quæ partim gesta, partim gerenda exponentur, danda est opera, ut præcærita & præsentia sic exponamus, ut ex his futura conjecturis quodammodo colligi queant.

Et ubi quid in quaq; re aut boni aut mali sit declaravimus: tūc quoque paucis apertendum est, quid illi faciendum arbitremur.

Postrema pars Conclusio est, in qua nos similis scripturos pollicebimur, & ab amico, ut ipse quoque (si quid novi acciderit) ad nos perscribat, petemus: Vel eundem animo infracto & bonâ de rebus spe esse iubemus: vel adhortabimur, ut curam valetudinis gerat: vel Deo pro recuperatâ valetudine gratias agat, nos conveniat, vel aliud quid agat.

Eâdem collocatione, quæ hîc in Nuntiatoria observanda præcipitur, utendi in Epistolis quas *Enigmáticas* vocant, quibus aliud  
scri-

scribimus, aliud verò intelligimus. Cum nimirum absenti amico mentis sensa & cogitata, quæ cum periculo conjuncta esse videntur, obscurè ac rectè exponimus. In his adhibenda sententiæ, quæ varium sensum afferunt: aliud verbis indicant, aliud re ipsi complectantur.

Allegoriæ & translationes adfint oportet crebræ: atque vocabula, quæ ambiguum significationem habent. Poëtarum quoque Fabulæ, aut aliorum acuta & obscura dicta assumenda. Interim opera danda est: ut parçen non continuò enigmatica adhibeantur; & adhibeantur cum, cum vel necessitas ob periculum flagitat: vel propter eruditionem & acumen: vel deniq; cum voluptas & delectatio requiritur. Sunt hujus generis in Epistolis Familiaribus lib. X. Epist. 28. & lib. XII. Epist. 4. in quibus obscurè Cicero conqueritur, quod non cum Casare una quoque Antonius sit interfectus. Multæ autem & variæ in iis sunt, quas ad Atticum Cicero scripsit, tempore Reipub. admodum periculoso, ut lib. I. Epist. 17. ubi rectè Cicero de adulterio agit cujusdam Cæij cum Luculli uxore, & illum quidem Paridem, hunc Menelaum vocat: Et de togulâ pictâ Pompeij: Et piscatoribus, Lucullo Hortensio, L. Philippo,



lippo, quia abjecta Reip. curâ, de pisciais suis solliciti erant. Præstant autem cæteris, quæ lib. VII & XIX. extant, propterea quod scriptæ illæ sunt belli civilis tempore de Pompejo, Cæsare, & aliis, quos apertè reprehendere, minus tutum erat. Sunt & egregiæ libro XIV. Epistolæ, quos post Cæsaris necem de Antonio & ejus sectatoribus Cicero scripsit: Ubi valde periculosum erat apertè illa vituperare, quæ contra majorem consuetudinem in Repub. gerebantur.

Exemplum *Nuntiatoria Epistola* de rebus institutæ privatis, non nostris, sed alienis, observatum in Epistola 12. lib. IV. ad Famil. qua Ciceronem Sulpitius de morte Marcelli certior facit. Cujus principium insinuatione factum est, propter materiam auditu parùm jucundam. Pars altera rei expositionem factâ circumstantiarum notatione, temporis, loci, personarum, causarum, modi continet. Postrema pars commemorationem habet officiorum Marcello de mortuo præstitorum.

**E**T si scio, non jucundissimum nuntium me vobis allaturum: Tamen quoniam CASUS & natura in nobis dominatur, visum est faciendum, quoquo modo res se haberet, vos certiores ut facerem. Ad X. Cal. Junias cum ab Epidauris Pyrracum navi advectus essem, ibi Marcello collegam



gam nostrum conveni: eumq; diem ibi consum-  
psi, ut cum eo essem. Postero die cum ab eo digres-  
sus essem, eo consilio, ut ab Athenis in Boetiam  
irem, reliquamq; jurisdictionem abscquerem: Ille,  
uti agebat, supra Maleas Italiam, versus naviga-  
turus erat. Postridie ejus diei, cum ab Athenis  
proficisci in animo haberem: circiter horam deci-  
mam noctis posthumus familiaris ejus ad me ve-  
nit: Et mihi nunciavit, M. Marcellum collegam  
nostrum post cœna tempus à P. Magio Chilone fa-  
miliari ejus, pugione percussum esse, & duo vul-  
nera accepisse: unum in stomacho, alterum in ca-  
pite secundum aurem: Sperare tamen eum vivere  
posse: Magium seipsum interfecisse: Postea se à  
Marcello ad me missum esse, qui hac nuntiaret, &  
rogaret ut medicos cogerem. Coegi, & è vestigio  
eò sursum profectus, primâ luce: Cum à Piræo non  
longè abessem, puer Acidini obviam mihi venit,  
cum codicillis, in quibus erat scriptum, paulò ante  
lucem Marcellum diem suum obiisse. Ita vir cla-  
rissimus ab homine teterrimo acerbissimâ mortis  
est affectus: Et cui inimici propter dignitatem pe-  
percerant, inventus est amicus, qui ei mortem af-  
ferret. Ego tamen ad tabernaculum ejus perrexî,  
inveni duos liberos & pauculos servos: Reliquos  
ejus obant profugisse metu perterritos quod dominus  
eorum ante tabernaculum interfectus esset. Con-  
stiti sum in eadem illâ læticia, quâ ipse delatus erâ,  
meisq;

meisq; lecticariis in urbem eum referre: ibiq; pro  
 eâ copiâ, qua Athenis erat, funus ei satis amplum  
 faciendum curavi. Ab Atheniensibus, locum se-  
 pultura intra urbem ut darent, impetrare non po-  
 tui, quod religione se impediri dicerent: Neq; ta-  
 men id antea cuiquam concesserant. Quod proxi-  
 mum fuit, uti in quo vellemus gymnasio eum se-  
 peliremus, nobis permiserunt. Nos in nobilissimo  
 orbis terrarum gymnasio eum Academia locum  
 delegimus: ibiq; eum combussimus: Posteaq; cura-  
 vimus, ut iidem Athenienses in eodem loca mo-  
 numentum ei marmoreum faciendum locarent,  
 ita, qua nostra officia fuerunt, pro collegio & pro-  
 pinquitatē: & vivo, & mortuo omnia ei prastiti-  
 mus. Vale. D. Prii. Kal. Iun. Athenis.

† IMITATIO HUIUS EPISTOLÆ;  
 qua parentem de filii obitu certiores  
 facimus.

**E**T si scio, vir clarissime, minimē  
 jucundum me tibi nuntium al-  
 laturum: Tamen, quoniam ita pla-  
 cuit ei, cuius imperio ac voluntati  
 meritò, nos nostraq; omnia subjice-  
 re debemus, visum est faciendum,  
 quoquo modo res se haberet, cer-

Q 3

tio-

tiorem te reddere. Ad decimum  
Cal. Aug. *Basileam* ex Italia quum  
venirem, filium tuum conveni,  
eumq; ibi diem consumpsi, ut cum  
illo aliisq; meis popularibus essem.  
Postero die cum ab eo digressus es-  
sem, hoc consilio, ut in Galliam i-  
rem, atq; reliquam profectiorem  
absolverem, ille, uti aiebat, recta  
iturus in Italiam erat. Paucos ve-  
rò post dies, cum *Argentina* comites  
quosdam expectarem, familiarium  
quidam ad me venit, mihiq; nun-  
ciavit, filium tuum, cum magnis iti-  
neribus *Patavium* cogitaret, in ar-  
dentissimam febrim incidisse, ita  
quidem ut de vitâ periclitari cre-  
deretur. Quo sanè nuncio, uti de-  
bui, perculsus sum vehementer, in-  
termissâq; profectiione institutâ,  
statim ad eum profectus sum. Cum  
non longè eo ab oppido, in quo  
propter morbum ille subliterat,

abes

abessem: quidam cum literis mihi  
obviam venit, in quibus perscrip-  
tum erat, diem suum filium tuum  
obiisse. Itaq, relictis medicamen-  
tis quæ mecum sumpseram, ad op-  
pidum illud perrexi, proque eâ co-  
piâ, quæ esse eo in loco poterat, fu-  
nus ei satis honestum faciendum  
curavi. Intra oppidum in templo  
locum sepulturæ ut darent, à Magi-  
stratu impetrare non potui: Qui re-  
ligione impediri sese: neque etiam  
peregrinis concedi illud dicerent.  
Quod proximum ergo fuit, extra  
oppidum in polyandrio & cœmite-  
rio commodum selegi: Monumen-  
tum etiam aliquod faciendum lo-  
cavi: Ita, quæ quidem inter pere-  
grinos præstare officia filio potui,  
pro communi patria & amicitia ve-  
teri, de mortuo præstare conatus  
sum: Tu casum hunc acerbum ani-  
mo magno, & ut is qui CHRISTO no-



men dedit, feres. Et si enim orbari filio, & filio unico, & filio obsequente sit luctuosum, perquam etiam grave illud: inter peregrinos, non domi eo orbari: Tamen sacris literis edoctus, Domini esse terram; omnemq; ejus plenitudinem nôsti: scis undiq; in cœlum tantundem viæ piis animabus restare: ut neq; istud ignoras: repetiisse à te filium, qui ad tempus saltem fruendum cum tibi concesserat. Ipsius denique filii te movere pietas debet, & pacato omninò sedatoque animo casum hunc feras: Qui ut ex illis audiui qui morienti adfuerunt, infracteq; inq; ardenti filii DEI invocatione ex hominibus abiit. Sed hæc, & alia ex eo, qui hasce ad te perfert literas, copiosius intelliges: cui ut fidem habeas etiam atque etiam rogo. Vale.

Exem-

**E**xemplum *Nuntiatoria Epistola* instituta de rebus nostris privatis observatum in 21. Epistol. lib. XVI. ad Fam. qua Ciceronis filius ad Tironem de studiis suis, præceptoribus, exercitationibus, amicis, & familiariibus scribit: ostendit etiam in eo totum se fuisse, ut & neglecta prius sarciat, & Athenis bene tempus collocet. In Exordio scribendi occasionem, & quam gratæ patris & Tironis sibi extiterint literæ, indicat. In Narratione primum vitam suam priorem detestatur, & emendationem promittit: Deinde multa de studiis atque exercitationibus suis scribit. In Conclusionē à Tironē petit, ut librarium aliquem Græcum mittat.

**C**um vehementer tabellarios expectarem quocidie, aliquando venerunt, post diem XL. & VI. quàm à nobis discesserant: quorum mihi fuit adventus optatissimus. Nam cum maximam cepissem latitiam ex humanissimi & charissimi patris epistola: tum vero jucundissima tua litera, cumulum mihi gaudii attulerunt. Itaq; me jam non penitebat intercapedinem scribendi fecisse, sed potius latabar. Fructum enim magnum humanitatis tua capiebam ex silentio mearum literarum. Vehementer igitur gaudeo, te meam fere dubitatione accepisse excusationem. Gratos tibi optatosque esse, qui de me rumores afferuntur,

## 362 DE CONScriBENDI'S

non dubito, mi dulcissime Tiro: Prestabamq; Genitar, ut in dies magis magisque hac nascentis de me duplicetur opinio. Quare quod polliceris te buccinatorem fore existimationis meae, firmo id constantiq; animo facias licet. Tantum enim mihi dolorem, cruciatumq; attulerunt errata aetatis meae, ut non solum animus à factis, sed aures quoque à commemoratione abhorreant, cuius te solitudinis & doloris participem fuisse notum exploratumq; est mihi: Nec id mirum. Nam cum omnia mea causa velles, tum etiam tuâ. Socium enim te meorum commodorum semper esse volui. Quando igitur tum ex me doluisti, nunc ut duplicetur tuum ex me gaudium, prestabo. Eratippo me scito non ut discipulum: sed ut filium esse conjunctissimum. Nam cum audio illum libertor, tum etiam ejus propriam suavitatem vehementer amplector. Sum totos dies cum eo, noctesq; Saepe numero partem. Exoro enim, ut mecum quam sapissime cœnet, hac introducta consuetudine saepe inscientibus nobis & cœnantibus obrepit: sublataq; severitate Philosophia, humanissime nobiscum jocatur. Quare da operam, ut hunc talem tam jucundum, tam excellentem verum videas quam primum. Nam quid ego de Bruto dicam? Quem nullo tempore à me patior discedere, cuius cum frugi severaq; est vita, tum etiam jucundissima conjunctio. Non est enim sejunctus

jocus à Philologia, & quotidiana συζητήσει. Huic  
 ego locus in proximo conduxī, & ut possum, ex  
 meis angustis illius sustento tenuitatem. Præter-  
 eā declamitare Græcè apud Cassium institui; La-  
 tinè apud Brutum exerceri volo. Vior familia-  
 ribus & quotidianis convictoribus, quos secum  
 Mitylenis Cratippus adduxit, hominibus & do-  
 ctis, & illi probatissimis. Multum etiam mecum  
 est Epicrates Princeps Atheniensium & Leonides,  
 & horum ceteri similes. καὶ ἐδὲ ἴσα δ' ἰδὼς οὐδε.  
 De Gorgia autem quod mihi scribis, erat quidem  
 ille in quotidiana declamatione utilis, sed omnia  
 postposui, dum modo præceptis patris parerem,  
 διὰ ὅψιν enim scripserat, ut euta dimitterem sta-  
 tim. Tergiversari nolui, ne mea nimia οὐκ ἔτι  
 suspicionem ei aliquam importaret. Deinde illud  
 etiam mihi succurrebat: Grave esse, me de iudicio  
 patris judicare. Tuum tamen studium, & consili-  
 um gratum acceptumq; est mihi. Exculationem  
 angustiarum tui temporis accipio scio enim quàm  
 soleas esse occupatus. Emisse te pradium vehemen-  
 ter gaudeo. feliciterq; tibi rem istam evenire cupio.  
 Hoc loco me tibi gratulari, noli mirari: Eodem  
 enim ferè loco tu quoq; emisse te, fecisti me certio-  
 rem. Habes ubi deponende tibi sint urbanitates,  
 rusticus Romæ factus es. Cum ego mihi nunc ante  
 oculos tuum iucundissimum conspectum propono,  
 videor videre eminentem te rusticæ res, cum villico



loquentem, in laetitia servantem ex mensa secunda semina. Sed quod ad rem pertinet, me tunc tibi defuisse, aequè ac tu doleo. Sed noli dubitare, mi Tiro, quin te subleuaturus sim, si modo fortuna me, praesertim cum sciam, communem nobis emptum esse iustum fundum. De mandatis quod tibi cura fuerunt, est mihi gratum. Sed peto à te, ut quàm celerrimè mihi librarius mittatur, maximè quidem Græcus. Multum enim mihi eripitur opera in exscribendis hypomnematis. Tu velim imprimis cures, ut valeas, ut annà σὺ φιλόλογον possimus. Antherum tibi commendo, Vale.

† IMITATIO HVIVS EPISTOLÆ,  
qua praeceptores, ad amicos de nostris studiis,  
sectionibus, exercitationibus sive re-  
creationibus certiores fa-  
cimus.

Cùm literas ego vestras, Præceptor observande, expectarem quotidie hisce diebus; serò ille quidem, optatò tamen venerunt: Ad summam enim lætitiā, quam ex humanissimi clarissimique parentis mei Epistola percepi, magnus tuis

ex literis gaudii cumulus accessit :  
Ex quibus intellexi, & excusatio-  
nem apud te meam locum invenis-  
se, & curam te mei minimè abjecis-  
se. Jucunda atq; optata tibi esse ea,  
quas de me domum ab aliis scri-  
buntur, minimè dubito : Operam  
quoq; dabo, enitar, perficiam de-  
niq; ut, Deo conatûs meos juvante,  
nascens hæc de meis studiis ac mo-  
ribus opinio præclara indies magis  
magisq; confirmetur. Quare quod  
laudum mearum buccinatorem te  
fore scribis, mihi gaudeo : Tibi, uti  
debeo, gratias ago : ut etiam firmo  
illud constantiq; animo facias, etiã  
atq; etiam rogo. Neq; enim verbis  
satis exprimere possum, quanto me  
dolore ac cruciatu superioris tem-  
poris errata afficiant, quamq; non  
modò à factis verum etiam memo-  
riã animus nunc abhorreat. Jam  
denum miser in memoriam revo-

co, & agnosco ea, quæ discedenti  
 mihi dixisti: Multis magnisq; obno-  
 xiam periculis adolescentiam, ma-  
 ximè eam esse, quæ studiorum gra-  
 tiâ ad Academias ablegatur: Infi-  
 dias illi tendi plurimas, ad corrup-  
 pendum parata, cum alia, tum Ex-  
 empla esse eorum, qui non re, sed  
 nomine tantum sunt Studiosi: nec  
 ornant, sed deformant scholas, in  
 quibus hi vivunt. Et ut seriò rem  
 me agere intelligas, paucis vitæ at-  
 que studiorum meorum rationem  
 accipe. Nihil ego præproperâ atq;  
 intempestivâ ad altiora studia festi-  
 natione perniciosius esse adole-  
 scentibus ex re sæpè audiui: Memi-  
 ni & dicti adhuc Platonici, quo uti  
 crebrò est solitus: *Nimum festinando  
 servus ad finem pervenire homines.* Itaq;  
 juris atq; legum, ita Professores au-  
 diō: ut ea interim non negligam,  
 quibus vel ad humanitatem infor-  
 mari

mari adolescentes solent, vel ad superiores, uti vocant, facultates fit aditus & Philosophiæ partem eam, quæ de vita ac moribus, re etiam publica est tradita, diligenter discō; & Historiarum mihi commendatam lectionem habeo, & his Diælecticorum præcepta adjungo, Ita quidem, ut memor sim ejus, quod apud Platonem Callicles monet, ad usum, non contemplationem nudam studia referenda esse. Quoniam etiam sine eloquentia inanis omninò atq; infrugifera esse rerum cognitio solet, quæ in Cicerone explicantur, non solum diligenter, assiduò, constanter audio: verum etiam scribendo dicendoq; ad usum transferre conor. Atq; in his omnibus Plinii illud considero: *Legendi semper: Audiendi non itidem occasio erit*: Et quod Cicero quodam in loco scribit: *Quædam sunt quæ legi debent, quæ audiri debent.* Ad



multos magistros & privatas lectiones quod attinet, ita eas instituunt antelucanas horas per quas preces & sacra Biblia obtineant : obtemperans mandato filii Dei : *Querite primum regnum Dei. & iusticiam eius.* Hæc subsequitur, quæ ad eloquentiam parandam summè necessaria, Styli exercitatio: Et Præceptoribus meis matutinis instituenda horis videtur, propterea quod meridianæ, aut æstu fervent, aut saturatos ventriculos reperiunt: vespertinæ verò propter defatigationem ac lassitudinem languidum stylum reddunt. Reliquas horas Professorum lectiones publicæ occupant, ad quas tamen nunquam accedo, nisi ante & explicata repetierim, & sæpè diligenterq; locum legerim eum, qui in schola explicandus est. Horam nam, quæ prandium antecedit, corporis exercitio, & vel deambulati-

unculis modicis, vel pilæ ludo tri-  
 buo, atque ita, non quidem famem  
 obsono, aut ad cibum me præparo,  
 qui, ut nosti, tenuis, non lautus esse  
 in scholis consuevit: sed valetudini  
 partim consulere, partim ad cape-  
 senda studia alacriorem reddere a-  
 nimum cupio. Magnum enim cru-  
 dorum humorum copiam accu-  
 mulare, & scabiem, morbum Or-  
 dini Scholastico admodum fami-  
 liarem, accersere eos sibi medici  
 nostri affirmant, qui statim à cibo  
 sumpto corporis exercitia institu-  
 unt. Et quia eodem tempore ad  
 studia redire perniciosum quoque  
 iidem iudicant: priusquam pome-  
 ridianæ in Schola inchoentur le-  
 ctiones, aut restudine me oblecto:  
 aut paulisper meridiis: aut contu-  
 bernalium & familiarium collo-  
 quiis me reficio. Utor enim *uocis*  
 & *uocis* adolescentibus, non loco  
 modò

modò honesto natis: verùm etiam doctis, & Præceptoribus meis cum primis gratis & acceptis, quibus cum de studiis aliisq; rebus jucundè utiliterq; colloquor. Professores quoq; non rarò accedo, atq; inde verum esse experior illud, quod quadam in Epistola Seneca scribit: Nullam rem magis honesta intueri dubiosq; & in pravam inclinantes ad rectam revocare, quàm bonorum virorum conversationem: frequenter audiri atq; aspicere, paulatim in pectora descendere, præceptum obrinere: Esse deniq; aliquid quod ex magno viro, vel tacente quis discat. Familiaritati & amicitia quorundam ego renunciavi, propterea quod <sup>dispendio</sup> pater scripserat, ut eos missos facerem, ne mea hac in re tergiversatio aliquam ei suspicionem moveret. Tandem non statim à cœna; sed unius ad minimum horæ spacio interposito & recreati-  
uncu-

un oculis adhibitis honestis, in cubi-  
culum mecum conféro, antequam  
quiesce me & somno dedam, memor  
illius:

*Non prius in dulcem declinet lumina  
somnia*

*Omnia quàm longi reputaverit acta  
diei*

Quid eo die audierim, legerim, vi-  
derim cogito. Et uti boni patres  
familiàs accepti atq; expensi habe-  
re tabulas solent; ita Ephemerides  
ego & volumina habeo, in quæ ob-  
servatu digna refero. Tandem sa-  
crorum Bibliorum lectione piisq;  
ad Deum votis diem claudio. Habes  
vitæ ac studiorum meorum ratio-  
nem: à quâ non antè recedere  
constitui, quàm vel à te, vel aliis vi-  
ris doctis melior mihi commo-  
di- orq; monstrata fuerit. Te commo-  
dè adhuc cum familia valere: flore-  
re gratiâ & autoritatè; emere hor-

tos,



tos, ædes, prædia vehementer gaudeo: feliciterq; cum hac, tum alia omnia evenire tibi cupio! Cum etiam quod præterea scribam, non habeam, ipsaq; ut vides charta deficere me incipiat, unicum hoc tantum peto; ut quod facis, absentem me tuo dignum amore atque patrocínio judices: Literis quoq; meis satis fortè verborum, at patrum ingenii doctrinæque habentibus ignoscas.

**E**xemplum *Nunciatorie Epistolæ* institute de rebus publicis observatum in Epist. 5. lib. 2. ad Famil. quo Curionem Cicero de Reipub statu corlorem facit. In Exordio quod tutum satis non sit de publicis rebus scribere, rejectione expositionis Cicero utitur. In Narratione testè & occultè miserabilem Reipub. statum exponit, ita etiam debilitata omnia ac extincta propè esse affirmat, ut dubitet, utrum, cum venerit Curio, habiturus sit, quod curet. In Conclusionem perhortatur ut ea paret, meditetur, cogitet, quæ iis necessariis, qui miseri temporibus Reipub. opem ferre cupiunt.

**H**Æc negotia quomodo se habeant, ne Epistolâ quidem audeo narrare tibi. Etsi ubicumq; es (ut scripsi ad te antea) in eadem es navi: Tamen quod abes, gratulor; vel quia non vides ea, qua nos: vel quod excelso & illustri loco sita sit laus tua, in plurimorum & sociorum, & civium conspectu: qua ad nos nec obscuro nec vario sermone, sed & clarissimâ & unâ omnium voce perfertur. Vnum illud nescio, gratulerne tibi, an timeam? quod mirabilis est expectatio redditus tui: non quod verear, ne tua virtus opinioni hominum non respondeat; sed mehercule, ne, cum veneris, non habeas jam, quod cures: Ita sunt omnia debilitata, & jam propè extincta. Sed hac ipsa nescio rectene sint literis commissa? Quare cetera cognoscas ex aliis. Tu tamen sive habes aliquam spem de Repub, sive desperas; Ea para, meditare, cogita, qua esse in eo cive ac viro debent, qui sit Remp. afflictam & oppressam miseris temporibus ac perditis moribus, in veterem dignitatem ac libertatem vindicaturus. Vale.

† IMITATIO HVIVS EPISTOLÆ.  
quam de miserabili patria statu Conquerentes  
mittere possimus ad adolescentem Studio-  
rum gratia peregrinantem.

**P**etis à me, ut de patriæ tuæ statu  
certiorem meis te literis red-  
dam.

dam. Facerem equidem hoc tibi  
benter, si sine periculo fieri illud  
posse viderem. Sed profectò eo se  
se modo res nunc habent omnes,  
ut ne Epistolâ quidem narrare tibi  
nedum nunciis atque tabellariis  
committere audeam: Qui quàm  
sint rimarum, ut ille ait, pleni ma-  
ximè ubi vino incaluerint, factique  
fuerint hilaruli, multi, sæpè non si-  
ne suo damno experiuntur. Hoc  
unum accipe: Etsi, quod prover-  
bio dicitur, *Patriæ sumus sit alieno*  
*igni lutulentior, eaq; viro bono nihil esse*  
*possit jucundius*: Tamen quod à tuâ  
jam abes, tibi verè & ex animo gra-  
tulator. Neq; enim ea vides vel au-  
dis, quæ nos, qui adsumus, videre &  
audire quotidie non sine magno  
dolore cogimur. Deinde eo in lo-  
cores esse tuas, nec obscuro, nec  
vario ad nos sermone perfertur, ut  
vix meliori esse posse videantur.

Quod

Quod enim ita vitæ tuæ studiorum-  
que rationem instituis: ut jucu-  
dus sis condiscipulis: gratus præ-  
ceptoribus: acceptus iis, quorum  
tecto mensâq; uteris; spe tui magnâ  
omnes impleas eos, qui de ingeniis  
aliquid judicare possunt. In felicitä-  
tis, crede mihi, haud postremâ par-  
te reponendum est. Ut autem nunc  
patriæ tuæ est status, vehementer  
profectò metuo, ne si domum ali-  
quando veneris, non dignum ali-  
quem ingenio, doctrinâ, virtute lo-  
cum invenias. Omnia enim extin-  
cta propè nunc jacent: silent leges:  
exulat justitia: disciplina collapsa  
est: literæ earundemque cultores  
nullo, aut perquàm exiguo sunt nu-  
mero. Verùm & hæc nescio rectè  
ne tutoq; satis sint literis credita.  
Itaq; ex aliis plurate audire, quàm  
meis cognoscere literulis mälè.  
Tu tamen hac de causâ; nihil inte-  
rim



rim de diligentia in studiis remitte-  
 tes: sed ea parabis, meditaberis, co-  
 gitabis, quibus instructos paratos-  
 que eos esse oportet, qui miseris  
 hisce ac ferè conelamatis tempori-  
 bus opis aliquid atq; auxilii Recip-  
 ferre Christianæ cupiunt. Et si for-  
 tè locus tibi in patria nullus conti-  
 gerit, de eo Poetæ cogitabis:

*Omne solum forti parvia est, ut pisci-  
 bus equor:*

*Et volueri vacuo quicquid in Orbe  
 patet. Vale.*

# N V N C I A N D I

*Formula.*

**Q**uo in statu hic omnes sumus, accipe.  
 Quid hîc geratur, scire poteris ex eo,  
 qui literas attulit.

Mitto librum, quem desiderabas: serius  
 tamen, quàm & tu voluisti, & ego debebam.  
 Ita, mi Canni, distinguor occupationibus, ut  
 neq; respirandi sit locus.

Coràm me tecum eadem hæc agere sæpè  
 nonantem deterruit pudor quidam penè sub-

*rudi.*

rusticus, nunc exponam absens, aut tacitus.  
Epistola enim non erubescit.

Dedi Lovanio discedens literas Bartholomæo Müllero, communi amico, quas tibi redderet: quibus Epistolæ tuæ paucis, ut tum ferebat tempus & festinatio mea patiebatur, respondi.

Ornatissime vir, nihil erat, hoc tempore magnoperè dignum, de quo celsitudinem tuam interpellarem, sed ad scribendum invitavit opportunitas tabellarii, tum certi, tum huc mox reversuri.

Sic plerumq; ut ii, qui boni quid volunt adferre, affingant aliquid, quò faciant id, quod nunciant latius.

Simul ac progredi cœpero, quàm celeritè poterò, & quàm creberrimis literis faciam, ut tibi nota sit omnis ratio dierum atq; itinerum meorum.

Me quotidie aliud ex alio impedit: sed me expediero, ut in ista loca venire possim, non committam, ut te serò à me certiores factum putes.

Cum primùm de Antonio exploratum habuero, faciam te certiores.

Summa tua auctoritas fecit, meumq; perpetuum de tua singulari virtute iudicium, ut magni meâ interesse putarem, & res eas, quas

quas gessissem, notes tibi esse, & non ignorari à te, quæ æquitare & continentia tuerer socios, provinciamq; administrarem.

Nunc etsi omnia aut scripta esse à tuis arbitror, aut etiam nunciis & rumore perlata; tamen ea inscribam brevi, quæ te puto potissimum ex meis literis velle cognoscere.

Prioribus tibi declaravi, adventus noster qualis fuisset, & quis esset status, atq; omnes res nostræ quemadmodum essent, ut in secundis fluxæ, ut in adversis bonæ.

Ex eo de toto statu rerum omnium cognosces, quæ quales sint, non facile est scribere.

Faciam illud quod rogatus sum, ut eorum quæ temporis hujus sunt, quæ tua esse audiero, ne quid ignores.

Quæ gerantur, accipies ex Pollione, qui omnibus negotiis non interfuit solum: sed præfuit.

De omnibus rebus, quæ ad te pertinent, quid actum, quid constitutum sit, quid Pompejus susceperit, optime ex Eupatorio cognosces, qui non solum interfuit his rebus, sed etiam præfuit, neque ullum officium erga te hominis amantiissimi, prudentissimi, diligentissimi prætermisit.

Isti puero, quem ad te jussi recurrere, da  
pon-

ponderosam aliquam Epistolam, plenam omnium non modò actorum, sed etiam opinionum tuarum.

Hæc res quemadmodum ceciderit, & tota res quo loco sit, velim ad me scribas, & ita, ut instituiſti. Nam ista veritas etiamſi jucunda non eſt, mihi tamen grata eſt.

Hæc tibi ſcripſi, quia æquum erat, te pro amore mutuo non ſolùm omnia mea facta dictaque; verùm etiam conſilia cognoscere.

Habes acta mea tridui, quibus cognitis volui tantùm te voluptatis abſentem, & ſtudiorum nomine, & meo capere, quantum præſens percipere potuiſſes.

Hæc tibi ſcripſi, quia de omnibus, quæ me vel delectant vel angunt, non aliter tecum, quàm mecum loqui ſoleo. Deinde quod durum exiſtimabam amantiſſimum mei frangere voluptate, quam ipſe capiebam. Neq; enim ſum tam ſapiens, ut nihil meâ interſit, an ſi, quæ honeſtè feciſſe me credo, teſtificatione quadam & quaſi præmiũ accedat.

Invicem tu ſi quid Epistolâ dignum ne gravare ſcribere. Nam cùm aures hominum novitatè lædantur, tùm ad rationem vitæ exemplis erodimur.

Scriberem ad te pluribus de rebus; ſed  
R  
vereor,



vereor, ne vel mea diligentia sit molesta; vel veritas acerba.

Scribito ad me, quem nesci curiosum, non solum quid gestum sit geraturq; isthic, verum etiam, quid divines futurum.

**RESPONSIO AD NVNCIA-**  
*toriam seu Narratoriam.*

**A**D expositionem rescribemus, nos vel laceritiam & voluptatem, vel dolorem & tristicitiam ex amici literis percepisse, ejusq; inscribendo gratum nobis fuisse officium ostendemus. Rogabimus, ut ita facere pergat, & quam sapissimè. Gratias etiam poterimus agere vicissim, & nos scripturos pollicebitur ea, quorum ipsum cognoscendorum esse vidum putamus. Si quid autem ab amico desideramus, quod prætermissum esse videatur, modestè illis de rebus ipsum admonemus, ita ut ad laudem nostra verba spectent.

In collocationis principio gratas vel ingratas nobis amici literas fuisse significabimus; vel eorum suavitatem & prudentiam laudabimus: vel brevibus, quæ ab amico scripta sunt, repetemus: vel gratias eidem descriptionis ergò agemus.

Deinde id quod nunciatur, vel laudabimus

& approbabitur, vel reprehendemus & impro-  
babitur.

Tertia pars rationes complectetur, sumptas  
à causis & circumstantiis temporis, loci, mo-  
di, factorum, consiliorum.

Pars postrema absolvitur, vel pollicitatio-  
ne officii, auxilii, alteriusq; rei: vel volun-  
tatis nostræ declaratione: vel petitione, ut  
posthac si quid acciderit novi, certiores nos  
amicos reddat.

Exemplum Responsionis ad Epistolam de  
rebus privatis institutam, observatum in E-  
pist. 15. lib. VII. ad Fam. qua Trebatius Cicero  
respondet, qui de rebus suis privatis eum cer-  
tiores fecerat, & inter alia scripserat, li-  
benter nunc se cum Casare esse, in familiari-  
tatem quoque Marii venisse. Exordium be-  
nevolentix significatione, & literarum re-  
petitione constat. Narratio ejus, quod  
nunciatur, approbationem continet. Con-  
clusio adhortatione facta est, ut magnorum  
viro- rum gratiam & favorem retinere idem  
studeat.

*Q*uam sint merosi, qui amant, vel ex hoc intel-  
ligi potest. Molestè ferebam antea te invi-  
rum istic esse: pungit me rursus, quod scribis te esse  
istic libenter. Neq; enim tum meâ commendatio-  
ne te non delectari faciliè patiebar: & nunc angor,

quidquam tibi sine me esse jucundum. Sed tamen hoc malo nos ferre desiderium, quàm te non ea, qua spero, consequi. Quod verò in C. Marii suavissimi, doctissimiq; hominis familiaritatem venisti, non dici potest, quàm valde gaudeam: qui, fac, ut te quàm maximè diligat. Mihi crede, nihil ex ista provincia potes, quod jucundius sit, deportare. Cura ut valeas.

† IMITATIO HUIUS EPISTOLÆ,  
qua amico in Academia aliqua videnti  
ad ejus nunciatorias respon-  
demus.

**V**ide, obsecro, quanto te amore complectar, quamq; ea in requo-ulus planè & μεμψιμορῶ sim. Egrè antè molestèq; ferebam, te perin vitum à patria abesse, & in Academiis vivere: Nunc tua me absentia vexat. Cave enim credas, jucundum hoc mihi auditu extitisse, commendatione te meâ, qua aditum tibi ad viros doctos patefacere sum conatus, non usque adeò delectari: sed & quod de Israelitis  
sacræ

sacrae literae referunt, domum semper cogitare. Nunc illud rursus me pungit, quod libenter te esse in Academia, nec de patria cogitare amplius scribis. Sed tamen hoc ego ferre malo, quam te hic nobiscum vivere, neque consequi ea posse, ad quae pleno te cursu contendere jam audio. Quod verò in clarissimorum & doctissimorum virorum familiaritatem jam venisti, dici non potest, quanta me illud lætitiâ ac voluptate afficiat. *Principibus*, inquit ille, *placuisse viris, non infima laus est.* Et hac de causa Romanos, homines prudentissimos, legimus filios suos doctorum ac præstantium virorum uti consuetudine voluisse, ut eorum non tam sermone erudito, quam exemplis informarentur, niterentur consiliis, præsentia à sceleribus & peccatis detererentur. Itaque operam da se.



lò, ne quam apud tantos viros collectam jam gratiam atque benevolentiam habes, aut negligentiam in studiis, aut dissolutione in vita ac moribus effundas. Nihil, crede mihi, ex ista professione reportare domum poteris, quod, vel jucundius nobis, vel tibi honorificum atque utile magis futurum sit.

Exemplum Responsionis ad *Epistolam Nunciatoriam* de rebus publicis institutam observatum in Epist. 4. Bruti, qua ille Ciceronis Nunciatoriae Epistolae de victoria ab Antonio reportatae respondet. Exordium repetitione literarum & laetitiae ex iisdem perceptae significatione est factum. Propositio collaudationem & approbationem habet ejus, quod nunciatur. Post Brutus moderare utendum victoriâ, nec nimium tribuendum Augusto ostendit, simul etiam contra eos se defendit, à quibus, ut nimium lenis, reprehendebatur. Conclusio rerum quarundam privatarum declaratione absolvitur.

*Quanta sim laetitia affectus; cognitis rebus Bruti nostri & consulum, facilis est tibi existimare, quanta*

quàm mihi scribere: Cùm alia laudo, & gaudeo  
 accidisse, tùm quod Bruti eruptio non solum ipse  
 salutaris fuit, sed etiam maximo ad victoriam  
 adjumento. Quod scribis, trium Antoniorum  
 unam atq; eandem causam esse, quid ego sentiam  
 mei iudicii esse: statuo nihil, nisi hoc Senatus aut  
 populi Rom. iudicium esse de iis civibus, qui pu-  
 gnantes non interierunt. At hoc ipsum, inquires,  
 iniquè facis, qui hostilis animi in Rempub. homi-  
 nes cives appelles. Imò iustissimè: Quod enim  
 nondum senatus censuit, nec populus Rom. iussit,  
 id arroganter non præjudico, neq; revoco ad arbi-  
 trium meum: Illud quidem non muto, quod ei,  
 quem me occidere res non coëgit, neq; crudeliter  
 quicquam eripui, neq; dissolutè quicquam remis-  
 isse, in mea potestate, quoad bellum fuit,  
 multò quidem honestius iudico magisq; quod con-  
 cedere possit Respub. miserorum fortunam non in-  
 sectari, quàm infinita tribuere potentibus, quæ  
 cupiditatem & arrogantiam incendere possint,  
 quæ in re Cicero, vir optime ac fortissime, mihiq;  
 merito & meo nomine & Reipub. clarissime, nimis  
 credere videris spei tuæ, statimq; ut quisq; aliquid  
 rectè fecerit omnia dare, ac permittere: Quasi non  
 liceat traduci ac mala consilia corruptum largi-  
 tionibus animum, quæ tua est humanitas, æqu-  
 animo te moneri patieris, præsertim de communi  
 salute: Faciet tamen, quod tibi visum fuerit:.

Etiā ego, cū me docueris. Nunc Cicero, nunc agendum est, ne frustra oppressum esse Antonium gavisi simus, neu semper primi cuiusq; mali exidendi causa sit, ut aliud renascatur illo peius, nihil jam neq; opinantibus aut patientibus nobis aduersi evenire potest, in quo non cū omnium culpa, tūm præcipuē tua futura sit, cuius tantam auctoritatem Senatus ac populus Rom. non solum esse patitur: sed etiam cupit, quanta maxima in libera civitate unius esse potest. Quam tu non solum benè sentiendo: sed etiam prudenter tueri debes, prudentia porro qua tibi superest, nulla abs te desideratur, nisi modus in tribuendis honoribus: alia omnia sic adsunt, ut cum quolibet antiquorum comparari possint tua virtutes. Vnum hos grato animo liberaliq; profectum, cautiorem ac moderatiorem liberalitatem desiderat, nihil animi senatus cuiquam dare debet, quod malè cogitantibus exemplo aut præsidio sit, itaq; timeo, de consulatu, ne Caesar tuus altius se adscendisse putet decretis tuis, quā inde si consul factus sit, descensurum. Quod si Antonius ab alio relictum regni instrumentum occasionem regnandi habuit: quonam animo fore putas, si quis auctore non Tyranno interfecto, sed ipso senatu putat, se imperia quolibet concupiscere posse? Quare tūm & facilitatem & providentiam laudabo tuam, cum exploratum habere cœpero, Casarem honoribus, quos



acceperit, extraordinariis fore contentum. Aliena,  
igitur, inquires, culpa me reum facies? Prorsus alio-  
na si provideri potuit, ne existeret, quod utinam  
inspectare possis timorem de illo meum. His lite-  
ris scriptis, te consulem factum audivimus, tum  
vere incipiam proponere mihi Rempub. iustam, &  
jam suis nitentem viribus, si istud videro. Filius  
valer. & in Macedoniam cum equitatu pramissus  
est. Idib. Maiis, ex castris.

† IMITATIO HVIVS EPISTOLÆ,  
ἀντιγραφήν hoc modo potest in-  
stitui:

**Q**uantā sim lætitiā affectus, co-  
gnitis rebus vucum, & mili-  
tum nostrorum, tibi judicare faci-  
lius, quā mihi scribere est. Cū  
alia ex animi evenisse sententiā gau-  
deo: tū illud quod sociorum eru-  
ptio ad reportandam victoriā ad-  
jumento maximo fuit. Quod verò  
de atroci pœna eorum scribis, qui  
in prælio sunt capti, si, quid ego  
sentiam, scire cupis: moderatè vi-  
ctoriā utendum: eos, quos occide-

R 5

re



re res non coëgit, nec crudeliter tractandos, nec etiam dissolutè remittendos, sed in potestate retinendos vestrâ existimo, ne quid moliri contra vos queant. Quotoperè Atheniensibus in Æginenses, Scioneæos, Samios devictos sævitia nocuerit: Quàm propter crudelitatem in Plataenses & Thassæos puniti fuerint Spartani atrociter, Historia testantur. Neque recentia, ac propè adhuc spirantia mihi exempla deessent; nisi jam antè nota ea tibi esse scirem. Ut & illa, quæ de recipiendis in gratiam iis, qui agnito suo errore ad nostram misericordiam confugiunt, in sacris literis leguntur. Meâ quidem opinione multò ad eorum, qui à vobis sunt abalienati, conciliandos animos conservandamque quietem ac tranquillitatem publicam, esset accommodatius, miserorum vos fortunam

tunam non insectari, quàm nimium  
 iis tribuere, qui semel benè, forti-  
 ter, feciliter rem gesserunt. De me  
 ut loquar, ingenuè fateor: vehe-  
 menter me metuere: ne altiùs a-  
 scendisse se vestri duces putent,  
 quàm inde, pàce jam factâ, descen-  
 suri sint. Tùm demum quoque &  
 patriæ meæ gratulabor, & pruden-  
 tiam laudabo vestram, cùm non  
 hoste modò, verùm etiam condu-  
 cto milite liberatos vos esse, duces-  
 que vestros stipendiis contentos  
 domum rediisse audiero. Vale.

RESPONDENDI AD NVN-  
 ciatórias Epistolas fer-  
 mule.

GRatum mihi est, quòd me de iis, quæ in  
 Gallis publicè privatimq; geruntur, tam  
 accuratè facis certiorem. Literas tuas, mi  
 Fabrici, dici non potest, quàm acceperim eu-  
 pidè, quibus ad me scribis, &c.

Accepi aliquot Epistolas tuas, ex quibus

intellexi, quam suspensio & sollicito animo  
scire aures, quid esset novi?

Scripta & obsignata jam Epistolâ, reddi-  
ta sunt mihi literæ à te, plenæ novarum re-  
rum.

Variè me affecerunt tuæ literæ: Nam par-  
tim læta, partim tristia continebant. Læta,  
quod te &c. Triste illud, quod &c.

Accepi perbreves literas tuas, quibus id,  
quod scire, cupiebam, cognoscere non po-  
tui: Cognovi autem id, quod mihi dubium  
minimè fuit.

Reddita mihi tua est Epistola, quæ vel hoc  
nomine fuit gratissima, quod me de rerum  
tuarum statu erudierit.

De rebus urbanis quod me certior fe-  
cisti, tum per se mihi gratum fuit, tum quod  
significasti tibi omnia mea mandata curæ  
fore.

Etsi fiebam crebrò à meis certior per lite-  
ras: Tamen maximam læticiam cepi ex tuis  
litteris: De spe minimè dubiâ, sed planè ex-  
ploratâ.

Pergratum mihi est, quod crebrò certior  
per te fio de rebus, quæ isthic geruntur, &  
tuam erga me benevolentiam faciliè per-  
cipio.

Gratæ mihi tuæ literæ, quibus accuratè  
per-

perscripsiſſi omnia, quæ ad me pertinere arbitratuſ es.

Eſſi antè certior factuſ eram literis, nunciis, famâ deniq; ipſâ: Tamen eadem illa latiora fecerunt mihi tuæ literæ: non ſolùm quia planiùs loquebantur, & uberius, quàm vulgi ſermo, ſed etiam, quia magis tibi videbar gratulari, cùm de re ex te ipſo audiebam.

Quod ad me quaſi formam communium temporum & totiuſ Reipub. miſiſſi expreſſam, prudentia literarum tuarum valdè eſt mihi grata: Video enim & pericula leviora, quàm metuebam, & maiora præſidia.

Quæ de me ſaluſ rumoribus, me indigna ad te delata ſunt, ea te moderatè accepiſſe, neq; temerè credendum judicâſſe, e literis tuiſ ſum certior factuſ: quæ mihi, ut debent, gratiſſimæ ſunt.

Literæ tuæ non ſolùm quid Romæ, ſed etiam quid in Repub. neq; ſolùm quid fieret, verùm etiam quid futurum eſſet, indicabant.

## DE GRATIARVM

*Actione.*

IN Epiftola quâ gratias agimus, beneficium quod accepiſimus, modis omnibuſ ( ſi ejuſ-



modi ut laudem & gratiarum actionem mereatur) amplificandum.

Nam sæpè gratiam retulisse videtur, qui benè gratias agit. Amplificatur autem his fermè rationibus: si ultrò collatum est, si citò: *bis enim dat qui citò dat*: si in tempore: si uberius, quàm alter ausus sit petere: si datum cum aliquo periculo aut offensione aliorum: si datum viro magno, summâq; auctoritate prædito: si nihil pro merito: si ne expectanti quidem: si ab eo, cui libenter debemus, hoc est, ab eo, quem amamus ex animo. Si ostenditur, amicum vel primum, vel solum, vel inter paucos præcipuum existisse, qui beneficium contulerit.

Si quis fideli consilio juvit, ei dicemus, plus deberi, quàm qui pecuniâ: & qui pecuniâ, quàm qui verbis tantum opem tulit; neq; rarò majus beneficium præstat, qui objurgat, quàm qui donat. Deinde citra jactationem promittimus, nos aut parem, aut uberiores gratiam relaxuros. Si nulla referendi facultas erit, certè animum memorem & gratum pollicebimur: precabimur etiam, ut Deus benè merito referat gratiam, quod nobis, ob fortunarum tenuitatem, non licet. Et rectè quidem gratias agendi ratio hoc modo tractanda est,

Est præter hanc alia quædam, quæ obli-  
qua dicitur: in qua non agendo gratias maxi-  
mè gratias agimus, quum ostendimus, aut  
beneficium esse majus, quàm ut vulgari more  
agendæ sint gratiæ: aut amicitiam esse mayo-  
rem, quàm ut alterum gratias agere oportea-  
t: vel pluribus gratias nos non agere ne  
blandi habeamur.

In collocazione Primum lætitiæ & volu-  
ptatem, ex amici beneficio & studio perce-  
ptam, significabimus: aut gratias (maximè si  
pluribus de rebus agendum erit,) dicemus,  
& accuratè prudenterq; de rebus nostris ac-  
tum esse ab amico ostendemus.

Deinde petemus, ut quod jam fecit ami-  
cus, deinceps quoq; facere minimè gravetur:  
Vel, (si in exordio factum non sit) gratiarum  
actionem instituemus.

Pòst beneficium acceptum amplificabimus  
illà, quâ dictum est, ratione.

Postremò nos beneficii memores, nec  
mediocrem nos curam adhibitu-  
ros, ut vi-  
ros nos dignos amici muneribus præstemus,  
pollicebitur: Aut Deum orabimus, ut lar-  
gè exsolvat, quod nos compensare non possu-  
mus: vel, si nondum scriptum sit,) pete-  
mus, ut quæ ostendit & fecit amicus, ad exi-

tum

tum augere & cumulare, nos etiam & nostros benigne complecti velit.

Exemplum Epistolæ gratias agentis, observatum in Epist. 29. lib. XIII. ad Fam. qua pro humaniter benigneq; tractato Messinio Cicerō Sulpitio gratias agit. Cujus exordium gratiarum actione constat. Confirmatio beneficiorum Sulpitii commendatione & amplificatione est facta. Conclusio petitione & grati animi pollicitatione absolvitur. In altera parte Epistolæ Lacedæmoniorum civitatem causasq; eidem commendat.

**E**T si libenter petere à te soleo, si quid opus est meorum cuiuspiam; tamen multò libentius gratias tibi ago, quid fecisti aliquid commendatione meâ, quod semper facis, incredibile: est enim, quans mihi gratias omnes agant, etiam mediocriter à me tibi commendati. Qua mihi omnia grata, sed de L. Messinio gratissimum. Sic enim est mecum locutus, te, ut meas literas legeris, statim procuratoribus suis pollicitum esse omnia, multò verò plura & majora fecisse. Id igitur (puto enim etiam atq; etiam mihi dicendum esse) velim existimes, mihi te fecisse gratissimum. Quoad quidem hoc vehementius laetor, quod ex ipso Messinio te video magnam capturum voluntatem. Est enim in eo cum virtus & probitas, & summum officium, summaq; observantia tum

studia



studia illa nostra, quibus antea delectabamur, nunc etiam vivimus. Quod reliquum est, velins augeas tua in eum beneficia omnibus rebus, quae te erunt digna: Sed duo sunt, quae te nominatim rogo: primum, ut, si quid satisfaciendum erit, amplius eo nomine non peti, cures ut satis detur fide mea: Deinde, cum fere consistat hereditas in his rebus, quas avertit Oppia, quae uxor Mindii fuit, adjuves: in easque rationem, quemadmodum ea mulier Romam perducatur. Quod si putarit illa fore, ut opinio nostra est, negotium conficiemus: Hoc ut assequamur, te vehementer etiam atque etiam rogo: Illud, quod supra scripsi, id tibi confirmo, in meque recepto, te ea, quae fecisti Messinii causa, quaque feceris, ita bene collocaturum, ut ipse iudices homini te gratissimo & jucundissimo, benigne fecisse. Volo enim ad id, quod mea causa fecisti, hoc etiam decedere. Nec Lacedaemonius dubitare arbitror, quin ipsi sua, majorumque suorum auctoritate satis commendati sint fidei & iustitia tua. & ego, qui te optime novissem non dubitavi, quia tibi notissima & jura & merita populorum essent. Itaque cum à me peteret Philippus Lacedaemonius ut tibi civitatem commendarem, etsi memineras, me civitati omnia debere: tamen respondi, commendatione Lacedaemonios apud te non agere: Itaque sic velim existimes, me omnes Achajae civitates arbitrari pro horum



temporum perturbatione felicis, quod tu is praes; Eundemq; me ita iudicare, te, quod unus optime nosces, non nostra solum, sed etiam Gracia munera omnia tua sponte amicum Lacedaemonis esse oportere. Quare tantum à te peto, ut cum ea facies Lacedaemoniorum causa, qua tua fides, amplitudo, iustitia postulat, his, si tibi videtur, significes, te non molestè ferre, quod intelligas ea, que facias, mihi quoq; grata esse. Pertinet enim ad officium meum, eos existimare, cura mihi suas res esse. Hoc te vehementer etiam atq; etiam rogo. Vale.

† IMITATIO HVIVS EPISTOLÆ,  
qua amico gratias agimus, qui adolescentem à nobis commendatum benignè humaniterq; suis complexus.

**E**T si libenter petere soleo, si qua in re tuo mei auxilio egent: Tamen multò libentius gratias tibi ago, cum meis literis adductus tua in alios contulisti beneficia, quod profectò fecisti hactenus, & crebrò, & liberaliter. Dicit enim non potest, quantas mihi gratias agant ii, qui-

quibus meis est literis ad te aditus  
factus, quàm tuam, in se humani-  
tatem, liberalitatemq; prædicent:  
quàm hoc nomine sese non tibi  
modò, verùm etiam mihi obstri-  
ctos devinctosq; sese, & esse jam fa-  
teantur, & fore polliceantur per-  
petuò! Quæ, me CHRISTE! mihi  
grata sunt, acceptaq; omnia: Sed  
de Philippo nobili doctoq; adole-  
scente gratissimum. Ita enim ad me  
scribit, te, ut meas literas legeris,  
largè liberaliterque promississe o-  
mnia; longè verò plura majoraque  
præstitisse. Id ergò (repetendum  
enim hoc est sæpè) tam mihi gratū  
est, quàm quod gratissimum. Sed &  
propterea majori me lætitiâ afficit;  
quod illud ipsum etiam tibi haud  
parùm profuturum confido. Est  
enim in adolescente eo, præter fa-  
miliæ splendorem & antiquitatem  
generis, singularis pietas: probitas  
sum-

summa: eximia, cùm erga superiores observantia, tùm benè meritos gratitudo: discendi ardor incredibilis. Itaq; quando bono gratoq; homini navare te operam intelligis: Quibus tandem cunq; in rebus poteris, tua in eum beneficia angebis. Deinde, si fortè rei nummaria difficultate laboraverit, meà illi fide aderis. Neq; enim propter itineris longinquitatem, & verò hominum perfidiam aut citò, aut tutò transmitti ad vos semper nummi possunt. Et in his ergò optimo nobilissimoq; adolescenti succurres: Et persuasum planè habebis, huic quæ feceris, non mihi solùm, qui multis magnisq; de causis eundem amo: verùm etiam familiaris nobilissimæ atque laudatissimæ grata, acceptaq; fore.

## GRATIAS AGENDI

*formula.*

Gratum mihi fuit tuum munusculum, gratior epistola tam amica, gratissimus amicus.

Immortales ago tibi gratias, agamq; dum vivam: Nam relaturum me affirmare non possum. Tantis enim tuis officiis non videor mihi respondere posse, nisi fortè ita sensurus es, ut me referre gratiam putes, cum memoriâ tenebo.

Miraris, scio, quid sit, quod cum doctissimam Epistolam cum magnifico munere ad me dederis, nihil ad te scripserim, ut ex nostris saltem literis cognosceres, quàm grato ob ea, quæ fecisti, essem in te animo.

Sed tu quid miraris? defuerunt, si nescis, mihi verba, quibus tibi meritas agerem gratias, atq; hodiè defunt. Præstat tibi animus quod potest, gratam omnium tuorum in me beneficiorum memoriam, vultq; tibi debere quàm maximè.

Jam non ago tibi gratias: cui enim re vix referre possum, huic verbis non patitur res satisfieri.

Immortales tibi ago gratias, agamq; dum vivam,

Ago



Ago tibi gratias immortales, singulares, mirificas, incredibiles.

Pro operâ tam diligenter navatâ gratiam habeo, ut debeo, maximam.

Quod meum negotium tibi cordi fuerit, & res nostras tam officiosè curas, deamo te, & gratiam habeo, ut debeo, maximam.

Equidem gratiam & habeo, & habiturus sum, quoad vivam, maximam.

Quibus tibi verbis gratias agam non repeno. Sunt enim in te omnia augustiora illustrioraq; , quàm quo conatûs mei infirmitas aspirare possit. Ita cùm parem benevolentiam navare non possim, studium tibi meum vel agnoscendo, vel radicando beneficio libenter declarabo.

Quamquam libenter tibi & gratissimo animo gratias habeo: tamen tamen studium, quod mihi in rebus meis omnibus, conservandis plurimùm detulisti, non tam mihi novum atq; jucundum, quàm gratum & necessarium fuit.

Et si nullâ oratione par tuis meritis gratia haberi, potest: malo tamen tuis me beneficiis visum confiteri, quàm eorum, quæ accepim, dissimulatione haberi ingratus.

Multis in rebus cognitum mihi est, quotidie pro meâ dignitate fideliter atq; honorifice

ficè à te dici fieriq; multa: nihil tamen mihi ex omnibus beneficiis gratius fuit, quàm quod &c.

Si parentes charissimos habere debemus; quòd ab illis nobis vita tradita sit; debeo tibi quoq; plurimum. Cujus beneficio in amplissimum honoris gradum sum adductus. Nam neq; gratior cuiquam vita, quàm honos esse debet. sine quo omnis ignobilis, obscura, & ingrata est vivendi ratio.

Si putarem ad referendam gratiam vel prædicandam satisfacere me posse, multis tibi verbis gratias agerem. Nunc verò cum nostra amicitia perpetuaq; benevolentia verbis crescere non possit, nolo in prædicandâ tuâ benignitate officiosus videri.

Cum meritorum tuorum amplitudinem mutuo officio amplecti nequeam, non putavi committendum mihi esse, ut agendis gratiis beneficium reponere videar voluisse.

Quod meam dignitatem quibus potuisti verbis amplissimis ornasti, habeo gratiam.

Facere non possum, quin in singulas res meritaq; tua tibi gratias agam; sed me hereulè facio cum pudore: neq; enim tanta necessitudo, quantam tu mihi tecum esse voluisti, desiderare videtur gratiarum actio-

nem.

nem, neque ego libenter pro maximis tuis beneficiis tam vili munere defungor orationis, & male præsens observantiâ, indulgentiâ, assiduitate memorem me tibi probare.

Utinam illum diem videam, cum tibiagam gratias!

Ago ingentes tibi gratias, quòd virtute, consilio, prudentiâ tuâ periculis sum maximis liberatus; Et quod tuâ operâ forti, fidelique sæpius usus sum, meritò ac jure te laudo.

Si pro vestris beneficiis in me immortalibus parùm vobis cumulatè gratias egero, quælo obtestorque; ne meæ naturæ potius quàm magnitudini vestrorum beneficiorum id tribuendum putetis: quæ enim potest existere tanta ubertas ingenii, quæ tanta dicendi copia, quod tam divinum atque incredibile genus orationis, quo quis possit vestra in me promerita, non dicam, complecti oratione; sed percensere numerando?

Quæ vis ingenii, quæ magnitudo observantiæ tot tantisque beneficiis respondere poterit?

Quibus officiis tua beneficia remunerabo?

Gratias agere tibi satis ornatè nullo modo possum.

Vereor

Vereor ne eodem tempore in omnes gratus possim videri: Etenim cum omnibus me affectum fuisse virtutibus cupiam: Tamen nihil est, quod malim, quàm me & gratum esse, & videri: Hæc est enim una virtus; non solum maxima: sed etiam mater reliquarum virtutum.

Quamquam tibi gratia tanta referri non potest, quanta debetur, habenda tamen est, quantam maximam animi nostri capere possunt.

Ita fato nescio quo contigisse arbitrer, ut tibi ad me ornandum semper detur facultas, mihi ad remunerandum nihil suppetet præter voluntatem.

Cæteris omnibus vinci me patiar, certe benevolentiam mutua non cedam. Nam (ut rectè dixit Plinius) *vinci in amore turpissimum est.*

Quod audio te istic pro meâ dignitate fortiter digladiari, nihil quidem adfertur novi, sed tamen hoc audio libentiùs, quò sapiùs.

Quod referre gratiam, ita ut volebam, non possum, fortunæ debes imputare. Hoc quod mihi reliquum est, te amabo, te colam, te venerabor: Mea enim mihi fortuna eripere potuit, me ipsum non potuit.



Quare si mihi vita contigerit, omnes gratias amicitias atq; pias propinquitates in tuâ observantiâ, studio, indulgentiâ, assiduitate vincam.

Hoc certè tibi polliceor, me omnia, quæ ad tuam dignitatem augendam pertinebunt, summo semper studio suscepturum & defensurum.

Tibi igitur, quòd sic de me sis meritis, persvadeas velim, in tua me voluntate perpetuò futurum, nullamq; rem esse minimam, quæ ad te pertineat, quæ mihi carior non sit, quàm meæ res omnes: Idq; cum sentiam, sedulitate mihi met ipsi satisfacere possum, re quidem ipsâ ideò mihi non satis facio, quòd nullam partem tuorum meorum non modò referendò, sed ne cogitandâ quidem gratiâ consequi possum.

In rebus tuis me omnibus pari studio & voluntate, qua fortunas meas auxisti, futurum cognosces: Nec modò gratiam habiturum, sed etiam cumulatissimè redditurum.

Si, quibus te rebus ornare possim, mihi significaveris, reddam cumulatè debitum tibi officium, nullaq; mihi tui amplectendi colendiq; voluntas deerit.

Si qua mihi detur occasio, res tuas amplif.

plificandi, elaborabo, omnes ut intelligant, à me habitam esse rationem cum beneficii, tum dignitatis tuæ.

In ferenda gratia hoc tibi repromitto, semperq; præstabo, mihi neq; in rebus tuis augendis diligentiam, neq; in periculis propulsandis animum, neq; in negotiis industriam, neq; in amicitia constantiam fidemq; tibi defuturam meam.

Verbulo duntaxat significato, quo genere officii queam tibi gratum facere: nisi id summâ cum alacritate protinus aggrediar, nomen meum inter ingratos scribito.

Ne levi quidem officio unquam te demerui, & utinam esset aliquid, in quo declarare possim, & animum agnoscentem tua beneficia, & voluntatem reponendæ gratiæ cupidam.

Tuum admirabilem in me favorem ac studium multis jam argumentis habeo perspectum & exploratum, quod si facultas esset par animo, sentirens te tantum beneficiorum, haud quaquam penes ingratum collocasse.

Suspecta quædam res est, verbis beneficium rependere: Tu si mei in te animi periculum facere velis, aliquid vicissim munus imponere: nullam sarcinam tam gravem,

tam molestam injeceris, quæ mihi tuâ causâ non levissima, non etiam jucunda videatur.

Licet profectò ob alia multa in me beneficia tuæ liberalitati gratias agam: Maxime tamen hujus rei gratiâ, qua me impensius exoteris omnibus adjuvisti.

Sed ut unde orsa est oratio, eodem terminetur; maximas tibi gratias ago, majores etiam habeo: Nam relaturum me affirmare non possum.

*Agere gratias*, sit verbis: *Habere gratiam*, animo: *Referre gratiam & gratias*, sit opere.

RESPONSIO AD EPISTOLAM  
Gratiarum actricem.

**A**Genti gratias respondebimus, non mirari nos; sed vehementer gaudere, grata illi esse officia nostra, cum hominem omnium gratissimum cognoverimus, idque nunquam nos destitisse prædicare, dolere quòd plura pro amico facere nobis non licuerit.

Recipiemus tamen illius dignitatem indies, majori nobis curæ futuram, licet adeo  
eam

eam amplificatam esse sciamus virtutibus  
suis, ut vel nihil, vel parum [addi posse vi-  
deatur.

Præterea tantam inter amicos necessitudi-  
nem nullam desiderare gratiarum actionem  
scribemus, nec eam nos unquam expectas-  
se: Imò si mutua fuerunt beneficia, (ut ma-  
jorem captemus benevolentiam) illum non  
gratiam modò habuisse, verùm etiam cu-  
mulatissimè retulisse dicemus.

Quæ ille amplificando exaggeravit, nos  
aut modestè verbis extenuabimus, aut inter-  
mitti non potuisse, ostendemus.

Collocatio autem ita instituitur, ut princi-  
pem locum habeat, laus reificationis animi  
grati, & significatio lætitiæ voluptatisque  
inde perceptæ.

Hanc sequatur Propositio, officii ac studii  
novi & voluntatis promptæ delationem con-  
tinens.

Eandem excipiant aut rationes, quibus  
adducti gratificari amicis volumus, aut ap-  
probationes illorum, quæ ab iisdem facta aut  
dicta.

Conclusio absolvatur vel cohortatione,  
vel promissionis renovatione.

Exemplum responsionis ad Epistolam  
gratiarum astrictam, observatum in Epist.



79. lib. X. ad Famil. qua Cicero Plancio, quam sibi jucunda animi grati atq; memoris exstiterit significatio, ostendit: Et, ne de eadem dubitasse videatur, comparatione facta jucundam quidem semper, at illustriorem nunquam fuisse affirmat, quæque ab eo scripta senatui placuisse indicat. Deniq; adhortatione ad Reipublicæ studium, finem Epistolæ imponit.

**Q**uamquam gratiarum actionem à te non desiderabam, cum te re ipsa, atq; animo scirem esse gratissimum: Tamen (fatendum est enim) fuit ea mihi perjucunda. Sic enim vidi quasi ea, quæ oculis cernuntur me à te amari. Dices quid antea? Semper equidem, sed nunquam illustrius. Littera tua mirabiliter grata sunt senatui, cum rebus ipsis, quæ erant gratissima & maxima fortissimi animi summique consilii: tum etiam gravitate sententiarum atq; verborum. Sed, mi Plance, incumbe, ut belli extrema perficias. In hoc erit summa & gratia & gloria. Cupio omnia Reip. causâ: sed mehercule in ea conservanda jam defatigatus, non multo plus faveo patriæ, quàm tua gloria, cujus maximam facultatem tibi dii immortales, ut spero, dedere: Quam complectere obsecro. Qui enim Antonium oppresserit, in hoc totum maximum bellum periculosissimumque confecerit.

409 DE CONSCRIBENDIS

† IMITATIO HUIUS EPISTOLÆ,  
*qua ei, qui promotus à nobis gratias per  
 literas egit, responde-*  
*mus.*

**E** T si gratiarum à te actionem ne-  
 que exspectabam, neq; deside-  
 rabam, cum esse te gratissimum jam  
 antè cognitum perspectumq; ha-  
 berem: Tamen (dicam enim quod  
 res est) perquam ea grata accepta-  
 que mihi extitit. Inde enim amari  
 me abs te, & non amari leviter &  
 vulgariter, intellexi. Quid, inqui-  
 es, amorem in te meum hætenus  
 nunquamprehendisti? Depre-  
 hendi semper: Sed nullo unquam,  
 quàm hoc tempore illustrius. Ex  
 amoris enim abundantia illam esse  
 profectam laudem atq; commen-  
 dationem beneficii video, quod in  
 te est à me nuperrimè collatum. Si-  
 mul etiam dicendi artem, cui ope-  
 ram hætenus dedisti, egregiè tene-

re te intelligo, dum, quæ parva sunt  
& minutula beneficia summis in  
cælum usq; laudibus evehis. Atq;  
ut utrumq; mihi longè est gratissi-  
mum: & quod amori hîc in me tuo  
plusculum tribuis: & amplificato-  
riè magis, quàm verè scribis: Ita o-  
peram daturus sum sedulò: ut &  
deinceps ad tua me procuranda  
provehendaque commoda prom-  
ptum paratumq; semper fuisse sen-  
tias. Literæ tuæ domum missæ mi-  
rabiliter gratae acceptæq; non mihi  
solum, tuisq; parentibus, & amicis:  
verùm etiam aliis viris, doctis &  
prudentibus fuere: propter & ver-  
borum elegantiam ac puritatem: &  
sententias pias, graves, eruditæ,  
quibus conditæ illæ fuerunt. Itaq;  
jam nihil reliquum esse videtur ali-  
ud, nisi in id sedulò incumbas: ut  
quàm Deus Optimus Maximus pa-  
randæ gloriæ est & bonorum viro-  
rum

rum colligendæ gratiæ facultatem  
 tibi largitus; eam è manibus efflue-  
 re tibi ne patiaris, sed complectaris  
 constanterq; retineas. Erit hoc pa-  
 rentibus tuis & familiæ toti gra-  
 tum: Mihi, quem hujus tu fortunæ  
 extitisse vis autorem, jucundum:  
 Tibi verò cum primis necessarium  
 cum alias ob causas, tum propter  
 hominum maximè invidiam atque  
 obtreddationes, quas plerunq; hoc  
 experiri tempore ii solent, quos  
 mitior paullò leniorq; afflare aura  
 videtur. Vale.

## AD GRATIARVM ACTIO-

*nem respondendi for-  
 mula.*

**M**Ajor est nostra necessitudo, quàm ut vel  
 tu mihi, vel ego tibi, pro ullo officio de-  
 beam gratias agere.

Non est cur mihi gratias agas, si pro tot  
 tuis in me beneficiis hoc officiosi rependi.

Quod grata tibi mea erga te studia scribis  
 esse, facis tu quidem abundantia quadam



amoris, ut etiam grata sint ea, quæ prætermitti sine nefario scelere non possunt.

Officium meum erga Rhodonem, ceteraq; mea studia, quæ tibi actus præstiti, tibi homini gratissimo, grata esse vehementer gaudeo, mihiq; citò indies majori curæ esse dignitatem tuam, quæ quidem à te ipso integritate, & clementiâ tuâ sic amplificata est, ut nihil addi posse videatur.

## DE GRATULATORIA

*Epistola.*

**G**ratulatoria Epistola illa habetur, qua amico de rerum successu prospero, de rebus benè præclareq; gestis, de honore, de dignitate, aliisque, gratulamur: Et eidem, ut, quod affecturus est, felix, faustum, diuturnum sit, precamur.

Ostendendum hîc ea, quorum causâ amico gratulamur, esse præclara: expetita à multis: impetrata à paucis: contigisse citò: contigisse temporibus difficillimis: & contigisse consentientibus, vel omnibus, vel saltem bonis, & prudentibus. Addemus etiam, non dubium nobis fuisse, quin illam affecturus esset rem, cum multò etiam majora ejus merita postulent. Inferemus nonnunquam adhortationem, ut & nostram testemur

mur in illum amorem, & magis hominem ad virtutes, & res præclarissimè gerendas inflammamus.

In *Exordio* lætitiæ ex secundis amici rebus percepram significabimus: aut institutæ gratulationis occasionem narrabimus: aut seram gratulationem excusabimus: aut cum mixta est epistola, gratulatio erit in principio.

*Propositio* gratulationem, si nondum expressa sit, continet: vel votum habet & præcationem, ut res felicissimè amico eveniat: vel adhortatione sit, ut prudenter amicus omnia moderetur.

Tertia pars *Confirmatio* est, quæ gratulationis institutæ rationes complectetur: petitas, vel à causa efficiente rei, qua de gratulamur amico: vel à rei ipsius conditione: vel à temporis ratione: vel à personæ, cui gratulamur amicitia, sanguinis conjunctione, affinitate, ingenio, doctrinâ, moribus, beneficiis: vel à prudentissimorum iudicio.

*Conclusio* absolvitur aut nostræ benevolentia, studii, officii pollicitatione: aut adhortatione ad partorum, vel conservationem, vel usum rectum & laudabilem, vel amplificationem: vel petitione, ut nos aliosq; sibi amicos habeat.

*Exem-*

Exemplum gratulatoriæ Epistolæ, observatum in Epist. 7. lib. II. ad Fam. - qua de Tribunatu Curioni gratulatur Cicero. Cujus epistolæ partes sunt quatuor: *Exordium*, in quo seram gratulationem excusat, ejusdemq; causam in loci intervallum transfert. *Propositio*, quæ gratulationem, cum adhortatione conjunctam continet. *Confirmatio* argumentis constat, quibus ad diligentiam & constantiam Curionem Cicero hortatur. *Conclusio* petitione absolvitur.

*S*era gratulatio reprehendi non solet, præsertim si nullâ negligentia prætermissa est: Longè enim absum; audio serò. Sed tibi & gratulor: & ut sempiterna laudi tibi sit iste Tribunatus, exopto: teq; hortor, ut omnia gubernes & moderere prudentia tuâ, ne te auferant aliorum consilia. Nemo est, qui tibi sapientius suadere possit, te ipso: nunquam labere, si te audies. Non scribo hoc temerè: cui scribam, video: Novi animum, novi consilium tuum. Non vereor, ne quid timidè, ne quid stultè facias: Si ea defendes, quæ ipse recta esse senties. Quod in id Reipub. tempus non incideris, sed veneris (iudicio enim tuo, non casu in ipsum discrimen rerum contulisti Tribunatum tuum) profectò vides, quanta vis in Rep. temporum sit, quanta varietas rerum, quàm incertè exitus, quàm flexibiles hominum voluntates: Quid in-  
sidia-



fidiarum, quid vanitatis in vita sit, non dubito, quin cogites. Sed amabo te, cura & cogita, nihil novi, sed illud idem, quod initio scripsi: Tecum loquere: Te adhibe in consilium; Te audi; Tibi obtempera. Alteri qui melius dare consilium possit, quam tu, non facile inveniri potest. tibi verò ipsi certè nemo melius dabit. Dii immortales! Cur ego non adsum, vel spectator laudum tuarum, vel particeps, vel socius, vel minister consiliorum? Tamen hoc minime tibi deest: Sed tamen efficeret magnitudo & vis amoris mei, consilio te ut possem juvare. Scribam ad te plura alia; paucis enim diebus eram missurus domesticos tabellarios: ut, quoniam sanè feliciter & ex meâ sententiâ Remp. gessimus, unus literis totius æstatis res gestas ad senatûm perscriberem. De sacerdotio tuo quantâ curam adhibuerim, Quamq; difficili in te atq; causa, cognosces ex iis literis, quas Thrasoni liberto tuo dedi. Te, mi Curio, ipsâ tuâ incredibili in me benevolentia, meaque item in te singulari, rogo atq; oro, ne patiari mihi quicquam ad hanc provincialem molestiam temporis prorogari. Præsens tecum egi, cum te Tribunum Pl. in isto anno fore non putarem: Itemq; petivi sæpè per literas, sed tûm quasi à senatore nobilissimo, & adolescente gratiosissimo: nunc à tribuno pleb. & à Curione trib. non ut decernatur aliquid novi, quod solet esse difficilius; Sed ut ne quid



416 DE CONSCRIBENDIS

novi decernatur; Et ut S. C. & leges defendas;  
Eaq; mihi conditio maneat, quâ profectus sum.  
Hoc te vehementer etiam atque etiam rogo.  
Vale.

† IMITATIO. HUIUS EPISTOLÆ,  
qua uti possumus, cum amico, cui conditio hone-  
sta atq; splendida, vel in Principis alicujus aulâ:  
vel Repub. vel Ecclesiâ, vel Scholâ contigit, gra-  
tulari, eundemq; hortari volumus, ut rectè in  
illa laudabiliterq; suo munere  
perfungatur.

Sera, modò vera, nec negligentia  
Squadam fuerit prætermissa gra-  
tulatio bonorum virorum effugere  
reprehensionem solet. Itaq; & mi-  
hi post festum, quod ajunt, venienti  
ignosces, idque tabellariorum par-  
tim penuriæ, partim itineris lon-  
ginitati tribues. Gratulor au-  
tem tibi, & ex animo gratulor, de  
loco, quem illustrissimi Principis in  
aulâ consecutum te esse audio: Et  
ut tibi tuisq; laudi, emolumento,  
aliis honos sit iste, precor: simul  
etiam,

etiam, etsi nec meâ, nec cuiusquam  
alterius opus cohortatione habe-  
as, pro singulari meo in te amore  
etiam atque etiam te hortor : Ut  
quem sis in locum evectus, & quid  
ab te requiratur, consideres. Ma-  
gnus est honos à consiliis esse Prin-  
cipi : ad negotia ardua ; delibera-  
tiones adhiberi gravissimas. Sed  
habet honos iste, crede mihi, onus  
non parvum. Multa hîc requirun-  
tur, quæ, si abînt, cum turpitudi-  
ne atque dedecore honorem com-  
mutant : Prudentia in consiliis : in  
sustinendis laboribus industria :  
pietas, religio, fides in sententia  
dicenda : in contemnendis homi-  
num offensionibus, vel etiam peri-  
culis, animi magnitudo, & constan-  
tia singularis. Non temerè scribo,  
quæ scribo : ad quem etiam scri-  
bam, scio : Est perspectus tuus  
mihi animus, ingenium cogni-  
tum,

tum, explorata morum probitas. Sed ipse profectò intelligis, cuiusmodi in tempora, non incideris, sed veneris: Rerum vis quanta: Quanta negotiorum multitudo & varietas: Quàm inconstantes ac flexibiles hominum sint voluntates! *Quot bonis insidiae struantur in aula, non ignoras.* Itaq; amabo te, unicum hoc vide, *ne cui nimium fidas, neq; quid ab aliis fiat, sed quàm illud fiat rectè & honestè, consideres.* Te, non alios, audio tecum loquere: Nec aliorum te vel consiliis, vel exemplis, à pietate, honestate, iustitia auferri sine. Utinam res ita meæ ferrent, ut coràm tibi gratulari, dignitatis tuæ esse spectator. De multis iisdemq; necessariis rebus tecum colloqui possem. Sed quoniam, hoc quidem tempore, fieri illud nequit: Hasce, ex amoris vi atque magnitudine profectas literas, boni

boni consules. Deinde pro tuo singulari in me amore, res tibi meas commendatas habebis: De quibus & præsens tecum: & post per literas sapius egi. Sed tum, ut cum adolescente docto & valde gratio-  
so: nunc ut cum consiliario Principis potentissimi. Neq; quod esse difficilius solet, novum hîc aliquid, aut singulare & præcipuum; sed illud peto, quod jam antè multis aliis concessum, à legibus etiam permissum est. Tu modo cave ne illud; *Honores mutant mores*, de te quoque usurpari queat: & dignitates illæ aulicæ aliam, quasi in scena te personam induere faciant. Vale.

Exemplum alterum Gratulationis observatum in Epist. 16. lib. XII. ad Fam. quâ Trebonius Ciceroni de filii studiis, & virtutibus egregiis gratulatur. Cujus *Exordium* narratione, & institutæ gratulationis occasione constat. *Propositio* gratulationem, & lætitiæ significationem continet. *Confirmatio*



zio, ejusdem aliquot rationes adfert, & ne quid auribus Ciceronis videatur dare, occupationem præmittit Trebonius. Conclusio gratulationis repetitione, studiorum & officiorum delatione absolvitur, quod enim ad scriptum quoddam, & ad petitionem Trebonii, ut Cicero sui in scribendo memor sit, attinet, ab ea gratulatione remorum est.

**S. V. R. E. E. Q. V.** *Athenas veni ad XI. Calend. Iunias, atq; ibi, quod maximè optabam; vidi filium tuum deditum optimis studiis, summâq; modestia famâ, qua ex re quantam voluptatem ceperim, scire potes etiam me tacente. Non enim nescis, quanti te faciam, & quàm pro nostro vetterrimo, verissimog; amore, omnibus tui etiam minutis commodis, non modò tanto bono, gaudeam. Noli putare, mi Cicero, me hoc auribus tuis dare, nihil adolescente tuo, atq; adeò nostro (nihil enim mihi à te potest esse sejunctum) aut amabilius omnibus iis, qui Athenis sunt, est, aut studiosius earum artium, quas tu maximè amas, hoc est optimarum: Itaq; tibi quod verè facere possum, libenter quoq; gratulor: Nec minus etiam nobis, quod eum, quem necesse erat, diligere quavisque esset, talem habemus, ut libenter quoq; diligamus. Qui cum mihi in sermone iniecisset, se velle Asiam visere, non modò invitatus; sed etiam ro-*

gatus est à me, ut id potissimum nobis obtinen-  
tibus provinciam faceret, cui nos & charitate &  
amore tuum officium prestaturos, non debes dubi-  
tare. Illud quoque erit nobis cura, ut Cratippus  
una cum eo sit, ne putes in Asia seria tum illum  
ab iis studiis, in qua tuà cohortatione incitatur,  
futurum. Nam illum paratum ut video, & in-  
gressum pleno gradu, cohortari non intermitte-  
mus, quo indies longius, discendo exercendoque, se,  
procedat. Vos quid ageritis in Repub. cum has  
litteras dabam, non sciebam: audiebam quadam  
turbulenta, qua scilicet cupio esse falsa, ut aliquan-  
do otiosa libertate fruamur, quod vel minimè ad-  
huc mihi contigit. Ego tamen nactus in navi-  
gatione nostra pusillum laxamenti, concinnavi  
tibi munusculum ex instituto meo: & dictum,  
cum magno nostro honore à te dictum condidisti, &  
tibi infra subscripsi. In quibus versiculis si tibi  
quibusdam verbis à Juppiteri videretur: tur-  
pitudine persona ejus, in quam liberius invehimur,  
nos vindicabit. Ignoscet etiam iracundia nostra,  
qua justa est, in ejusmodi & homines & cives.  
Deinde, qui magis hoc Lucilio licuerit assumere  
libertatis, quam nobis? Cum etiam si odio pari  
fuerit in eos, quos laesit, tamen certè non magis  
dignos habuerit, in quos tantà libertate verbo-  
rum incurreret. Tu, sicut mihi pollicitus es,  
adjunges me quàm primum ad tuos sermones.

Nemq.

## 422 D'E CONSCRIBENDIS

*Namq; illud non dubito, quin, si quid de interitu  
 Caesaris scribas, non patiaris me minimam par-  
 tem & rei & amoris tui ferre. Vale, & matrem  
 meosq; tibi commendatos habe.*

D. VIII Cal. Jun. Athenis.

† IMITATIO HUIUS EPISTOLÆ,  
*institui potest hoc modo.*

**L**ipsiam veni ad 16. Cal. Julii atq;  
 tibi, quod in votis ego optatis-  
 que maximè habebam, filium tuum  
 inveni, bonarum artium studiis de-  
 ditum: summæ pietatis, modestiæ;  
 diligentia, famæ: earum Academia  
 professoribus: Jucundum condisci-  
 pulis: Acceptum iis, quorum tecto  
 ille mensaq; utitur: gratum omni-  
 bus: invisum nemini: Quæ sanè res  
 quantam mihi lætitiâ atque vo-  
 luptatem pepererit, vel tacente  
 me, intelligere potes. Amore enim  
 te singulari complector: fero in o-  
 culis, observo, facio plurimi, quod-  
 que verorum est amicorum pro-  
 pri-



prium etiam minimis tuis commodis, nedum tantâ felicitate gaudeo. Nôsti meum ingenium : scis me non auribus cuiusquam servire, aut ad gratiam loqui. Quare mihi affirmanti hoc crede : Nihil adolescente tuo, atq; adeò nostro (*sunt enim amicorum omnia communia*) aut amabilius iis, qui Lipsiæ nunc studiorum gratiâ commorantur : aut studiosius earum artium atq; disciplinarum, sine quibus solida parari eruditio nullo modo potest. Itaque quod facere verè possum, & facio libenter de dono præclaro & raro, filio scilicet benè cùm literato, tum morato tibi gratulor. Nec minùs quoq; mihi, quod eum, quem, quia tuus, viri clarissimi, deq; me præclare meriti filius, necesse erat amare, talem nunc esse video: ut non solùm meâ, verùm etiam omnium bonorum doctorumq; virorum dignus



gnus benevolentia sit. Cum etiam  
 à me convivio exceptus, in sermo-  
 ne inieciſſet, Galliam ſe viſere cu-  
 pere, monitus à me eſt: Ut ſi pace  
 hoc tuâ, bonâq; fieri gratiâ poſſet,  
 id eo tempore potiſſimum, quo  
 eandem ego luſtrarem, faceret,  
 Neq; dubitare te velim: Omnia a-  
 moris, benevolentia, humanitatis  
 officia me ei præſtiturum: Illud  
 quoq; curaturum, ut præceptor illi  
 doctus & fidelis adjungatur: Ne,  
 quod fieri non raro ſolet, remoto  
 cuſtode, aut à pravis ſodalitiis cor-  
 rumpatur, aut alioſum iis à ſtudiis  
 abducatur, in quæ tuis cohortatio-  
 nibus incitatur, jam etiam pleno  
 eſt gradu ingreſſus. Quod reli-  
 quum eſt, Deum Opt. Max. rogo:  
 ut, quoniam plerunq; ingenia præ-  
 cocia nimis, antè, quàm ad fructus  
 perveniant, & in ipſo quaſi ætatis  
 exſtingui ſolent flore, lucis hujus  
 uſu.

usuram diuturnam ei concedere dignetur. Hoc si erit: dubium non est ullum, quin singulari aliquando, tibi gaudio: ornamento familiaræ: Rei verò publicæ usui atq; emolumento futurus sit. Quo res essent vestræ in loco cùm hæc exarabam literas, ignorabam. Rumores quidem hic de vobis spargebantur tristes: sed ~~addeat~~ & jam rauci sunt facti. Itaq; falsos, & fuisse existimo: & esse cupio. Tu tamen si curâ me & solitudine liberare magnâ volueris, de omnibus ad me primo quoq; tempore scribes, &, quod facis, me meaq; studiâ commendata tibi habebis. Vale.

## GRATVLANDI

Formula.

**P**Rimum tibi (ut debeo) gratulor, lætorq; tum præsentî, tum etiam speratâ tuâ dignitate, seriùs non negligentia meâ, sed ignorantia rerum omnium; In his enim sum  
locis.

locis, quò, & propter longinquitatem, & propter latrocinia, tardissimè omnia perferruntur.

Gratulor tibi, mi Balbe, verèq; gratulor: Nec sem tam stultus, ut te usurâ falsi gaudii frui velim, deinde frangi repentè, atque ita cadere, ut nulla res te ad æquitatem animi postea possit ex tollere.

Gratulor tibi affinitatem viri, mediussidius optimi.

Qua in re gratulor tibi ita vehementer, ut te quoq; mihi gratulari, quàm gratias agere malim: Alterum non omninò desidero: Alterum verò facere poteris.

Nuncius neque optatior neque jucundior adferri potuit, quàm qui nuper est de novâ dignitate tuâ allatus.

Lucium tibi generum obtigisse, majorem in modum gaudeo: speroq; & opto, istam conjunctionem tibi & voluptati & ornamento fore.

Gratulor tibi, mi Bodeni, verèque gratulor, quod ex Italia salvum te ad nos recepisti.

Ex tuis literis, quibus te consulem declaratum significas, tantum cepi voluptatis, quantum te semper amavi.

Literæ tuæ suavissima, quibus te novis  
hono-

honoribus ornatum nuncias, tanta me lætitiâ impleverunt, ut prorsus dubitem, cui potissimum gratulari debeam: tibi ne, cui tanta dignitas nec petenti, nec cogitanti contigerit: An patriæ, quæ talem sit præsulem habitura: An principi, qui talem consiliarium: An mihi potius, qui tuis fortunis perinde ac meis delector?

Scio te istiusmodi ornamenta non desiderasse, & ita prorsus existimare, onus, non honorem tibi injectum. At tanto es isto honore dignior, quo delectaris minus, eoque magis virtuti tuæ gratulor.

Quod ex itinere difficilimo & diuturnâ peregrinatione patriæ sis redditus incolumis, tuo nomine ex animo gaudeo.

Rem tibi ex sententiâ tuâ evenisse, incredibile dictu, quantum læter.

Cave putes, te ipsum ex ista tua fortuna plus cepisse voluptatis, quàm ego ex literis tuis ceperim, quæ me de nova dignitate certiores fecerunt.

Hæreditatem amplissimam, obvenisse volupe est: te tam certis, tam charis amicis orbatum esse, non nihil doleo.

Ego absuisse te jam diu à nobis, & doleo, quòd carui fructu jucundissimæ consuetudinis tuæ: Et lætor, quòd absens omnia cum  
T maxi-



428 DE CONSCRIBENDIS

maximâ dignitate es assecutus, quodque in omnibus tuis rebus meis optatis fortuna respondet.

Omnes istam tibi excelsam & admirabilem rerum gestarum gloriam gratulantur, perpetuamq; tibi fore exoptant.

Cum in sruvissimi doctissimique hominis familiaritatem venisti, non dici potest, quàm valdè gaudeam,

Omnibus tuis etiam minimis commodis non modò tanto bono gaudeo.

Emissione te prædium vehementer gaudeo, feliciterque tibi rem istam evenire cupio. Eandem rem tibi volo benè & feliciter evenire.

Migrationem & emptionem feliciter evenire volo.

Eum honorem tibi Deos fortunare volo.

Ut sempiternæ laudi fuisse tibi Tribunatus, exopto.

De os quæsumus, consilia tua Reipub. salutaria fiant, ac tibi.

RESPENSIO AD GRATULATORIAM  
Epistolam.

IN responsionis ad Gratulatoriam Exordio gratam tibi fuisse gratulationem, nec dubium ullum unquam tibi tempore fuisse dices,

quin

quā omni amicus afficeretur lætitiā, de omnibus tuis cū commodis, tūm honoribus, significabis: vel paucis gratulationem ab amico institutam repetes.

In *Propositione* gratulationis prædicationem & gratiarum actionem institues.

In *Confirmatione* rationes adferes, cur aut grata tibi acceptaq; sint amicorum gratulationes, aut cur admitti non possint. Hic, ne, quod stultorum est proprium, tibi ipsi placere videaris, extenuabis & corriges id, quod honorifice de te ab amico est perscriptum.

In *Conclusionē* omnia benevolentiz, humanitatis, gratitudinis officia amico deferres, & eundem rogabis, ut p̄petuū in te benē affectus esse velit.

Exemplum responsionis ad Gratulatoriam Epistolam observatum in Epist. 6. lib. XV. ad Fam. qua Catonis de oblatiis honoribus, gratulationi Cicero respondet. Partes habet quatuor. *Exordium* lætitiæ, ex gratulatione perceptæ significationem continet. *Propositio* gratulationis prædicationem habet. *Confirmatio* rationibus, partim ipsam gratulationem, partim institutum probantibus constant. *Conclusio* petitione conficitur.

**L**ætuus sum laudari me (inquit Hæctor, opinor apud Naviu[m]) abste, pater, laudato viro. Ea est enim profectò jucunda laus, quæ ab iis proficiscitur, qui ipsi in laude vixerunt. Ego verò vel gratulatione literarum tuarum, vel testimoniis sententiæ dictæ nihil est, quod me non assecutum putem, idq[ue] mihi tum amplissimum, tum gratissimum, te libenter amicitia dedisse, quod liquido veritati dares. Quod si non modò unus, verum etiam multi Catones essent in civitate nostrâ, in qua unum exstitisse mirabile est, quem ego currum, aut quam lauream cum tua laudatione conferrem?

Nam ad meum sensum, & ad illud sincerum ac subtile iudicium, nihil potest esse laudabilius, quàm ea tua ratio, quæ est ad me perscripta à meis necessariis. Sed causam meæ voluntatis (non enim dicam cupiditatis) exposui tibi superioribus literis: quæ etiam si parùm iusta tibi visa est, hanc tamen habet rationem non ut nimis concupiscendus sit honos, sed tamen si deferatur à senatu, minime aspernandus esse videatur, Spero autem, illum ordinem pro meis ob Rempub. susceptis laboribus, non me indignum honore, usitato præsertim, existimaturum. Quod si ita erit, tantum à te peto, quod amicissimè scribis, ut, cum tuo iudicio, quod amplissimum esse arbitraris, mihi tribueris, si id, quod malucro, acciderit, gaudeas.

Sic



Sic enim fecisse te, & sensisse, & verius scripsisse video: Resq; ipsa declarat, tibi illum honorem nostrum supplicationis fuisse jucundum, quod scribendo affuiti. Hac enim S. C. non ignoro ab amicissimis ejus, cujus de honore agitur, scribi solere. Ego, ut spero te propediem video, atq; utinam Repub. meliore, quàm timeo. Vale.

† IMITATIO HVIVS EPISTOLÆ,  
fieri potest hunc in modum.

**A** Ccepi literas tuas perquàm & amanter, & humaniter ad me perscriptas: In quibus de munere, quod mihi contigit, gratularis. Quod quidem quantâ me lætitiâ voluptateq; affecerit, hisce explicare literis satis nequeo. Etenim si à laudato sese laudari viro Nævianus ille Hector gloriatur, recteque ex obscuri hominis ore profectas laudes sordidas fieri alius affirmat: quanti obsecro tuum, viri longè prudentissimi doctissimique, facere judicium me existimas? Equidem, vel gratulationem hanc tuam, vel



cujuscunque tandem instituti mei approbationem omnibus omnium laudibus atq; ornamentis antepono: Illa etiam, quæ in votis jam dudum optatisq; habui, consecutum me jam arbitror. Illud verò gratum cum primis jucundumq; mihi extitit: quod, dum ea mihi tribuis, quæ si agnoscerem, me profectò ipsum nosse non viderer, quanto me complectaris amore, haud obscure indicas. De eo igitur mihi gratulor; tibi gratias, quæ possum, ago maximas: Et ut ita in me sis animatus perpetuò, consiliis quoq; me juveas, etiam atq; etiam rogo. Cum enim ingenii mei viriumque imbecillitatem considero, & quæ temporum jam sit conditio, paulò, uti debeo, perpendo diligentius: Non possum non metuere, ne onere illo, quod humeris est meis impostum, opprimar. Sed voluntatis  
ego

ego meæ causas nuper tibi exposui, quæ etsi fortè minùs probantur omnibus, hanc tamen rationem habent: Ut non quidem vendendam meam operam aliis, aut munus aliquod & officium ambiendū: Sed tamen, si deferatur, non neglegendum esse existimem. Quia etiam semel iugo cervices submittere meas cæpi, in eo totus ero, ut non indignus loco illo judicer. Et si nihil aliud, saltèm fidem, integritatem, diligentiam meam viris bonis probem. Tu si (quod uni cæ pecto) ut honores meos summo tibi gaudio voluptatiq; esse ostendisti, ita commendatos eosdem deinceps habueris, & me jam antè multis nominibus tibi obligatum devinctum magis, obstrictumq; reddes: Et simul præclare de meis omnibus, atq; adeò Repub. totâ mereberis. Vale.

Quod mihi de filiâ, & de Crassipede gratularis, agnosco humanitatem tuam, speroq; & opto nobis hanc conjunctionem voluptati fore.

Binas à te accepi literas, Corcyrae datas: quarum alteris mihi gratulabare, quod audisses me meam pristinam dignitatem obtinere: Alteris dicebas, te velle, quæ egissem, benè ac feliciter evenire.

Quod mihi de eo, quod egerim, gratularis: te ita velle, certò scio: sed ego tam misero tempore nihil novî consilii cepissem, nisi in reditu meo nihilo meliores res domesticas, quàm Rempub. offendissem.

Gratulatio tua etsi mihi probatissima, quod ab optimo animo; tamen hoc mihi multò iucundius est, & gratius, quod in summa propinquorum ac necessariorum, qui merito meæ saluti faverent, frequentia, te cupidissimum mei, singularemq; mihi benevolentiam præstitisse cognovi.

Precor superos, ut hoc gaudium, quod nobis omnibus largiti sunt, perpetuum esse velint.

Quod mihi de nostro statu gratularis, mihi animè



nimè miramur de tuis, ut egregium artificem, præclaris operibus lætari.

Quod nos in Italiam salvos venisse gaudeas, perpetuò gaudeas velim.

Te gaudere certò scio, sed nimis verecundè mihi gratularis.

Grata mihi est & memoria tua nostræ conjunctionis, & ejus etiam augendæ voluntas.

Fuit mihi laudis nostræ gratulatio tua jucunda & timoris consolatio grata.

Gratissima mihi tua voluntas est, facisque nihil alienum necessitudine nostrâ.

### DE DEDICATORIA

*seu nuncupatoria Epistolâ.*

**D**edicatoria Epistola dicitur, qua librum aliquem quacunq; de materia à nobis scriptum, emendatum, vel commentariis explicatum, vel nostrâ saltem operâ typis excusum ad aliquem mittimus.

Duo ejusmodi Nuncupationum apud Ciceronem reperiuntur genera: *Vnum* quod sine Dedicatione, scriptorum expositionem continet: *Alterum*, quod certæ cujusdam personæ compellationem, aliq; habet, quæ

T s

in



in Dedicationibus & Nuncupationibus adhibenda sunt.

Ad primi generis tractationem quod attinet, ea ferè sic institui potest: Ut Primum teneat locum causarum expositio missi ad amicum operis: Hæ petuntur, vel ab amicorum voluntate, & petitionibus crebris: vel ab otio concesso: vel à temporum conditione: vel à materiæ utilitate.

Sequatur Deinde vel Methodi significatio, vel occupatio, quæ excuset aut difficultatem & obscuritatem in scribendo, aut libertatem & acerbicatem, aut tarditatem.

Postremò jungatur, vel ad operis lectionem assiduam, similiaq; studia colenda, tractanda, absolvenda, adhortatio: vel aliorum operum fiat pollicitatio. Studendum hîc modestiæ; adhibendæ extenuationes: Ne nostra amare, aut arroganter nimis multa polliceri videamur.

Exemplum missionis operum, observatum in Epist. 8. lib. IX. ad Fam. qua libros suos Academicos Varroni Cicero mittit, eundemque monet, ut de Latina lingua inchoates libros absolvere, & ad se mittere velit. Cujus prima pars causarum expositionem continet, cur Academicos ad Varronem libros mittat. Altera methodi instituta & per-

personarum, quibus sermo in dialogo tribuitur, rationes complectitur. Tertia partim cohortatione ad excolenda, & vel similia, vel alia tractanda: partim aliorum scriptorum pollicitatione, constat. Postrema voto absoluitur, ut scilicet benè feliciterq; emptio & venditio eveniat.

**E**T si munus flagitare, quamvis quis ostenderit, ne populus quidem solet, nisi concitatus: Tamen ego expectatione promissi tui moveor, ut admoneam te, non ut flagitem. Misi autem ad te quatuor admonitores non nimis verecundos, Nasti enim profectò os ejus adolescentioris Academia. Ex ea igitur media excitatos misi: qui metuo, ne te forte flagitent: Ego autem mandavi, ut rogarent. Expectabam omnino jam diu, meq; sustinebam, ne ad te prius ipse quid scriberem, quam aliquid accepissem, ut possem te remunerari quam similimo munere. Sed cum tu id tardius faceres, id est, ut ego interpretor, diligentius: Teneri non potui, quin conjunctionem studiorum, amorisq; nostri, quo possem, literarum genere, declararem. Feci igitur sermonem inter nos habitum in Cumano cum esset unà Pomponius. Tibi dedi partes Antiochianas, quas à te probari intellexisse mihi videbar: Mihi sumpsi Philonis. Puto fore, ut, cum legeris mirere, id nos locutos esse inter nos, quod nunquam locuti sumus: sed nōsti

morem dialogorum: Posthac autem, mi Varro, quam plurima, si videbitur, & de nobis, & inter nos: serò fortasse: sed superiorum temporum fortuna Reip. causam sustineat. Hac ipsi prestare debemus. Atq; utinam quietis temporibus, atq; aliquo si non bono, at saltem certo statu civitatis, hac inter nos studia exercere possemus. Quamquam tum quidem vel alia quapiam rationes, honestas nobis & curas & actiones darent. Nunc autem quid est sine his cur vivere velimus? mihi verò cum his vix ipsis, his autem detractis, ne vix quidem. Sed hac coram, & sapius: Migrationem & emigrationem tibi feliciter evenire volo, tuumq; in ea re consilium probo. Cura ut Valens.

# † IMITATIO C. H. V. I. S. EPISTOLÆ.

quā Cui possumus cum Orationes à nobis confectas amico mittemus, eundemq; ut par parireferat, hortamur.

**E**T si munus postulare, quamvis quis promiserit, hominis parum prudentis atq; verecundi esse videatur; tamen scriptorum tuorum desiderio moveor, amicos tibi hosce ut mittam, qui te non flagitent;



tent: Sed moveant ac rogent, ut  
 promissis te exsolvas atque liberes.  
 Expectavi sanè jam diu aliquid &  
 quidem Sophocleum, teq; omninò  
 dignum: neq; antè ad te mittere a-  
 liquid volui, quàm à te aliquid ac-  
 cepissem: ut scilicet *αὐτίδ' ἔσπον* à me a-  
 liquod haberes. Quia verò illud  
 tardius, hoc est, ut ego interpretor,  
 diligentius facis: & priusquam in  
 hominum venire manûs tua sinas,  
 incudi sæpè reddis atq; expolis Ini-  
 tium facere atq; illud: *manum de ta-*  
*bulâ*, in memoriam tibi revocare  
 volui. Scripsi igitur aliquot ora-  
 tiones contrarias, inq; iis quæ ple-  
 riquè laudant, omnia improbavi.  
 Arbitror fore, ut, eas ubi legeris,  
 institutum hoc meum mirere: sed  
 nôsti morem ac consuetudinem  
 Scholarum Rhetoricarum, in qui-  
 bus exercitationis gratiâ pro falsis  
 & injustis aliquando minimè dice-



re inutile judicatur. Neq; Carneidem, nisi ab unico reprehensum Catone existimo: Cum iisdem viribus justitiam, & oppugnavit, & defendit. Posthac autem plura à me accipies: modò per temporis iniquitatem, aut occupationes, facere id mihi licuerit. Tu operam interim dabis: par pari ut referas, inq; debitum (quod ajuat) promissum cadere omne statues. Profectionem valetudinis causâ susceptam feliciter evenire tibi cupio, tuumque eâ in re institutum laudo ac probo. Vale.

Cum certæ personæ opus nostrum inscribimus, Exordiemur ab aliqua re illustri, præclara, delectabili, seu à loco communi, paulatimq; ad operis argumentum institutumq; delabemur.

Interdum à nostris rebus, occupationibus, negotiis, fortunâ, vitæ statu, atque eventis principium ducemus.

Deinde occasionem & causas explicabimus.

mus, quibus incitati fuerimus ad librum conscribendum, ne quid inconsultò, aggressi putemur. Hic de utilitatibus ex eâ lectione, illoq; studio capiendis licebit disputare. Hæc siquidem una solet existere ratio, quâ docti viri ad libros divulgandos impelluntur.

Dicendum etiam aliquid de modo, quem in opere nostro tenuerimus. In tantâ librorum de eâdem, aut quasi eâdem re scriptorum multitudine, observatu est vehementer necessarium, ut si minùs res novas; nova tamen commodioreq; viâ & methodo, diligentius & apertius (quæ singula per se magna sunt) tradere nos velle, intelligatur.

Post hæc Patroni nostri laudabiles actiones, egregia facinora insigniter prædicabimus, ac, si videbitur, ad earundem laudum ampliorem gloriam cohortabimur: Qua in parte nihil vetabit, esse longiores. Quamvis necesse non fuerit, Rhetoricum quendam in laudando ordinem persequi: Verùm si multa sunt, præcipua deligenda, verbis exquisitis in cælum extollenda erunt, Cavendum interim ne adulatoriè eorum laudes persequamur, sub quorum nomine in hominum manûs nostra scripta venire volumus.

Postre-

Postremò munus, nosque ipsos offeremus extenuantes nostrum ingenium, doctrinam cum libro deprimentes, at paucis, sicciter, ac moderatè. Rogabimus item, ut nos in suorum numero habere pergat: Plura, majora, elaboratiora, ipsiusque splendore digniora pollicebimur.

Verùm enim verò *hic ordo præceptionum tam anxie custodiendus non est. Nam hic quoque ut a-  
libi, libera est Epistola.*

Qui graviter, politè, sapienter præfari concupiscet, legat principia librorum à Cicero-  
ne ad amicos missorum: De Natura Deorum,  
de bonorum & malorum Finibus, de Sene-  
ctute, de Oratore, de Topicis, de Amicitia;  
de Divinatione, de Fato, de Tusculanis Qua-  
stionibus, de Paradoxis, de Officiis, de Inven-  
tione, & Dedicatorias doctissimorum quo-  
rundam nostri temporis, *Pauli Manutii: An-  
tonii Mureti: Petri Victorii: Ioachimi Perizonii:  
Caroli Sigonii, & similium.*

Exemplum Nuncupatoriæ Epistolæ ob-  
servatum in compellatione Herennii, quæ  
prima est lib. Rhet. Partibus hæc tribus ab-  
solvitur: In quarum Primâ causas auctor,  
cùm scriptionem impediētes, tum ad ean-  
dem impellentes, indicat. Altera commen-  
dationem operis continet, comparatione



Græcorum, sed modeste institutam. Postrema adhortatione ad assiduam exercitationem constat.

**E**T si negotiis familiaribus impediti, vix satis etiam studio suppeditare possumus: Et id ipsum, quod datur otii, libentius in Philosophia consumere consuevimus: Tamen tua nos C. Herennii voluntas commonuit, ut de ratione dicendi, conscriberemus, ne aut tuâ causâ noluisse nos, aut fugisse laborem putares: Et eò studiosius hoc negotium suscepimus: Quod te non sine causa velle agnoscere Rhetoricam intelligebamus: Non enim parum habet in se fructus copia dicendi, & commoditas orationis: si recte intelligentia definita: moderatione animi gubernetur: Quas ob res, illa, quæ Græci scriptores inanis arrogantia causa sibi assumerunt reliquimus: Nam illi, ne parum multa scisse viderentur, ea conquiſiuerunt, quæ nihil attinebant, ut ars difficilior cognitu putaretur: Nos autem, quæ videbantur ad rationem dicendi pertinere, sumimus: Non enim spe quæstus, aut gloriâ commoti venimus ad scribendum, quemadmodum ceteri: sed ut industriâ nostrâ tuamorem geramus voluntati. Nunc, ne nimium longa sumatur oratio, de re dicere incipimus: sed si te unum illud monuerimus, artem sine assiduitate dicendi non multum juvare: ut intelligas hanc



*hanc rationem praeceptionis accommodari ad exercitacionem oportere.*

† IMITATIO HUIUS EPISTOLÆ,  
*qua partes morum atq; vitæ præcepta amico inscribimus.*

**E**T si publicis negotiis districtus vix satis oculi ad meas curandas res habeam : Et id ipsum, quod conceditur oculi, in Oratoriis consumere studiis malim : Tui tamen parentis, viri clarissimi, & de me reque publicâ totâ optimè meriti voluntas me impulit : ut de morum vitæque doctrinâ quædam conscriberem : Ne aut declinâsse laborem ; aut parenti gratificari tuo : tibi commodare noluisse viderer. Id quoque eò feci, & libentiùs, & studiosius, quod non sine causâ parentem tuum, hæc quoque te cognoscere velle intelligebam. Neque enim parum utilitatis hæc adferre doctrina solet : Cum & de  
ho.

hominis hac in vita felicitate agat: Et quonam pacto animi sint cohibendæ perturbationes ostendat: Et virtutum atq; vitiorum vim ac naturam explicet: Et deniq; constanter honesteq; vivendi rationem præscribat. Itaq; sit aliarum artium cognitio utilis: Sit jucunda & frivolis: Sit laudabilis atq; honorifica: Hujus profectò ita est necessaria, ut carere eâ nemo possit: Modò moderatio in illa aliqua adhibeatur. Quamobrem ea, quæ nostris temporibus non sunt accommodata: aut allata à Philosophis disputandi gratiâ, reliqui: Persecutus autem sum illa, quæ honestè, & secundum virtutem vivendi rationi sunt apta atq; idonea. Non enim vel lucelli alicujus spe illectus, vel gloriolæ adductus cupiditate ad scribendum accessi: sed industriâ quantulacunq, meâ, & parentis tui

morem voluntati gerere, & tuam  
promovere studia volui. Boni er-  
go labores hosce meos consules:  
Simul etiam illud cogitabis: cum  
*in virtutis non cognitione, sed actione*  
*laus sit omnis posita, quæ hîc tradun-*  
*tur, non animo modò excipienda*  
*& cognoscenda, verùm etiam vitâ*  
*atq; moribus exprimenda esse.*

## NUNCUPANDI ET DEDICAN-

*di formulæ. Epistola integra Mureti ad Sci-*  
*pionem Gonzagam Mar-*  
*chionensem.*

**F**ecit meum ergate perpetuum studium, &  
animi propensio quædam eximia, ut, cum  
haberem clarissimos viros & multos, quibus  
nuncupationem operis hujus, ob eorum in  
me officia deberi meritò cognoscerem:  
Nulli tamen maluerim hunc meilaborem,  
quàm tibi esse dicatum.

Quo lucubrationes hæ meæ gratiores es-  
sent, magisq; acceptæ, felici T. N. nomine eas  
insigni. Quod meum factum ut T. N.  
in meliorem partem accipere, & hunc libel-



lum benigno, ut solet, vultu suscipere, meq;  
commendatum habere non dedignetur, eâ  
qua par est reverentiâ supplex oro atque ob-  
secro.

Quod opus, Marcelle, tibi dicamus, quem  
cum amicissimum nobis, tum eximio lite-  
rarum studio flagrantem, dignissimum hoc  
mutuæ inter nos charitatis pignore, judica-  
mus.

A me munusculum hoc chartaceum ha-  
bebis, meæ in te voluntatis & studii argu-  
mentum. Exiguum, inquires. Fateor: sed  
velim spectes animum, non rem. Muneris  
tenuitatem, humanitatis tuæ magnitudo sub-  
levabit.

Obnixè rogo, Fautor modis omnibus co-  
lende, ut hæc quantacunq; quâ soles benigni-  
tate accipere, non tam rem ipsam, quæ sanè  
perexigua, est, quàm offerentis voluntatem  
observantiamq; perpetuam spectare, labo-  
remq; meum adversus hominum injurias de-  
fendere, non dedigneris.

**O**ffero tibi munus, Scipio Gonzaga, si aut ex  
sua, aut ex tua dignitate spectetur, perexi-  
guum, si ex viribus, mediocre: si ex animo ma-  
gnum: Orationes quædam sunt variis à me tem-  
poribus habitæ: Quas, cum partim dispersæ atq;  
errantes vagarentur, partim apud me in adversa-



## 448 DE CONSCRIBENDIS

riis neglecta jacèrent: Nunc in unum corpus collectas ut edî ac divulgari paterer, amici quidam & multo mei, hac quidem in parte, quam par est, & quam ego ipse vellem studiosiores, impulerunt. Satis superq; fuerat, earum partim in Scholastico pulvere atq; in illis eruditorum hominum umbraculis, non tantum recto, ut dicitur, fletisse talo, sed plausum etiam & innotuissimum tuisse: Partim in illo confessu; quo nullum habet terrarum Orbis angustiores, & silentio auditas & principum virorum testimonio commendatas fuisse. Superârat fortuna spes meas: Quam sapius sine causâ experiri, negant esse sapientis, neq; nescius eram morosiora ac difficiliora esse legentium, quàm audientium iudicia, saepeq; accidere, ut qua quâdientes mirabamur, eadem legentes rideamus. Sed quid facerem? capienti mihi jam latere, amici obstitērunt: quibus parendum fuit, ne, si in negando pertinax essem, superbia deniq; id potius, quàm modestia adscriberetur. Cum igitur inibi esset, ut ederentur, libenter arripui occasionem diu optatam inscribendi tibi, ut nunc sit, aliquid depromptum ex studiis meis, eademq; operâ testificandi & iudicii de te, & mirifici cuiusdam amoris erga te mei. Verè enim hoc dicam Scipio? Cum omnes, qui te nōrunt, ita te ament, ut eorum nemo sit, qui se studio atq; observantiâ tui cedere unquam putet: ego tamen mihi videor

diuturnâ & accuratâ notatione & observatione earum rerum, qua te usq; cō omnibus amabilem reddunt, singulare quiddam præter ceteros præferat. Quid est enim quod ad conciliandas ac devinciendas hominum voluntates valeat, quin id in te omni ex parte perfectum reperiat? nihil hic de summâ atq; antiquissimâ gentis vestra aut nobilitate aut potentiâ dicam: nihil de toto illo genere honorum; quod ita tuum est, ut & aliorum sit. Alios & ista amatores habent. Ego in te nihil amo, nisi te ipsum. Itaq; ut ille Rex potentissimus ex amicis suis alium dicebat esse φιλόκατον, alium φιλόδικον ego: Ita tu, alios esse, qui & alia in te amant, me planè & ex animo φιλότιμον esse tibi persuadeas licet. Ac te ipsum cum dico, ne illam quidem dico & oris & totius corporis dignitatem, qua tibi omnium elegantiorum hominum animos primo statim ad spectu conciliat, constituens: quoad ejus fieri potest, ante eorum oculos, & ingenium & mores tuos. Quamvis enim verè dicit nescio, quis Poëtarum, gratiorem in pulchro corpore esse virtutem: Ea tamen est in te veriorum ac solidiorum bonorum copia, qua te his secunda, ut ita dixerim, nota bonis conferri non sinat. Ingenium excellens, & in quo, tanquam in pingui ac feraci solo, omnes te digna artes ita facillè comprehendant, ut eas non ab aliis accipere; sed ex te ipso parere

pārere ac proferre videaris Quo tu usus ita, ut  
 decuit, à Græcæ Latinæq; lingua intelligentiâ, à  
 Poetarum, Historicorum, Rhetorum cognitione  
 ad Philosophiam & ad eam quam tibi ab ineunte  
 ætate proposueras quaq; tibi nunc in amoribus ac  
 delitiis est, Theologiam eâ celeritate properasti,  
 ut, quæ honoris ac dignitatis præmia confecto stu-  
 diorum curriculo tribui ac decerni solent, ea tu  
 tum meritissimò consecutus sis, cum adhuc matu-  
 rum videri poterat, de animo ad illas graviores  
 disciplinas adjiciendo cogitare. Atq; ut istius ge-  
 neris ingenium nunquam ita esse otiosum potest,  
 ut omnino nihil agat: quod tibi dabatur à seve-  
 rioribus studiis excepti ac succisi vitæ temporis, eo in  
 quasi ludibundus eas artes, in quibus adolescentes  
 ingenui exerceri olim Athenis solebant, ita omnes  
 didisti, itaq; te in eis exercuisti ut in earum qua-  
 libet cum summis artificibus comparari facile pos-  
 sis. Quid nunc ego mores illos tuos planè, ut Poe-  
 ta loquuntur aureos, laudem? Potuitne quisquam  
 unquam bonus tecum biduum vivere, tueque  
 suavitatæ partem aliquam gustare, quin, ut sibi  
 totam ætatem tecum exigere liceret, optaveris: Ita  
 tu, quod rarissimi exempli est summam integri-  
 tatem vitæ cum summa comitate ac facilitate  
 copulasti. Sed nolo nunc plura de te: Ne ipsi tibi  
 molestus sim. Equidem cum de scriptis meis non  
 magnopere laborare soleam; tamen hunc librum  
 præcipue



præcipue cupio & celebrari nunc, & ad posteros pervenire: Ut exstet aliquod testimonium iudicii de singularibus tuis virtutibus mei. In quo fortè quis eorum qui te non nòrunt (nam de iis, quibus tu notus es, nihil tale matuo) assentationi & consuetudini datum esse aliquid suspicetur. Deum immortalem testor, nihil unquam à me verius, magisque ex animi mei sententia scriptum esse, quam ea, qua de tuis laudibus scripsi. A tepesto ut me ames, quò me ipsi mihi efficias cariorem. Vale. Roma Calendis Maii clā Io LXXI.

## MODVS RESPONDENDI

## Dedicatoria.

Quod si verò ad Dedicatariam Epistolam aliqui respondere nobis placuerit: Primum narrabimus accepisse nos & legisse ea, quæ ad nos amicus miserit. Deinde commendabimus opus institutum ab argumenti dignitate, utilitate, necessitate: Methodi facilitate, & perspicuitate: Orationis genere puro, Latino, eleganti.

Ad hæc gratias agemus amico, quòd sua aut nobis mittere, aut inscribere opera voluerit: & ostendemus, interesse hoc plurimum ad honorem nostrum: Testatum facere amorem singularem quò ille nos complectatur.



tur: grati quoque animi memoriam pollicemur.

Postremò rogabimus amicum ut & huius generis alia in lucem deinceps emittere: atque ita cum bonorum adolescentum studiis, tum suæ famæ atque existimationi consulere velit.

† TRACTATIO VERO ET COLLOCATIO harum sententiarum ita est instituenda, ut primum habeat locum narratio, in qua exponamus: accepisse nos & legisse ea, qua ad nos amicus miserit. Hanc deinde sequatur Propositio laudatoria. Eandem tertio excipiat Confirmatio, qua instituta laudationis rationes contineat. Postrema pars Conclusio gratiarum actione & petitione absolvatur. Hanc ergo Methodum secuti, Epistola respondebimus paulò antè in primo dedicationum genere exercitii causâ proposita, hoc modo:

**A**ccepi literas tuas unâ cum Orationibus ad me missis, quarum ego lectione mirificè sum delectatus, tuamque illam admirabilem cum ingenii vim, tum dicendi copiam in iis deprehendi. Quid

quæ-

quæris? Eruditæ, artificiosæ, verè  
Ciceronianæ sunt. Neque enim in  
iis verborum tantum, aut orna-  
mentorum Ciceronianorum est i-  
mitatio: Sed & sententiarum &  
structuræ & aliorum est expressio,  
quæ à prudenti literatoq; observa-  
ri imitatore, & solent & debent.  
Itaq; ut maximè eas laudo proba-  
que: Ita qui mittere mihi volueris  
tibi gratias, quas possum ago maxi-  
mas: Relaturus cùm primùm ali-  
qua sese obtulerit occaso.

Quod enim mirari me arbitra-  
ris, cur in contrariis te orationibus  
exerceas, liberare omni te sollicitu-  
dine volo. Nota mihi veterum hac  
in re est consuetudo: Quid Aristo-  
teles, Cicero, Quintilianus, alique  
dicendi Magistri hoc de exercita-  
tionis genere scribant, scio: per-  
specta ejusdem insignis mihi utili-  
tas est. A me autem quod exigis:

par pari ut referam : plus amorì in me tuo, quàm vero iudicio tribuis. Veruntamen, quia omninò à me hoc postulas tentabo sanè aliquid: Sed χρύσεια χαλκείαν: & Diomedis & Glauci permutatio erit. Sed & hunc ipsum, uti spero, æqui boniq; conatum consules: Simul etiam pluribus in lucem scriptis tuis emittendis, & benè de bonòrum adolescentum studiis mereri: Et surgenti tuæ consilere gloriæ conaberis. Vale.

## DE LAUDATORIA

*Epistola.*

**L**audatoria Epistola dicitur, qua nos & nostra, aut alios & aliena, commendamus.

Materiam laudis petimus à triplicibus: externis; corporis, aut Animi.

Cùm vel eos ipsos, ad quos scribimus, vel alios alienavè laudamus à doctrinâ, iustitiâ, temperantiâ, fortitudine, acceptis beneficiis, rebus benè gestis, aliisq; virtutibus, à re-

rum

rum magnificentiâ, copiâ, varietate, pulchritudine ceterisque rebus; Illud cavendum est, ne laudatio in adulationis vitium, aut suspicionem incidat: Tunc enim insuavis solet esse, cum illis qui laudantur, tum aliis.

Consultum igitur foret, ea tantum laudare, quæ illis tanquam stimulus ad virtutem esse possunt. Solemus etiam nonnunquam alios, aliave laudare non tantum, quia ea omnibus digna laudibus judicamus, verum etiam, ut illum, cui scribimus ad aliquid faciendam cohorremur.

Cum vel nosmetipsos, vel nostra laudamus, adeo modesti debemus esse & vererundi, ut nunquam ~~de~~ eam laudem, nisi coacti; sed aptè tamen, & congruentor, veniamus.

Laus ex aliorum lingua illustris, vera, & solida habetur: ex nostro vero ore sordescit ferè semper.

*Laudatoriarum, Epistolarum* apud Cicero- nem præcipuè partes tres sunt;

Quarum prima *Exordium*, constat, vel narratione, quæ descriptionis & laudationis institutæ occasionem continet: vel laude & approbatione facti alicujus: vel gratulatione simul & gratiarum actione.



Pars altera *Confirmatio* est, quæ laudationum rationes complectitur, sumptas aut à virtutibus suprâ nominatis: aut ab actionibus, conjunctis cum honestate, utilitate, voluptate: aut à circumstantiis personarum loci, temporis, modi: aut à comparatis & exemplis: aut à testimoniis, judicio, sermone, approbatione bonorum virorum.

Pars tertia, *Conclusio* absolvitur vel adhortatione; ut pergat amicus, & quam collectam habet laudem, retineat, atque amplificet: vel gratiarum actione & gratulatione, si nondum posita sunt: vel de laudatione studii & officii, vel longioris epistolæ præcisione & excusatione.

*Exemplum laudatoria Epistola*, observatum in Epist. 14. lib. X. ad Fam. qua Planci contra hostes præclare feliciterq; res gestas Cicero laudat. Partes Epistolæ tres sunt. *Exordium* laude & approbatione facti constat Planci. *Confirmatio* laudationis rationes continet: ab agendi modo & effectis præclaris sumptas. *Conclusio* adhortationem habet, argumento, à commodis cum publicis tum privatis sumpto, munitam.

*O* gratam famam biduo ante victoriam, de subsidio tuo, de studio, de celeritate, de copiis. Atque etiam hostibus fufis, spes omnis in te est: fugisse enim

enim ex pralio Mutinensi dicuntur notissimi la-  
tronum duces. Est autem non minus gratum  
extrema delere, quàm prima depellere. E-  
quidem expectabam jam tuas literas, idq; cum  
multis: Sperabamq; etiam Lepidum temporibus  
admonitum, tecum & Reip. satis esse facturum.  
In illam igitur curam incumbo, mi Plance: ut ne  
qua scintilla teterrimi belli relinquatur. Quod si  
erit factum: Et Remp. divino beneficio affeceris,  
& ipse aeternam gloriam consequere. III. Id. Maii  
Vale.

† IMITATIO HVIVS EPI-

*stola ita potest insti-  
tui:*

**O** Latum nuncium, & cui meri-  
to *εὐαγγελία* debentur: de sin-  
gulari tuo in communem patriam  
Germaniam amore ac studio, de  
celeritate credibili inscribendi ex-  
ercitum, pressisq; succurrendi: De  
virtute militum egregiâ: de victo-  
riâ nobili atq; præclarâ reportatâ:  
Cæsi enim hostili in exercitu mili-  
tum plurimi: Duces ex pralio fu-  
gisse:

gisse; desiderari ex nostris paucissimi dicuntur. Itaque & summis in coelum usq; te exercitumq; tuum laudibus evehunt omnes, & faustis omnibus prosequuntur. Sed interim eam in curam omni tibi incumbendum esse studio cogitabis: Ut quæ inchoata sunt feliciter, ad finem usq; perducantur: Et depulsis jam primis etiam extrema deleantur: Atq; ita sacrilegiis templa; Oppida direptionibus; vastationibus agri; cæde corpora; tecta incendiis, rapinis fortunæ liberentur. Equidem tuas nunc literas expecto quotidie, easq; cum multis aliis, quibus communis patriæ salus cordi est. Spero etiam plures periculi imminuentis magnitudine motos tecum contra communes hostes arma sumpturos. Da igitur operam, enitere, perfice deniq; ut finis bello imponatur, neque illius scin-



scintillulæ ullæ relinquantur, quæ non restinctæ, novum aliquod & æquè perniciosum, aut etiam perniciosius incendium suscitant. Quod si, uti ego confido; mecum plurimi alii sperant viri boni, feceris: Et præclarè de nostrâ Repub. atq; adeò Germaniâ totâ mereberis, & nomen tuum ab oblivione atque interitu vindicatum magnâ cum laude atq; gloriâ ad posteritatem usq; transmittes. Vale.

IN studiosorum gratiam libuit hoc loco planè festivam & ornata Plinii Epistolam adscribere, quâ ille Euphratem Philosophum ab humanitate, ingenio, doctrinâ, eloquentiâ, formâ, & habitu corporis, viræque sanctitate eximie celebravit, lib. I. Epist. 10.

C. PLINIVS ARRIO

Clementi S.

SI quando urbs nostra liberalibus studiis floruit: Nunc maximè floret. Multa, claræque exempla sunt: suffecerit nobis unum, Euphrates

V 5

Philo-



Philosophus. Hunc ego in Syria, cum adolescentulus militarem, penitus, & domi inspexi, amarig, ab eo laboravi, etsi non erat laborandum: Est enim obuius & expositus, plenusq; humanitate quam precipit: Atq; utinam sic spem ipse, quam tunc ille de me concepit, impleverim, ut ille multum virtutibus suis addidit. At ego nunc illas magis miror, quò magis intelligo, quanquam nunc quidem satis intelligo. Vt enim de pictore, sculptore, fictore, nisi artifex judicare: Ita nisi sapiens non potest sapientem perspicere, quantum mihi tamen datur cernere, in Euphrate multa sic eminent, & elucent, ut mediocriter quoq; doctos advertant & afficiant. Disputat subtiliter, graviter, ornatè, ac frequenter etiam Platoniam illam sublimitatem & latitudinem effingit: sermonem pio, & varius, dulcis imprimis, & qui repugnantes quoq; ducat & impellat, ad hæc proceritas corporis, decora facies, demissus capillus, ingens & cana barba: Qualicet fortuita & inania putentur: illi tamen plurimum venerationis acquirunt: Nullus horror in vultu, nulla tristitia, multum severitatis. Reverearis, ut occursum non reformides: Vita sanctitas summa, comitas par: insectatur vitia, non homines: nec castigat errantes; sed emendat. Sequaris moventem attentus, & pendens, & persuaderi tibi, etiam cum persuasit, cupias. Iam verò liberi

tres,

tres. duo mares quos diligentissime instituit: Socer Pompejus Iulianus cum ceterâ vitâ, tum vel hoc uno magnus & clarus, quod ipse provincia princeps hanc inter altissimas conditiones generum non honoribus principem: sed sapientiâ elegit. Quanquam quid ego plura de viro, quo mihi frui non licet. Nam distringor officio, ut maximo, sic molestissimo. Sæpeo pro tribunali, subnoto libellos, conficio tabulas, scribo plurimas, sed illiteratissimas literas. Soleo nonnunquam (nam id ipsum quandoq; contigit) de his occupationibus apud Euphratem queri. Iste me consolatur: Affirmat etiam, esse hanc Philosophia, & quidem pulcerrimam partem, agere negotium publicum, cognoscere, iudicare, promere, & exercere justitiam, quæq; ipsi doceant, & usu habere: Mihi tamen hoc unum non persuadet, satius esse ista facere, quam cum illo dies totos audiendo discendoq; consumere. Quo magis te, cui vacat, hortor, cum in orbem proximè veneris (venias autem ob hoc maturius) illi te expoliendum, limandumq; committas. Neq; enim ego, ut multi, in video aliis bonum, quo ipse careo: sed contrâ sensum quendam voluptatemq; percipio, si ea qua mihi denegantur, amicos video super-

esse. Vale.



## LAUDANDI VIROS

*formula.*

CUM ipsum Furnium per se vidi libentissimè, tum hoc libentius, quod illum audiente te videbar audire. Nam & in re militari virtutem, & in administrandâ provinciâ iusticiam, & in omni genere prudentiam mihi tuam exposuit: Et præterea mihi non ignotam in consuetudine & familiaritate scavitatem tuam adjunxit: Præterea summam erga se liberalitatem. Quæ omnia mihi jucunda: Hoc extremum etiam gratum fuit.

Cave putes, propterea, constantiâ, curâ, studio, Reipub. quicquam illi esse simile, ut eloquentia qua mirabiliter excellit, vix in eo locum ad laudandum habere videatur; quanquam in hac ipsa sapientia plus apparet: Ita gravi iudicio, multa; arte se exercuit in verissimo genere dicendi. Tanta autem industria est, tantumq; evigilar in studio, ut non maxima ingenio (quod in eo summum est) gratia habenda videatur. Sed provehor amore: Non enim id propositum est huic Epistolæ, Messalem ut laudem, præferam ad Brutum, cui & virtus illius non minus,



nus, quàm mihi, nota est, & hæc ipsa studia, quæ laudo, notiora, &c.

Moveor tali amico orbatus, qualis, ut arbitror, nunquam erit, & ut confirmare possum, nemo certè fuit. Qui summam spem civium, quàm de eo jam puero habuerant, continuo adolescens incredibili virtute superavit, qui consulatum petiit nunquam: factus est consul bis, primum ante tempus, iterum sibi suo tempore, Reipub. pœnè serò? Qui duabus in urbibus everfis, inimicissimis huic imperio, non modò præsentia: verùm etiam futura bella delevit. Quid dicam de moribus facilimis, de pietate in matrem? Liberalitate in sorores? bonitate in suos? Justitiâ in omnes? Hæc nota sunt vobis. Quàm autem civitati carus fuerit, mœrore funeris indicatum est. Quamobrem vita quidem talis fuit, vel fortuna, vel gloria, vel nihil posset accedere. Moriendi autem sensum celeritas abstulit, &c.

Erat in illo viro comitate gravitas condita, nec senectus mores mutaverat. Hic & bella gerebat, ut adolescens, cum planè grandis esset, & Annibalem juveniliter exultantem patientiâ suâ mollicbat. Nec verò, ille in luce modò atque in oculis civium



# 464 DE CONSCRIBENDIS

magnus, sed intus domiq; præstantior. Qui sermo? quæ præcepta? quanta notitia antiquitatis? &c.

Est in Democrito summa probitas, summa virtus, summa in hospites liberalitas, & observantia; meq; præ cæteris & colit, & observat, & diligit.

Ex literis multorum & sermone omnium ad me perfertur, incredibilem tuam virtutem & fortitudinem esse, teq; nec animi, nec corporis laboribus defatigari.

Hunc quidem cognovi cum doctum, (quod quidem mihi erat jam antè notum) tum sanctum, plenum officii, studiosum etiam meæ laudis, frugi hominem ac planè virum bonum, studiosum omnium virtutum.

Finxit te ipsa natura ad honestatem, gravitatem, temperantiam, magnitudinem animi, justitiam, ad omnes denique virtutes magnum hominem & excelsum: His etiam accessit doctrina.

Ad labores hic impiger, ad pericula fortis, ad usum, ad disciplinam peritus, ad consilia prudens, ad casus fortunamq; felix.

Summa est in te dignitas generis, industria, cæterorumq; ornamentorum.

Omnibus ego te virtutibus continentia,

grat.

gravitatis, fidei, fortitudinis, omni denique honore dignissimum semper judicavi.

Tu es hujus civitatis genere, honore, æstimatione, & pecuniâ facilis princeps.

Nullius est tantum flumen ingenii, nulla scribendi aut dicendi tanta vis tantaque copia, quæ, non dicam exornare; sed enarrare, C. Cæsar, res tuas gestas possit.

Te quibus laudibus efferam? quibus studiis prosequar? qua benevolentia consequar?

Audio, facilimos esse aditus ad te, patere aures tuas querelis omnium, nullius inopiam ac solitudinem, non modò populari accessu ac tribunali, sed ne domo quidem tuâ & cubiculo exclusam esse, tuæ toto deniq; imperio nihil acerbum esse nihil crudele; sed omnia plena clementiæ, mansuetudinis, humanitatis.

Res à te gesta memorabilis & poenè celestis repellit omnes reprehensiones, quippè quæ ne laude quidem satis digna & idonea affici potest.

Omnes qui isthinc veniunt ita de tuâ virtute, integritate, humanitate commemorant ut in tuis summis laudibus excipiant unam iracundiam.

Vera quidem laude probitatis, diligentia, Religionis neque me tibi neque quenquam

quam antepono: amoris verò erga me, cum à fraterno amore domesticoq; discessi tibi primas defero.

Omnia in te sunt, quæ aut fortuna hominibus, aut natura largitur.

Domus tua plena est integritatis, officii, & religionis.

Sanctè graviterq; vivis: Tua laus est latè longèq; diffusa.

Quid tuam constantiam vitæ commemorem? dignitatem, liberalitatem, moderationem in privatis rebus, splendorem in publicis?

De ejus viri virtute quid nos loqui, quid sentire, quid cogitare, quid judicare oporteat, dubitandum putas?

Vagatur nomen tuum longè lateq;: sedem quidem stabilem, domicilium non habet.

Tuam laudem obscuratura nulla unquam est oblivio.

Es quidem tu omnium discipulorum pater, fautorq;, ac in omni virtute & rerum experientiâ præstans.

Homo purus, pudicus, humanus, officiosus.

Homo iste tum summè in omnes officiosus, tum maxime præter ceteros sedatus,  
quis.

quies, item genere, honore, copiis, existimatione facile princeps.

Homo ornatissimus loco, ordine, nomine, virtute, ingenio, & copiis.

Nulla in hoc homine deficiat, luxuria: contra summus labor in publicis, privatisque rebus, summa parsimonia, summa diligentia.

Nullum te aut officiis fideliores, aut copiis locupletiores, aut auctoritate graviores in Orbe terrarum esse existimo.

Summe es splendore, ingenio, gratia præditus.

Es disertissimus, & omni doctrinâ & virtute ornatissimus.

Talis est hic vir, ita dicitur Repub, meritis, ut non uni familiæ: sed universæ civitati commendatus esse debeat, quam civitatem amplam, claramque reddit præcipue, aequitate, industriâ, temperantiâ, defensione, odio improborum.

Hic non solum eorum hominum, qui nunc sunt, gloriam: sed etiam antiquitatis memoriam, virtute superavit.

Homo summis ornamentis honoris, virtutis, fortunæ, ingenii præditus, & talis est vir, ut nulla res talis sit & tanta, ac tam difficilis, quam ille non & consilio regere, &  
in-



integritate tueri, & virtute conficere possit.

Homo es gravissimus, civis egregius, senator fortissimus.

Erat in eo summa eloquentia, summa fides, summa integritas, auctoritas tanta, quanta in homine quoquam tenetur.

Nemo te comior, jucundior, commodior, moderatior, ad omnem rationem, & hujus civitatis, genere, honore, existimatione & pecuniâ facile princeps.

Pompejus vir omnium, qui sunt, fuerunt, erunt, virtute, sapentiâ, ac gloriâ princeps.

Hic negotiatoribus comis, mercatoribus justus, municipibus liberalis, sociis fidelis, omnibus est visus in omni officio diligentissimus.

Quæ est ora, quæ sedes, qui locus, in quo non essent hujus cum fortitudinis, tum verò humanitatis, tum consilii impressa vestigia?

Hic incredibili quadam atque inaudita gravitate, constantiâ & virtute præditus, in omni genere ac varietate artium, etiam illarum, quæ sine summo otio non facile discuntur, excellit.

Neque monere te audeo præstanti prudentiâ

tiâ virum, nec confirmare maximi animi hominem, utrumq; fortissimum: consolari verò nullo modo.

Appius Claud. homo summo loco natus, summo ingenio, summâ virtute, officiosissimus, & gratissimus.

A. Balbus magni semper, & ad omnes casus ferendos constanter paratus.

Pomp. Atticus est omni liberali disciplinâ politissimus homo minimè ambitiosus, minimè in rogando molestus.

M. Varronem & modestum hominem cognosces, & prudentem, & à cupiditate omnî remotissimum, præterea magni laboris, summæq; industriæ.

L. Castronius Patus longè princeps municipij Lucensis, est honestus, gravis, plenus officii, bonus planè vir, & tum virtutibus, tum etiam fortunâ (si quid hoc ad rem pertinet) ornatus.

Deiotarus vir cum benevolentia & fide erga populum. Rom. singulari, tum præstanti magnitudine & animi & consilii.

Virum bonum, magnum hominem & in summâ magnitudine animi, multâ humanitate temperatum perdidimus.

Splendor ordinis, eximium patriæ decus, orna-

ornamentum iudiciorum, exemplar antiquae religionis.

Vir primarius, gravis, honestus, amans æquitatis, alienus ab omni cupiditate, pluribus maximisque in rebus probatissimus, & omnium existimatione ornatissimus.

Nulla res tanta est, cuius quidem efficiendæ potestas homini conceditur, quam non ille & consilio regere, modestiâ temperare, integritate tueri, virtute conficere, autoritate conservare possit.

Magna de illius virtute hominum opinio, magna liberalitatis commendatio, magna rerum gestarum memoria. Illud verò omnem humanæ laudis prædicationem excedit, quod ad excellencias animi virtutes, doctrinæ laudem atque ingenti gloriam adjecit.

Brutus vindex libertatis, custos salutis communis subsidium afflictæ Reipub. conservator patriæ.

Judex æquissimus in rebus humanis misericors, in iudicando severus, in testimonio religiosus, in consolando comis, in deterrendo vehemens.

Eo hic vir animi robore est, eâ virtutis indole ac continentia, ut omnes voluptates respiciat, omnem vitæ suæ cursum in labore corporis,

peris, in animi industriâ, in commendatione ingenii conficiat.

Incredibilis huic viro impetus animi ad optimarum rerum studia amplectenda, vehementis, vincendi cupiditas, oratio elegans, erudita, laudabilis, & nisi meum me iudicium propter benevolentiam fallit, omnibus bonis artibus liberaliter instituta, & cura atque vigiliis elaborata.

Magnam hujus laudabilis vita, elegans eruditio, & in omnibus disciplinis mira præstantia, venerationem meretur.

Homo ingeniosus, intelligens, & apud omnes, propter virtutem, splendidus, & gratus.

Multæ, & magnæ in hoc viro sunt virtutes, sed tamen eximia ejus justitia, laudata animi lenitas, quotidie magis ac magis efflorescit. Sic enim moderatus est, ad omnemque humanitatis gratiam factus, nullæ ut cupiditates ab innocentia atque integritate abducere illum queant.

Hunc autem virum quibus studiis prosequemur? quâ benevolentia complectemur? cujus tanta in animi magnitudine lenitas est, ut nihil illo modestius clementiusque fingi queat. Hanc animi illius virtutem atque magnitudinem, quis admirari satis potest?

aut



## 472 DE CONSCRIBENDIS

aut oratione non dicam enumerare: sed  
consequi? quod cum ille ceteris omnibus o-  
mini honore egregie antecellat, ampliorem  
tamen aliis, quam ipse consecutus sit, tribuat  
honorem: & quos honoris amplitudine su-  
perat, eosdem sibi humanitatis devinciat  
gratia atq; commendatione.

Homo antiqua vitæ Religione præditus,  
& longo multarum rerum usu exercitatissi-  
mus: tantâ virtute & integritate, nemo ut ille  
frugalior esse possit.

Magnus hujus labor in negotiis, fortitu-  
do in periculis, fides in amicitia, industria in  
agendo, celeritas in conficiendo.

Non illum avaritia ad rapinas, non libi-  
do ad voluptatem, non amoenitas ad delecta-  
tionem, non labor ad quietem, non corporis  
infirmetas ad rei domesticæ neglectiorem  
impulit, sed perpetuo naturæ statu ad omnem  
honestatis laudem contendit.

Vir antiqua fide & insigni animi probita-  
te, exemplum Religionis, documentum  
ceteris hominibus virtutis, probitatis, pru-  
dentia.

## LAUDANDI INGENVOS

*& liberales adolescentes**formula.*

**E**st iam eò cum ingenio, tum studio profectus, ut si perrexerit, neque se aliò flecti: ac propelli sinet, clarum sit poetam non sra se ætate præstiturus, suumq; nomen atq; memoriam unâ cum suis scriptis, magna cum laude & gloria, immortalitati commendaturus.

Cicero filius sic mihi est probatus industriâ, patientiâ, labore, animi magnitudine, omni deniq; officio, ut nunquam dimittere videatur cogitationem, cujus sit filius.

Adolescens timidus, virginali verecundiâ præditus.

Filius spes parentis, memoria nominis, subsidium generis, hæres familiæ, designatus Reip. civis.

Te decus patriæ, ornamentum populi, florem juventutis appello.

Adolescens illustri ingenio, industriâ, & gratiâ.

Adolescens doctissimus & humanissimus, rectissimis, atq; optimis studiis præditus.

Puer incredibili ac divinâ quadam mente & virtute præditus.

Nemo hoc adolescente nobilitate, nemo

multarum rerum peritiâ , nemo optimarum artium studio, nemo ullo laudis genere illo præstantior.

Leçtissimus atq; ornatissimus Adolefcens, ingenuarum artium peritissimus, domi suæ in primis nobilis, & illustri apud omnes gratiâ.

Juvenis admirabili factorum benignitate ad gloriam atq; dignitatem natus.

Hunc natura ad omnem laudis atque nominis nobilitatem magnum atq; excelsum produxit, voluntas exercuit, fortuna servavit.

Vehemens in hoc juvene ardor mentis, ardens vincendi cupiditas, oratio erudita ac liberalis, & miræ quædam scriptiõis elegantia. Summa in hoc juvene spes, summa nascentis eruditionis expectatio, summa indoles ingenii, summaq; virtus.

Præclara in hoc juvene ingenii judicii que vis apparet.

Ea animi est industria, ut non solum communium literarum, sed Reipub. in eo spes magna posita videatur.

#### LAUDANDI FOEMINAS

*formula.*

Fœmina eximiâ pulchritudine, summâ integritate pudicitiaq; singulari.

Fœmi

Fœmina prudentissima, lectissimaque

Fœmina spectatissima.

Honestissima matrona & omnibus præclaris animi dotibus, omni virtutis genere ac vitæ dignitate præstans.

Præstantissima fœmina, præclarâ indole, eximiâ animi pietate, virtute, gratiâ, constantiâ admirabili.

Admirabilis in hujus puellæ naturâ elucet virtutis indoles, multa probitatis ac modestiæ signa, ubi ubiq; apparent.

Mulier præter ætatem prudens & expectatissimæ probitatis: Ea deniq; naturæ cum moderatione, tum bonitate, ut admirabiles amores excite.

# LAUDANDI VRBES

*formula.*

**U**Rbs omnium gentium, Orbisq; terrarum celeberrima, copiosa, eruditissimis hominibus, liberalibusq; studiis affluens.

Asia opima regio est, & fertilis ubertate agrorum, varietate fructuum, magnitudine passionis.

Civitas ista florentissimorum hominum, fortissimorum virorum, optimorum civium, mihiq; amicissimorum multitudinem redun-



Magna est hujus civitatis amplitudo; magna nominis ejus dignitas est apud omnes gentes.

Hujus civitatis disciplina atque gravitas tanta est, ut haud sciam, an cunctis gentibus anteponendam jure dicam: Sic optimatum consilio gubernatur, ut omnes ejus instituta laudare facilius possint, quam zmulari.

Lacedæmon civitas spectata & nobilitate virtute, non solum naturâ corroborata, verum etiam doctrinâ puratur.

Syracusæ urbs est, cujus hic situs atque hæc natura esse loci cæliq; dicitur, ut nullus unquam dies tam magnâ turbulentâque tempestate fuerit, quin aliquo tempore solem ejus diei ciderent.

#### RESPONSIO AD LAV- datoriam,

**A**D laudationem, quâ ab aliquo affecti sumus, modicè ac moderatè respondendum est nostras, & nostrarum rerum extenuando laudes.

Tamen, cum nostras laudes decantantibus neque assentiendum sit, ne nos ipsi, quæ in re minimè debemus, nimum amare videamur, neque valdè repugnandum, ne quod in nobis

bis est honorificum stultè rejiciamus, gaudebimus, nos & nostros, seu nostra laudari, & eò magis, quo vel meliores vel doctiores, vel graviores sunt, qui aliquà nos laude prosequuntur. Probata enim virtus, à magnis præsertim viris, omnibus fortunis est anteponenda.

Poterimus igitur non sine gratiâ dicere, lætari nos, à laudato laudari viro, quemadmodum, *Hæctor* ille apud *Navium*: *Latus sum*, inquit, *laudari me abs te pater*, laudato viro. Dicemus nos, dum nostras legimus laudes, agnoscere quodammodo, non sine maximâ animi nostri voluptate, ipsius? Cum; qui propriam ingenii & virtutum gloriam assequitur, is sciat, quàm optimè alienas describere. Ideoque ad evitandam arrogantiam referemus hujusmodi laudes, vel in benignitatem dicentis, qui ipsedem laudibus ornatus sit, vel in benevolentiam in nos, qui in nostrâ laude nimis sit liberalis.

Illum tamen fructum te ex ea laudatione consecuturum dicere poteris, quod, cum virtus laudata crescat, vimq; cohercendi habere videatur, magis ad virtutes aliasq; res laude dignas inflammatus fuisti.

Itaque te enixurum multò etiam dices, quàm antè diligentius ut accedas proximè.

si ullâ ratione poteris (quo ille te pervenisse existimat) ut aliquando veritati jure, quod forrasse nunc humanitati magna ex parte laudatur.

Sed si laudes essent tam veræ, tamque claræ, ut in conspectu ferè omnium essent sitæ, negariq; minimè possent, mentionem illorum faciemus, (si qui fuerint) honorificam, quorum operâ, studio, auctoritate id factum à nobis fuit.

Verum à solâ Dei Opt: Max. bonitate profectas dicere, & pio & Christiano dignum esset.

Eadem, vel certè non admodum diversa collocandi ratio hîc tenenda, qua utimur in gratulationum Responsionibus, inde etiam hûc exemplum transferatur.

AD LAUDATIONEM  
*respondendi formula,*

Quòd proximis literis tuis me tantopere laudâris, debeo tibi tantum, quantum ab eo absum, ut meritò lauder. Id enim debetur cuiq; quod gratis dat, non quod persolvitur. Quare & ipsa id totum tibi debeo, quod de me scribis, cum in me tale sit nihil, cû id mihi ipse nullo profecto deberes id totum humanitatis, & singularis in me benevolentia.

volentia. De cætero si me examinâris, nihil invenies, nisi tenue, humile, angustum. Novitii sumus, atq; tirunculi, qui ex inscitia tenebris pedem modò movimus, promovimus ferè nihil. Benignè nobiscum agitur, si inter studiosorum ordines referamur. Habet docti nomen quiddam aliud, quod si tibi, & tui similibus peculiare: mihi tam grandia non conveniunt: cum eorum, quæ in literarum studiis sint præcipua, nihil, non solum exploratum habeam, sed nec adhuc etiam nisi per transennam viderim. Conabor quidem, id quod nunc ago, talis esse, qualem nunc me prædicas, & esse aut judicas, aut certè velles. Quas in me laudes confers, quanquam agnosce: salvâ fronte non ausim, tamen ob id gratissimas habui, quoniam eum nec irrisio in istos mores: Nec adulatio cadat, necesse est laudatio hæc, aut ex amore in me nimio, aut ex vero proficiscatur. Quorum cum sit utrumque mihi gloriosum, alterum diu in votis, alterum etiam supra vota est.

Laudem ego tuam, quamvis audire citra ruborem, gnarum inscitia meæ, non poteram: tamen, quod ab insigni quadam benevolentia proficiscebatur, ita gratanter accipere, ut vix tantundem fuerim voluptatis ha-



biturus, si mihi esse illa, quæ de me pronuntiabas, vera persuasissem. Nam quamvis testimonio conscientia repugnet, latet tamen alicui talem me videri posse, qualem tua me fingit, hoc est eruditissimi hominis prædicatio. Quare statim dictavi hanc tibi epistolam Beroalde, qua dicerem quanto per me mihi tuum tale laudationis officium blandiatur, simulque darem fidem, nulli me prorsus occasione defuturum, rerumque post hac & temporum planè omnes articulos excussurum, donec tibi pro studio erga me tali, & animo tandem quoquo modo referam gratiam.

Et si video quæ tu de me sentias, prædicesque amicus multò, quàm verius, & sentire, & prædicari; tamen gaudeo ea mihi tribui abs te, quæ ipse in memet neutiquam agnoscam.

Laudas me quasi unum ex numero eruditissimorum, & tui similiarum. Laudas, inquam, tu me unus omnium, quos viderim, quos audierim, longè eruditissimus. Ego igitur, etsi memet haud ignoro; tamen ferò requissimè, te aut ipsum decipi amore in nos nimio, aut alios idem velle deceptos.

Agerum tibi gratias, quòd ubiq; me laudas: sed vereor ne laudes ipsa quibus me as-

Acis,

ficis, fidem perdant, si pro iis tibi gratias agam, quasi debeam, quasiq; veræ laudes non sint: Nam pro veris, hoc est, pro suis laudibus, nemo cuiquam debet. Quis enim pro suo debeat?

At ego tibi me debere tamen dicerem, nisi mihi nimis magnam faceres in hoc injuriam, quod es amicus. Ob id enim tibi non creditur: Cum me laudas.

Præclare Hector ille Nævium: laudari abs te pater cupio, laudato viro: possum ego nunc idem usurpare. Video me laudari, à quo viro? A. M. Antonio nato, in quo sunt ingenii, sunt animi, ac virtutis ornamenta plurima, ego porro aliquid fortasse, si cum aliis conferar, videri possum: Cum vero ad te unum cogitationem converto, vix credas, quam mihi ipse displiceam. Quare permitto mihi ut eas laudes, quas in me contulisti, rejiciam, aut ipse majores in te transferam: Nam mihi, utrumq; nostrum æquâ lance pendere, magni negotii non est: ut est, amo voluntatem tuam, ea mihi est, eritque semper, ut debet, antiquissima.

Laudes istas, quas affatim in me congeris; sic equidem interpretor, quasi non me depingere volueris, qualis sim: sed optimum exemplar præscribere, qualis esse debeam.

Hoc efficit ista tua tam magnifica laudatio, ut jam mihi minus incipiam placere, qui planè videam, quantum absum ab istâ perfectæ virtutis imagine.

Dum istam imaginem pingeres non à me, sed abs te ipso sumebas exemplum.

Sentio quid agas falsis laudibus istis nostram ignaviam extimulare voluisti.

Ideò summa tribuis, non quòd ea sim assecutus; sed quòd huc me summis viribus velis eniti.

Hoc agis laudando, ut aliquando videar laudandus. Ipse summis ac maximis virtutibus abundet oportet, qui in aliis paucas ac mediocres sic amat.

#### † SEQUUNTUR EXEMPLA

*aliquot Epistolarum Laudatoriarum.*

#### LAVS PERSONÆ.

Intellexi, vehementer te mirari quid sit, quòd cum adversas res omnes alias infracto semper erectoque animo tulerim: nunc unius amici tantoperè obitum lugeam, ut consolationi apud me nullus relictus esse locus videatur.

Verùm mirari, uti mea quidem fert opinio,

nio, defines: ubi doloris hujus mei atque luctus causas cognoveris. Etenim si quisquam omnium lucis hujus dignus usurâ longâ fuisset: hic profectò fuisset, quem præproperâ atq; intempestivâ morte abreptum, ordo luget equestris: senatus deplorat: deflent propinqui: mœrent amici ac familiares: cives omnes lamentis prosequuntur. Neq; id sanè immeritò. Ut enim latere illa nunc patiar, quæ ad laudandum materiam quidem amplam atq; copiosam suppeditant: nostrâ verò ab industriâ minimè proficiuntur: sed vel accepta naturæ feruntur: vel tribuuntur fortunæ: ita corporis venustatem, quæ in eo fuit eximia, ut non æqualibus modò suis antecelleret: verùm etiam natu grandiores quosdam longo post se intervallo relinqueret: familiam jam antè nobilem satis clarâ magis illustremq; redderet: Urbem eam in qua lucem hanc primò aspexerat, beneficiis afficeret amplissimis.

Etenim cum loco se minimè obscuro ortum seiret, & partim ex præceptoribus suis audiret: partim ipse intelligeret: nobilitatem veram, non in parentum majorumque aut imaginibus fumosis: aut auri argentivæ acervis: aut armorum atque togæ præclarè fortiterq; factis, sed sua ejusq; pietate, do-



erina, virtute, industria consistere: pueritiae & adolescentiae tempus lubricum admodum ac periculosum, in virtutis bonarumque artium & linguarum studiis: non otio ignavo: non turpibus voluptatibus: non, nescio quibus, oblectamentis aliis, consumptum.

Exteras deinde lustrare terras: varias variarum nationum discere linguas: urbium, non situm solum videre: sed & leges, instituta, mores cognoscere voluit. Longe (me Christe!) aliam viam secutus, quam non nulli ingredi hodie solent, qui peregrinantur: Non sanè *mauvés ports* placent: magis placet Medea, quae apud Poëtam, multos, quod domi agerent aetatem, improbatos fuisse affirmat.

Sed & Socratis mihi sententia probatur, qui querenti cuidam, quod sine fructu ullo longè lateq; esset peregrinatus: mirum hoc esse minime, respondit, cum secum ipse, & corpore tantum, non etiam animo peregrinatus fuerit. Itaq; vel hoc maxime nomine noster laudandus amicus fuit, qui in peregrinatione non operam dedit, ut domum aliquando reveritus vestes polymitas & versicolores, curta pallia, mores peregrinos, contemptum & fastidium rerum patiarum

adfer-

adferret : illustriores civitates videre, nominis ac celebratis alicujus viris, & adire, & audire : quæ notatu digna observare, inq; ephemerides referre est solitus. Neq; ut exoptatum studiorum finem consequeretur suæque prodesse patriæ posset, vel sumptibus, vel laboribus & molestiis ullis pepercit. Et quidem quod propositum habuerat, egregie atque subito est adeptus. Etenim cum post longam ac diuturnam peregrinationem domum rediisset, & pietate, eruditione, morum suavitate, sui in amorem bonos omnes pellexisset; non expectato legitimo tempore in Senatorium est ordinem cooptatus. Ubi quidem ita suam, & ingenii vim atq; præstantiam, & fidem & prudentiam, & animi magnitudinem & innocentiam omnibus probavit : ut natu quoque majores eum mirarentur, nec inviti plerique in rebus sequerentur : dignum etiam judicarent, cui gravissimis in negotiis deliberationes & legationes committerentur. Neq; in suis illis, vel consiliis, vel actionibus quicquam ad honorem & commodum retulit privatum : illud spectavit, ut cum religione atq; vero DEI veri cultu facta, quod ajunt, rectæque libertas maneret. Neq; etiam in maximâ rerum agendarum, cum multitudine, tum

varietate, autoritate summâ, laboribus atq;  
molestiis propè infinitis, ullum de se un-  
quam, vel superbiam, vel morositatis signum  
dedit. Sed nimirum ea vitæ humanæ est  
conditio: ut quod rarum, præstans, eximi-  
um, minimè sit diuturnum, leviq; momento  
evertatur, quod firmissimis nixum radicibus  
videbatur. Cum enim egregiam ille patriæ  
operam navaret: cum ejus indies fama cre-  
sceret, cum de literis literatisq; provehen-  
dis præclara atq; utilia animo agitaret: ecce  
ardens eum febris invasit, quæ primo con-  
tempta, ita pòst vires assumpsit, ut illi mor-  
tem attulerit: mihi & aliis dolorem pepererit  
maximum: Reipub. vulnus inflixerit  
grande atque altum: & quod multis sanari  
annis non poterit. Scriberem hæc de re  
plura, nisi temporis partim angustia exclu-  
deret: partim mœrore atq; luctu impediret.  
Nosti enim animum à curis vacuum: li-  
berum à tristitia: omnium experrem mole-  
stiarum stylum requirere: præclare nihil  
etaci posse: ubi vel animus mœret: vel æ-  
gritudine aliquâ sensus laborant. Valebis  
igitur: & quos apud vos Poëtas habes eximi-  
os, rogabis: ut suis scriptis demortui prosequi  
laudes, ejusdemq; ab oblivione atq; interitu  
vindicare memoriam velint.



† *LAVS ADOLESCENTIS STV-  
dioſi, Declamando ſeſe exer-  
centis.*

**P**oſteaquam mihi nunciatum eſt, te non liberalium ſolùm artium ſtudiis ſedulò diligenterq̃ue incumbere: verùm etiam declamando exercere aſſiduò, dici non poteſt, quantam inde lætitiã atque voluptatem perceperim. Sic enim arbitratus ſum: ſingulari hoc *DEI* Opt. Max. providentiã, præceptorumq̃; tuorum, cùm publicorum, tum privatorum adhortatione factum eſſe, ut ad id animum adſiceres, quo nihil, hac quidem in ætate, qua nunc es præditus, eſſe tibi aut fructuoſius, aut neceſſarium magis poteſt. Plenã, quod ajunt, manu collaudare eloquentiam: primas eidem tribuere homines ſolent. Et eſt reverã nihil illã, vel præclarior, vel utilior: utpote quæ præſtat, ut qui ab eã inſtructi ſunt ac parati, non rationis modò expertibus animantibus antecellant: ſed & homines alios ſuperent, & quò tandem cunq̃ue placuerit, deducant. Quin, ut alia nunc ſilentio involvam, & rerum cognitio omnis, quæ ex artibus ac diſciplinis paratur, inanìs, vana, infrugiſera eſt, niſi eloquentia accedat. Tantum enim quiſq̃; profeciſſe in literis videtur, quantum dicendo ſcriben-



bendoque exprimit: & sine dicendi vi atque facilitate, quæ cognita sunt maximè & perspecta, ignorari videntur. Quis ergo ut leviculam, puerilem, honestam parùm, declamandi rationem reprehenderet, sine qua parari eloquentia nullo modo potest? Ut enim reliquis in artibus atque disciplinis, nisi exercitatio accedat assidua, laude dignum nihil efficitur: Ita eloquentiam non ars & praeceptorum cognitio sola efficit: sed dicendi usus atque consuetudo assidua requiritur. Hæc enim est, quæ in rebus inveniendis ingenium acuit: judicium format: memoriam excitat: verborum copiam adfert: actionem reddit promptam: duo denique vitia illa, quæ perniciofa, ideoque reprehendi maximè solent, negligentiam suique amorem nimium tollit. Hinc summos clarissimosque viros ab ea minimè abhorruisse legimus, Cæsaram Lugdunum extruxit, ad quam eloquentiæ certamina quotidie fierent: ita quidem, ut victor, muneribus amplissimis afficeretur: victus, vel linguâ suâ orationem deleteret, vel in Arari ter demergeretur. Id quod *Juvenal.* opinor, illud indicat:

*Palleat ut nudis qui pressit calcibus anguem:  
Aut Lugdunensem Rhetor dicturus ad aram.*

Augustus Cæsar, Portius Latro, Demosthenes  
aliique plurimi declamitare sunt soliti : ipse  
Cicero, cujus meritò apud omnes valere de-  
bet authoritas, non Romæ solum, verum &  
Athenis, & in Asiâ, declamando sese exer-  
cuit, quodam etiam in loco fatetur, ari-  
dam atque jejunam orationis suæ futuram  
facultatem fuisse, nisi ad declamandi sese  
exercitationes contulisset. Itaque tuum  
institutum vehementer laudo proboque : in-  
primis verò, quòd modò difficultatem illam  
superâsse te intelligo, quæ ab hoc exercitatio-  
nis genere avocare plurimos consuevit.  
Nam & materiam, te usui quotidiano ac-  
commodatam viribusque parem deligere;  
eandemque cognoscere penitus : & ad co-  
gitandum aliud, aliud ad scribendum tem-  
pus sumere : & cum judicio locos omnes  
investigare, non tamerè quæ se offerunt in-  
farcire : & ad probatorum authorum ex-  
empla styllum conformare : & non tam sen-  
tentiarum multitudine, aut copiâ verborum,  
quàm bonitate orationem æstimare, intelli-  
go. Hortor quoque, constanter negotium  
ut urgeas : neque ineptis quorundam judiciis  
te avocari ab illo abducitque sinas. Ita ad ex-  
optatam illam eloquentiam pervenies : ma-  
gnòque oblectamento parentibus : amicis usui :

emo.

emolumento Reipub. tibi verò ipsi honori  
futurus es. Vale.

† LAVS CONIVGII.

AUDIO ita studiis te incumbere munerique  
imposito vacare, ut de contrahendo ma-  
trimonio curam atque cogitationem nullam  
fascipias: imò odio quoque eos prosequaris,  
qui de ducendâ uxore nonnunquam te com-  
pellant. Quod mirari profectò satis ne-  
queo. Illa fortè tibi placent: ἄλλοι ποὶ εἶπες  
τὸν βίον χαλεπὸν γάμος: & ἴσθ' οὐ βίον ζῆς, ἀν' ἡμεῖς κα-  
μὴ πρέσβης. At sunt alii, & quidem benè mul-  
ta, quæ in contrariam te sententiam pertra-  
here, atque eò impellere debent: ut matris-  
monio nihil honestius: utilius nihil: nihil  
iucundius: cūm omnibus aliis hominibus,  
tum verò literatis nihil necessarium magis  
statuas. Nolo recensere nunc ea, quæ tibi,  
ut homini, non solum docto, verū etiam  
pio, jam antè sunt nota, matrimonii non vi-  
rum aliquem insignem: sed DEUM ipsum  
auctorem esse: idem summâ adhuc in natu-  
ræ moderatione homini commendare, san-  
ctissimæq; parentum necessitudini anteponi  
velle. Non profero, quæ de Romanis sunt  
& Lacedæmoniis historiarum monumentis  
tradita: illos ærarios fecisse eos, qui ad se-  
nectu-



nequitiam usque celibes mansissent : hos à  
conviviis eosdem & ludis atque spectaculis  
arcuisse. Scis non ad solitudinem : sed  
societatem cujus pars prima conjugium. na-  
tum hominem esse : Esse justis, non de se so-  
lùm, verùm etiam aliis, atque adeò Repub.  
torà cogitare. Illud legisti, quod Plato  
quodam in loco scribit : *operam dandam ho-  
minibus esse : ut suum in locum liberos substitu-  
ant, qui juxta leges Deum colant : & vitam, ve-  
luti lampadem, posteris tradant*. Ad studia  
verò capeffenda, & diligenter fideliterque  
officii obeundas partes ecquid vel utilius, vel  
necessarium magis uxore esse potest ? Opus  
hìc est otio : diligentia requiritur : animus  
solutus à curis liber, tranquillus postulatur.  
Præstò uxor est sedula, quæ dum vel cum li-  
bris negotia habet, vel suo in Ecclesia, scho-  
la, aliisque locis munere fungitur, maritus,  
domi interim rei familiaris in sese curam de-  
rivat : & ne quam illa jacturam faciat, dili-  
genter providet. Infirmà plerumque at-  
que ægrà sunt valetudine literari : commodà  
victus egent ratione. Mirum, quanta hìc  
uxorum diligentia ! Lectulis quasi affixæ  
mandata expectant : oculorum nutus ob-  
servant : ad digitoli quod ajunt, crepitum  
jussa capeffunt : melius, quæ nobis obfunt,  
aut



aut profint, sapius quàm ipsi Medici nòrunt. Cum non raro ancillæ aut famuli, dum doloribus ægri excruciantur: aut neramque svaviter in aurem dormiant: aut lagenas exiccant: aut etiam cistas & armaria expient.

**D**E jucunditate porro scribere si vellem, Deum immortalem, quàm latus hîc sese mihi campus offerret? Quæris quo cum liberè colloquaris: cujus in sinum curas cogitationesque tuas effundas? uxor adest. Quæris qui laboribus fractum te & attritum reficiat? uxor adest. Quæris qui tuis rebus æquè atq; ipse, aut doleat adversus, aut lætetur secundis? uxor adest. Quid liberi, nullane in voluptatibus ac delectationis reponendi tibi parte visentur? Ah quàm svave illorum sunt in nos ocelli defixi! quàm mellitum balbutientium nomen parentis! quàm dulcis complexus! quàm grati etiam titubantes gressus! quàm lusus jucundi! Ut nihil de eo jam dicam, quod liberos qui habent, non fortunarum modò & facultatum magnis partarum laboribus; verùm etiam nominis atq; famæ heredes habent. At improbam ac morosam Xantippen metuis? precibus tuis Dominum compellabis eum, à quo solo pia, prudens, morata benè uxor datur. Si se-

cuis,

eius, atque expectâras, res eveniat: in id incumbes, ut vitia in uxore aut tollendo ipsam, aut tolerando te meliorem reddas: & secutus *Socratem, domi patientiam discas, quam foris exerceas*. Verum & hæc, & plura alia à cognatis atque amicis tuis audis quotidie. Quibus obtemperare te atq; operam dare oportet: ut primo quoque tempore sponsum te factum audire possim. Quod si erit: ad nuptias, etiam non invitatus, haud invitus veniam, & *zephyrias*, si non alia, saltem charitacea mecum adferam. Vale.

## † LAVS ARGENTINÆ.

Cum primùm scribendi ad te mihi data fuit occasio: & tuæ sollicitudinis, & meæ pollicitationis memor, negligere eam nolui. Veni autem *Argentina*, aliquot ante hebdomadas, itinere non usque adeò commodo, cum propter pluvias continuas, tum latronum metum. Addo etiam diversoria, in quibus, si à morositate quis atque avaritiâ recesserit, quæ commendet, pauca reperit: sed omnem mihi molestiam urbis ipsius aspectus absterfit: quæ in *Alsatio* loco sita plano omnibus iis à rebus præclare instructa parataque videtur, quibus bene constituta florentissq; alicujus Reipublicæ æstimari felicitas

tas solet. Ad ejus originem atq; primordia quod attinet: unà cum *Treveri*, aut non multò post edificari illam captam fuisse audio, quam quidem vetustissimam Germaniz civitatem Historici esse voluit? Indicat elogium circa annum Domini M. CC. in marmore repertum: *Ante Romam Treviris stetit annis mille, trecentis.*

Nomen verò illi *Argentina* Julii & Augusti Caesarum tempore impositum, creditur, ab argento scilicet, quod ad belli usus necessarios & stipendiorum solutionem hoc assertum in loco fuit. Quod tamen mutatum fuisse postea legitur, cum Hunnorum Tyrannus *Attila* hanc, cum aliis Rhenum tangentibus, urbem destruxit, & perviam reddidit: ut *Strasburgum* post, quasi *via* appellata *arx* fuerit. Licet sint, qui ab *Othone* primo, Imperatore auxilium Gallorum Regi Ludovico ferente, urbemq; occupante, hoc illi inditum fuisse nomen contendant, cum antè *Silberthal* nominaretur. Solum circa urbem bonum cum primis ac fertile est tantaque fruges & fructus ubertate atque copia profert, ut etiam sine civium aliquo detrimento ad alios exportari: Et meritò urbs hanc vicinorum cella penaria atque horreum appellari queat.

Flumina habet *Rhenum, Kinzingum, Ellum, Bruscham*: quæ pisces, ligna, vinum, aliaq; necessaria suppeditant. Nihil ego hic de ædificiis scribo privatis, in quibus parsimoniam & frugalitatem, non tamen mundicie atque elegantiam cives adhibent: Mitto armamentarium, omni armorum genere repletissimum: silentio muros, fossas, vallum, aliaque prætereo, quibus ita urbs hæc est munita, ut non malè *Germania* hæc in parte *propugnaculum*, & *quasi clavis* nominari posse videatur. Vel *templum* illud magnificum, in quo *horologium* arte mirâ paucos ante annos confectum,

*Et turris caput inter nubila condens:*  
Annulariis scalis, undiq; visui perviis, (Deum immortalem!) quam hominum in sese oculos convertunt? Verùm hæc cuivis, etiam imperito, obvia dices.

Itaque ne urbem modò vidisse: verùm *Hæmericum* secutus præceptum, & *τὸν* inspexisse videar, ad alia accedam. Vætigalem hanc primò aliis: post verò propter singularem fidem, atque fortitudinem libertate & *αὐτονομίᾳ* donatam fuisse audio: qua & nunc summa illa cum laude utitur: Dum ad publica capeffenda munera, gerendosq; magistratus eos deligit, qui pietate, virtute, Prudentia,



tiâ, experienciâ antecellere aliis videntur : & legibus atq; statutis munita est longè pulcherrimis : & ordine cuncta optimo instituit atq; peragit, ut multis in rebus, cum ab aliarum laudatissimarum rerum publicarum; tum verò Atheniensis atq; Romanæ quam proximè abesse exemplo videatur : quæ ego persequer copiosius, nisi metuerem, ne in volumen epistolæ excurreret, & ad aliâ, non minùs *ἀξιούνην* & properarem. Est, quod summum Reipublicæ beneficium atque ornamentum, numinis divini hæc in urbe *capitulum* verus, Deique verbo conveniens, ab erroribus atque superstitionibus omnibus repurgatus. Est *Academia*, in quâ præter curias decem, in quibus curia pietate, linguæ atque artes *ῥητορικῆς* traduntur, Oratores, Poëtæ, Historici explicantur, styli habentur exercitationes assiduæ : sæpè Græcæ & Latinæ aguntur *Comædia* ac *Tragædia* : etiam publicæ sunt scholæ : Theologiæ, Jurisprudentiæ, Medicinæ, Philosophiæ, Artium, atq; linguarum Professores : Qui non solum ex ipsis fontibus, perspicuâ faciliq; methodo res tradunt pulcherrimas & utilissimas ; Verùm etiam quo illæ pacto ad usum sint transferendæ commonstrant : *Disputationes* atq; *Declamationes* crebras instituunt. Est pro-

na magistratus misericordia, atque benignitas, qua tenuioris conditionis cives sustentantur: foventur peregrini: ægroti curantur: omnium, quoad fieri potest, egestati, inopix, miseris succurritur. Est *Xenodochium* & hospitium publicum, in quo peregrini pauperes excipiuntur. Est *Orphanotrophium*, in quo infantes expositi educantur: Est *Nosocomium*, in quo undique confluentes ægroti curantur: sunt ad D. VVilhelmum & Marcum *Collegia*, in quibus egeni studiosi aluntur: sunt loca multa alia, in quibus diligens vereque paterna miserrum cura geritur. Utinam verò tam effes ab occupationibus liber ac solutus, ut excurrere ad nos, & hæc omnia, multaque plura, quæ brevitatis nunc causâ latere optior, coràm intueri posses: Non te, crede mihi, itineris suscepti pœniteret. Sed ad privata jam venio. Hospitium nactus sum satis ad studia commodum: Humanitatem, atque benevolentiam civium singularem experior: Largè omnia mihi pollicentur ii, quibus commendatus à te fui: Præceptorum fide, ac diligentia eximia erudior: studia ira instituo, ut nullum effluere diem patiar, in quo non præter lectiones, quas (quod citra arrogantiam scripserim) assiduo

con-

constanterque audio, aut legam aliquid aut scribam, aut commenter. Reliqua etiam ad voluntatem fluunt omnia, ut gratias tibi agam, qui me domi ad focum delirescentem aliquando extruſeris. Ad te autem scribere hæc nunc volui, tum ut sollicitudine eâ, qua mei te causâ urgeri novi, te liberarem: tum, ut voluntati tuæ satisfacerem, qui discendenti mihi hæc inter alia sermō injunxisti: ut & de professione, & vitæ, studiorumque ratione meâ tota primò te tempore certiores facerem. Præceptores & patronos meos omnes, si modò quid jubere possum, salvetis jube. Vale.

† LAUS DICTI PINDARICI,  
de vitæ humana condi-  
tione.

SEmper Pindari apud veteres authoritas magna: Ejusdem dicta Oraculorum quasi habita loco fuerunt: verum inter alia omnia illud memoriâ cum primis laudeque dignum videtur, quod de humana ille vitæ conditione protulit. Deus inquit semper juxta unum bonum mala duo petit, quæ semper rectè prudentes; non itid. in sciri possunt. Ex hoc enim vir ille longè pavidus sumus videtur, id quod videre multi non possunt in illam

hæc quidem in vitâ suis omnibus numeris absolutam felicitatem reperiri; sed mali semper quid admixtum habere: Quod ut fractos consternatosque homines reddit imprudentes, ita de gradu, quod ajunt, deicere non potest eos, quorum prudentiâ pectus munitum est. Neq; verò in re per se manifestâ multis opus esse rationibus existimo. Quisque secum habitet: & verum illud esse dictum Poëtæ deprehendet. Res est præclara omnique auro atque argento præferenda scientia; eam qui invenit, digito quasi cælum sese attingere existimat. At hæc ipsa cum magnis est multisq; laboribus conjuncta. Jucunda multis in alios imperia esse videntur, propter hæc eadem ipsi violare non verentur. Verùm Damoclaum illi cervicibus impendentem gladium cernunt: Non vigilas, curas, molestias, pericula perpendunt, quæ secum adferre magistratus solet. In felicitate summâ pecunia ponitur, atque verum est illud Poëtæ:

—*solicita tu causa pecunia, vita es.*

—*per te immaturum mortis adimus iter.*

Tu vitiiis hominum crudelia pabula præbes.

Semina curarum de capite orra tuo.

Euripidis istud de conjugio multi probant.



Οὐ χρυσὸς, ἢ τιμωρίη, ἢ πλεῖστα κλιθῇ  
 Τούτων ἑκάστα διαφέρει τὰς ἡδονὰς  
 Ως ἀνδρὸς ἰσθλῦ καὶ γυναικὸς ὀσιβῶς  
 Εὐώμῃ δικαίᾳ καὶ φρενὶ τάνδικα.

Ast & hic dulce atque amarum misceri so-  
 let, conjuges qui sunt, experiuntur.

Vitz diuturnitatem ac senectutem exo-  
 ptant omnes: omnes illud in ore habent:

*Da spacium vitæ: multos da Iuppiter annos!*  
 Ubi verò hæc eadem obrepserit, gravior æ-  
 tna esse monte solet: omnis generis & mor-  
 bos, & molestias secum adducit: unde non  
 malè *Plato* ejus, quod jucundum, hæc in vitâ  
 atque sive judicatur, hanc esse conditionem  
 affirmat: ut cum contrario suo amicitiam  
 quasi perpetuam coæt, nihilque conjunctio-  
 ne illi reperiatur stabilius. Verè etiam pa-  
 trum quidam spinæ similem hominis esse vi-  
 tam scribit, quæ ubi tandem cunq; tangatur,  
 tangentem pungere consuevit.

Sed non hoc modo rectè est prudenter quæ-  
 à *Poëtâ* dictum: verùm & illud longè pul-  
 cerrimum, quòd, quomodo fiat vitæ huma-  
 næ ferenda mala, ostendit. Dolo re franguntur:  
 exanimantur metu, ejulatu atq; lamen-  
 tis complent omnia imprudentes, cum mise-  
 rias ac calamitates tales aspiciunt vel experi-  
 untur.

antur. At quia prudentiâ sunt doctrinâq;  
instructi, non solum in mala ejuscemodi  
mentis atque oculorum suorum aciem con-  
vertunt: verum etiam bona illa intuentur,  
quæ adhuc Dei beneficio sunt reliqua, & re-  
creare atque oblectare homines solent. Itaq;  
hanc tibi optimi poëtæ sententiam optimam  
commendatam semper habebis maximè eo-  
ia munere, quo nunc fungeris: In quo  
*γλυκύπικρα* procul dubio multa deprehen-  
dis. Vale.

## † LAUS CANIS.

**A**Ccepi literas tuas unâ cum dono ad me  
missas: atq; inde voluptatem percepi ma-  
ximam. Vidi enim me te amantissimum  
esse, inque ipso munere, quo donare me vo-  
luisti, eorum diligentem rationem habuisse,  
quæ præ cæteris grata mihi esse & jucunda  
côstet. Non enim turpe mihi duco in amo-  
re atque delictis canes habere: aut etiam ve-  
nationes amare: Quarum à Naturâ, cùm  
omnibus aliis; tum verò generosis maximè  
excellisq; præditis ingeniis amor est insitus:  
Quæque, siue honestas spectetur, siue utili-  
tas consideretur, siue voluptas proponatur  
& delectatio, omnibus aliis anteponenda  
exercitationibus videntur. Ad donum ve-

302 DE CONSCRIBENDIS

rò ipsum quod attinet: prolixè illud diligenterque commendarem, nisi metuerem, ne nimium præsens laudando, novum ali- quod emendicare velle judicer. Canes vidi multos; Multos etiam domi alo; at cum eo, quem tu dono mihi misisti, conferri illi com- pararique nullo modo possunt. Etenim non è castellorum melitæorum ille est numero, qui non nisi in pulvillis & culeitris custodi- endis sunt occupati: Aut eorum, in quibus, si ab ignavâ corporis mole discesseris, quod commendes, nihil reperies: sed & venustam corporis speciem, & ad feras, cum perse- quendas, tum præsternendas reboris atque agilitatis habet plurimum. Fide autem ac vigilantia tantâ, est, ut eum a quælibet atque hominem mecum in cubiculo esse ve- lim. Et pro munere ergo isto gratias, uti debeo, maximas tibi ago: & quo illud remun- nerari quædam modo, sedulè diligenterque cogitabo. Vale.

DE REPREHENSORIA

*Epistola.*

**A** Pud inferiores, vel sceleratos atque im- probos simplici reprehensione uti licet. Cum verò eos vituperare necesse habemus, quos aliquâ in parte metuimus, aut hactenus



aus bene vixisse constat, ante omnia opera danda est ut reprehensio, quæ per se ingrata atque odium conciliare solet, mitigetur, atque leniatur. Id quod his potissimum modis fieri potest: si ostendamus, perquam invitos nos, extremaq; coactos necessitate ad reprehendendum accedere: si in aliis eos laudemus, tum enim, non ex odio aut malevolentia reprehendere alios videmur, cum debitam eis laudem adimimus: si non nos, sed alios quosdam esse dicamus, qui hoc vel illud in amico desiderent: si personæ loco ipsum vitium reprehendamus, & doceamus amicum medico similem esse, qui ut aegroto medeatur, morbum odisse solet: Non vitia amicorum iis amanda; qui amicos amant.

Exordimur hæc epistolas vel à reprehensione, vel à querela, vel ab expositione, causæ & occasionis institutæ seripcionis.

Deinde argumenta reprehensionis, desumpta, vel à causis vel à circumstantiis, vel testimoniis & iudicio aliorum, ponimus.

Denique vel hortamur, vel quæ scripta sunt, repetimus, vel nos de Epistolæ longitudine purgamus.



Exemplum reprehensionis observatum in Epist. 17. lib. XVI ad Famil. qua Tironem Cicero reprehendit, quod voce *Fideliter* improprie usus sit. Exordium illius reprehensione constat. Confirmatio ejusdem rationes exponit. Conclusio præcissione & adhortatione facta est.

**V**ideo quid agas: tuas quoque epistolas vis referam in volumina. Sed heus tu, qui cavere meorum scriptorum soles, unde est illud tamen *ἀρρογ*. VALETUDINI fideliter inserviendo? Vade in istum locum FIDELITER venit? Cui verbo domicilium est proprium in officio, migrationes in alienum multa. Nam & doctrina & domus, & ars, & ager, totiam fidelis dici potest: ut sit quomodo Theophrasto placet, verecunda translatio. Sed hac coram. Demetrius venit ad me quo quidem comitatu & quid non satis scis. Tu eum videlicet non potuisti videre: Cras aderit: videbis. Nam ego hinc perendi mane cogito. Valetudo tua me valde sollicitat: sed ei inservi, & fac omnia: Tum te mecum esse, tum mihi cumulatissime satisfacere putato. Cuspicio quod operam dedisti mihi gratum. Valde enim ejus causam volo. Vale.

## † IMITATIO HVIVS EPI-

*stola talis esse pot-  
est.*

**V**ideo quid agas: Rerum cogni-  
tioni dum studes, verborum  
puritatis atq; elegantiae rationem  
prorsus nullam habes. Unde enim  
illa irrepperunt? Ingenii acuitas, &  
in registro noto, & nescio, quæ ver-  
borum monstra alia, quæ profectò  
non in Cicerone legisti, sed ex cu-  
lina aliqua depromisti. Simplici,  
inquires, stylo contentæ sunt episto-  
læ: verba amant quotidiana. Fate-  
or. At in ipsa etiam simplicitate ef-  
se puritas debet: &, quod est quo-  
tidianum, suam quoque munditi-  
em requirit. Nisi fortè quia vasis  
argenteis non utimur semper, id-  
circo sordibus quæ sunt conspur-  
cata vitra placent: Aut illuvie im-  
munda propterea gratæ sunt mu-  
lieres, quod splendido vestitu quo-  
tidie

tidiè non sese ornant. In illam igitur, amabo te, curam incumbere, ut Latinas posthac & Ciceronianas magis abs te literas accipiam. Nôsti domum ad parentes, præceptores, Meccenates missas literas, testimonia quædam diligentiae & profectus in studiis esse. Magnam ego meo testimonio tui expectationem apud parentes, & quosdam ordinis senatorii viros concitavi. Fac ergo hi ut intelligant veritatis, non gratiæ meum istud testimonium extitisse. Ita gratum abundè erga me te declarabis: & quam collectam bonorum doctorumque virorum jam gratiam habes, non effundes: sed retinebis: honestum etiam, domum aliquando reversus, in patriâ locum consequi poteris. Vale.





REFREHENDENDI VITV-  
*perandique formula.*

Quod est ingenium tantum, quæ tanta  
facultas & copia dicendi, quæ istius vitam  
tot vitiis flagitiisque conjunctam, aliqua ex  
parte defendere possit.

Te tuis maleficiis in invidiam omnium ad-  
duxisti.

Labes, pernities, & fax es nostræ urbis.

Nihil aliud studes, nisi ut lutulenta ins  
eum quovis volutari.

Hanc teterrimam beluam quis ferre pot-  
est, quid est in eo præter libidinem, crudeli-  
tatem, petulantiam, avaritiam, audaciam: ex  
his totus conglutinatus est: Nihil apparet in  
eo ingenuum, nihil moderatum, nihil pru-  
dens, nihil pudens, nihil pudicum.

Desidiæ ac luxuriæ plenus es.

Pudorem cum pudicitia perdidisti, homo  
es humanitatis expers, & vitæ communis  
ignarus.

O sceditatem hominis flagitiosam! O  
impudicitiam, nequitiam, libidinem non  
ferendam.

Te non pudor, non pietas, non macula  
familix. Non hominum fama ab hac cupi-  
ditate revocare potuit? Homo nequam, acer-



bus, criminosus, improbus, turpis; multis flagitiis contaminatus.

Catilina conatus est usq; à pueritiâ, non solum intemperantiâ & scelere; sed etiam consuetudine & studio in omni flagitio, stupro, cæde, versari.

Catilina vini, somni, stupri plenus; mandenti comâ, composito capillo, gravibus oculis, fluentibus buccis, pressâ voce, temulentâque: Homo sine sensu, sine sapore, elinguis, tardus, inhumanus, neglectus.

Homo omnium scelerum libidinumque maculis notissimus.

Omnium scelerum flagitiorumque documentum,

Homo es sine Re, sine fide, sine fortunis, Bre, linguâ, manu, vitâ omni inquinatus.

Promptus ad vim, paratus ad seditionem, audax ad omne facinus. Vultus ejus plenus furoris, mens scelere obstricta, lingua maledictis impedita, oculi feritatis, sermo atrocitatis plenus.

Impurus, impudens, contumeliosus, semper eò contendens, quò furor rapit.

Nulla libido ab hujus corpore, nulla vis à manibus, nullum flagitium à turpissimis sceleratissimisque; ejus factis absuit unquam.

Homo

Homo omnis turpitudinis exemplum, dedecus adolescentiæ, probrum juventutis, ludibrium senectutis, plenus stupri, plenus contentionis, plenus inconsideratissimæ temeritatis.

Mulier perditâ nequitia, effusâ libidine, insatiabili cupiditate, arte quadam ad voluptates adolescentulorum excitandas accommodata.

Nulla turpitudinis est nota, quæ non hujus pecudis inusta sit vitæ: nullum animi virium, quo non mens ejus oppressa sit: nullum flagitii dedecus, quod non famæ ejus inhzreat.

Homo inops ab omni existimatione, amicorumque commendatione, in omni dedecore volutatus.

Quæcunque in homine infami, perdito ac damnato vitæ reprehendi publicisque legibus damnari possunt, ea in hoc universa redundant: nullum unquam à pueritia honorem, nulla virtutis studia, nullum bonæ existimationis fructum cogitavit: Itaq; ex bonorum decoctore, fraudatore publico, omnium civium factus est hostis: nulla tamen insignior, scædiorq; infamiæ nota inuri illi potuit, quàm quod in hac scelerum importunitate, nemo illum aditu, nemo con-

gressione, nemo officio dignum judicat; omnes illum tanquam nequam, turpem, improbum, multis flagitiis contaminatum fugiunt.

Nihil in hoc abjectissimo pecore virtutis, nihil animi, nihil nervorum: & in tam vasto corpore tanta judicii est inopia ac rationis egestas, ut ne mica salis quidem inesse videatur.

Nulla hujus in consiliis prudentia, nulla in amicitia fides, nulla in rebus publicis dignitas, sed omni stupore animi atque amenitâ sunt contaminata.

Omnis hujus labor, cogitatio, omnes sensus, in obrectationem famæ alienæ, dignitatisq; oppressionem s. ut converfi.

Infamis hic scurra, & omnium bonorum consuetudine indignissimus, ut ipse ab omni vitæ atq; honoris existimatione alienus semper fuit; sic præcipiti furore & quadam naturæ importunitate in optimi cujusq; existimationem invehitur.

Homo plenus fastus, superbix ac contumeliæ, & eò ignorationis atque insolentiæ progressus, nullius ut virtutem, nullius ut laudis atque doctrinæ famam ferre possit, omnia præ suo fastu contemnens, repudiâns, damnans,



† REPREENSIO ADO-  
lescentis Improbi.

SI per occupationes, quibus districtus  
nunc teneor, domo aliquandiu abesse &  
ad vos proficisci potuissem, fecissem sanè il-  
lud, nec tam libenter, quàm necessariò fe-  
cissem.

Sed quia fieri omninò hoc istud tempore  
nequit, ne tacendo parum meo me officio  
fungi, aut tua comprobare delicta atq; erra-  
ta dicere quis possit, non intermittam,  
quin absens te objurgem, operamque dem,  
ut mea hæc reprehensio sit vel salutaris tibi,  
vel mihi utilis atq; commoda ad conservan-  
dam cum famam secundam apud homines,  
tum Deum, conscientiam bonam. Audio  
familiaritate te uti & amicitia, cujusdam a-  
dolescentis, hominis nequam atque extre-  
mè improbi. Quod quàm sit mihi grave ac  
molestum, nòrant si qui mecum vivunt, &  
ego verbis exprimere satis nequeo. Est sa-  
ne in Academiis contrahenda cum aliis amicitia:  
neque, aut jucundiores, aut firmiores ulla iis esse  
solent, quæ primà in aetate & studio contrahun-  
tur. Sed est in legendis amicis judicio magno o-  
pus. Et si ulla in re locum habere debet il-  
lud: deliberandum diu, semel quod statuendum,  
in amicitia maxime coeunda habere debet.



512 DE CONSCRIBENDIS

Verum tu promiscuè quosvis tibi asciscere,  
& numerare, non ponderare amicos vide-  
ris.

Quid enim? an quibus sociennus iste  
tuus parentibus sit ortus, ignoras: aut il-  
lud nescis, ex illius majoribus neminem,  
nisi improbitate ac sceleribus notum fuisse?  
Hinc, ut proverbio dicitur, *πατὸς κακοῦ καὶ τοῦ κακοῦ ἀνὴρ*: *parentis mali pessimus filius*, qui à  
pueris nihil boni domi vidit, audivit, didi-  
cit. Præceptores quidem habuit optimos:  
sed eos naso suspendit adunco: disciplinam  
ferre non potuit, in ea puerulis sapius,  
quàm vel templis vel Scholis conspici sese  
passus est: *as alienum grande*, in scitis paren-  
tibus contraxit: *in concubiam usque no-*  
*tem potavit*: amoribus operam dedit tur-  
pibus: quid dicam amplius? ex omnibus vi-  
tiis quasi compositus & conflatus est. Itaq;  
quis te malus genius ad illius amicitiam atq;  
familiaritatem pertraxerit ignoro: sed do-  
leo interim vehementer.

Severè etiam tibi mando: ut in posterum  
ab illius conversatione abstineas, eaq; in re  
& mandati divini: & Academia, in qua vi-  
vit: & mei, qui, ut nōsti, professionis isti-  
us autor tibi extiti: & deniq; tuæ famæ atq;  
existimationis rationem habeas. Sin minus,

in gra-

in gravem, non meam solum, verum etiam  
 Meccenatum tuorum, atq; adeo bonorum  
 omnium offensionem incurres, poenas quoq;  
 eas expectabis, quas non obedientibus minari  
 Dominum nôsti. Vale.

## † VITUPERATIO

*facti.*

ET si perinvitus faciam, te ut reprehendam  
 &, si quisquam alius, à vituperationibus  
 abhorream: tamen amicitia nostra fides ac  
 religio requirit, ut vituperare hoc te tem-  
 pore minimè verear. Quid enim per Deum  
 immortalem agis, aut quid tandem cogitas?  
 Nemo à vobis ad nos venit (veniunt autem  
 plurimi) quin de tua avaritiâ ac tyrannide  
 conqueratur: idem multorum bonorum ad  
 nos perscripta literæ confirmant. Miseros  
 homines exactiōibus vexas: nova singulis  
 propè mensibus tributa excogitas: etiam le-  
 viculis atq; minutulis delictis multas con-  
 stituis gravissimas: imò eò quoq; improbi-  
 tatis & audaciæ deuenis, ut quæ tibi, aut tu-  
 is arrident, palàm eripere alijs minimè du-  
 bites. Quæ res sanè facit: ut præ magno  
 dolore; quid ad te scribam, non reperiam.  
*Tiberius imperator pastoris boni esse dixit, tode-  
 re, non deglubere pecus: & Alexander ille Ma-*  
*gnus,*

gnus, olitorem odisse sese eum, affirmavit, qui herbas radicibus extirpet. Patres appellantur Magistratus: Populi vocantur Pastores. Tu verò (erumpat enim vox libera) tu inquam, lupum; non pastorem agis: subditorum miserrorum, & jam propter annonæ caritatem gravem ac diuturnam, ære oppressorum alieno sudorem atq; sanguinem exugis. Habuisti tua in familia viros: non tam prudentiæ aut fortitudinis, quàm justitiæ atq; continentiæ laude insignes: & ne longius abeamus, patrem, antiquæ fidei ac religionis exemplum. Qui profectò non auri argentique majorem, quàm pietatis, & justitiæ rationem habuit: aut fatius esse duxit, opes atq; divitias magnas corrèdere, quàm nomen post se bonum relinqueret. Tu verò, modò numerorum cervos maximos exstruas, quid de te aut cogitet Deus, aut sentiant ac loquantur homines, susq; deq; ferre videris. Equidem tributa exigere: imponere vestigalia: imperare alia: non impium, aut turpe esse iudico. At nullâ flagitante necessitate hoc facere: subditos ita expilare, ut ad familiam alendam nihil ipsis relinquatur, id omnino à pietate, justitiâ, honestate alienum duco. Exempla quoq; tum vetusta, tum recentia; & adhuc propè spirantia satis testantur, eos, qui



qui abradendæ à popello misello pecuniolæ rationes excogitârunt novas, & ex aliorum ruinis sua sunt exædificare conati: & perdidisse alios, & tandem cum Deo, tum hominibus invisos factos, periisse miserè. Verum hanc in sententiam plura, opinor, cognati ac propinqui tui ad te perscribent: quibus obtemperabis. Simul etiam liberam hanc meam reprehensionem æqui bonique consules, memor illius; *Amicorum vulnera, non vulnera, sed oscula.* Vale.

† REPREHENSIO SENTENTIAE Menandri de Tempore.

Scribis vehementer tibi, Menandri, illud dictum placere: *χρόνος πάντα γινώσκει. Tempore omnia fiunt & producuntur.* Ego verò, dum paulò, uti debeo, illud considero diligentius, ut falsum atq; absurdum reprehendendum maximè esse reperio. Quid enim absurdum magis, quàm rerum omnium, & generationem & perfectionem tribuere ei; quod omnia destruit, perdit, conficit? Nihil sapientiâ est & scientiâ pulchrius aut præstantius: eam qui sunt consecuti, non reliquos modò homines longo pòst se intervallo relinquare; verùm etiam à diis ipsis quàm  
proxi-



## 516 DE CONSCRIBENDIS

proximè abesse videntur. Hanc verò rei nulla alia quàm tempus perdit: quod ingenij vires imminuit, & duas illas studiorum pestes, oblivionem scilicet & dubitationem inducit. Sensibus deinde totique corpori quid, nisi tempus, interitum adfert? Oculi in senectute caligant, & stellæ lucidissimæ densissimis quasi nubibus obteguntur, aures ob-  
surdescunt: manus, quæ corpus custodiunt, tremere incipiunt: crura, quibus idem niritur, sub pondere vacillant. In ea autem, quæ à fortuna manant, atque proficiscuntur, an non vim suam atque tyrannidem tempus exerceat? dum facultatibus homines exuit: dum, quos terra profert, fructus conterit & corrumpit: dum præclarorum virorum memoriam oblivione extinguit? Jam verò rei literariæ quantam idem tempus cladem intulerit, quis ignorat? Quare Aristotelis plus quàm quingentos libros, qui à doctis numerantur, nusquam apparebant. Quare rerum gestarum scriptores, quorum suis in scriptis mentionem Cicero facit: Non reperies. In tempore porro corruptis depravatisque locis emendandis, quàm viri doctissimi clarissimi que diligentes sunt hodiè, & quàm hac in re de literis præclarè merentur. Ad imperta verò & Respublica.

conferre me si vellem, Deum immortalem,  
quàm mihi metuendum esset, ne in oratio-  
nem integram epistola excresceret. Ubi do-  
ctæ illæ & literis literatisque hominibus af-  
fluentes Athenæ? Ubi nobilis & rebus bel-  
licis celeberrima Lacedæmoniorum Res-  
pub. ubi æmula laudis Romanæ Cartha-  
go? Nonne his omnibus tempus solum rui-  
nam atq; interitum attulit? Vbi aureum il-  
lud caput? ubi pectus argenteum? ubi ven-  
ter æneus? ubi Babyloniorum, Persarum,  
Macedonum imperia olim florentissima?  
prostrata jam atq; eversa jacent. Quin &

*Deficiunt validi longævo tempore tauri,*

*Et quondam pulcer, qui modo turpis, equus.*

*Fracta diu rabidi compescitur ira leonis,*

*Lentæq; per senium Caspia tygris erit.*

*Ipsa etiam veniens consumet saxa vetustas,*

*Et nullum est, quod non tempore cedat,*

*opus.*

Sed nimirum ineptus ego, qui temporis  
inurias complecti omnes, & quidem epi-  
stolâ complecti conor. Et adductæ jam rati-  
ones, quæ nostros in oculos incurrunt  
quotidiè satis testantur falsam atq; absur-  
dam Menandri hanc sententiam, veram con-  
tra illam Sophoclis esse.

Πάντ' ὁ μέγας χρόνος παρσίνει τὴν καὶ φλέγει.

T REI

**N**ihil multis hinc ab annis accidisse mihi  
acerbius memini eo quod nuper audiui, te  
indies in studiis remissiozem fieri, deque vi-  
tæ genere literario, cum militari commutande  
cogitare. Quia enim ab ineunte ætate  
unicè te amavi; autor quoq; nobilissimo De-  
parenti extiti, ut ad Academias te ablegares;  
non possum non dolere: subitò te, vel ju-  
venili quadam temeritate, vel improborum  
quorundam vuculis persuasum, studiis vale-  
dicere, & quidem tale vitæ genus sectari  
velle, quod, siue honestatem quis spectet:  
siue jucunditatem quærat; siue propositam  
utilitatem habeat. Probari nullo modo po-  
est. Etenim, ut missis nunc aliis, ea solum,  
quæ te tuq; ordinis homines propius attingunt,  
breviter indicem, quid nobili nato loco  
esse turpius potest, quàm mercenarium  
fieri: libertatem cum servitute commutare:  
Ex aliorum cruore quæstum facere: Pietati  
omni renunciare? Neq; enim, ut ille ait:  
*in castris malus est quisquam, nisi is, qui malum  
nihil agit.* Neque etiam temerè illud à Poë-  
ta Lucano dictum, ferè in proverbium  
abiit.

*Nulla fides pietasq; viris, qui castra sequun-  
tur.*

*Venaleſque manus: ibi fas, ubi maxima mer-  
ces.*

Ab honeſtate verò ad voluptatem atque de-  
lectationem ſi te convertas: Ecquam obſe-  
cro in caſtris reperiſ? Sub dio jacere, excu-  
bias etiam agere milites: Imbres, nives, æ-  
ſtum, frigus perferre coguntur: Aſſveti vi-  
no bono & generoſo aquâ reſtinguere ſitima  
neceſſe habent: pro ſymphoniâ ſraviffimâ,  
bombardarum tonitrua, armorum crepitûs,  
clamores, ejulatûs, lamenta audiunt: ſæpè  
pane duro, aut pomis caducis famem depel-  
lunt. At comoda, inquires, homines ex-  
citant, ut caſtra ſequantur. Egregia ſanè  
comoda, cum domum ſecum milites man-  
cos ac debiles artûs: Inſignem vulneribus  
vultum: Paupertatem, ulcera, morbos va-  
rios referunt: ſed eſto: onuſti coronatis  
redeunt milites: quàm obſecro diuturnus  
illarum divitiarum eſſe uſus poteſt, quæ à mi-  
ſellis ruſticulis aut aliis innocentibus ſunt  
abraſæ? Et hoc in more habere milites non-  
nullos videmus, ut ſi quam in bello pecunio-  
lam collegerint, ne rubiginem fortè illa ob-  
ducatur, illicò hoſpitibus committant. Itaq;  
etiam atque etiam te hortor; ut omni abje-



Et cogitatione militiæ, studia tua persequaris, quæ & voluptates veras ac diuturnas habent: & deniq; ea bona adferunt, quæ nec eripi nec surripi possunt.

Loco natus es nobili, quem maximè virtus atq; doctrina ornat: Principem habes & literatum ipsum, & summum literatorum patronum: parentes tibi Deus est largitus, qui suppeditare tibi sumptus & volunt & possunt: non ingenium deest: non ad capeſſenda studia necessaria desiderantur. Tuum igitur erit considerare potius, quid Deo, quid parentibus, quid cognatis & amicis debeas: quàm alij, non ad quietem atq; otium, sed bella nati homines spondeant. Vale.

### DE IOCOSA EPI-

*stola.*

**I**ocosa seu *Faceta Epistola* dicitur illa, qua suaviter cum amico jocamur.

Iocosè aliquem carpere, & de eo conqueri, quandam affert gratiam: Iocando siquidem possumus aliorum dicta, sententiâs, & facta confutare.

Ad jocos acere est iudicium adhibendum: nec enim cum omnibus jocandum est: sed inspicienda est persona, & pro persona qualitate

litate jocandum, vel non jocandum est; cum sint qui jocum nec dicere soleant, nec ferre possint.

Rerum quoq; quæ jocos & ludos admittant, habenda est ratio: in miserijs enim & calamitatibus facetiæ non probantur. Ad hæc parcè & moderatè adhibeantur necesse est.

Postremò sedulò cavendum est, ne illiberales, petulantes, flagitiosæ, obscenæ, aut scurrilitati proximæ sint facetiæ, nevé dum nos ridicula dicere volumus, ridiculi ipsi simus.

Locosis & facetis Epistolis ita delectatus est Cicero, ut vix ullam jocandi occasionem prætermittere potuerit. Sed tamen in iisdem hæc utitur cautione, ut non velit, nisi tempestivè jocari.

sed quid ago, inquit, cum mihi sit incertum, tranquillone sis animo, an ut in bello, in aliquâ maiusculâ curâ, negotio vé ver seris? Cum igitur erit mihi exploratum, te libenter risurum, scribam ad te pluribus.

Item epist. 4. lib. 2. locerné rerum, inquit, per literas: civem meherculè non puto esse, qui temporibus his ridere possit.

Aliquando etiam in rebus severissimis utitur joci,

Ali-

Aliquando ex ipso loquendi genere occasionem arripuit.

Solet autem jocationes suas ita claudere.

Sed jam satis jocari sumus.

Sed hæc jocari sumus, & tuo more, & non nihil etiam de nostro.

Sed de joco satis est.

Plerumq; etiam à jocis ad seria sibi transi-  
tum parat, hoc modo:

Extra jocum, vel, Remoto joco.

Aliquando jocis suis aliquid præfatur.

Sic tu (libet enim mihi jocari) quod discretum non erit, ne putaris meum.

Alicubi admonet, ea quæ dicit, non esse jocantis verba.

Atq; hæc nolo te jocari putes.

Sed hæc, de illi Epistolis, quæ mistos habent jocos, dicta sunt.

Exordium Facetarum epistolarum consistat apud Ciceronem, vel amoris studiique declaratione, vel lætitiæ voluptatisque ex amicis literis perceptæ significatione, vel institutæ scriptiōis occasione; vel silentii excusatione: vel amici reprehensione, vel dicto aliquo communi.

Pars altera sententias complectitur facetas: petitas vel ab Etymologia, hoc est, ab interpretatione & expositione vocabuli: vel

ambi-



ambiguitate verbi: vel Ironiis: vel Allegoriarum: vel circumstantiis loci temporis, personarum, modi, causarum, rerum: vel testimoniiis & sermonibus hominum: vel sententiis & dictis præclarorum virorum, in quibus singularis voluptas atque delectatio esse solet: vel exemplis: & narrationibus sive veræ illæ, sive fictæ & fabulosæ existant.

Conclusio absoluitur, vel adhortatione: vel petitione: vel præcitione: vel excusatione.

Exemplum jocosæ Epistolæ, observatum in 20 Epist. lib I X. ad Famil.: qua Pato se Epicuræum factum esse, significat, nec ut ante, cœnis mediocribus contentum esse: hortatur itaque ut probè cenam instruat. In Exordio Epistolæ lætitiæ & voluptatem ex Pæri literis perceptam indicat. Deinde vitæ suæ rationem facit admodum narrat. Postremò Pætum ne sumptibus parcat, hortatur.

**D**upliciter delectatus sum tuis literis & quod ipse risi, & quod te intellexi jam posse ridere: me autem à te ut scurræ velitem malis oneratum esse, non moleste tuli. Illud doleo in ista loca venire me ut constitueram non potuisse: Hæc buissem enim non hospitem sed contubernalem;



at quem virum? non eum, quem tu solitus es promulsi de conficere: integram famem ad ovum affero: haeque ad assum vitulinum opera perducitur. Illa mea, qua solebas antea laudare, ô hominem facilem, ô hospitem non gravem, abierunt: Nam omnem nostram de Rep. curam, cogitationem de dicenda in senatu sententiâ, commendationem causarum abiecit, in Epicuri nos adversarij nostri castra coniecimus: nec tamen ad hanc insolentiam; sed ad illam tuam lautitiam, veterem dico, cum in sumptibus habebas: Et nunquam plura pradia habuisti. Proinde te parare: cum homine edace tibi res est, & qui jam aliquid intelligat. ô quid deis autem homines scis quàm insolentes sint. Dediscenda tibi sunt sporrelle & artolaga tui. Nos jam ex arte tantum habemus. Vettium tuum & Camillum, quâ munditiâ homines? quâ elegantia? vocare sapius audeamus. Sed vide audaciam: etiam Hirtio cenam dedi sine pavone: tamen in omnia coqui, prater jus fervens nihil potuit imitari. Hac igitur est nunc vita nostra; manè salutamus domi & bonos viros multos, sed iristes: & horatos victores, qui me quidem per officiosè & perammanter observant. Vbi saluatio defluxit, literis me involuo, & aut scribo aut lego. Veniunt etiam qui me audiunt, quasi doctum hominem: quia paulo sum, quàm ipsi doctior. Inde corpori omne

tempus datur. Patriam eluxi jam & gravius & diutius, quàm ulla mater unicum filium. Sed cura, si me amas, ut valeas: ne ego te jacente bona tua comedam: statui enim tibi ne egroto quidem parcere. Vale.

† IMITATIO HUIUS EPISTOLÆ,  
in qua festivè cum amico jocamur, & quo-  
modo excipi ab illo, tractariq; vo-  
limus, indicamus.

**D**upliciter tuæ literæ me dele-  
ctârunt, & quòd risi ipse sva-  
ter illis lectis: & quòd te intel-  
lexi; severitate deposita Stoica, ri-  
dere jam posse & habere hilariùs.  
Illud interim doleo, venire me ad  
te, uti constitueram, per occupa-  
tiones non potuisse. Diutius enim  
apud te mansissem, & non hospes,  
sed contubernalis tuus factus fuis-  
sem. Neque virum eum nunc me  
esse existimes, quem tu aliquando,  
aut pulmento aut juscule, aut lar-  
do aut minntali conficere es  
solitus. Displicet Hecates cana;

non Pythagorica probatur, terre-  
stris: & oleribus saltem constans:  
Valere etiam Platoniam jubeo:  
quæ multum fabularum, parum  
verò cibi habet. Omnis generis  
eupedias amo: eas ut consequar,  
diligenter convivia aliorum adven-  
titia, viatica, collatitia, visceratio-  
nes etiam observo: adeo sæpè in-  
vocatus, eaque in re Apitium &  
Philoxenum imitor, qui nunquam  
tristiores fuisse dicuntur, quàm  
cum domi sum cibum capere co-  
acti. Quin & integram famem & ad  
*ἀφαιλῶ* adfero ad lactucam aut of-  
sam: aut ad assas usque carnes aut  
bellaria produco & cum Hercule  
mihî aut Pharsaliis, aut Boeotis ne-  
gótium esse puto. Quid vis am-  
plius, omni curâ atque cogitatio-  
ne de studiis aliisq; rebus seriis ab-  
jectâ, in Epicuri me castra contuli,  
& voluptate vitæ hujus metiri feli-  
citatē.



eitatem cœpi. Itaq; loculos tuos omnes exentias : culinam etiam atq; cellam vinariam probè instruas necesse erit : hospitem multi, non joci; sed cibi & potus habebis : & qui jam, quàm sit suave atq; jucundum saliare in modum epulari didicit. Nostra autem, opinor, quàm insolenter suam ostentare artem *ἡ ψυχὴ δὲ* soleât. Dediscendę tibi erunt sportellę removendę bubulę atq; ovillę carnes : apuę, alborni, aselli arefacti, haleces, sive conditaneę illę, sive passę infumatęq; fuerint : Perdices jam, phasiani, attagenę placent : salares, salmones, govii, trutę, muręnulę, & muli barbati sapiunt. Ne siticulosum quoq; atq; aridum sit convivium; vinum apponatur, non aut fugiens aut acescens, aut pendulum, aut operarium, sed generosum & nobile curabis: quod oculis *Colore*, Odore naribus palato



lato sapore placeat : auribus etiam  
famâ commendetur. Hæc enim  
mea nunc est vita : amicos meos  
crebrò saluto : hilarè cum illis sva-  
viterque vivo ; caperatâ atque ru-  
gosâ domi relictâ fronte : memor  
illius :

*Protinus ante meum , quicquid dolet ,  
exue limen.*

Reliquum tempus ambulatiuncu-  
lis, ludis, aut quieti tribuo. Sed o-  
peram da ut & valeas, & domi re-  
periaris, ne ego te, vel jacente, vel  
quod fieri interdum audio, adesse  
nolente, bona tua comedam : cum  
stet sententia, minimè tibi parcere.  
Vale.

**E**xemplum jocosæ laudationis , observa-  
tum in Epist. 6, lib. VII. ad Fam. cujus Ex-  
ordium fecit à Proverbio. Deinde ob sapi-  
entiam in belli periculis fugiendis, & acqui-  
rendis opibus salustimè Trebatium Cicero  
laudat.

**I**Nequo Traiano scis esse in extremo, SERO SA-  
PIUNT PHRYGES. Tu tamen mi Vetule,  
non serò. Primum quod illas rabiosulas sat fatu-  
as dedisti: deinde, quod in Britannia non nimis  
Philosopos te praeuisti, planè non reprehendo.  
Nunc verò in hibernis vinctus mihi videris, itaq;  
te commovere non curas: usq; quaq; sapere opor-  
tet; id erit telum acerrimum. Ego si foris cen-  
tarem C. Octavio familiari tuo non defuissem:  
cui tamen dixi, cum me aliquoties invitaret; oro  
te, quis tu es? sed mehercule, extra iocum, homo  
bellus est: vellem eum tecum abduxisses. Quid  
agatis, ecquid in Italiam ventari sitis hac hieme,  
fac planè sciam. Balbus mihi confirmavit, te di-  
vitem futurum, id utrum Romano more locusus  
sit, bene nunciatum te futurum, an quomodo Sto-  
ici dicunt, OMNES esse divites, qui cælo & terrâ  
frui possunt, postea videro. Qui isthinc veniunt,  
superbiam tuam accusant, quod nohent te percun-  
tiantibus respondere. Sed tamen est quod gaudeas:  
Constat enim inter omnes, neminem te uno  
Samarobrinae juris peritiorem  
esse. Vale.

## IMITATIO HUIUS EPISTOLAE

la inscribi potest hunc in modum :

SERò sapiunt Phryges, trito de iis sermone dicitur, qui Epimethei, non Promethei sunt: nec nisi damno aliquo accepto sapiunt. Verum tu non serò, sed maturè satis mihi sapere videris. Primum enim in aulam te bonis, quod aiunt, avibus contulisti, rebusq; tuis præclarè & citò prospexisti. Deindè fabula alienigenæ prætor fuisi, & cū castra alij sequerentur, tu domi interea, quasi in hibernis mansisti, neq; te loco moveri passus es. Atq; hoc potestremū perquàm mihi placet: quia pacis omninò amans: studiosus concordia: à vi atq; armis alienus esse videris. idq; præclarè intelligis, nihil foris prodesse arma, nisi tui scilicet similes, viri prudentes sint domi,

domi, qui suis consiliis alios regant, atque videant, ne quid detrimendi Resp. patiat. Ubiq; sapere oportet ita: in sapientia sola optimum firmissimumque præsidium esse positum. Ego si tristi domicœnio laborarem: familiari tuo, qui aliquoties jam me invitavit, obsecutus fuisset. Homo bellus planè atque elegantulus, & dignus esse videtur, qui non in schola inter tristes & melancholicos, sed vobiscum in aula, atque cum politis hominibus vivat: Præsertim cum in <sup>republica</sup> ~~maxime~~ satis sit fortis ac strenuus. Qui isthinc veniunt, benè te nummatûs; sed satis interim superbum esse affirmant, ita ut non facilè alicui ad te aditus pateat, nisi cataphractos aliquos, quibus resistere difficile, secum adduxerit. Sed rectè, & ad auctoritatem retinendam accommodatè, facis. Nôsti enim illud vul-



gare; *Nimia familiaritas contemptum parit.* Cùm etiã nemo eo in loco, in quo nunc degis, te doctior ac sapientior, reperiatur, cur ita te velis vilem reddere, non profectò video. Sed hæc nostro more inter nos jocati sumus. Tu me, quod facis, amore prosequeris: simul etiã illud in memoriam revocabis: quò quis doctior, eò humanior esse debet. Vale.

## I OC A N D I F O R M V L Æ.

Sic vivitur: quod diè aliquid legitur, aut scribitur: deinde, ne amicis nihil tribuamus epulamur unà. Quare nihil est, quod aduentum nostrum extimescas: non multi tibi hospitem accipies, sed joci.

Vellem me ad cœnam invitasses. reliquiarum nihil fuisset. Nunc me reliquæ vestra exercent.

Sed quando ut video, æstimationes tuas non vendere potes, neq; ullam denariorum implere: Romam tibi remigrandum est. Satiùs est hic ruditate, quàm isthic fame:

Video

Video te bona perdidisse: spero idem istuc familiares tuos, actum igitur de te est, nisi provides: Potes mulo isto, quem tibi reliquum dicis esse, quando canterium comediti, Romam provehi: sella tibi erit in ludo, tanquam hypodidalcalo, proxima: Eam pulvinus sequetur.

De te, quæ scire velim, hæc sunt, quomodo te redeuntem amici illi tui, libri scilicet, acceperint, num eo ipso die ad eorum consuetudinem te dederis. an potius, dum hæc bacchationes defervescent, in hortis cum Epicuro, quam in Gymnasio cum Aristotele, velis vivere. Et cum hæc scripseris, adde verbum, si me amas de pugionculo illo tuo: quo ego te impeditum & alligatum ense cum vidi discedere, non tenui risum: ac volui pungere te dicto: sed veritus sum, ne tu rusticè me gladio. Epistola hæc habes jocationis plenam, quâ te esse delectatum cognovero, si miseris ipse plenior.

Et si tu edentulus, mi Scala; tua tamen fueras dentata epistola, sensi quidem Nam pene morsu me fregit, & pepercit illa tamen non nihil: Atq; ita mecum lusit, ut ursæ interdum cum catello solet. Stultus ego, qui

non statim veterano, toties coronato, celsi  
videlicet tirunculus adhuc,

*Ense levis nudo, parmâq; inglorius albâ,*  
Tu tamen magnificè hoc, sicut alia, qui ne  
dignum quidem me putes irâ. Nam quod  
Hercules abs te vocor, non mihi ob id pla-  
ceo. Sic enim pigris canibus (ut inquit il-  
le) nomen erit, Tigris, Pardus, Leo. Vin-  
cere autem non magis te potui, quàm Her-  
culem ridiculi apud Philostratum Pygmæi,  
quos ille omnes correptos leonis pelle in-  
volvitur.

Vincebar abs te prius doctrinâ, vincebar  
ingento: sed vinci tamen lætabar, atque  
adeò lætor, quoniam te diligo: quin ob  
hoc ipsum diligo, quod his vineor. At nunc  
& humanitate me vincis. Hoc equidem  
ferre nequeo, quoniam turpe, sed jam fero.  
Nihil enim turpe mihi, quod honestum  
tibi.

Doles quod amicus in disputatione te vi-  
cerim, dolere non debes: Nam si sunt ami-  
corum communia omnia, non magis, quàm  
tu victor ego: nec minùs ego quàm tu vi-  
ctus. Sed tu fortasse doles, quod hac ami-  
corum lege, nec ego planè sum victor, qui te  
vici,

## RESPONSIO AD IOCO-

*sam, seu facetam Epi-  
stolam.*

**A**d *epistolam jocosam*, jocosè quoq; , modò  
ne quis offendatur, respondebitur.

Ad graves viros, & majores habitâ omni  
ratione gravitatis, dignitatis, & ætatis, mo-  
destè est respondendum.

Non tamen eodem modo rescribendum,  
ad omnes.

In pares siquidem & inferiores licebit uti  
jocis: in alios verò, vel non utendum, vel  
utendum modicè, aut etiam intra mo-  
dum.

Exordiri hîc à brevi acceptarum litera-  
rum repetitione possumus.

Deinde, vel laudabimus aliorum urbane-  
tatem, ex locis paulò antè in jocosis Episto-  
lis annoratis: vel contrà improbabimus &  
reprehendemus jocos, & facetias, propterea  
quod in iis nihil, vel Etymologia vel ambi-  
guitate, vel Allegoria, vel aliâ elegans ac ve-  
nustum nihil etiam aptum, ac decorum de-  
prehendatur.

Concludemus petitione, vel adhortatione  
aliquâ seriâ.

Exemplum responsionis ad facetam Epi-  
stolam



stolam, observatum in Epist. 33. l. VII. Cujus Exordium ab occasione scribendarum literarum sumptum est. Narratio altera pars est, in qua primum Volumini urbanitatem Cicero laudat, post quibus notis dicta nonnulla inepta, quæ illius nomine circumferebantur à suis distinguere debeant, ostendit. In extremis hortatur, ut crebro scribat, & D. labellam confirmet.

Quod sine prænominis familiariter, ut debebas, ad me Epistolam misisti, primum addubitavi num à Voluminio senatore esset, quo cum mihi est magnus usus: Deinde ἡ τεράτια literarum feci, ut intelligerem, tuas esse: In quibus literis omnia mihi per jucunda fuerunt præter illud quod parum diligenter possessio salinarum mearum à te procuratore defenditur: Aus enim, ut ego discesserim, omnia omnium dicta in his etiā extiana, in me conferri. Quid? tu id pateris: Non defendis? non resistis? Equidem sperabam ita notata me reliquisse genera dictorum meorum ut cognosci sua sponte possent: sed quando tanta fex est in Urbe, ut nihil sit tam ἀνεργόν, quod non alicui venustum esse videatur: Pugna si me amas nisi acuta ἀμφιβολία, nisi elegans ὁμοειδία, nisi παρὰ γέγραμμεν bellum, nisi ridiculum παρὰ ἁγεδομένα, nisi κατάγραφα, quæ sunt à me in secundo libro de Oratore per Antonii personam disputata de ridiculis in-

te, & arguta apparebunt, ut sacramento con-  
 tendas, mea non esse; Nam de iudiciis, quid que-  
 reris, multo laboro minus, trahantur per melicēs  
 pedibus omnes rei, sit vel Silius tam eloquens, ut  
 possit probare se esse liberum: Non laboro urbani-  
 tatis possessionem, amabo, quibus vis interdictis  
 defendamus: in qua te unum peto: Contemno  
 ceteros, Derideri te putas? Nunc demum intelligo  
 te sapere; Sed me, hercule, extra jocum, valde mihi  
 tuæ literæ faceta, elegantesq; visa sunt: Illa quam-  
 vis ridicula essent sicut erant, mihi tamen risum  
 non moverunt? Cupio enim nostrum illum ami-  
 cum in tribunatu, quamplurimum habere gra-  
 vitatis, idq; cum ipsius causâ (est enim mihi ut  
 scis, in amoribus) tum me, hercule, etiam Reipubl.,  
 quam quidem quamvis iis me ingrata sit, tamen  
 amare non desinam. Tu, noli Volumini, quando  
 & instituisti & mihi vides esse gratum, scribe ad  
 me quam sapissimè de rebus urbanis, de Reipubl.  
 Iucundus est mihi sermo literarum tuarum.  
 Præterea Dolabellam, quem ego perspicio & iudi-  
 co cupidissimum esse atq; amantissimum mei, co-  
 hortare & confirma & redde planè meum: Non  
 me, hercule, quòd quidquam desit, sed, quia  
 valde cupio, non videor nimium  
 laborare, Vale.

QUOD pronomine omisso familiariter, uti debebas, ad me scripsisti: dubium me primò reddidit, à tene, aut alio aliquo literæ illæ essent? Postea verò quàm legere eam cœpi: Statim ex ipsa urbanitate & festiuitate, quâ condita illæ fuerūt, intellexi, tuas, non alterius alicujus eas esse. Fuerunt enim omnia facta, iucunda, festiua: Præ se ingenium acutum, politum, doctum tulerunt: ~~omnino~~ <sup>omnino</sup> adhibita fuerunt cuncta. Theſibæo, crede mihi, more & ~~ἀντιβόλως~~ <sup>ἀντιβόλως</sup> cœnare posses; ita tuæ amabilia sunt, grataque dicta: Faciunt quoque, ut multo magis, quàm antè eos improbem, qui ventris solum gratia quævis in quosvis dictoria jaciunt; & dum ridiculi nimium esse volunt, non, nisi propter insulſitatem atq; ineptias, ridentur. E-



go, ut scapè ex me audivisti, ea maxime dictorum probare genera soleo, quæ sunt: aut ambiguitate aucta: aut ὑπερβολῇ elegantia; aut bellâ agnominatone: aut quia præter expectationem allata, ridicula: aut aliis modis: de quibus dicendia: gunt magistri, concinna, lepida, arguta. Hæc quia tuis in literis reperti, meritò eas amo, utq; ejus generis ad me plures mittas, etiam atq; etiam rogo. Nam de iis, quæ in Orbe jam sunt, quod quereris, non multum laboro. Nostros nos labores facetiis atq; jocis condiamus & Anacharsidis secuti sententiam, ita παίζειν ludere, & joculari studeamus, ut σπουδαίειν res serias agere queamus. De amico verò nostro communi quæ scripsisti: Et si essent ridicula, ut sunt revera: tamen risum movere mihi minimè possent. Quid ita inquis? quia cum unice illum amem, etiam



etiam gravitati studere, & quam sustineat personam, paulò cogitare diligentius velim. Neque enim dum cum dicunt, faciuntvè idem, idem videri solet: & quæ præcelso sunt in loco posita, occultari faciliè nequeunt. Illud præterea Poetæ placet:

- - - tunc observantior æqui (ipsam  
Fit populus, nec ferre vetat, cum viderit  
Autorem parè e sibi - - -

- - - Nec si inflectere sensus (gentis.  
Humanos edicta polent, quàm vitare.  
Tu occasione datâ amicè eum hac  
de re monebis. Et quia literarum  
tuarû sermonem gratum mihi atq;  
jucundum esse intelligis, sæpissimè  
ad me scribes. Vale.

#### DE MISTASEN COMPO.

*sive Epistola*

**M**istam vocare possumus Epistolam, cujus scriptor paucis ratione modoque diversos sibi fines propositos habuerit.

Quæ

Quæ verò ex diversis quidem Epistolarum formis conflata, unum habet præcipuè Scriptoris finem, non Mista seu composita dicitur Epistola, sed simplex, illius videlicet generis, ad quod finis ille spectat præcipuus.

Non igitur omnis Epistola Mista dici potest, cujus partes ad diversa spectant Epistolarum genera, si modò partes illæ ad unum eundemq; finem præcipuum referuntur.

De mistis seu confusaneis Epistolis, quæ res varias complectuntur, illud solum admonerim, in iis non parum lucis afferri lectoribus, si seorsum publica, seorsum privata, seorsum gesta, seorsum gerenda describantur. Eaq; aptis connectendi particulis, & Transitionculis inter se connectantur, ne velut scopæ dissolutæ turpiter disfluant.

Epistolæ Mistæ apud Ciceronem admodum frequentes inveniuntur: In quibus plures ex superioribus literarum formis concurrunt.

Exempla habes suprâ: *Accipio excusationem tuam. De Dionysio tuo adhuc. Et si libenter petere à te solco Athenas veni ad hoc.*

## TRANSITIONUM FORMULÆ.

**T**ransitiones voco, cum ostendimus breviter quid dictum sit. ac deinde paucis indicamus, quid simus dicturi.

Habes de Vatiniō, cognosce de Crasso.

Uni Epistolæ respondi, venio ad alteram.

Hactenus existimo nostram consolationem recte adhibitam fuisse; Reliqua sunt in se ipso, neq, mihi ignota, nec minima solacia.

De domesticis rebus hactenus.

De publicis mihi omnia certa.

Mea in illum officia tenes; jam quam ille gratiam retulerit, cognosce.

Sed hæc adhuc puer, jam quæ adolescens designarit, referam.

Verum hæc tibi cum multis communia, illud tuæ propriæ laudis.

Sed hoc leve, illud non tolerandum.

Adhuc vetera diximus, illud novum & inauditum.

Sed hactenus joci sumus, veniamus ad seria.

Sed tristitia mittamus, revertamur ad lætiora.

Vulnus aperui, nunc remedium ostendam.

Sed hoc nihil ad nos, illud vehementer me referat.

Ad primas tuas habes; nunc ad reliquas respondebo.

Minusculæ tuæ Epistolæ respondi, venio ad maiorem.

Priori tuæ Epistolæ satisfactum est, ad alteram accingimur.

Quæ hîc gerantur audisti; nunc ad literas tuas ordine.

Sed hæc me magnoperè delectant: illud malè habet.

Quid doleam, habes; nunc quid metuam, accipe.

Quantam rem susceperis, ostendi; qua ratione perficias discere.

Tuis de negotiis habes, nostræ verò res sic habent.

Prioribus tuis (opinor) respondimus; nunc ad posteriores me accingam.

Habes forensia, nunc domesticas res accipe.

De tuis habes, de meis nunc vicissim accipe.

Sed jam satis diu de Republ; ad domestica veniam,

Sed hæc rumore tantum cognovimus, illa vidimus ipsi.

Sed hæc corrigi possunt, illud ne leniri quidem ulla arte potest.

Turpia audisti, audi turpiora.

Omni.



Omnibus ferè de rebus habes, nunc unum addam.

Consilii mei rationem habes, nunc quid te facere velim, aperiàm.

Sed jam nimis multa de externis; de nostris pauca modò memorabo.

De dignitate novà voluptatem nuntias maximam, sed de Ioanne Adelphæo viri defuncto, acerbum profectò nuncium mittis.

Perfolvi prioribus tuis literis: Nunc ad posteriores.

Perfolvi primæ Epistolæ, venio ad secundam.

Hactenus ad tuas literas, Nunc de me paucis accipe.

Venio nunc ad id, quod nescio an primum esse debuerit?

Sed hæc hactenus: addam etiam illud.

Sed hæc privatim: Nunc quæ publicè.

Hæc leviora sunt: quæ sequuntur graviora.

Rescripsi Epistolæ maximæ, audi nunc de minuscula.

#### CONNECTENDI FORMULAE.

**R**eliquum est. Accedit eodem. Huc accedit.

Nunc

Nunc audi quod pluris est, quàm omnia.

Sed ad propositum redeamus.

Redeamus illic, unde divertimus.

Ut ad rem redcam.

Redeo ad id, quod primò amiseram.

Redeo ad id, quod initio scripsi.

Redeo ad prima.

Quid præterea? nihil nisi ut incolumis  
ad nos primo quoq; tempore revertare.

Sunt & particulae connectendi, Primum,  
Deinde, Præterea, Post hæc, Ad hæc. His  
adde. Huc pertinet, Quin etiam, Quid?  
Quod, Deniq; Postremò, Autem, Jam verò  
Ceterum.

### LONGIOREM NARRATIO-

*nem vel Epistolam prædicendi for-*  
*mula.* ③

In summa. Ad summam. ③

Ut uno verbo, ut acervatim dicam.

Ut rem paucis complectar, perstringam,  
comprehendam.

Ut in pauca multa conferam.

Ut paucis concludam.

Quid verbis opus est?

Quid quaeris?

Ne te multis morer.

Quid multa? Quid multis? ne multa, vel  
multis.

Quid

546 DE CONSCRIBENDIS

Quid plura? Quid pluribus?

Ut brevitate utar.

Ne longus sim.

Ne longam sit.

Ut Laconicè utar brevitate.

Ne diutius te teneam.

Non tenebo te pluribus, ponam in extremo quod sentio.

Sed hac super re plura, quàm volebam.

Sed plura, quàm statueram; redeo ergo ad &c.

Sed quid ago? Labor longius, Longius progredior.

Sed de his satis, metuoq; ne tu nimium putes.

Verùm quò provehimur? Sed quò delati sumus? vela conprehendamus.

Sed hac super re nimis multa, præsertim ad te.

Sed hæc pluribus fortasse verbis, quàm sit necesse.

Sed jam longior sum, quàm me fore putavi.

Sed hæc satis multa, & plura potius quàm necesse fuit.

Sed jam sentio me esse longius proceſsum, quàm proposita ratio postularet.

Sed

Sed de his satis superque. Jam ad te, ô & praesidium & dulce decus meum!

Sed quid ago? dum tecum suavissimè loquor, nullâ certâ re propositâ, paginam, verbis undique suâ sponte confluentibus, implevi.

Sed quid ago? Epistolam institueram scribere; ea autem crescit in volumen.

EPISTOLAM ESSE LIBERAM, nec certis perpetuisq; legibus adstringi.

Nolim adolescentes ingenui, quisquam vestrum, omnia hæc, quæ supra de Epistolarum partibus, & earundem tractatione dicta sunt, firmissimam legem esse, nec unquam aliter fieri posse, sibi persuasum habeat: Nam cum Epistola à certâ ferè lege libera sit, vestrum erit, ut magis Generi, de quo agitur, convenire videbitur, & addere, & immutare multa.

Hic solum ea posita sunt, quæ apud Ciceronem observata leguntur: Neque id in unâ, verùm in pluribus ejusdem Generis Epistolis. In singulis enim singula præcepta, quæ hic de unoquoque Genere traduntur, non facile erit invenire, vel certè difficile erit cognoscere, nisi ab exercitatis, Juva-



bit itaq; plures ejusdem Generis conferre, & quod uni deest, ex altera supplere.

PARTES EPISTOLARUM  
duplicis esse generis.

Epistolarum partes quaedam sunt propriae, & omnibus ex æquo Epistolis necessariae, ut, *Salutatio, Valedictio, Inscriptio*: aliae vero communes, quae ut orationibus maxime conveniunt, ex scholis Rhetorum huc transferuntur, & in Epistolis non semper necessariae sunt, sed interdum earum plures, interdum pauciores, interdum etiam singulae adhibentur: ut: *Exordium, Narratio, Propositio, Confirmatio, Confutatio, & Conclusio*. Has nonnulli quicque, Propositionem à Narratione non separantes: Alii quatuor partibus, Confirmationem & Confutationem sub una contentione constituentes, comprehendunt.

Haec partes in Epistolis hoc disponuntur ordine: *Salutatio, Exordium, Narratio, Propositio, Confirmatio, Conclusio, Valedictio, Inscriptio*. De quibus separatim deinceps aliquid dicendum.

## DE SALVTATIONE.

**S**alutatio est Epistolæ initium, quo in primo quasi congressu absenti salutem nuntiamus. Hæc duabus potissimum de causis præmittitur: vel, quod homines in primo congressu se mutuò salutent, & hominum mores Epistola debeat imitari (quæ, ut supra dictum, absentium mutus sermo est) vel, quod hac quisque ratione suam erga amicum declarat voluntatem, illiusque inire gratiam nitatur.

In salutatione semper veteres proposuere scribentis nomen nemini ejus, ad quem scribebatur, quævis hic superior, ille inferior esset. Recentiores nonnulli, cum ad magnos & illustres viros scribunt, nomen suum posteriore loco collocant. Quam scribendirationem nec *Lipsius* improbare videtur. *Misera*, inquiens, ostentatio scientiæ, quæ risum aut offensam debet: Vtique in Epistola, quantum demum rectè scripta, cum videtur illi, cui scripta.

Nomina in tertia ponebant persona: Qui scribebat suum casu Recto, eius ad quem scribebatur, casu Dativo: Deinde iungebantur hæc literæ: S. P. D. quæ significant salutem plurimam dicit, hoc modo:

M. T. Cicero, M. Terentio Varroni S. P. D.  
vel sic.

M. T. Cicero, M. Terentio Varroni S. D. P.  
vel sic.

M. T. Cicero. S. D. M. Terentio Varroni.

Cum verò scribebant ad perfamiliarem,  
vel ad eundem sæpius, satis erat utrobique  
nomen ponere cum literâ S.

Cicero Attico S.

Cum ad uxores, liberos, propinquos, aut  
valde dilectos scribebant, adiciebant fre-  
quenter Prænomen, Suus, hoc modo:

M. T. Cicero.	{ Terentiæ suæ S. { Tulliæ suæ S. { Qironi suo S. { Terentiæ, Tulliæ, Cicero- ni suis S.
c	

Quintiliani & Plinii temporibus mos ce-  
pit recipi ut omnibus ferè, nisi apertè essent  
inimici; adderetur suus.

Unde *Martialis* sic scribit de chartâ Epi-  
stolari:

*Seu leviter noto, seu care missa sodali,*

*Omnes ista suos charta vocare solet.*

Invenies nonnunquam adjuncta etiam alia  
adjectiva.

Cicero

P. D. Cicero pater svavissimæ filia Tulliolæ. S. D.  
 Tullius Tironi humaniss. & optimo S. D.  
 D. P. Cicero fil. Tironi suo dulcissimo S. P. D.  
 Cic. matri optimæ & svaviss. sorori S. P. D.

Horum exemplo sic scribere licebit:

Nic. Clenardus carissimo Latomo S. P. D.

Cornelius Valerius M. Antonio Mareto  
 omne sibi colendo 3

Ejus, ad quem scribitur Dignitatis, & Pro-  
 fessionis titulus in Salutatione omitti non  
 debet.

M. T. Cicero C. Cæsari Imper. S. D.

M. T. Cicero D. Bruto Cos. Des. S. D.

*Recentiores.*

Paulus Manutius Andreæ Alciato Juris-  
 consulto S. D.

Joachimus Perionius Carolo Lotharingo  
 Cardinali. S. D. P.

Immo nec nostræ dignitatis & officii ti-  
 tulus omitti solet, cum ad pares, vel mino-  
 res scribimus, ut;

M. T. Cicero Imper. S. D. Cælio Edili  
 Curuli.

Ineptæ salutationes habentur hæ: Quot  
 cælum stellas, quot habet mare guttas; tot  
 tibi mitto salutes.

*Mide divitias loco salutis.*

Humillimam recommendationem loco  
 salutis.

A a 3

Prom-



Promptam cum debita veneratione servientem loco salutis.

Crato Huttreno dimidio animæ suæ.

Ignatius Matthiſio alteri ipſi.

### NOVÆ SALUTANDI FOR.

mulæ nec omnino dammandæ.

Salve mi Christophore. Salve multum. Salve plurimum. Salve pater optime. Salve mater ſvaviſſima. Salve congerro lepidiſſime. Salve etiam atq; etiam. Salve multum in Chriſto Jeſu. Salve plurimum obſervande patre, S. D. amicorum optime & integerrime. A Lipſio tuo ſalve. Opto multam, plurimam, perennem tibi ſalutem. Multum ex animo precor felicitatem.

### GRÆCORUM SALUTATIO

hæc eſt.

Πλάτων Δίωνι δὲ πρὸς τὸν, hoc eſt, Plato Dion bene agere: Ἰσοκράτης Φιλίππῳ χαίρειν, id eſt, Iſocrates Philippo gaudere: Δημοσθένης τῇς βουλῇ καὶ τῷ δήμῳ χαίρειν hoc eſt, Demosthenes ſenatus populoq; Athenienſi gaudere. Utrumq; ſalutandi modum uno verſu complexus eſt Horatius l. i. Epist. 8.

Celſo gaudere, & bene rem gerere Albinovano

*Disſo*

servi-

*Musa rogata refert, comiti, scribaq; Neronis.*

*Κίλσα τῷ Ἀλβινούτῳ χαίρειν, καὶ δὲ πρέσβει.*

*Budans* etiam tertium genus addit; quod est *ἰσχύειν*, id est, valere; quod plurimum est in rebus humanis; est tamen ambiguum, & ad sanitatem mentis etiam pertinet.

R.

m.

ne.

ro le-

Salvo

num

time

pto

tem.

*Epicurus* aliam quandam salutationem usurpavit, *Ἀδίαγειν*. Precabatur id, in quo felicitatem summam esse statuebat, vitam nempe suavem & jucundam, molestiarumq; expertem. Intelligendum est autem cum hujusmodi verbis infinitis, vocabulum *ἔυχε-ται* id est, precatur, optat.

Sunt apud *Ovidium* genera quadam salutationum festiva & arguta.

*Phadra Hippolyto.*

*Qua nisi tu dederis, caritura est ipsa, salutem.*

*Mittit Amazonia Cressa puella viro.*

Lib. 1. de Ponto Eleg 9.

*At tibi dilecto missam Nasone salutem;*

*Accipe pars anima magna, Severe, mea.*

Eodem lib. Eleg. 2.

*Naso suo profugus mittit tibi, Flacce, salutem;*

*Mittere rem si quis, qua caret ipse potest.*

Lib. 2. Eleg. 7.

*Esse salutatam te vult mea littera primum,*

*A male pacatis, Attice, missa Getis,*

*Hebrai vulgato gentis lux more pacem*

Aa 4

optans

554 DE CONSCRIBENDIS

optant salutantes: Cujus consuetudinis D. Paulus memor hac salutandi ratione uti solet:

Gratia vobis & pax à DEO patre nostro, & Domino IESU CHRISTO.

Quæ quidem salutatio maximè Christianis est accomodata.

Hebraei ergo salutantes, Pacem; Gratum Felicitatem, tum Gaudium aliquando etiam Valetudinem, Latini salutem precantur & incolumitatem.

DE EPISTOLARVM EXORDIO.

**E**xordium est prima Epistolæ pars, quæ salutationem sequitur, quæ ejus, ad quem scribitur, præparatur animus, ad amicum, attentè, & intelligenter ea, quæ scribuntur, advertendum.

Exordium id commendatur maximè, Primum, quod ita subjectæ seruit materię, & causæ præsentis, ut ex eâ veluti natum videatur.

Deinde, quod nec longius, nec brevius fuerit, quàm res ipsa & materia postulat.

Postremò, quod non est nimis apparatus, sed modestum & verecundum, ut nihil tadium vel inspicionis lectori adferat.

Fuit olim mos verus, quem *Seneca* usq; ad suam aetatem servatum scribit, Epistolas his verbis exordiri:

Si vales, valeo.

Si vales, benè est, valeo.

Si vales, benè est, ego bellissimè valeo.

Si vales, benè est, ego perbellè valeo, & indies bellius!

Si vales, benè est, ego valeo, ut soleo, paulò etiam deterius, quàm soleo.

Si vales, gaudeo; equidem valeo, & *Tullia* nostra rectè valet, & *Cicero*. *Terentia* nostra minus bellè habuit, sed certò scio jam convalescisse eam.

*Plinius*: Olim nullas mihi Epistolas mit-  
tis: Nihil est, inquit, quod scribam: at  
hoc ipsum scribe, nihil esse, quod scribam: vel  
solum illud, unde incipere priores solebant;  
Si vales, benè est; ego valeo.

Interim non adiciebant quicquam de se,  
cum non rectè valere volebant significare,  
animo praesertim; aut sibi esse cura illorum  
salutem, suam non item illis: ut, *Metellus*  
*Cicero*ni: Si vales, benè est. *Cicero* *Metello*:  
Si tu exereitusq; tuus valetis, benè est.

Qui salutandi mos veterum, nunc in usu  
esse desit, sed non ita, quin addi possit, & ali-  
quando deceat, ornerq; Epistolam.



## 356 DE CONSCRIBENDIS

Veterum imitatione nobis Christianis exordiri hoc modo Epistolam licebit.

Si vales, benè est, ego DE I gratiâ sic viro, valeo, ut nunquam penè in vita fravius.

Si rectè vales, carissime pater, unâ cum fravissimâ Matre, benè est, nos hîc, DE I dono, perbellè valemus.

Si rectè vales, unicè mihi dilecte Patruæ, est quod plurimùm gaudeam: equidem hîc beneficio DE I, vales rectissime.

Si tu, tuaq; fravissima conjux, reliquaque familia valetis, est cur maximoperè gaudeamus, nos DE I munere, valemus ex sententiâ,

## DE RELIQUIS EPISTOLAM

*Exordienti formis.*

EA est Epistolarum libertas, ut in eis unde libet initium sumere liceat: modò id sit ejusmodi, quod lectorem ad id, quod parat præparet.

Triplex autem est epistolam Exordienti ratio: aut enim *Obligè* in Epistolam ingredimur, aut *Rectè*, aut *Abruptè*.

In orationibus *Insinuatione* non nisi tribus temporibus Rhetores utendum putant: Scilicet, cum aut negotii turpitudine, judi-

gem

eam à nobis vehementer abalienavit : aut qui antè dixit, admodum persuasit : aut oratione nimis longâ auditoris animum defatigavit. At in Epistolâ quoties videbitur, Obliquè ingredi licebit & quamlibet longè repetere, & quamlibet alienum assumere Principium, dum quacunque viâ: tamen ad rem conferat.

2. *Rectum* verò Exordium his omninò rationibus constituitur, quas tradiderunt ii, qui de arte Rhetoricâ conscripserunt.

Sed oportebit eadem præcepta, ad proprietatem Epistolarum desistere. Quod qua ratione fieri conveniat paucis ostendamus.

Hoc ergò Exordium ducetur, aut ex Personis, aut ipsis ex Rebus. è quibus benevolentix conciliandæ rationes petemus.

A Personis benevolentiam colligemus, si de Amicitia loquemur, & mutuis officiis, quæ inter majores & parentes nostros, nec non illius, ad quem scribemus, extiterunt: Quod necessitudinis vinculum nunquam à nobis neglectum, sed nutritum potius & confirmatum asseverabimus. Aut si nulla inter avitos fuit amicitia, dicemus eam à nobis natam & educatam, propter similitudinem studiorum, convictum mutuum, mutua

officia. Hiis quibus in locis, quoniam modo, quibus in studiis pueritiam aut adolescentiam transegerimus, commemoratione jucundâ revocabimus. Præterea, si qua affinitas intercedat, ab hac contrahenda benevolentia erit: si nulla ab aliquo genere virtutis: quæ quo affinitate nobilior & diuturnior, hoc amicitia, quæ ab ea proficiscitur, stabilior & laudabilior esse solet. Maxime à liberalitate, officio, iustitia, fide, ducere benevolentiam ejusmodi conveniet. Id verò fiet his virtutibus, vel in eo, vel in nobis sine arrogantia laudandis. Licebit etiam illius in nos merita cum grati animi significatione quadam, vehementer exaggerare: nostra vicissim, in illum multa cum verecundia, significare: Qui nostri de istis sermones: quanto per illius literas delectemur: Quod commodis illius & gloriâ, non minus quàm nostrâ gaudeamus, incommoda verò non minus acerbè, quàm propria feramus: quantum pro illius dignitate, fortunisque tuendis curam suscepimus. Ad hæc, si eruditionem aliquam in eo laudabimus, & nostram, si qua erit laude digna, verecundè commemorabimus. Possemò, si nostrum incommodum, inopiam & calamitatem, aut eorum, quos commendamus, subi-

flexibiliter exponemus. Sed videndum, ut hæc omnia ad eam rem ipsam, de qua agitur, sint accommodata.

A rebus ipsis, benevolentiam contrahemus, si negabimus ad nos pertinere id, de quo scripturi simus, ad illum magnopere: sed nos commodis illius commoveri æquè, ac nostris. Præterea si rei magnitudine, periculo, novitate, antiquitate, utilitate, jucunditate, necessitate, aut huiusmodi: quapiam commodatione excitabimus: Quamquam hæc ad attentionem, ac docilitatem magis pertinent. Quod si res ipsa dura videbitur, præmunitione opus erit, qua antè ipsam molliatur, quam illi tractanda proponatur. Neq; omnino ea Exordii forma repudianda, est, quæ quibusdam hujus ætatis hominibus placet, ut à perpetua quapiam sententia, factovè memorabili Epistolam ordiamur.

3. Sicut abruptus sermo, atq; abrupta Oratio dicitur, quæ caret Exordio: sic *abrupta Epistola* quæ Insinuationem, vel præmiū non habet. Itaq; incitium ejusmodi, quod abruptè fiat, Abruptum nominatur.

Quod quamvis cum venustate & gratia, nihil veret ubivis usurpari: ejus tamen usus sæpius perspicitur in Patheticis Epistolis, in



quibus scilicet vehementiores animi affectus describuntur.

Ut cum propter rei alicuius indignitatem, & atrocitatem animus ira, dolore, vel admiratione perturbatur.

Quemadmodum videre est in Epistolis accusatoriis, vel similibus, in quibus in ipso primo literarum aditu adhibetur interdum Querela aliqua, Exclamatio, Dubitatio, aut vehemens aliqua Interrogatio.

Postremo huius etiam usus incidit non raro in Epistolis jocosis, quibus id assequimur, ut mutuam non Epistolam Epistolæ, sed vivo sermoni vivum item sermonem referre videamur.

EXEMPLA ALIQUOT EXORDIORUM ex Abrupto.

**D**Eum immortalem, quid ego audio?

Sic est, inquam, uti scribis.

Sicceine igitur veterem amiculum negligis?

Ergo mutabimus sententiam, quando tu quidem hoc tantoperè censes.

Quin ego igitur tibi gratulor?

Quin igitur hoc revolas si ita, ut scribis, res sese habet?

Hui, quis te tam virum esse credidisset?

Eho,

Ehō, quid ais obsecro?

Ringitur Zōilus?

Næ tu mihi album ad portas nuncium.

Nunc te objurgare patere.

O casum mirificum sanè hodie!

Næ tu, mi Kittelmanne, es homo lepidus.

Vin' ridere? En, tibi argumentum.

Quid ego audio, mi Schallere, tunc ade-  
ptus es?

Vide, cum aptura munus miseris, crume.  
nam non habenti pecuniam?

Quid? hocce mandaram abeunti tibi, ut  
ad me nihil rescriberes aliud, quàm &c.

O factum benè de nostro Geinitzio, incre-  
dibile est, quantâ meæ res voluptate affe-  
cerit.

Dignum est observatione, Epistolas quæ  
principium capiunt ab his duabus vocibus:  
*Ego verò; Tu verò;* ex illis esse, quibus alicui re-  
spondetur ad id, de quo ille scripserit; vel de  
quo, per quempiam à sese missum, interro-  
garetur.

Hæc, *Ain' tu? Ain' tandem?* sunt etiā prin-  
cipia Epistolæ alicui respondentis.

Principium Epistolæ nomen ejus, ad quem  
scribimus his de causis habere potest; vel, ut  
exprimamus aliquem affectum animi.

Cicero. Ego verò, Servi, vellem; ut scribis, in meo gravissimo casu adfuisses.

Vel, ut in re admodum gravi attentio- rem habeamus auditorem.

Cic. Egò me, Lentule, initio rerum atq; actionum tuarum, non solum meis, sed etiam Reip. restitutum petabam.

Vel, cum quid vehementer exprimere volumus, quod etiam in tota sit Epistola.

Cicero. Urbem, mi Rufe, cole, & in ista luce vive.

A Seneca ferè semper exprimitur. A Plinio nunquam: A Cicerone ob causas jam expostas.

Quamquam Ciceronianæ, in qualibet Epistola forma: Exordii rationes paulò antè annotatæ sunt; nihìl tamen à studiosorum utilitate alienum me facturum puto, si præter illius, etiam aliorum, puerilibus scriptio- nibus appositissimos Exordii Epistolæ modos aliquot: hîc incorruptè & integrè subjecero.

#### EXORDIENDI, BENEVOLEN- tiam captandiq; formula?

**M**Eum erga te animum multis nomi-  
bus tibi cognitum esse non dubito: scis  
opinor, quàm patrem tuis multis sæpè rebus

araverim ; non te latet quàm toti familiæ  
tuæ semper prodesse studuerim, &c.

Si unquam de te benè meritus sum (me au-  
tem meritum esse negare non potes) fac  
ut &c.

Nescio, quibus tibi verbis, amice integre-  
rime, infelicitatem meam satis deplorem.  
Tanta me simul diversarum rerum oppressit  
calamitas, ut, &c.

Horreo, si me Deus amet, dicere quàm  
molestè mihi cesserit mea profectio. O, quàm  
non ibi calamitatem vidi! O quàm non ino-  
piam expertus sum!

Meum studium honori tuo non defuisset  
pro necessitudine nostrâ: si aut tutò in Sena-  
tum, aut honestè venire potuisssem.

Officiū meum, quod ab optimo in te a-  
nimo profectum est, jucundum fuisse, vehe-  
menter gaudeo.

Officij mei sæpè me admonet officiorum  
tuorum recordatio: Officiū autem quod  
absens absenti præstare possum, literæ sunt,  
quas misissem, &c.

A PERSONA EJVS CVI

*Scribitur.*

**D**ici non potest, quantum tum me, tum  
omnes tuos voluptate affecerit pulcerri-  
mus:



mus rumor, nuper hîc de rebus fortiter abs te  
gestis, exortus,

Et alii multi sunt, quos meis necessitati-  
bus non defuturos sperem; tu tamen impi-  
mis omnium fortunarum mearum, prora &  
puppis, ut ajunt, ades.

Studium tuum in exhauriendis mandatis  
meis, celeritas in rescribendo, quorum ego à  
te alterum pro nostrâ conjunctione expecta-  
bam, alterum autem pro tuis occupationi-  
bus vix postulare audebam, magnam habent  
significationem amoris in me tui.

Ex omnibus officiis, quæ in me plurima  
contulisti, nullum scito mihi pluris esse,  
quàm quod operam dederis, &c.

Et si mihi nunquam dubium fuit, quin ti-  
bi essem carissimus; tamen quotidie magis id  
perspicio.

Nihil ex omni rerum genere potuit mihi  
nuntiari jucundius, quàm te iis moribus age-  
re, qui & te ipso, & tuo genere digni sunt.

Facis ut merito te amem & collaudem,  
qui non, ut vulgus servorum solet; absentis  
domini negotia impedias; sed omni cu-  
rà, vigilantia, operâ coneris

expedire,

Æ

APER-

## A PERSONA UTRIUSQUE.

Cum & mihi conscius essem, quanti te facerem, & tuam erga me benevolentiam, expertus essem, non dubitavi à te petere, quod mihi petendum esset.

Expertus non raro benignitatem tuam, plurimum mihi amande pater, meâ quoque erga te pietate, & bonis in literis tibi non ingrata diligentia fretus, pauca ab te petiturus accedo, quæ pro tuo in me paterno affectu, te mihi non negaturum confido.

Quamquam ipse citra controversiam abundè per te sapis, sodalium jucundissime, non possum tamen (si veteri nostræ amicitia satisfacere, summisq; in me suis officiis respondere velim) quin ea, quæ à te tuam, cum dignitatem, tum salutem attinent tibi libere significem.

Et tu occasiones obligandi me avidissime amplecteris, & ego libentius nemini debeo. Duabus ergo de causis, à te potissimum petere constitui, quod impetratum maxime cupio.

Quàm acerbum vulnus ex filii obitu acceperis, equidem ex meo ipsius dolore facile conjecturam facio. Quare vehementer sum inhumanus, si parentem in tam tristi casu lugere vetem, quum alienus ipse non queam non lugere.

Quam-

Quamquam pro tua singulari sapientia ipse abundè per te sapias, affinis jucundissime, nec alienis eges consiliis: tamen hoc vel veteri nostræ amicitia, quæ ab ipsis propè incubulis unà cum ætate nobis accrevit, vel tuis summis in me officiis, vel arctissimæ denique affinitati debere me putavi, si is esse vellem, quem tu me semper existimasti, virum & amicum, ut id, quod ad tuam tuorumque salutem & dignitatem plurimum interesset, judicasset, te libenter ac libere admonerem.

Improbum fortasse aliis videbitur, vir clarissime, eum, à que tantum beneficiorum acceperim, quantum ne sperare quidem unquam sum ausus, cum novis precibus sollicitari: At ego ingenui, minimèq; ingrati animi existimo, cui multum debeas, ei plurimum velle debere.

A PERSONA ILLIUS PRO  
quo scribimus.

Hujusmodi Exordiis in Epistolis Commendatitiis uti solemus.

Quamquam mihi Pallantii mei fortunæ majori propemodum, quam meæ ipsius, curæ sunt, vir clarissime, idq; non solum propter vetustissimam arctissimamq; quæ mihi com-

ejus

ejus f  
iam p  
stitam,  
bus ve  
vel no  
parum  
Cu  
teresse  
clarar  
non d

Mi  
jucun  
berer  
dam  
M  
di f  
Q  
arum  
Vide

Q  
benè  
ficer  
Ta  
prim  
bus

ejus familiâ fuit, necessitudinem; verum etiam propter admirabilem hominis & modestiam, & probitatem: tanten eum tibi pluribus verbis commendandum non putavi, ne vel nostrâ de amicitia, vel hominis virtuteparum visus viderer.

Cum ij, quorum res agitur, magni suâ interesse arbitrentur, me etiam per literas declarare tibi, qua essem erga ipsos voluntate non dubitavi hæc ad scribere.

## A RE IPSA.

Miram sanè rem, & tibi, ut opinor, auditu jucundissimam, non potui non ad te perscribere: cum sciam te rerum novarum percipidum esse: En rem, ut novam, ita miram.

Mira auditu nuper ad te perscripti; sed *audi d'auquart regis.*

Quamquam ipsa consolatio literarum tuarum mihi gratissima est; declarat enim. Vide suprà.

## A V O T O.

Quàm vellem mihi dari uberrimam de te bene merendi occasionem! Si quid votis proficeretur, optarem, ut Cæsus alter esses.

Tametsi nihil mihi fuit optatius, quàm ut primùm abs te ipso, deinde à cæteris omnibus quàm gratissimus erga te esse cognoscerer;



rer; tamen afficior summo dolore, ejusmodi tempora post tuam profectionem consecuta est, ut & meam & exterorum erga te fidem, & benevolentiam absens experirere.

#### A T E M P O R E.

Ecquod unquam commodius de te benemerendi tempus oblatum est? Semper occasionem re mihi arctiore amicitiae fœdere adstringendi quæsi, en jam reperi.

Si unquam aliàs, hoc cerè tempore Deus Opt. Max. precandus est, ut tandem Orbis fœnestis illis dissidiis defungatur.

Persapè mihi cogitanti de communibus miseris, in quibus tot annos versamur, & ut (video) versabimur, solet in mentem venire illius temporis, quo proximè fuimus unà.

#### A L O C O.

Et si ea perturbatio est omnium rerum, ut suæ quemq; fortunæ maximè pœniteat, nemq; sit, quia ubivis, quàm ibi, ubi est, esse malic: tamen mihi dubium non est, quin hoc tempore, bono viro Romæ esse, miserimum sit: Nam etsi quocunque in loco est quisque, idem est ei sensus, & eadem acerbitas ex interitu Rerum publicarum & suarum: tamen oculi augent dolorem, qui ea, quæ ceteri audiunt, intueri coguntur,

nec

nec avertere à miseris cogitationem finunt.

### A CONSUETVDINE.

Posteaquam veteri consuetudine receptum, ut in anni auspicio amicus cum amico Xeniis ceter, nec potui, nec volui, quin.

### A CAUSA.

Et si statueram nullas ad te literas mittere, nisi commendatitias, &c. Vide supra.

Et si eo te adhuc consilio usum intelligo, ut id reprehendere non audeam, non quia ab eo ipse dissentiam; sed quod eâ te sapientia esse iudicem, ut meum consilium non anteponam tuo; tamen & amicitiae nostrae vetustas, & tua summa erga me. benevolentia, quae mihi jam à pueritia tua cognita est, me hortata est, ut ea scriberem ad te. quae & salutis tuae conducere arbitrarer, & non aliena esse ducerem à dignitate.

Et si per paucis diebus ante dederam Q. Mutio literas ad te pluribus verbis scriptas, quibus declaraveram. quo te animo censerem esse oportere, & quid tibi faciendum arbitrarer: tamen cum Theophilus libertus tuus proficisceretur, cuius ego fidem erga te. benevolentiamq, perspexeram, sine meis literis eum ad te repiro nolui.

370 DE CONSCRIBENDIS

Ingeniū mei pudorem non ignoras, vir exi-  
mie. Sed quò non adigit mortales *verè durum*  
*selum necessitas?*

A SENTENTIIS

Scio non temerè scriptum esse à Flacco:  
*Quem cui commendes, etiam atq; etiam*  
*aspice, ne mox*

*Incutiant aliena tibi peccata pudorem.*

Nec ignoro iudicium tuum exactum, quo  
non temerè q; ivis probatur.: Sed tamen tot  
modis exploratum habeo hujus juvenis inge-  
nium, ut illum non dubitem tibi vel meo pe-  
riculo commendare.

A FACTO MEMORABILI.

Hercules olim adversus hydram Lernæ-  
am & cancerum coramgressurus, coactus est a-  
lienam opem implorare, qui solet opitulari  
ceteris.

Ego unus cum tot monstris dimicans, usq;  
subinde novis exorientibus, quid faciam?

EXORDIA EPISTOLÆ, QVÆ  
*ad scribendum provocamus.*

**M**Ajorem in modum te rogo obsecroque,  
ut posthac tantillum otij studiis negotiis-  
que tuis suffurere, quò me nonnunquam li-  
teris tuis compelles.

Obse-

Obsecro te, mi carissime Mathusalem, quoniam Dædali esse non possumus, ut penarum beneficio conveniamus, ut literis subinde colloquamur.

Non quod quidquam habeam te dignum, ad te scribo: Sed idcirco tantum, ut rescribas: alioquin mihi nec causa scribendi est ulla, nec argumentum.

Tu velim ad me frequenter scribas, etiam si nihil magnoperè sit quod scribas. Quamquam hæc ejusmodi sunt tempora, ut Epistola argumentum deesse non possit.

Dolui vehementer ac sæpè, Sittarde doctissime, binas meas ad te literas proximo scriptas biennio periisse: Periisse enim duco, quibus nihil adhuc responderis.

Doleo intermissam esse tam diu inter nos consuetudinem dandi literas, quæ mihi erat multò jucundissima: Rogo te, quod quidem utriusque nostrum fiat commodo, ut ad eam revertamur.

Nimium jam diu est, ex quo nihil ad te litterarum dedi. cum neque libentius faciam quidquam, quàm loquar tecum per literas, ubicoràm non datur. Et tu in intimis sensibus sis infixus: Sed indicabo tibi, quæ me ratio deterruerit.

Etsi statueram nihil ad te litterarum dare,



nisi tu mihi Epistolæ argumentum ipse præbisses: tamen cum ad Fabricium, hominem utriusq; nostrum studiosissimum scriberem, putavi aliquid etiam ad te literarum esse dandum.

Non dubito quia tibi odiosa fiat Epistolæ quotidiana, cum præsertim nullâ novâ de te cerriorem te faciam: Sed tamen auntibus ad te nostris domesticis, ut nihil ad te dem literarum, facere non possum.

Et si nihil habeam hoc tempore scriptiōne dignum, ad te præsertim, cui publicis curis negotiisque occupato, non est temerè scribendum quicquid in buccam venerit: Singularis tamen amor in me tuus effecit, ut quidvis potius loquerer, quàm omninò tacerem.

Prædie; quàm has scriberem, jam alium quendam literis ad te datis oneraveram: verum certius existimavi: si quid fortè fortunâ accidisset, alteras per hunc addere, non iisdem quidem verbis: sed eodem penè argumento.

Et si nihil erat opus Epistolâ, proficiscens isthuc Vöglero nostro, qui res meas non minus novit, quàm ego ipse: non potui tamen quin te saltem Epistolâ salutarem.

Et si nostratia omnia auntis, aut rumore ad

ad vos perferuntur; tamen ea inscribam brevi, quæ potissimum te puto ex meis literis velle cognoscere.

Quarenti mihi jam diu, quid tibi potissimum scriberem, non modò certa res nulla: sed ne genus quidem literarum usitatum veniebat in mentem.

Optabam jam pridem, vir omnium integerrime, te meis literis compellare, ut tuas elicerem.

Ego etsi nihil habeo, quod ad te scribam: scribo tamen, ut tuas eliciam.

Etsi quid scriberem, non habebam; tamen amico ad te eunti, non potui nihil literarum dare.

Jam diu ignoro quid agas: Nihil enim scribis, neq; ego ad te his duobus mensibus scripseram.

Scire cupio, quid agas & quàm longum istum tuum discessum à nobis futurum putes.

Certior per te fieri cupio, num jam advenit Dux vester, aut quàm mox expectetur adfuturus?

Epistolæ argumentum ad te nullum prorsus erat, nisi id mihi Oberlenderus suis ad me literis præbuisset.

Expectamus omninò non Epistolam à te,

sed ingentem literarum sarcinam, quæ vel gravet tabellarium.

Tu velim ad me quam sæpissimè, & de tuis rebus, & de meis, & de omni Reip. statu, de quo sum sollicitus, scribas.

Carissime Pufendorf, si valentibus salutem dicimus in capite literarum, multò magis convenit, ægrotanti tibi optare salutem.

Novi quòd ad te scribam, mi Zeisoldè, nihil est; & si quid esset, sciebam te à tuis quotidie certiore fieri solere.

Nihil erat novi, quòd ad te scriberem; tamen cum Fichtelmannus noster ad te prociscisceretur, non potui ei nihil literarum dare.

Copiosissimam ad te Epistolam scribere, gestiebat animus, ni & orium deesset, & propediem vos ipse videre decrevissem.

Non potui, quin sciscitarem ex te per literas, quid ageres rerum, ac quæ valeres: quòd tamen æquius fuerat me cognoscere ex tuis literis, tuæque in illis erga me benevolentie habere testimonium; nec tamen puto me tibi ex animo effluxisse.

Revocarem te ad intermissam nostram scribendi consuetudinem, ni metuerem, ne impudenter viderer facere, qui tibi homini publicis functionibus occupato negotium

addiderem, itaque non postulo, ut tam crebro  
mecum per literas colloquare, quàm ali-  
quando es solitus. Interdum tamen, rogo  
te, ne graveris aliquid ad me literarum  
dare.

Quid est, mi Theodorice, quod cum jam  
plus minus denas ad te dederim literas, tu  
nullis vix responderis? Adeone refrixit tua  
erga me vetus amicitia, ut ne quidem me sa-  
lutatione digneris?

Centenas jam ad te literas dedi: tu ne u-  
nas quidem reddidisti, quid conjectem?  
quid divinem? Vivere te, an sepultum  
esse?

Et si constitueram nihil ad te dare litera-  
rum, nisi me ipse vel scripto aliquo provo-  
casset, vel hic certe aliquod Epistola dignum  
occurrisset: tamen cum isthuc Me. Turius  
noster proficisceretur, homo nostri ita stu-  
diosus, ut se sine meis literis hinc disces-  
surum esse negaret, scripsi has.

Vide plura in Hortandis ad mittendum literas  
formulis.

# EXORDIA EPISTOLÆ, QUÆ

alicui respondemus.

**A**ccepi literas tuas, quibus erat scriptum  
Accipi à te aliquot literas uno tempo-



576 DE CONSCRIBENDIS

re, quas tu diversis temporibus dederas, in quibus, &c.

Binas à te accepi literas eodem exemplo, quod ipsum argumento mihi fuit diligentia tua: Intellexi enim te laborare, ut ad me mihi expectatissima littera perferantur.

Accepi literas à te binas, ad quas his unicis respondebo.

Magno dolore affecerunt me tuæ literæ, quibus ad me scribis.

Accepi literas tuas plenas humanitatis & æquitatis.

Legi tuas literas, in quibus mirificum tuum erga me amorem recognovi &c.

Libentissimè legi tuas literas, in quibus jucundissimum fuit, quod cognovi &c.

Petis, Rothi candidissime, ut tecum animi mei consilium communicem. Hoc unum habeo.

Quod tribus Epistolis tuis postremis, carissime Neander unicâ respondeam, hoc est, de unâ fidelitâ plures dealbem parietes, faciunt temporis mei angustia.

Ut primum otium & tempus scribendi nactus sum, duxi esse rescribendum eis literis, quas ego abs te superioribus diebus accepi binas,

Mihi

Mihi uno die tres sunt Epistolæ redditæ eodem, ut videbatur, abs te datæ tempore. Una pluribus verbis: in qua, &c.

Et multarum rerum, curis, atq; oneribus ita premor, optime Pormanne, ut respirare vix possim: tamen, ut literis tuis amantissimè scripseris aliquid responderem, abjeci omnia & officium, quod tibi à me debetur, habui antiquissimum.

Animi tui dotes, adolescens carissime, velut in speculo tua repræsentavit Epistola: quæ si tui unius Marte confecta fuit, sicuti fuisse nihil addubito, ausim tum mihi, tum seculo magnum quiddam de te polliceri.

Binas abs te accepi literas Lipsiæ datas, quarum alteris mihi gratulabare, quod avdisses, me meam pristinam dignitatem obtinere, Alteris dicebas, te velle, quæ egissent, benè & feliciter evenire.

*Seculum* exisse scribis, quod ne litera quidem à nobis adferretur. Quamquam impudens *ὑπερβολή*, nam *seculum* istud vix *trimestre*; tamen ut me sine culpâ incusari doleo; ita tuo nostri desiderio maiorem in modum delector.

Accepi literas, quas *Volimhusius* ad me attulit: è quo cum pereunctatus essem, de te, quæ volebam, atq; is mihi omnia la-

ta respondisset, alacriore animo conversus  
sum ad lectionem literarum, in quibus re-  
cognovi animum tuum pristinum erga me,  
& plenam benevolentia & humanitatis vo-  
luntatem, qua mihi nihil accidere potuit  
opratius.

### EXORDIA QUIBVS RESPON-

*demus ad Epistolam nobis  
gratiam.*

**G**RATA mihi tuae literae fuerunt, ex quibus  
intellexi, quod etiam sine literis arbitra-  
bar, te summā cupiditate affectum esse vi-  
dendi mei.

Amice candidissime, multò gratissima  
mihi fuerunt literae tuae, quibus et si serius,  
quàm debeat rescribo; amo ramen clausissi-  
me meum *Adamm Helmium*.

Epistolam tuam accepi, quae mihi tum ob  
reordinationem veteris notitiae fuit jucundissi-  
ma, tum quòd abste, cuius ingenij dexte-  
ritati ex animo faveo.

Epistola tua suaviter & amanter impri-  
mis, eademq; elegantissimè conscripta, me-  
moriā mihi nostrae consuetudinis, tuaeque  
virtutis & humanitatis vehementer auxit.

Accepi literas tuas datas V Vittebergae ex-  
tremo mensis Junii, ad me Septembri incun-

# EPISTOLIS.

re perlatas, ex quibus cognovi, quodd mihi fu-  
it iucundissimum, te rectè valere.

Grata est mihi vehementer memoria no-  
stri tua, quam significasti literis; quam us  
conserve, non quodd dubitem de tuâ constan-  
tiâ, sed quia mos est ita rogandi, rogo &c.

Bis nos exhilaras. Pormanne candidissime,  
dum muneri gratissimo literas addis multo  
svaviores: quare duplici nomine tibi gratias  
ago.

Gratissima mihi tua fuit Epistola, quæ te-  
statur veterem illum tuum in me animum.  
Meus verò cur mutatus esset, nulla est  
causa.

Accepi literas tuas & svaves profectò, &  
eruditas: quibus non aliter sum oblectatus,  
arque olim tuâ consuetudine, cum essem a-  
pud te.

Variè sum affectus tuis literis, doctissime  
at humanissime Olmanne: valde priore pa-  
ginâ perturbatus, paululum alterâ recrea-  
tus.

Gratæ mihi tuæ literæ fuerunt: imò verò  
& exoptatæ, quæ mei apud te memoriam re-  
sistere, mihi indicârunt.

Quo magis præter spem acciderunt, hoc  
gratiores fuerunt tuæ literæ mihi, non sereli  
votis ardentissimis exoptatæ.



380 DE CONSCRIBENDIS.

Gratum erat tuum munusculum; gratior  
Epistola tam amica; gratissimus animus.

Accepi literas tuas, immo meros amores;  
quid enim aliud sonant? quid aliud spirant?

Tua Epistola tantò mihi jucundior fuit,  
quanto longior, præsertim cum &c.

Quo minus expectata venerunt tuæ lito-  
re, hoc mihi plus voluptatis attulerunt.

Jam dies octavus agitur, aut plus eo, cum  
optatissimas abs te accepi literas.

Accepi Epistolas tuas, aliam aliâ jucundi-  
orem.

Multa me in Epistolâ tuâ delectârunt, sed  
nihil magis, quàm quòd &c.

Quas ad me his proximis superioribus di-  
ebus literas dedisti, mi Murete, incredibili  
me affecerunt voluptate: quod enim pleni-  
sòlent agrè ferre, id mihi planè jucundissi-  
mum fuit, nempe ut me objurgares.

Literæ tuæ perbieves, sed amoris huma-  
nitatisq; plenissimæ, hoc mihi etiam fuerunt  
jucundiores, quod manu tuâ scriptæ.

Epistola tua, Præceptor humanissime, qui  
mecum de non missis ad te literis exposcu-  
las, mirum in modum me delectavit: Gau-  
deo profectò mihi datam, quod aiunt, an-  
sam crebrioribus, quàm hæctenus, te literis  
salutandi.

Magnè

Magnâ me voluptate affecerunt tuæ literæ, ex quibus perspexi, vigere apud te & memoriam amicitia: nostræ, & studium propensæ erga me voluntatis, quam ego habuî semper carissimam, ab eo usque tempore, quo, &c.

Tanti sunt mihi tuæ literæ, mi *David VV*erere, ut nullo pacto credam posse me illis rescribendo sat s'facere: Tanta rursus tua est humanitas, ut te boni consulturum, quicquid à nobis proficiscetur, existimem.

Non facile dixerim, quantum voluptatis, ex Epistola tua acceperim: Est enim mihi gratissimum, cum & me à te amari, & te amore in te meo delectari perspicio: Ex quo fit, ut literas tuas benevolentia plenissimas & officiis jucundissime legam.

Redditæ sunt abs te literæ: nec jucundissimæ solum immò etiam salutares: quod enim te salvum mihi & hospitum nunciârunt, per id quoq; mihi incolumitas est restituta. De qua re & tibi gratulor, & mihi gaudeo, Deumq; supplex oro, ut in optimo statu diutissime valere nos p'beat.

Jucundissima mihi fuerunt tuæ literæ, idque ipsum sanè multis de causis. Primum, quòd tuæ, hoc est &c. Deinde, quòd mirificam quandam tuæ erga me voluntatis si-

gnificationem habebant. Adde etiam, quod perbellè scriptæ, spem mihi attulerunt non dubiam, talem te aliquando fore, qualem ego te, vel ingenio, vel diligentia tuâ fretus, multis futurum prædicâssim.

Maxima sum ex tuis literis affectus voluptate, non eo solum, quod suavissimè scriptæ magnam tuæ erga me observantiæ significationem haberent ( quanquam id ipsum mihi, pro eo, sanè ac debuit, fuit gratissimum ) sed quod eâ verborum puritate, atque elegantia essent contextæ, ut meam de studiorum tuorum cursu opinionem planè confirmarent, atq; hand scio, an etiam vincerent.

Ex tuis literis, quæ me de tua valetudine reliquisque tuis rebus erudierunt, magnam capi voluptatem, propterea quod & elegantes ipsæ sunt, neque tantum Latine, sed etiam politè scriptæ, & tuam erga me benevolentiam, quam ego semper feci plurimi, magnopere præ se ferunt. Itaque nihil mihi potuit optatius accidere.

Gratissimæ tuæ literæ mihi fuerunt, quæ & veteris nostræ amicitia memoriam mihi renovârunt, & declarârunt in te non parùm adhuc amoris erga me ipsum residere: quo mihi nil optatius, neque jucundius accidere potu-

potuit: tibi que hoc de me esse persuasum volo, si quem mihi aliquando locum tibi gratificandi dederis, magno me abs te affectum beneficio esse arbitraturum. Tu ut valeas, & me diligas; magnoperè abs te peto.

Ego nullius literis æquè delector ac ruis, ex quibus multiplicem capio tum fructum, tum voluptatem. Primum, siue mecum litigas, siue rides, siue laceassis, discedo doctior. Nihil enim abs te proficiscitur adeò neglectum: quod aliorum quantalibet curâ possit æquari. Deinde, &c.

DE NARRATIONE, PROPOSITIONE, Confirmatione, Confutatione & Conclusionem Epistolarum conjunctim.

**N**arratio, si necessaria aut usui sit, rem tractandam explicat. Hæc brevis, dilucida, verisimilis, jucunda sit oportet; Brevis & jucunda libentiùs legitur. Dilucida faciliùs intelligitur: Verisimilis citiùs probatur.

Ex narratione mox referenda Propositione, quæ Confirmationis caput est, summamque rei, de qua sumus scripturi, comprehendit.

Huic succedit Confirmatio, quæ rem propositam rationibus munit.

Pòst si quid ab adversario objectum sit,



vel objici possit, vel ipsi propositioni contrarium videatur, in Confutatione refellimus, aut excusando diluimus.

Postremo sequitur Conclusio, quæ est Epistolarum terminus, quo frequenter lectoris animum ad id, quod petimus, nitimur quam maxime commovere.

In hac, si quam rem magnam petieris ab amico, aut grave & arduum quid volueris ipsi persuadere, sit interdum argumentorum repetitio qua res dispersæ reminiscendi causâ in unum locum revocantur, & quasi sub aspectum subjiciuntur.

Hæ Rhetoricæ orationis partes, etsi non semper omnes in omnibus; plures tamen in pluribus frequenterprehenduntur, aut necessariæ sunt doctæ scribentium Epistolis, id quod ex Ciceronis supra positis Epistolis aliquando cognosci potest.

#### EXEMPLVM HOC LOCO SIT TALE.

##### † NARRATIO.

**N**ARRAVIT mihi nudius tertius non sine dolore frater tuus, quod posthabitis bonarum literarum disciplinis te ad studium illiberale adungere decreveris, & nullo vel parentum monitu vel amicorum rogatu nullâq; utilitatis, vel priorum impensarum habita ratione, deduci possis a sensu

## PROPOSITIO.

**T**u tamen, mi Lentule, vel me auctore, mentem istam mutabis. Et sordidis opificum laboribus relictis liberalium artium studis, nunquam satis laudatus. Et post virtutem rebus omnibus antefere-  
rendis, ut capisti, inharebis.

## CONFIRMATIO.

**A**d quod te non modo parentum tuorum, quibus id vino precepto non parum debes, imperium, aut amicorum Et necessariorum quos temere aversari non decet preces Et suasiones, verum multo maxime ipsa bonitatis, Et equitatis ratio inducet, qua tibi nihil honestius, nihil utilius, nihil jucundius fore ingenuis artibus ostensurus sum.

## AB HONESTO.

**N**am si Honesti te ratio movet, qua profecto omnem probum adolescentem movere debet, quid quaeso, bonis literis honestius, qua divina cujusdam originis multis retrò seculis semper omnibus prudentibus in precio fuerunt? Quid iis honestius, qua te à stupidis Et (si dicere liceat) brutis hominibus secernunt sine quibus inter hominē Et pecudem vix ullum discrimen est. Quid iis honestius, qua te ad Dei veri contemplationem, celestium rerum cognitionem Et verarum virtutum ducunt amplexum sine quibus haud secus, ac por-

cus quidam Arcanarius nulli rei magis homo, quam ventri studet, terrenis incubat, & aeternis neglectis, perituris inhiat.

A JUCUNDO.

ET si voluptatem queras, sic ea in re literaria honestati conjuncta est, ut nesciam profecto, an in literis plus honestatis, an jucunditatis invenias. Quid enim, per Deum, immortalem suavius, quam perpetuo cum Musis versari & earum casto contubernio perfrui? si verferis in agro, tecum fabulantur, si intres domum, quiescis cum illis, nec poteris merore tabescere, qui in earum tripudio perpetuum captabis solatium.

AB UTILI ET NECESSARIO.

QVod si foris (ut subinde fieri solet) plus ea qua commoda sint quam ea qua vel honesta, vel jucunda spectes quid (obsecro) literis & eruditione utilius, ne dicam plus necessarium, sine quibus neque virtus, neque Philosophia tibi cognita, neque divina neque humana scriptura manifesta. Immo si literas è mundo funditus sustuleris: omnia simul divina pariter & humana prorsus confunderis. Neque enim Respub. dignè administrabitur, neque res familiaris ut decet gubernabitur; neque quod in primis dictum oportuit, res Ecclesiastica erudendo, consolando, & arguendo promovebitur. Si divitias quæras (id quod tamen Christiano homi-



si turpè judicatur) quem vidisti unquam doctis-  
simorum inopia laborasse? Si n̄ t̄xiuor n̄ra  
vicia t̄xiuor (ne dubites) te maximè nutriet, qui  
plūs ceteris commodare potes mortalibus, neq; id  
quidem absq; laboribus tuis atq; sudoribus.

## CONFUTATIO.

**N**am dicturus es fortassè, hominem ab exor-  
dio, sua conditionis à Deo Optimo Maximo la-  
bore destinatum: in sudore (siquidem dicit) vul-  
tus tui vesceris panetuo. Sit ita sanè, an ta-  
men putem te tam puerili ingenio, ut solis corpo-  
ris sudoribus hominem destinatum intelligas?

An non habet immensos labores (quanquam  
extra radium) hæc ipsa, priusquam apprehendas,  
scholastica eruditio? Neq; tum quoq; cum appre-  
henderis, ullus sacordia locus erit. Aut enim viam  
veritatis populum ignarum è suggestibus docebis;  
aut rudem pueritiam, & informem adolescen-  
tiam in Schola erudies & formabis, aut in rebus  
dubiis anxios Juris prudentia, & consilio iuvabis,  
aut agrorum corporibus ipse sanus medeberis.

## CONCLUSIO.

**I**taq; mi Lentule, quotandem Epistolam conclu-  
dam, prudensq; corporis tui teneritatem, quā vel  
mediocrem laborem ineptus es, praterream, cum



nihil sit quod vel aequè delectet, vel aequè commo-  
det, ac bona litera, aut bonarum artium erudi-  
tio; debes profecto non tam meo consilio, quàm ve-  
ritatis impulsu, ab inconsulto & insulso tuo pro-  
posito desilire, & per bonas literas pro ingenii tui  
dexteritate, quæ, quicquid etiam voles facillimè  
asperehendes, ad reliquas pergere artes & discipli-  
nas. Moveat te patris desiderium, matris lacry-  
mæ, proximorum, affinium, & omnium amico-  
rum affectuum plenissima deprecatio. Certe  
non potes pro ingenuità tibi probitate, nobis o-  
mnibus neglectis, tergiversari. Vale, & nos, ut  
soles ama.

#### CONCLUDENDI EPISTOLAM formula.

**E**pistolam ita concludam. Epistolæ ita fi-  
nem faciam, ita finem imponam. Hæc  
fere sunt, quæ in præsentia tibi nota esse vo-  
lui. Habes, quàm brevissimè potuit, totum  
Reip. statum.

Habes quæ scire cupiebas. Vale.

Habes fere de rebus omnibus. Vale.

Hæc habebam, quæ te scire velle m.

Hæc habui: quæ de his rebus ad te scribe-  
rem.

Hæc fere ad eas literas, quas accepi abs te  
proximè.

Ex.

Extremum illud est, ut te orem & obsecrem.

Finem scribendi faciam, si te primum monuerò, ut me diligas.

Sed ne longior, vale & me, ut facis, ama.

Plura otiosus: hæc subito, & variè distrahitus.

Epistolæ clausula hæc erit; ut benevolentiam in me tuam perpetuò conserves.

Reliquum est, ut à te petam, ut me de rebus tuis omnibus quàm sæpius facias certior, quò nihil gratius expectare à te possum.

Hæc ad te in præsentem scripsi, ut speres te affequi id, quod optasses.

**FORMULÆ AMICOS IN EXTREMIS**  
*literarum Salutandi.*

**S**alutabis ex me patrem officiosè.

Eum à me per officiosè saluta.

Eum meis verbis amanter saluta.

Fratribus à me salutem plurimam nuntiatio.

Fratribus ex me salutem multam dicito.

Salutato parentes meo nomine.

Mibi apud amicos vicarius sis quæso salutator.

Sal.

Salvebit à me Trübsbach officiosè & accurate.

Bernhardo Hufano precaberis à me lata omnia & felicia.

Humanissimis & integerrimis viris, Henrico Olschlegelio, & Johanni Birknero, olim Scholæ nostræ alumni, officiosè à nobis saltem dicito.

Salutem à me Henrico Alberti, & si quem alium benevolentem videris.

Eximios viros Cholinum & Gualterium, etiam atq; etiam à me salvere jube.

D Johannem Cellarium præstanti eruditione & integritate virum, jubebis à me salvere plurimum.

Schelgerum nostrum eximiâ spe, summâq; virtutis adolescentem saluta meis verbis officiosè.

Amicos omnes, sed imprimis nostrum Pormanum jubebis à me salvere plurimum.

Ad Georgium Grunerum si quid dederis literarum, adscribes à me illi salutem plurimam.

In salutandis amicis, quoniam non vacat nunc pluribus scribere, Clauderi tui vices ob eas velim.

Onerabo te non gravi sarcinâ, ut Parthenopolim proficiscens meo nomine salutem præ-

præferas ad amplissimum illius urbis Antistitem.

Salvebit à me Helmius & reliqui, quos istic me nosse putes.

Contubernalem nostrum Andream Pitzerum quando videris, volo, ac vacabit, paucis verbis, suo ipsius more; à me jube salvere plurimum.

Joanni Müllero si aliquando oportum fuerit, salutem à me dicito, quam propriis illi literis nuntiare voluissem, si, ubi locorum ageret, compertum habuissem.

Adolescenti multis animi fortunæq; dotibus ornatissimo Johanni Antonio Woldebrand, precaberis à me salutem plurimam, & felicem studiorum successum.

Amicis meis verbis salutem nunciato, nominatim verò humanissimis & integerrimis viris Abrahamo Vintero, & Laurentio Vilhelmi, quorum, cum istic agerem, suavissima consuetudine valde oblectabar, salutem ex me impertire plurimam.

Matthiæ Reineri meis verbis salutem impertias velim, quæque à me proficisci possunt, omnia pollicearis ac deferas.

Totam familiam tuam per te meis verbis salutaram volo.

Quæso



Quæso ut sodalitatem totam mihi salutem  
accuratè.

SALUTANDI verbum interdum, ut subse-  
quentia exempla docent, intelligitur.

Cicero: Terentia tibi salutem.

Idem: Cæcilie bellissima salutem.

Idem: Dionysio plurimam salutem.

P. Manutius: Vale, & Duditio meo,

P. Bembo. Patri tuo multam } salu-

Idem: Patri tuo & matri multam } tem.

Idem: Doctoribus tuis multam

Est verò Ellipsis hujusmodi Bembo fre-  
quentissima, nec eadem infrequens apud  
nonnullos alios: præsertim Neotericos.

FORMULÆ SALUTANDI

quempiam alterius nomine.

P. Oimplerus officiosè te jubet salutari.

Jubet te salvere plurimum.

Jussit tibi multam adscribi salutem.

Plurimam tibi impertit salutem.

Impertiri te jussit plurimam salutem.

Annunciat tibi ac tuis salutem.

Jussit me tibi salutem scribere.

Vel sic:

Precatur tibi ac tuis omnia felicissima.

Precatur tibi omnia evenire prosperrimè.

Nihil non optat tibi faustum ac laetum,

Vel

*Vel pluribus Verbis.*

Salvebis à Lehmanno nostro, adolescente mihi summè dilecto: & nostri observantissimo. Jam Epistolam compicaveram, cum adiret me fortè Bartholomæus Thalerus noster, qui te plurimum jussit meis verbis salvere.

Cicero: Valebis, & valere filiam & Cræciliam nostram jubebis: salvebis à me Cicero.

**RESALVTANDI FORMVLÆ.**

**F**ratres Springesfeldij, per me tuis verbis salutati, vicissim te meis verbis officiosè resalutant.

Backero & Kittelmanno abs te salutem dixi, qui latissimi audierunt, remittuntq; salutem ingenti scœnore cunctatam.

Iohannes VVolfgangus Kuhn quam tuis verbis salutem dixi, libenter accepit, & vicissim te his literis officiosè salutare jussit.

Dimmeri nostri, per me diligenter salutati, dederunt hoc mihi negotij, ut te vicissim juberem suo nomine salvere plurimum.

**RATIO EXCVSANDI EPISTOLAM**

*neglectius conscriptam.*

**E**pistolæ character neglectior, testis est summa nostra festinationis.

**Hæc**

Hæc exaravi multis distractus negotiis, animoq; curis valde impedito.

Ex tempore scripsi hæc, & incogitantius, alioqui nec medietas satis probus scribendi artifex. Hæc scripsi raptim; & plusquam ex tempore, fortè oblato tabellario; scribam aliàs accuratius.

Hæc subito; cum incidissem casu in tabellarium; scribam aliàs accuratius.

Hæc subito; cum incidissem casu in tabellarium itineri jam accinctum.

Hæc scripsi festinanter, festinans, properans, animo alia cogitante; quod velim ignoscas.

Hæc in summâ vacui temporis inopia scripsi.

Distavi hanc ad Te Epistolam; non scripsi, quod jam essem scribendis literis defatigatus. Rectè vale.

Hæc scripsi præpropere & perturbatè, quod ex literis ipsis, & sensu facili conjicis, quæso festinationi meæ, & brevitati literarum des veniam.

#### DE VALEDICTIONE:

**V**aledictio est, qua post Epistolæ Conclusionem, precamur alteri prosperam valetudinem.

Quem-

Quemadmodum ex congressu ac sermone hominum salutatio: sic etiam valedictio, ad Epistolam translata fuit: & quomodo con-  
 gredientem ante omnia: ita discedentem  
 quoq; post omnia salutem precari, cuiusdam  
 humanitatis faustique ominis judicabatur.  
 Ergo illâ quidem ordini Epistolam, hâc ean-  
 dem exaratam atq; confectam claudere con-  
 srevimus; idque secundâ personâ semper u-  
 tentes: Nemo enim sic scribet; Cicero Te-  
 rentiam suam benè valere jubet.

## VALEDIGENDI RATIO.

Vale. Valeto Valebis.

*Vel adjuncto Adverbio.*

Benè vale. Rectè vale. Vale feliciter.  
 Vale rectissimè. Vale etiam atq; etiam.

*Vel pluribus verbis.*

Fac valeas. Fac ut valeas. Da operam ut  
 valeas.

Maximè da operam ut valeas.

Cura, ut valeas etiam atq; etiam.

Valetudinem tuam fac cures diligenter.

Fac ut tuam, & Tulliz valetudinem cures.

Tu velim tuam & Tulliz valetudinem cu-  
 res.

Te oro etiam atque etiam, mi frater ut va-  
 leas.

Ce

Quan-



Quantam diligentiam in valetudinem tuam contuleris, tanti me à te fieri iudicabo.

Quantum me diligis, tantum fac ut valeas, vel quantum te à me scis diligi.

Indulge valetudini tuæ.

Valetudini omni ratione cura ut inferas.

Valetudini tuæ, si me & omnes tuos valere vis diligentissimè, servas.

Benè valere te cum omnibus tuis precor.

Vale felix, & faustus vir omnium humanissime.

Incolumem te nobis diu servet Christus Opt. Max.

*Adjicimus interdum aliquid post verbum Vale. quod ejus, cui scribimus, animo velimus tenacius inhaerere.*

Vale, & stude, Vale, & rescribe, Vale, & Deum time. Vale, & me, ut soles, dilige. Vale, & tui amantem redama. Fac valeas, meque mutuò diligas. Fac valeas, meque ames.

Vale, & me solito amore fac prosequare.

Vale, & si me amas, labores ama & studia.

Vale, & huc ad nos quàm primùm advola.

Vale, & scribe ad me quàm frequentissimè.

Vale, & me tui amantissimam vicissim ama.

Vale.

Vale, & literarum studiis incumbere diligenter.

Vale, & nos sæpius tuis literis si est otium, saluta.

Cura ut valeas, & me, ut amas, ama.

Cura ut valeas, meque ames amore illo tuo singulari.

Vale, & nos ama, si par pari referre velis, amore omnino non vulgari.

Benè valeat R. T. C. cui omnibus me mōdis, & ex animo commendo.

Vale, & si me amas, ad nos, ut facis, de rebus omnibus frequenter scribe.

Vale, mi suavissime *Greimi*, & tibi persuade te à me non vulgariter amari.

Vale, plura ad te scribam, cū, quas avidè expecto, tuas aliquando accipero.

Bene vale. doctissime *Præceptor*, cui me totum quantus sum, dico consecroque.

Cicero ad Uxorem & liberos: Valetè, inquit, mea desideria, valetè.

Vale, & commenda me precibus Domino, mutuū orationis beneficium impensurus.

Benè vale in Christo Jesu, & me ex animo tibi faventem redamare perge.

Benè vale nostri memor, præsertim in precibus tuis.

Cc 2

Vale,

Vale, & boni consulas has literas plusquam  
extemporarias.

Vale, & tumultuariam hanc responsionem  
æqui boniq; consulas.

Vale, & si quod liberius & impudentius  
effutivi, da veniam homini non aliter infir-  
turo.

Vale, & nos dilige: quod te ita facere non  
dubito, ut nihil habeam tuo in me amoris  
nec certius, nec jucundius.

Valebis ipse & humanissimum virum To-  
biam Eckardi cum universâ familiâ bene va-  
lere jubebis.

Fac ut diligentissimè teipsum custodias.

VIVE, VALIDISSIMÈ VALEQVE.

# FORMULÆ CVBICIENDI ALI.

○ quid post Vale, quod in mentem  
non venit.

Vale, sed percommode hoc mihi nunc in  
mentem venit.

Vale, sed heustu, ferme præterieram, quod  
in primis dictum oportuit.

Vale; sed heus mane paulisper; succurrit  
nunc quod non oportuit prætermisum.

Vale; sed heustu, manè paulisper; omisi  
quod non minus libenter leges, quam ce-  
tera.

Vale;

Vale; sed ô me obliviosum, nunc demum occurrit animo, quod prime loco dictum oportuit.

Vale; sed ob signaturo Epistolam illud percommode venit in mentem, quod omis- sum doferem.

Vale; iam ob signabam Epistolam, cum alteras tuas ad me literas reddit veredarius; itaque resignavi, & eadem operâ binis tuis re- spondeo, ac primum de, &c.

Vale; jam parabam ob signare literas; sed quia præter spem otii non nihil obtigit, libet etiam diutius garrere tecum.

*Post huiusmodi verò revacationem solemus fa- rē addere.*

Rursum vale. Iterum vale, vale iterum atq; iterum.

Iterum, & sæpius vale, mi Pater.

SIC ET CICERO VALEDI-  
*tionem iterat.*

FAC planè ut valeas, nos ad summum. Va-  
le. Idem nonnunquam post Vale subji-  
cit Salve. Ad Tironem Epist. 9. Vale, salve.  
Et Epist. 6. Vale mi Tiro, vale, vale, & salve.  
Plautus. Quando ita tibi libet, Vale atque  
salve.

Sed veteres ea tum potissimum jungebant,



quando ab iis discedebant quos se nunquam iterum visuros sperabant.

*Xepo* quoque Græcis in principio & fini orationis ponitur. *ἐπιπρω* verò id est, vale, & *ἐπιπρωδε* valete, fini solum conveniunt. Dicunt quoque; *ἄντες*, id est, esto felix: *ἄντες*, id est, estote felices.

Post Vale continenter Locum & tempus adscribunt veteres.

### LOCUS ADSCRIBITVR

*hoc modo,*

**D**ata: vel Data: vel Datum: vel omisso Participio: V Vittebergæ, Naumburgi, Carthagine, Parisiis.

Nonnulli, utuntur interdum Ablativo, Dresdâ, Chemnitio.

Sed tunc, auctore Terentio Scauro, participium *Datum* est omittendum, quod in loco, non è loco, significat.

Præpositio additur Barbaris: ut Ex Mosbach, & Appellativus: ut; ex Museo nostro.

### TEMPVS ADSCRIBITVR

*hac ratione.*

**A**nno Domini, Millesimo sexcentesimo vigesimo nono. Anno restitutæ per Christum salutis sesquimillesimo centesimo vigesimo primo.

Anno

Anno Christi nati supra bis octingentesimum vigesimum nonum.

Anno à natali JESU CHRISTI post millesimum sexcentesium vigesimum nonum.

VEL SIC.

Anno à Christi natali: A Christi nativitate: post natum Christum clc lxxc XXIX.

VEL SIC.

Anno humanæ salutis, partæ salutis: assertæ salutis, M. DC. XXIX.

VEL SIC.

Anno à Virginis partu: à partu virgineo: partus salutiferi, 1629.

*DIES MENSIS ADSCRIBITUR hoc modo:*

**P**rimo die mensis Januarij. Decimo Julij.

*VEL IMITATIONE veterum sc.*

**I**psis Kalendis, Nonis, Idibus, Januarii vel Januariis.

Quarto Kalendas, Nonas, Idus, Julij vel Julias, Decembris, vel Decembres: in quibus ante Præpositio per Ellipsin subauditur, quasi dicas, Quarto die ante Kalendas, hoc est eum diem, qui dicitur, Kalendæ.

Idem prorsus est I I I. Kalendas, & ad III. Kalendas : sicuti non differunt, ad diem constitutam venire, & die constitutâ. Quare audiendi non sunt Grammatici, qui ita ad III. Kalendas & III. Kalend. distinguunt, & per hoc definitus atque certus dies significetur, qui est tertius, per illud verò non intelligamus ipsum tertium diem : sed diem aliquem illi propinquum : ut perinde sit dicere, ad tertium Kalendas, ac si diceremus, circiter tertium Kalendas. Tullius & cæteri scriptores optimi hæc Grammaticorum somnia & commenta refutant. Et ut nihil differunt, III. Kal. & ad III. Kalend. Sic nullo modo distrepant, ad Kal. Quintiles, & Kalendis Quintilibus.

Ante diem 5. Kalend. Majas, id est, eo ipso die 5. Kalend. Maij, 27. videlicet Aprilis.

In ante diem 15. Kalend. Novemb. id est, in diem illum ipsum, qui est 15. ante Kalend. Novemb. nimirum 18. Octobris, annumerato ipso Kalendarum die, quod in his loquendi generibus notandum est. Ex ante diem Non. Junii, id est, eo ipso die Nonarum Junii, ex 5. die mensis Junii. Hujusmodi locutiones pro eo ipso die, non præcedente illum numerum, qui exprimitur, accipi debent.

Quot

Quot autem dies quisq; mensis, quot Kalendas, Nonas, Idus complectatur, his versibus clarè docetur.

Junius, Aprilis, September, *itemq;* November,  
Vsq; dies ter habent denos: reliqui magis unum  
Sic nisi bissextus, videnos Februus octo:

*At si bissextus fuerit, superadditur unus:*

*Et tunc bissextus Marti conscribere Kalendas.*

*Prima dies mensis cujusq; est dicta Kalendæ.*

Mars, Majus, quoq; Julius, Octoberq; requirunt  
Sex Nonas: Octo reliqui modò quatuor optant.

*Quilibet octonas mensis sibi vendicat Idus,*

*Inde dies alios omnes dic esse Kalendas.*

*Quas retrò numerans dices à mensi sequenti.*

## EXPOSITIO.

PRIMUS dies cujuslibet mensis à Kalendis nomen accepit. Primo enim die Januarii dicere solemus: Kalendis Januarii. Primo item die Februarii: Kalendis Februarii: atq; ita in cæteris. Alij autem omnes dies à Nonis vel Idibus ejusdem mensis, vel à Kalendis insequentis mensis notari solent: ita ut die, qui quatr duo abest inclusivè à Nonis, Idibus, vel Kalendis, (duobus nimirum diebus interpositis) dicendum sit: Quarto Nonas: Quarto Idus, & quarto Kalendas: Hoc est, quarto die ante Nonas, Idus, Kalendas.



das inclusivè. Porro ut quemcunque diem mensis propositi ritè denominare scias à Nonis, Idibus & Kalendis, memoriæ mandandi sunt dies, in quos Nonæ atque Idus cujuslibet mensis incidunt. Hi autem facile ex Nonarum; atque Iduum cujusque mensis numero comprehendi possunt: Ut, quia hi quatuor menses Martius, Majus, Julius, Octobèr habent sex Nonas: alii autem 8. menses, Januarius, Februarius, Aprilis, Junius, Augustus, September, November, December 4. duntaxat, cadunt Nonæ in 4. prioribus mensibus in diem 7. in posterioribus verò 8. in diem 5. Numero enim Nonarum adjiciendus est primus dies, qui non à Nonis: sed à Kalendæ nomen sumit, ut dies habeatur Nonarum. Verūmenimverò cum singuli menses habent 8. Idus, si diei Nonarum addantur. 8. incident Idus priorum 4. transsum in decimum quintum diem, posteriorum verò octo in diem decimum tertium. Cæterum proutque diem cujusvis mensis propositum, à Nonis, vel Idibus, vel Kalendis denomines. vide prius, num mensis ille 6. Nonas habeat, an quatuor? Si enim 6. habuerit, & dies propositus est 7. appellabis diem illum Nonas illius mensis. Quod si dies oblati est ante diem septimum, vel post,

ante tamen 15. diem, detrahe ejus numerum, demtâ prius unitate (numerum videlicet ejus diei, qui propositum antecedit in Kalendario) ex 7. vel 15. & reliquum numerum denomina in Nonis, vel Idibus, prout dies propositus fuerit ante diem 7. vel ante diem 15. At si datus dies diem 15. consequitur, subtrahe ejus numerum, demtâ prius unitate (numerum scilicet ejus diei, qui in Kalendario diem datum proximè antecit) ex numero dierum totius mensis propositi, si tamen prius unitatem addideris ad mensis dies (nimirum primum insequentis mensis diem, in quem ejus Kalendæ incidunt) & numerum reliquum à Kalendis mensis insequentis denomina. Eadem hæc in posterioribus 8. Mensibus servabis omnino, dummodò pro 7. die Nonarum, & 15. Iduum sumas, 5. & 13. in quos videlicet dies Nonæ, atq; Idus illorum mensium incidunt.

Exempli gratiâ; designandus sit dies 3. Martij, qui nonas diei 7. antecedit. Deme 2. (numerum videlicet unitate minorem numero diei 3. Quinto Nonas Martij; hoc est, quinto die ante Nonas inclusivè. Rursus detur dies 10. ejusdem mensis, quia Idus cadunt in 15. diem Martij, & dies 10. propositus est post Nonas, detrahe 9. ex 15. ut reliqua

liqua fiant 6. Dices igitur die 10. Sexto Idus Martii. Præterea offeratur dies 23. Junii, quoniam Idus præterierunt, & Kalendæ Julii, insequentis incidunt in diem 31. à Kalendis Junii numeratum, (quod Junius habeat dies 0) auferamus 22. ex 31. & reliquamus 9. Die igitur 23. Junii. dicendum est, Nono Kalendas Junii.

Sic deniq; datus dies 10. Augusti, quia Nonæ præterierunt, Idus verò in diem 13. incidunt, si 9. ex 13. demantur, remanebunt 4. Dices ergo tunc, Quarto Idus Augusti. Adverte interim, quando numerus reliquus est 2. non esse dicendum, Secundo Nonas, vel Idus, vel Kalendas; sed pridie Nonas; Idus vel Kalendas.

Janus verò si dies proponatur à Nonis vel Idibus alicujus mensis, aut à Kalendis mensis subsequenter denominatus, velimusque scire, quotus dies mensis is sit; detrahendus erit numerus denominationis, minus uno ex numero diei, in quem Nonæ vel Idus cadunt, vel Kalendæ insequentis mensis, prout dies denominatus erit Nonis, vel Idibus, aut Kalendis: Reliquus enim numerus dabit diem mensis, qui quaeritur. Verbi gratiâ, Scriptæ sunt literæ quædam, Quinto Idus Januarij, Quandoquidem Idus



Idus Ianuarij in 13. incidunt diem, demendus erit numerus 4. (unitate scilicet minor numero Quinti Idus) ex 13. ut reliquus sit 9. Fuit ergo dies ille, quo literæ scriptæ sunt, dies 9. Ianuarij.

Item datæ sunt aliæ literæ, Pridie Nonas Octobris. Quoniam Nonæ Octobris cadunt in diem 7. auferamus 1. (Numerum scilicet unitate minorem numero secundi Nonas, qui Pridie, ut supra dictum, profertur) ex 7. relinquaturq; dies 6. Octobris.

Postremò scriptæ sunt aliæ literæ, Decimo octavo Kalendas Julij, qui dies in mense Junio existit: Quia Kalendæ Julij cadunt in diem 3. à Julij Kalendis numeratum, cum Junius habeat dies 30. Subtrahantur 17. ex 31. supersunt 14. Literæ ergo illæ scriptæ sunt die 14. Junij proximo videlicet post Idus.

Non absurdum est, quod nonnulli nostris festis indicant diem.

Natalibus Christi Salvatoris, Pridie omnium Sanctorum. Die festo Paschæ. Feriis Paschalibus. Ecclesiasticæ Dedicationis feriis. Regalibus vel Epiphaniarum die, Martinilibus, Hilaribus, Ciperilibus, Paganalibus.



608 DE CONSCRIBENDIS

QUINETIAM DIEI AC NOCTIS  
*horam adscribere licet.*

**P**rimâ luce. Summo manè. Diluculo. Crepusculo matutino, vel vespertino. Sub cœnam. Inter cœnam; Mox à cœna. Nocte vel noctu, Adventante jam nocte. Multâ, profundâ, vel altâ nocte.

Si quis recentium secutus consuetudinem, nomen suum in capite literarum non expresserit, in calce illud omittere non potest: Idq; nunc solum, nunc adjuncto Epitheto ponet, hoc modo:

Tuus, eaus totus. Tuus toto animo. Tuus toto pectore. Tuus toto corpore & animo. Tuus, ut scis. Tuus ut nosti. Tuus idem qui semper. Tuus usu & fructu. Tuus mancipio & nexu, *et hoc* tuus.

Tui amantissimus. Tui studiosissimus. Tui cupidissimus. Tui observantissimus.

Tibi deditissimus. Tui devotissimus. Tibi addictissimus.

Tibi obediens. Tibi obsequens. Tibi dicto audiens. Tibi morigerans, Tibi morem gerens.

Filius

David, Gesebka,

AD

EPISTOLIS.

609

AD SUMMÆ DIGNITATIS

*viros hoc nunc modo plerumq;  
scribitur.*

Tuæ clementiæ }  
Tuæ celsitudini. } deditissimus clientu-  
Tuæ amplitudini. } lus N. N.

AD MINVS NOBILES MI-  
*nusq; præstantes sic.*

Nobilitati tuæ }  
Dignitati tuæ } addictissimus cliens  
Reverentiæ tuæ } N. N.

VEL BINIS LITERIS.

T. G. } devinctiss.  
T. A. } subjectus.  
T. N. } N. N.

VEL TERNIS LITERIS,

R. T. A. } hoc est } Reverendæ tuæ Amplitudini,  
R. T. D. } } Reverendæ tuæ dignitati,  
R. T. C. } } Reverendæ tuæ Celsitudini.

Novam hanc consuetudinem scribendi,  
licet doctissimorum quidam (qui solo utun-  
tur Nomine, vel Nomine & cognomine)  
tantum contemnant; si tamen his & simi-  
libus substantivis modicè, & in loco utan-  
tur, & graviolem amplificando reddemus

Episto-

CIO DE CONSCRIBENDIS

Epistolam, & sermonem gratâ varietate ornabimus, verbi gratiâ:

Succurre mihi inopi vir ditissime: Nostram inopiam tua sustineat copia: vel: Nostram tenuitatem tua foveat liberalitas.

Vir prudentissime mihi stulto sis præsidio: stultitiæ meæ tua prudentia sit præsidio.

Obsecro te, pater piissime; obsecro tuam pietatem pater.

Gratulor tibi, vir fortissime: Gratulor tuæ virtuti.

Con dona mihi hunc errorem vir mansuetissime: Condenet mihi hunc errorem tua mansuetudo.

Non est hominis imperiti, viro prudentissimo consilium dare: Non est meæ imperitiæ; tuæ prudentiæ consilium dare.

Te, inquam, appello vir impudentissime: Tuam appello impudentiam.

Vulgò scriptorum in huiusmodi neque modus est ullus, neque tempestivatis ratio: sic enim passim: Dominationis tuæ literas accepimus: Et: Reverendissima tua prudentia mihi literis significavit: &, Nobilitas tua meo nomine salutabit uxorem suam: &, Claritati tuæ breviter respondeo: &, Nostra paritas dignissima paternitati tuæ gratias agunt.

stultum est ita vitare personam, quasi fas non sit eâ uti,

## DE INSCRIPTIONE

*literarum.*

**I**nscriptio (Græcis ἐπιγραφή, vulgo superscriptio) est quæ in summo Epistolæ jam obli-  
gnatæ ponitur.

De inscriptione nihil habemus antiquo-  
rum, amice lector, quod possumus affirmare;  
atq; cum hoc tempore necessaria sit, adver-  
tendum, primum qua ratione hæc nunc à do-  
ctis conscribatur. Deinde quid in ea deco-  
rum sit, quidve indecorum.

Hæc incipit plerumq; ab uno aut altero  
Epitheto, seu adjectivo.

Sequitur deinde nomen & cognomen il-  
lius cui redditur Epistola.

Tertio jam loco ponitur Magistratus, Di-  
gnitatis aut officii Nomen, eaque exprimun-  
tur casu Dativo, per huiusmodi vocum Elli-  
psin seu reticentiam: Reddatur hæc Epistola;  
vel: Dentur hæc literæ; quæ verba non solent  
exprimi. Utrum autem scribas, Meo aut suo,  
parvi refert.

Postremo jam loco dextram versùs adscri-  
bitur nomen Loci, idq; ferè in Genitivo, sub-  
audiendò Participium agentis, habitantis, aut  
simili.

Ma-



## 612 DE CONSCRIBENDIS

Manutius, & alii utuntur his Accusandi casu.

### INSCRIPTIONEM QUÆ

*ornent aut vituperent.*

I. Hoc accuratè in ea est observandum, ut appposito & congruenti utamur Epitheto, non absurdo, non otioso, non mendaci, quod oneret personam, non honestet.

Aliud enim accommodabitur Imperatori, Regi, Duci, Comiti, Baroni; vel alteri viro nobili & generoso.

Aliud Pastorem vel Theologum; aliud Magistratum decet; aliud hominem privatum; aliud senem. aliud adolescentem: & doctum aliud, aliud indoctum.

Debet igitur Epitheton ipsius personæ qualitati, hoc est dignitati, conditioni & officio congruenter & aptè respondere.

Ut; verbi causâ, indoctum aliquem Jurisperitum, gravem potius dixeris, quam eruditum.

Et negligentem ac supinum Pastorem, quidvis potius, quam vigilantem, Etenim sibi quisque conscius, hæc in contumeliam rapit: Non aliter quam si deformem senem formosum puellum appelles: aut pumilionem, egregium heroz.

II. Huc spectat, ut abstinamus ab Epithetis, quæ vel risum moveant, vel fastidium. Quod pertinent hujusmodi geminationes: Domino D. Domino & M. Item amico suo Py-ladæo, & alia id genus.

III. Removendi sunt etiam ab hujusmodi descriptionibus elegantiarum flosculi: Hæ advolent literæ ad manus proprias; &c. Cicero enim & alij Latini non ita lecuti fuerunt.

IV. Postremo ne tam multis hoc loco utamur verbis, nihil omninò necessariis, ut totum Epistolæ tergum referant.

† INSCRIPTIONVM ALIQVOT  
EXEMPLA.

AD PROFESSOREM THEOLOGIE.

Viro admodum reverendo, clarissimo & excellentissimo, Domino Iohanni Himmelio S. S. Theologiæ Doctori eximio & in Academia Jenensi Professore dignissimo.

AD SUPERINTENDENTEM.

Venerando, variazq; eruditionis laude & Cumprimis sacrarum literarum scientiâ eminentissimo viro, Dn. Iohanni Sigefrido, Ecclesiæ Slairiensis Pastori, & vicinarum Superattendenti vigilantissimo.

AD

## AD SACERDOTE M,

Viro reverendo & què ac doctissimo Dn.  
*M. Michaeli Pharetrato*, Parocho VVeirano  
 Dioceseus Orilanz vigilantissimo.

## AD LUDI RECTOREM.

Excellentissimo viro, Dn. *M. Sigismundo*  
*Evenio*, Gymnasij Magdæburgensis Rectori  
 & exterrimo ac celeberrimo.

## AD PARENTES.

*Jacobo Claudero*, amantissimo parentri, & *E-*  
*lisabethæ*, suavissimæ matri; suis.

## AD PATREM.

Optimo & integerrimo viro, *Ludovico*  
*Schallingio*; Parenti plurimum sibi obler-  
 vando.

## AD FRATREM.

*Johanni Claudero*, civi Palæopyrgico fra-  
 tri suo charissimo.

## AD PRÆCEPTOREM:

Præstantissimâ eruditione & integritate  
 viro Dn. *Iusto Schelhammero*, Præceptori  
 meo atatem amando & æstimando.

## AD MAGISTRUM.

Humaniter erudito, & eruditè humano  
 Dn. *Davidi Stemlero* pietatis & bonarum  
 artium

artium studiis in inelyta Salana deditissimo;  
amico meo sincero.

AD LITERARUM STU-  
diosum.

Ingenuo & ornatissimo juveni, Conrado  
VVendlero; ingenuarum artium ac par-  
tium in celeberrima Academia Jenensi stu-  
dioſo.

AD VIRUM HONORATUM.

Optimo, ut & præſtantiffimo viro Henri-  
co Hôvero, civi Neapolitano ſpectatiſſimo:  
amico ſuo veſeri & vero.

SELECTIORA ALIQUOT CU-  
juſvis ſtatus, ætatis & ſexus, conditionis, Epi-  
theta; quorum in contraxendis epiftolis, & ma-  
ximè in ſuperſcriptionibus eſt uſus. Pruden-  
tia, quæ cum ætate creſcit, & diligens præ-  
ſtantium ſcriptorum lectio, non modo co-  
piam majorem ſuppeditabunt, verùm etiam  
delectum & proprietatem eorundem doce-  
bunt.

IMPERATOR.

Auguſtus. Invictiſſimus. Potentiſſimus,  
Præpotentiſſimus. Semper-Auguſtus, Apud  
veteres, *Divus*; quod ex adulatione videtur  
natum.

REX



616 DE CONSCRIBENDIS

REX.

Gallorum: Hispanorum: Britannorum. Bohemorum, &c. Clementissimus: Potentissimus. Quæ duo, ut etiam Serenissimus, communia sunt & Regibus & Archiducibus.

ELECTOR: DUX, seu PRINCEPS.

Serenissimus: Illustrissimus: Celsissimus.

COMES: MARCHIO.

Illustrissimus: Inclytus,

BARO.

Generosus Nobilitate & splendore generis. Generis nobilitate illustris. Antiqua nobilitate splendidus. Antiquæ nobilitatis vir.

EPISCOPUS.

Reverendissimus. Præsul sanctissimus. Antistes religiosissimus.

SACERDOS.

Reverendus. Colendus. Venerandus. Religiosus. Probatas. Egregius. Eximius. Excellent. Præstans. Vigilantissimus. Integerrimus. Christi venerandus sacerdos. Religione & pietate conspicuus.

NO.

## NOBILIS.

Antiquitate generis, singulari eruditione  
ac plurimo rerum usu nobilissimo viro Dn.  
Gerhardo Marschalch, hæreditario in Gra-  
wenfels.

## CONSUL.

Gravissimus, Spectatissimus. Optimus &  
præstantissimus. Amplissimus. Prudentissi-  
mus. Dignissimus.

## SENATOR.

Ornatissimus. Prudentissimus. Lectissimus.  
Honestissimus. Reipub. studiosiss. Benè de  
Repub. meritis.

## PRÆTOR: JUDEX.

Iustissimus. Integerrimus. Incorruptissi-  
mus. Iustitiæ patronus.

## THEOLOGUS.

Clarissimus. Excellentissimus. Eruditissi-  
mus. Doctissimus. Sacrarum vel divinarum  
rerum scientiâ præstantissimus. Sacrarum  
scripturarum interpres. Sincerus. S. Theolo-  
giæ Professor eximius. Egregius.

## JURE CONSULTUS.

Celeberrimus. Eximius. Legum peritissi-  
mus. Juris utriusque juxta doctus. Juris  
Utriusque Consultissimus. Cum sa-  
pientissimus, tum integerri-

mus.

MEC

618 DE CONSCRIBENDIS

MEDICUS.

Clarissimus. Fidelissimus. Experientissimus. Multo usu excellentissimus. Medicinae Doctor praestantissimus. Artis medicae expertissimus & diligentissimus. Undequaque doctissimus.

VIR PRÆCLARUS.

Vir primarius omni laude dignissimus, & laudatissimus. Probitate & humanitate conspicuus. Optimè de Repub. meritis. Prudentia & auctoritate nobilis. Pietate & eruditione insignis. Excellenti doctrinâ egregius.

PATER.

Charissimus. Optimus. Plurimum observandus. Perpetuò amore venerandus.

MATER.

Suz,issima atq; optima. Charissima, & dulcissima. Plurimum observanda.

UXOR.

Optima. Carissima. Fidelissima. Suavissima. Fidelissima atq; optima.

FRATER.

Optimus, Suavissimus. Carissimus. Dilectissimus, Optimus & dulcissimus.

SOROR.

Suavissima. Charissima. Unicè cara, dilecta, dilectissima, Dulcissima.

FILIUS.

# EPISTOLIS.

619

## FILIUS.

Charissimus. Dilectissimus. Svavissimus.  
Dulcissimus. Mellitissimus.

## PATER: PRÆCEPTOR.

Multum, plurimum observandus. Summe,  
valde venerandus. Unice, præcipua colen-  
dus. Apprimè, inprimis, admodum, cum pri-  
mis, Majorem in modum.

## OPIFEX.

Industrius. Solertissimus. Perspicax. E-  
rimus. Egregius. Spectatus. Circumspe-  
ctus. Exquisitus. Accuratus. Prudens. Di-  
ligens.

## AMICUS.

Primus & fidelissimus. Sincerus. In-  
tegerrimus. Nostri per diosus. Incompa-  
rabilis. Charissimus. Percharus. Summe,  
unice, inprimis, cum primis charus, dile-  
ctus.

## SODALIS.

Amiciss. Jucundiss. Lepidiss. Mellitissi-  
mus.

## ADOLESCENS.

Ingenuus. Benè moratus. Ornatissimus.  
Doctiss. optimæ, summæ spei. Præstan-  
tissimus ingenio. Optimus, & humaniss.  
Optimis studijs deditissimus, summæ eru-  
ditionis, summæq; virtutis. Spectata probi-

De

tatis.



tatis. Literarum studiosus. Ingenuarum artium candidatus. Optimarum artium studijs eruditus. Summâ modestiâ & singulari probitate: summo ingenio, summâq; doctrinâ. Summo ingenio & virtute. Præclaræ, generosæ indolis.

## MATRONA.

Præba. Modesta. Integra. Honestiss. Pudiciss. Eximia pietate & virtute. Primariæ femina. Fœminarum præstantissima. Pudicissima. Lectissima. Generosa. Nobilis.

## PUELLA.

Castæ, verecundæ. Pudicissima. Benè morata. Lepida. Bella. Honestatis exemplar. Amabilis, læcunda.

INSCRIPTIONVM ALI-  
*quet formula.*

Ingenue & optimæ spei puero Bernhardo Stöckich.

Eximie tam indolis, tum etiam virtutis puero Johanni Georgio Forstero.

Impensio atq; præclaram minitanti puero, Johanni Bernhardo Bertram.

Liberali indole & eximia spe adolescenti, Martino Miro.

Clarissimo natalibus adolescenti Alexandro Pflug.

Bonae Spei adolescentulo Literarumque Candidato Nicolao Kochio.

Optimo, literarumque avidissimo adolescenti Johanni Ludovico Hoffmanno.

Insignioris & indolis & expectationis puero, Jeremiae Pharetrato.

Ingenioso, summaeque diligentiae adolescenti Georgio Hoffmanno.

Generosae indolis adolescentulo Johanni Henrico Gegenfetho.

Summae integritatis, prudentiae, & dexteritatis viro Dn. Jonae Neandro, N.P.

Ornato & splendido viro, Johanni Förstelio Exquartori Alstetensi.

Prudentissimo & integerrimo seni Bartholomaeo Molzero, Consuli Neustadiensi.

Excellenti eruditione & singulari prudentia Advocato, Conrado Limmero.

Nobili, spectatissimoque viro, Johanni Oberlendero, Domus Teutonicae praefecto fidelissimo.

Ornatissimo ac spectatissimo, Caspary Bohemo, Reip. patriae ab Epistolis.

Literato & candidissimo viro, Heinricho

D d 2

Hase.

Hofero Judici & Mercatori, Neapolitano  
laudatissimo.

Prudentiâ, eruditione, multoque rerum usu  
excellentissimo M. Johanni Soths/ Quasto-  
ri Aldenburchensi.

Eruditione, vitæ integritate, plurimoque  
rerum usu præstantissimo viro, Eugenio For-  
stero, Domus Teutonice Præfecto.

Generoso & antiquâ nobilitate illustri vi-  
ro Henrico ab Einsidel.

Præstantissimâ eruditione multâque ex-  
perientiâ clarissimo Medico, D. Joachimo  
Colbio.

Eximio & Religioso viro, ut & Poetæ Chri-  
stianissimo, M. Lamperto Alardo Diacono  
in Krempen.

Viro Reverentiss & undecunque doctissi-  
mo, M. Caspari Sternembekio, Ecclesiæ ad  
D. Afranum Mysenæ Diacono: jam olim  
suo contubernali: Hodie amico constantis-  
simo.

Religioso & candidissimo viro, Friderico  
Olmanno, Ecclesiæ patriæ Cygnæ ad D.  
Catharinam Diacono fidelissimo: amico meo  
auro non contrâ caro.

Humanissimo & Excellentissimo viro,  
Heinrico Oelschlegelio, P. L. & Scholæ illustris  
ad Albim Collegæ dignissimo, fidelissimoq;

Viro

Viro Præstantissimo, Divinisq; Ingenii  
frugibus in Arte Musicâ abundantissimo, Jo-  
hanni Hermanno Scheyn/ Musico Lipsien-  
si-um celebratissimo.

Singulari vitæ integritate viro, Christo-  
phoro Schelgero, Aerarii Ecclesiastici præfe-  
cto ac Senatori.

Multis nominibus ornatissimo M. Valen-  
tino Cribitio Curiz Geitenſi ab Epistolis.

Pietate, doctrinâ, & prudentiâ conspicuo  
viro, Johanni Hammerico, Curiz Altenbur-  
gensis Scribæ.

Pio, Politico & Politico viro Christophoro  
Fortzschio N.P.

Doctissimo & Amplissimo viro, Dn. Da-  
vidi Andrea, Actuario in Oppurg.

Ornatissimo circumspiciendoque vi-  
ro, Marco Heilero, Collegensium Quæ-  
stori,

Optimo & candidissimo viro, Christiano  
Masero N.P. & Juris Practico.

Amplissimo gravissimoq; Dn. Johanni  
Gæthero Förstero, Archiquæstori Henne-  
bergico.

Virtute & integritate Præstanti viro, Jo-  
hanni VVilhelmo Stolberg.

Clarissimo pariter & humanissimo viro,  
Bartholomæo Mayere.



Præstanti eruditione & integritate viro,  
Abrahamo VValpurgero.

Autoritate & prudentiâ ornatissimo viro;  
Martino Eichlero, Reip. Neustadiensis Ca-  
merario dignissimo

Viro omni virtute & candore præstantissi-  
mo, Johanni Lemmiken, civi ac Mercatori  
VVitebergensi.

Uriusque literaturæ callentissimo viro,  
Johanni Fidler, Scholæ patriæ Magistro in-  
dustrio, amico suo veteri & constanti.

Singulari humanitate, multiplici doctri-  
nâ & linguarum scientiâ florentissimo, Ma-  
gistro Andrea VVilkio, Gymnasii Gothani  
Rectori meritissimo.

Humanissimâ Eruditione, & eruditissimâ  
Humanitate florentissimo, Linguarum quoq;  
Orientalium callentissimo viro M. Johanni  
Zeehendorff, Scholæ Cygnæ Archididasta-  
lo fidissimo.

Insigni Eruditione & virtute conspicuo,  
Georgio Hornio Consistorii VVitebergen-  
sis Advocato.

Reverendo, pietateque & doctrina Præ-  
stantissimo viro, Davidi Geschkæ, Ecclesia-  
stæ in Gnadenstein vigilantissimo.

Viro optimo, venerandoq; Christi sacer-  
dori Bartholomæo Stöckich.

Vitz morumq; integritate præstanti, laudatissimoq; viro, Johanni Hoffmanno.

Amplitudine, doctrinâ & eloquentiâ excellentissimo viro, Victorino Grunero.

Præcæ & veræ Nobilitatis insignisque prudentiæ & eruditionis viro, Jonæ à Quingenberg Hæreditario in VVenigen Aumâ & Zædelsdorf.

Prudentiâ & Eruditione clarissimo, Johanni Herfurdo Abbati Merinbergenfi.

Viro omni virtute, & eloquentiâ ornatissimo, Sebastiane Keilio, Archigrammatophylacio Altenburgensi à Secretis.

Egregio fidelissimoque viro, Johanni Reutero Reipub. Lubecensis Causarum Ad. vocato.

Eximio viro, Paschali Nicolai, optimarum disciplinarum, ac Jurisprudentiæ callentissimo.

Speculatissimo, amplissimo & Prudentissimo viro, Davidi Fabro.

Clarissimo, eloquentiâ, integritate rerumque usu præstantissimo viro, Casparsi Hoffheim.

Ingenio, doctrinâ, virtuteque præstanti Juveni, Aaroni Scheibio.

Speculato Civi & negotiatori optimo, Gabrielii Trubsbach,

Clarissimo & U. J. Consultissimo Benedi-  
cto Carpzovio, scabinatus Lipsiensis assis-  
tori, summe sibi colendo amico.

Viro clarissimo & celeberrimo, M. Era-  
smo Schmedt / Græc. & Mathem., P. P.  
Præceptori olim & Brabentæ suo admodum  
honorando.

Humanissimo Præstantissimoque Viro,  
Georgio Hausmanno P. L. & Scholæ Dres-  
densis Rectori solertissimo, amico suo æsti-  
mando.

Venerando Viro, Pietate, Eruditione, Di-  
gnitate & autoritate Clarissimo, Dn. V Vil-  
helmo Alardo, P. L. C. Ecclesiastæ apud  
Cremenses, præcipuo, & Consistorii Regis  
Daniæ Assessori digniss. fautori suo omni ob-  
servantiâ ætatem habendo.

Viro consultissimo, & excellentissimo;  
V Vilhelmo Merckio J. U. Doctori eximio, &  
Præctico dexterrimo, candidissimoq; fauto-  
ri suo plurimum amando & æstimando.

Viris ornatissimis Pietate, Prudentiâ, Vir-  
tute & Sapientiâ, Consulibus & Senatoribus  
Reip. Salsfeldensis: suis Dominis & amicis  
studiosè honorandis.

Inclytæ stirpis famæ ingentisque animi vi-  
ro nobilissimo, Henrico à VVerdern.

Mira animi, generis & corporis nobilitate  
ornatissimo, Christiano à Pölnitz.

Generis nobilitate, manu consilioque o-  
ptimo, asperis & secundis rebus æquè, pro-  
bato equitum signifero, Alexandro ab Ein-  
sidel.

Generoso stemmate, rerum experientia,  
omnique adeò virtutum genere & Privatis &  
Principi suo probatissimo aulico, Andreæ ab  
Alvensleben.

Nobilissimi generis splendore, & bellicæ  
virtutis gloria strenuissimo equitum Cata-  
phractorum Magistro Centurio Pflug.

Majorum natalibus clarè, virtute clari-  
re, vitæque integritate clarissimo

viro, Caspari à Sparm-  
berg.



D d 5

DE



628 DE LAUDIB. CICERONIS

DE LAUDIBUS  
CICERONIS DIA-  
LOGUS,

JACOBI PONTANI,

*Qui extat in volumine primo pro-  
gymnasii. 89.*

---

CHRYSOSTOMVS. GLA-  
PHYRVS.

**C**HRYSOSTOMVS. Nunquam tam ma-  
ne, neq; tam serò te convenio, Glaphy-  
re, quin legentem aliquid, affixumq;ue  
libro offendam: ut tibi illud *Plinii* penitus in  
animo infidisse videatur, *Omne tempus perire*  
*sibi dicebat: quod studiis non impenderet.* Cum  
autem ex te pereunctor, quid auctoris evol-  
vas, rarò alium præter M. Tullium nominare  
soles, cujus modò Epistolas, modò *tyruræ*,  
seu præcepta Oratoria, modò Orationes, mo-  
dò *Philosophicæ* manu tenes: Facere nequeo  
quin te mirer. G. Cur mirare? C. Nam cum  
impendio non modico bibliothecam tibi  
construxeris, possideasq;ue scriptores & eru-  
ditione præcipuos, & elegantia non conte-  
mna-

mnendos, eosque propè innumeros; quid est quòd uni huic, tam fixè pertinaciterque inhaerens, ut ab eo divelli non possis? *Crantor* Philosophus de Poetis exosculabatur *Homerum* & *Euripidem*: hic tibi unus præ omnibus in amore ac deliciis est. *G. Nicostrenus* pictor *Zeuxidis* *Helenam* eum admiraretur, eum quidam interrogavit, quid ita tam vehementer illam picturam suspiceret? Non interrogasses, inquit ille, si meos oculos habuisses. Nec tu me *Ciceroni* adeò deditum mirarere, si in eo videres, quæ ego videre cœpi; si meos, inquam, oculos haberes; non me etiam ipse interrogares. Me istuc factitare, quod objicis, fateor, atque etiam profiteor, & præ me fero: & quòd magis facio, eò minùs recesse poenitet: quantoque amplius & diutius hunc suavissimum saluberrimumque cibum comedo, tantò major me stimulat esuries, illiusque vehementiore desiderio exardesco, sumque in dolore ob eam rem gravissimo, quòd divini huius ac cœlestis ingenij monumenta, à quo tot magnarum optimarumque artium probè percepta fuit; & præclarissimis literis explicata doctrina; nec omnia ad nos pervenerunt, & quæ pervenerunt, nec integræ sunt, nec adhuc satis clara & emendata: id

quod ejus studiosi tantum non quotidie ex-  
periuntur. Et quis tandem est οὗτος φιλο-  
λόγος, qui non unum saltem alterumve lo-  
cum emaculet, corrigat, sanet, illustret, de-  
clare, castiget, restituat, purget, defendat?  
his enim verbis, idemque valentibus multis  
in ista re utuntur. C. Hæc tria, primum po-  
tissimè cum T. Livio, Varrone, Poëtis pluri-  
misque non spernendis scriptoribus anti-  
quis, tum Latinis, tum Græcis ipsi commu-  
ne est: quorum labores & vigilias aut edax  
tempus, invidiosaque vetustas nobis abstulit  
aut barbarorum Italiam & Græciam depopu-  
lantium furor, & immanitas deperdidit.  
DEUM immortalem, quas gazas? plus quàm  
Pactoli opes, plus quàm talenta Pelopis.  
Ac si tantis copiis, fortunisque indignissimè  
spoliati, nihilominus tam exaggeratas ad-  
huc eruditionum divitias retinemus, qua-  
lis quantaque extitisset nostra felicitas, si tot  
librorum lectissimorum millia, servata fuis-  
sent? Veruntamen tu reliquorum aucto-  
rum vicem parum sollicitus, unius casum ja-  
cturamque inprimis dolenter pateris & la-  
mentaris, cujus amore percussus es supra o-  
mnes. G. Equidem Ciceronis unius, qui  
mihi est pro centum millibus, amore per-  
cussus sum, ut dicis. Jam si amare, ex quo

amant.



amicitiæ nomen dictum est, nihil est aliud;  
 ut hic idem docuit & de Finibus, nisi velle  
 bonis aliquem affici quam plurimis, etiam  
 si ad se ex his nihil redeat, nonne mihi o-  
 ptandum medullitis, ut extent de Republ.  
 de consolatione, de temporibus suis, Hor-  
 tensius, ceteriq; libri Latinæ linguæ, & elo-  
 quentiæ Romanæ parentis, omni doctrinâ  
 elegantiaq; refertissimi; ut quanquam ubiq;  
 terrarum jampridem adeptus est amplissi-  
 mam; tamen longè ampliorem adhuc laudis  
 & gloriæ celebritatem adipiscatur. C. Per-  
 vellem ego quoque extarent tam præstan-  
 tis ingenij, tamque sapientis & clari homi-  
 nis opuscula reliqua: sed ea aut nostram,  
 aut posteritatis memoriam aliquando vi-  
 suram, cum hætenus tanto intervallo tem-  
 poris prolata non sint, desperandum opi-  
 nor. Hic ego immortales gratias haben-  
 das illi statuo, qui abhinc septennium Con-  
 solationem, aureolum profectò libellum &  
 tenebris vetustatis in lucem eduxit, & desi-  
 derationem, tot amissorum librorum unius  
 inventionem quoquo modo lenivit. H. Ha hæ-  
 ret simplicitatem spectate hujus mei Chry-  
 sostomi. G. Ride, & deride ut lubet, me de  
 sententiâ non detrudes. G. Quid? tu illum  
 commentariolum è Ciceronis officinâ pro-



cessisse? quid? tu illius ingenii extra omnem  
 ingenii aleam positi? tu facundia? literarum.  
 que parentis scorum esse credis? G. Quidni  
 credam? ita prædicant. G. Ita prædicant? ô  
 insciam, ô impudentiam! Quis invenit?  
 ubi inventus est (quæ occasione? quo  
 modo? quo anno? cur nullæ lacunæ?  
 cur nihil usquam imperfectum? cur nul-  
 lam caviem? cur blattas ac tineas nus-  
 quam sensit? usque adeo oleo cedrino  
 illum perunxerant? omnia plena, integra, ni-  
 hil mutilum, nihil situ exesum, nulla litera  
 fugiens, omnia expeditissima, qua si tum  
 primum scriptus esset, cum est repertus. G.  
 Moverunt me principio ista, quæ opponis, &  
 mirabar sine ullâ præfatione, sine emenda-  
 tione, sine ullâ annotatione tot annorum  
 temerius sepultum proferri librum. At o-  
 mnem postea scrupulum Caroli Sigonij, ho-  
 minis in antiquitate perscrutanda diligentis-  
 simi, & eloquentissimi, orationes duæ mihi  
 exemerunt, quibus eum & à Cicerone con-  
 factum, & partum suo parente dignum  
 esse demonstravit. G. Errorem haud  
 levem in extrema senectute obiectum  
 Sigonio, & Consolationem istam esse  
 supposititiam, ex frustulis per totum Ci-  
 ceronem è germana illa consolatione di-

speris contextam, imò ex I. Tusculanâ ma-  
 gnâ partem descriptam, inflatam nimis &  
 grandiloquam, suavitatis, & divinæ illius  
 dulcedinis, qua pollet in consolando tenerâ  
 molliq; naturâ præditus M. Tullius, prorsus  
 expertem, & aliis præterea vitiis laboran-  
 tem, complures postea eruditi homines mi-  
 nimè dubiis rationibus convicerunt. Sed  
 me reprimam, nec vagabor in hac opinio-  
 ne refutandâ longius. Nam ut est apud Ar-  
 nobium, ajunt sana sentientes contradice-  
 re reb. stultis, stultitiæ esse majoris. C. Quan-  
 do tu isti libello, non temerè; sed ad pro-  
 bandum firmis argumentis, complexioni-  
 busq; confusus, quod animadverto, tan-  
 quam ementito hæredi, & impostori, Cice-  
 ronianæ dignitatis nobilitatisq; patrimoniū  
 negas, cur ego asseram? aut cur ejus patro-  
 cinium suscipiam, si eum Sigonius, (quī  
 vir?) defendere, sive ut dicam rectius, co-  
 optare in familiam Tullianum toto, ut ajunt,  
 corpore nervisque omnibus connisus non  
 potuit? Tuam porrò judicium in comple-  
 etendo, & in oculis atque in sinu semper ge-  
 stando Tullio nequaquam reprehenderim:  
 velim nihilominus ad meam utilitatem e-  
 jusdem judicij tui amorisq; tam inflamma-  
 ti causam ex te cognoscere. G. Non tu  
 mibi

mihi imperterritus, animaq; prodigus miles  
 videris. C. Quidum? G. Quia cum vix ad-  
 huc signa cecinerint, relicta parmula meo-  
 rum armorum aspectu tremefactus te fugæ  
 mandasti. C. Ego non contremiscam? ego  
 non fugiam? primo congressu imperatorem  
 meum dedisti ad necem: & parcemiam nosti  
 veterem: *caso duce fugantur milites.* Nec verò  
 si quis mihi hanc fugam exprobraverit, re-  
 sponsurus sum quod ille è pralio apud Che-  
 ronæam fugiens, qui ignominia causa *ἡττή-  
 σης* est cognominatus, respondisse fertur:  
*ἀνὴρ ὁ φεύγων καὶ πάλιν μάχεται.* Qui fugerit,  
 rursum ille praliabitur. Sed ad incepta redea-  
 mus. G. Multitudo, Chrysostome, lectitan-  
 riam Ciceronem, imitariq; conantium, ipsa  
 insuper experientia, virtusque fructus, quem  
 mihi ex eo tot annis diligenter etiam atque  
 etiam lecto, ac penè contrito collegisse, vi-  
 deor, ipsam mihi penitus penitusque com-  
 mendaverunt, hæretque mihi in venis, in me-  
 dullis; Quæ enim schola est in tota Europa,  
 immo in Asia & Africa quoq; in qua qui-  
 dem Latinus sermo doceatur; cuius parietes  
 non quotidie vocibus Ciceronianis perfo-  
 rent? Quis magistrorum non mille colaphis  
 puniendus esse leatur, si Cicerone careat; cum  
 Alcibiades tam agre putant sibi ferendum,



magistrum illum, in cujus ludum intraverat, carere *Homero*, ut manum ab eodem *Alcibiades* verberando abstinere nequiverit? Quis autem scholasticorum non anum saltem atque alterum ejus librum tenet in capsa sua, si omnes præ nummorum penuriâ non possit emere? quis est qui se literarum studiosum dicere audeat *Ciceronis* ignarus? quis non sibilis conscindatur, qui se hunc non curare, nolle imitari, non nimis dictionem ejus probare præ se ferat? quis tot interpretes, tot scholiastas, tot correctores, tot explicatores & illustratores, tot etiam admiratores, encomiastas & præcones invenit? in quo toties recudendo typographi, toties vendendo bibliopolæ, toties colligando bibliopecti occupati sunt, & fuerunt, & erunt? C. Manifestiora sunt hæc, quam ut ea neget vel impudentissimus. In quo autem tibi tantum emolumenti pepererit, ac mihi, aliisque sui amantibus parere possit, velim præ nostra inveterata conjunctione ostendas. H. Non dubito quin multa & sæpè de illius viri laudibus legeris. C. Multa equidem & frequenter legi. G. Ea ipsa, quid in eo querere, quo pacto ejus opulentiam tuam augere deberes, utcumque docendæ vim habuerunt. C. Habuissent: verum cum ea legerem, non id cordi erat, ut in a-



## 636 DE LAUDIB. CICERON.

lumnis, & clientibus Tullianis numerarer. G. Quid ergo? C. Tantummodo ut liberali doctrinâ zugerer, bonæq; Latinitatis instrumento domum meam exornarem atq; instruerem: qui omnium propè in literis versantium communis est finis. Etsi verò non pauci sunt, qui se ad exemplum Tullij effingere laborant, non ita multi tamen illius effigiem, virtutemq; assequuntur; G. Hoc ideo fit, quia stylum ejus probe cognoscere, & de eo scriptore judicium ferre non est cujuslibet: deinde rationem certam acgeram eo quò intendunt perveniendi, non observant: in qua præscribenda videmus quosdam studium posuisse. C. Memini me, in ejusmodi commentariolos incidere, quos duabus de causis volvere supersedeo. Primum quia, ferè non persequuntur, nisi exilia quadam & minuta, atq; ad solam elocutionem spectantia: perinde quasi eloquentia cujus perfectus ad unguem absolutusq; magister & dux Cicero proponitur, non etiam aliis partibus contineretur. Deinde, quia præcipiunt: quæ in ipsorum Oratione; cum aliquid scribere aggressi sunt, non eluceant: Est enim horrida plerumq; jejuna, dissoluta, incoapta, plena raris. Cicero nis autem ple-

ma succi, plena suavitatis, plena cultus, æquabiliter fluens, aptis illigata numeris, multisq; distincta luminibus, Quare tacite illos jubeo in suum ipsorum sinum inspuere, & cum se purpuram vendere profiteantur, à semetipsis quoq; sumere, non aliunde queritare exemplum, quod mihi exhibeant. G. Mittamus horum institutum in præsens. Quid mihi Cicero meus contulerit, malo ab aliis, & aliquando abs te ipso (quando nimirum planius eum exploratiusq; noveris) cognosci, quam à me non sine arrogantia suspicione enuntiari. Alterum illud, quid nempe tibi cæterisq; scripta M. Tullij utilitatis afferre possint? spero te ex ore meo hodie intellecturum. C. Aures, admoveo percupidas, meque regalibus epulis abs te acceptum iri divino, G. Verissime. T. Livius de Cicerone: in ejus viri laudes sequendas ipso laudatore opus fore. Quod non solum de rebus illius præclarissime, pro salute & incolumitate Reipub gestis, tolerataq; morte: verum etiam de eximia, & omnibus sæculis prædicanda eloquentia interpretandum scias: quæ quidem eodem ipso recte, & plurimarum maximarumque rerum cognitione efflorescit ac redundat, & est copiose loquens sapientia.

pientia, & unum quiddam ex multis artibus  
 scientiis, studiisque conflatum arque colle-  
 ctum. Quantam istud admirationem ha-  
 bet: eum qui quinto & vicesimo ætatis anno  
 intra iudicem subsellia versari, ad causas  
 privatas arque publicas adire cœpit, omne  
 reliquum vitæ suæ tempus honorum, magi-  
 stratumque perfunctione, urbanis seu do-  
 mesticis, provincialibusque negotiis, longis-  
 simis creberrimisq; itineribus transmissis,  
 nihilominus ita multos, ita rebus & verbis  
 singulares edere libros potuisse? Quid tibi  
 hæc inter tantas corporis animiq; conten-  
 tiones *πολυπραγμοσύνη*, quid, inquam, aliud indi-  
 care videtur, nisi vehementissimum, incita-  
 tissimumque studium, summum, & ab omni  
 laude felicissimum ingenium, scientiarum,  
 copiam, exercitationem maximam, memo-  
 riam penè divinam? C. Sæpè illi vigilatas  
 noctes existimo, & sententias aliquot recor-  
 dor, quibus incensum in literas amorem  
 suum testatus est: quæ ipsi cùm delecta-  
 tioni in secundis, tùm solatio in ad-  
 versis, in gravissimis nempe illis Reipublicæ  
 tempestatibus, privatisq; incommodis fue-  
 runt. *Me, inquit in Epistolis, à prima ætate omnis*  
*ars, & doctrina liberalis, & maximè Philoso-*  
*phia delectavit.* Pro Archia. Quis tandem



me reprehendat, aut quis mihi iure succenseat, si quantum ceteris ad res suas obeundas quantum ad festos dies ludorum celebrandos, quantum ad alias voluptates. Et ad ipsam requiem animi & corporis conceditur temporis, quantum alii tribuunt tempestivis convivis, quantum denique alia, quantum pila; tantum mihi egomet ad hac studia recolenda sumpsero? In primo autem de Oratore, Ac fuit tempus istud, cum mihi quoque initium requiescendi, & animum ad utriusque nostrum praeclara studia referendi fore, iustum & probe ab omnibus concessum arbitrarer. Sic initio Tusculanarum. Cum defensionem laboribus, senatoriisque muneribus; & quae sequuntur. Ad Atticum: Ego, hic duo magna curricula & absolvi: nullo enim alio modo à miseria quasi aberrare possum. Ad Messin. lib. 5. ad familiares: Itaque utor eodem perfugio, quo tibi utendum cenfeo; literulis nostris. Et ad Appium Balbum, lib. 6. Sed est unum perfugium, doctrina & literatura, quibus semper usi sumus: quae secundis rebus delectationem modo habere videbantur: nunc vero etiam salutem. Et sexcentis praeterea locis per illos Epistolarum libros. G. Qui aetatem omnem procul à Republica abundantes ingenio; doctrinâ & diligentia homines in literis habuerunt, tam multa certe mandare chartis supervicturis non potuerunt.



C. Tibi istuc assentior, est enim apertissimum. G. Leges tu quidem Latinos Scriptores omnes, si me audias, & leges quamdiu voles; hunc unum imitaberis, quem ut transcendendi spes non sit: magna tamen est dignitas subsequendi, de quo multò iustius, quam de Epicuro canetur:

*Qui genus humanum ingenio superavit, &  
omnes*

*Præstinxit stellas, exortus uti aethereos Sol.*

Siquidem alios universos in omni dicendi genere longinquo post se intervallo reliquit.

*Quid enim contendat hirundo*

*Cygnis? aut quidnam tremulis facere artibus  
hædi.*

*Consimile in cursu pectus, ac fortis equi vis?*

Hinc copiam & ubertatem, hinc brevitatem; hinc gravitatem; hinc suavitatem; acrimoniam, perspicuitatem, subtilitatem; mediocritatem, magnificentiam petas. Ad ingenia illustria limanda, perpolienda & alenda nemo aptior: nec est quisquam, quem ille non ut rebus doctiorem, sic oratione splendidiorem ab se dimittat. Hic unus merito grammon quidam, & regula in verbis eligendis statuatur, quam esse originem eloquentiæ Cæsar scripsit, abjecta, obsoleta, dura, aspera,  
impro-

impropria, longius ducta, obscura, in eo nulla. Contra autem dilucida, plena, sonantia, illustria, jucunda, magnifica, propria, usitata, pura, numerosa omnia. Proinde si rectè ratiocinaberis, huic uni præoptabis te similem, quàm alijs superiorem esse. Cave autem idem facias illis, qui quoties aliquid arrogantius ab eo dictum inveniunt, quoties ille se avidum gloriæ confitetur, miserum reprehendunt: cum nos non mores, sed linguam & doctrinam in ipso querere potius, & ista collaudare imitationeque pro viribus exprimere, illa dissimulare debeamus. C. Vellem tecum sensissent, qui oppugnare imitationem Ciceronianam, ut gigantes cælum, non horruerunt. G. Non curat Hippoclidès quid illi mastiges fabulentur, Zoilosque & Andabatas nec pili facie. Cicero, nobis omnium doctorum suffragiis in omnī sermonis virtute primas tulit: quem quidam è Græcia Romam reversus, cum ingentes sibi copias ex facundissimæ, & eruditissimæ gentis illius copiis collegisset, ita excoluit, ornavit, amplificavit, ut jam Græcis ipsis non admodum multum concedamus: cum quibus ipse de dicendi gloriâ tam felici Marte dimicavit, ut de iis tropæum constituerit. C. Quoniam de copiis è Græcia Romam trans-

per

portatis mentionem iniecisti, occurrit animo præclarum illud testimonium, quo Apollonius Molo, quem Romæ bis audierat prius, & cui se Rhodi postea recoquendum dedit, cum tota Asia peragrata, cum summis se O-ratoribus exercuisset, cohonestasse Ciceronem dicitur, cum eum Gracæ eloquentissimè orantem audivisset. Nam cum cæteri omnes qui tum aderant obstupissent, Ciceronemque certatim extollerent: Apollonius negandum audiret, hilaris visus est, & postquam ille peroravit, diu tristis attonitoque similis cum sedisset, tandem aliquando: Te quidem Cicero laudo, inquit, & admiror: sed me Gracorum fortunæ miseret, cum videamus doctrinam & eloquentiam, quibus bonis jam solis beati eramus ad Romanos per te translata esse. E Fuit sanè præclara vox illa Græci doctoris, eamque postea eventus comprobavit. Quamvis igitur merito præferendus videatur omnibus, qui domi forisq; Remp. probe administrârunt, quod illi partes aliquas juerunt, hic simul universam conservavit, possitq; tantò iustius secundus appellari Romulus, quàm Camillus, qui parvum adhuc, & angustum restituit, cum hic tantoperè auctum amplificatusq; imperium è faucibus fati



fati eripuerit : tamen quod Cæsar de eo scrip-  
 pisse proditur, ad gloriam illi maius est. C.  
 Quid scripsit? G. Ciceronem somnium tri-  
 umphorum lauream adeptum majorē, quan-  
 tō plus est ingenij Romani terminos tantum  
 promovisse, quā imperii. Nec illa non  
 certissima sunt, quæ vir literis Græcis & La-  
 tinis juxta atq; doctissimè eruditus, atq; in  
 Ciceronianis scriptis multum diuque exer-  
 citatus de eo magnificè protulit. C. Quæ-  
 nam? G. Strictim, & ex multis paucissima  
 tibi recitabo. G. Animo arrestus sum ad au-  
 diendum G. Ex hoc tanquam uberrimo omni-  
 um doctrinarum atq; artium fonte, sive Gram-  
 maticum aliquid, sive Rhetoricum, sive Diale-  
 cticum, sive Historicum, sive Poeticum, sive Geo-  
 graphicum, sive Oeconomum, sive Morale &  
 Politicum, sive Physicum, sive Geometricum sive  
 Musicum, sive Astrologicum; quicquid deniq; ad  
 ullam artem libero homine dignam pertinens re-  
 quiras, hinc tibi assidue haurire licebit. Ab hoc  
 discunt pueri, senes, privati, magistratus, rustici,  
 urbani, miseri & calamitosi, beati & fortunati,  
 pauperes & egentes, divites & abundantes, igno-  
 biles & obscuri, nobiles & clari viri; ab hoc mi-  
 litares & sagati, ab hoc pacis alumni & togati,  
 ab hoc infimi & humiles, ab hoc viri excellen-  
 tes & principes, Denique nemo est mortali-



um cuiuscunque sit vel ætatis, vel loci, vel ordinis, vel fortuna, vel studii, vel nationis, quin à Cicerone & melior & doctior fieri possit. C. Agnosco laudationem. Iure sibi illum tantis laudibus ornandum sumpsit, à quo fuit ipse tam eximiè excellenterq; ornatus. Et par esse duco, ut omnes animi ingeniiq; vires, in eo deprecando profundant, quibus ille tantum, quantum huic profuerit, cuius verba modò recitabas. G. Num Victorij, Sigonij, Mureti, Manutij, Corradi, quos germanos Tullij discipulos appellare possis, scribendi elegantia atq; munditia, & eruditionis varietate magistrum suum non valde commendant? maximè commendant. Ad ea posthac exemplaria respiciam, versaboq; Ciceronem non paulò diligentius, & aliquam eim similitudinem in meam imaginem, ut Zenxis, transferre avaritar. G. Gaudebis fructu hujus diligentia tue magis, quàm si quis tibi regnum donavisset.



vel ordi-  
nis, quin  
offit. C.  
lum tan-  
uo fuit i-  
atus. Et  
iūq; vires,  
tribus ille  
nius verba  
Sigonij,  
germanos  
scribendi  
nis varie-  
commen-  
a posthac  
Cicero-  
uam eius  
n, ut Zen-  
ois fru-  
gis,



# INDEX PRIOR EORUM, DE QUIBUS IN HOCCE libello agitur.

<b>Q</b> uid sit Epistola, & unde dicta? deq; aliis ejus- dem nominibus pag. 1.	
A quo, & cur inventa sit Epistola? quodq; sit ejus proprium?	2
De Epistolica artis utilitate	2
De Epistolarum decore	3
De rebus Epistolographo necessariis	5
De Inventionē	6
De Dispositionē	6
De eleutionē	7
De Arte	8
De Imitationē	8
De Exercitationē	10
De Epistolarum generibus	13
Tria esse Epistolarum genera, ad quæ cætera re- vocentur	14
De Deliberativi generis Epistolæ	14
De Suasoriâ Epistolâ	15
Suadendi formâ	22
De Dissuasoriâ Epistolâ.	26
Dissuadendi formâ	27
Ratio respondendi literis Suasoriis, vel Dissuasoriis,	29
De Hortatoriâ ac Dehortatoriâ Epistolâ	33

# INDEX.

<i>De leniendâ Exhortatione</i>	37
<i>Collocatio partium in Hortatoriâ Epistolâ</i>	39
<i>Hortandi formula</i>	50
<i>Hortandi ad mittendum literas formula</i>	56
<i>Notio de Epistola Dehortatoria</i>	58
<i>Dehortandi formula</i>	59
<i>Responsio ad Hortatoriam &amp; Dehortatoriam Epistolam</i>	61
<i>De Consolatoriâ Epistolâ</i>	67
<i>Consolandi formula</i>	79
<i>Ad Consolatoriam Responsio</i>	89
<i>Ad Consolationem respondendi formula</i>	96
<i>De Petitoria Epistola</i>	99
<i>Petendi formula</i>	109
<i>Ad Petitoriam responsio</i>	118
<i>Ad Petitionem respondendi formula</i>	130
<i>De Commendatitia Epistola</i>	131
<i>Commendandi alios, formula</i>	142
<i>Commendandi semetipsum formula</i>	155
<i>Ad Commendatitiam responsio</i>	157
<i>Ad Commendationem respondendi formula</i>	168
<i>De Epistola Conciliatoria</i>	169
<i>Conciliatoria Epistola Exordia</i>	171
<i>Offerendi seipsum formula; quarum creberrimus in Conciliatoriis est usus</i>	179
<i>De Epistola Officiosa</i>	182
<i>Deferendi alicui suum officium formula</i>	190
<i>Responsio ad Officiosam Epistolam</i>	197
	Ad

# INDEX.

37	Ad Officiosam respondendi formula	202
39	De communicatoria Epistola	203
50	Communicatoris Epistolis servientes formula	214
56	Responsio ad Communicatoriam Epistolam	216
58	De Disputatoria Epistola	223
59	Disputationibus servientes formula	226
iam E.	De Mandatoria Epistola	229
61	Mandandi formula	233
67	De Iudicia is Generis Epistolis.	235
79	De Accusatoria seu Expostulatoria Epistola.	236
89	Accusandi & Expostulandi formule.	243
96	Accusandi literarum intermissarum formula	248
99	Accusationi respondendi formula	267
109	Literarum silentium excusandi formula.	275
118	Literarum raritatem excusandi formula.	278
130	Literarum tarditatem excusandi formula	282
131	Literarum brevitatem excusandi formula.	284
142	Literarum brevitatem excusandi in calce earum formula.	287
155	Literarum longitudinem excusandi sub finem earundem formula.	288
157	Deprecationis formula.	290
ula 168	Responsio ad Purgationem, seu Excusationē.	294
169	Excusationem accipiendi formula.	301
175	Excusationis non necessarie formula.	302
berrius 179	Excusationem rejiciendi formula.	303
182	De Querula seu Indignatoria Epistola.	303
190	Querendi formula.	314
197		
Ad	Ee 3	Re-



# INDEX.

Responsio ad Querulam Epistolam.	320
De Minatoria Epistola.	339
Comminandi formula.	342
De Demonstrativi generis Epistolis.	350
De Nunciatoria, seu Narratoria Epistola.	350
Nunciandi formula.	376
Responsio ad Nunciatoriam seu Narratoriã.	380
Respondendi ad Nunciatorias Epistolas for- mula.	389
De Gratiarum actione.	391
Gratias agendi formula.	393
Responsio ad Epistolam Gratiarum actricem.	406
Ad Gratiarum actionem respondendi form.	411
De Gratulatoria Epistola.	412
Gratulandi formula.	421
Responsio ad Gratulatoriam Epistolam.	423
Ad Gratulationem respondendi formula.	434
De Dedicatoria, seu Nuncupatoria Epistola	439
Nuncupandi ac Dedicandi formula : Epistola in- tegra Mureti ad Scipionem Gonzagam, Mar- chionem.	446
Modus respondendi Dedicatoriã.	451
De Laudatoria Epistola.	454
Laudandi viros, formula.	462
Laudandi ingenuos & liberales adolescentes, for- mula.	473
Laudandi feminas, formula.	474
Laudandi urbes formula.	475

Responsio

# IN D<sup>E</sup>X.

320	Responsio ad Laudatoriam.	476
339	Ad Laudationem respondendi formula.	478
342	Laus Persona.	482
350	Laus Adolescentis, Declamando se exercentis.	487
stola. 350	Laus Conjugii.	490
376	Laus Argentina.	493
ratoria. 380	Laus dicti Pindarici, de vita humana conditio-	
pistolas for-	ne.	498
389	Laus Canis.	500
391	De Reprehensoria Epistola.	503
399	Reprehendendi, vituperandiq; formula.	507
Tricem. 406	Reprehensio Adolescentis improbi.	513
form. 411	Vituperatio facti.	513
412	Reprehensio Sententia Menandri, de tempore.	515
425	Reprehensio rei Militaris.	518
m. 428	De Iocosa Epistola.	520
ula. 434	Iocandi formula.	532
pistola 439	Responsio ad Iocosam epistolam.	535
Epistola in-	De Mista seu Composita Epistola.	540
gam, Mar-	Transitionum formula.	542
440	Connectendi formula.	544
451	Longiorem narrationem vel Epistolam pratiden-	
454	di formula.	545
462	Epistolam esse liberam nec certis perporuisq; legi-	
centes, for-	bus astringi.	547
473	Partes Epistolarum duplicis esse generis.	548
474	De salutatione.	549
475	Nova salutandi formula, nec omninò inepta.	552

# INDEX.

Grasorum salutatio.	ibid.
De Epistolarum exordio.	554
De reliquis Epistolam exordienti formis.	556
Exempla aliquot exordiorum ex abrupto.	560
Exordienti, benevolentia captandique formula.	561
A persona eius, cui scribitur.	563
A persona utriusque.	565
A persona illius pro quo scribimus.	566
A re ipsa.	567
A voto.	ibid.
A tempore.	568
A loco.	ibid.
A consuetudine.	569
A causa.	ibid.
A sententiis.	570
A facto memorabili.	ibid.
Exordia Epistolae, quae scribendum provocamus.	ibid.
Exordia Epistolae quae alicui respondemus.	575
Exordia, quibus respondemus ad epistolam nobis gratam.	578
De Narratione, Propositione, Confirmatione, Confutatione & Conclusionem Epistolarum conjunctim.	583
Concludendi Epistolam formula.	588
Formula amicos in extremis literarum salutandi.	589
Formula salutandi quempiam alterius nomen.	592
Re/a-	

# INDEX.

Resalutandi formula.	593
Ratio excusandi Epistolam neglectius conscri- ptam.	ibid.
De valedictione.	594
Valedicendi ratio.	595
Formula subjiciendi aliquid post VALE quod in mentem non venit.	598
Ratio adscribendi locum.	600
Ratio adscribendi tempus.	ibid.
De inscriptione literarum.	611
Inscriptionem qua ornent aut vituperent.	612

## INDEX POSTERIOR EPI- stolarum Ciceroniarum, quibus in hoc libello annexæ sunt Imit- rationes.

### EX EPISTOLIS AD FAMILIARES.

#### LIB. II.

E Pist. 1. Quanquam me nomine &c. p.	257
5. Hæc negocia quomodo se &c.	373
6. Nondum erat auditum &c.	136
7. Sera gratulatio &c.	414
11. Treis uno die accepi &c.	311
18. Officium meum &c.	17

LIB.



# INDEX.

## LIB. IV.

Epist. 2. Ad III. Kalend. Majas &c.	218
4. Accipio Excusationem tuam &c.	296
5. Posteaquam mihi &c.	69
6. Ego verò Servi &c.	91
12. Et si scio, non jucundiss.	315

## LIB. V.

Epist. 1. S.V. B. E. Existimâram &c.	346
5. Et si statueram &c.	219
8. Quantum meum studium &c.	174
9. S.V.B.E. Si tuâ consuetudinem &c.	71.
11. Grata tibi mea esse &c.	161

## LIB. VII.

Epist. 9. Jamdiu ignoro &c.	41
15. Quam sint morosi &c.	381
16. In equo Trojano &c.	529
23. Illuseras heri &c.	224
28. Miror, cur me accuses &c.	262
32. Quod sine prænominē &c.	536.

## LIB. IX.

Epist. 3. Et si munus flagitare &c.	437
20. Dupliciter delectatus fui &c.	513

## LIB. X.

Epist. 3. Cum ipsum Furnum &c.	45
4. Gratissima mihi &c.	63
11. Immortales ago tibi gratias &c.	298
14. O gratam famam! &c.	450
19. Quanquam gratiarum actionē &c.	408

LIB.

# INDEX.

## LIB. XI.

Epist. 2. De tuâ fide &c.	105
3. Literas tuas legimus &c.	345
36. Nondum satis constitui &c.	315
27. Magnam voluptatem &c.	331
29. Dubitanti mihi &c.	29

## LIB. XII.

Epist. 16. S. V. B. E. Athenas veni &c.	420
---	-----

## LIB. XIII.

Epist. 2. Caio Aviano &c.	134
29. Etsi libenter petere à te soleo &c.	394
42. Quæ fecisti L. Luceij causâ &c.	165

## LIB. XIV.

Epist. 3. Accepi ab Aristocrito &c.	306
-------------------------------------	-----

## LIB. XV.

Epist. 6. Lætus sum, laudari me &c.	430.
11. Quantæ tibi curæ &c.	126

## LIB. XVI.

Epist. 17. Video, quid agas &c.	504
21. Cum vehementer tabellar.	361
24. Etsi manè Harpalum &c.	231

## EX EPISTOLIS AD

### ATTICUM.

## LIB. IV.

Epist. 13. Vestorius noster &c.	201
---------------------------------	-----

## LIB. VIII.

Epist. 3. Maximis & miserrimis rebus &c.	204
--	-----

LIB.

INDEX.

LIB. IX.

Epist. 13. Ut legi tuas literas &c.

120

EX EPISTOLA IV.

BRUTI.

Quantâ sim lætitiâ affectus &c.

384

I. EX LIB. RHETORIC.

Et si negotiis familiaribus &c.

443

FINIS.



L I P S I Æ,

Impensis Elæ Rehefeldt

1)

& Johann Gros.

Excudebat JOHANNES ALBERTUS  
MINZELIUS.

A N N O

---

M. DC. XXIX.

120

384

C.


443





ldt

RTUS









Biblioteka Jagiellońska



stdr0023417



et est unctus qui

et est unctus qui

alienigena uade

do.

et est unctus qui

et est unctus qui

quid manduca

Handwritten text on a small rectangular piece of paper, possibly a label or a page number, with the number '2' visible.

Handwritten text in a medieval script, possibly Latin, with the word 'fuer' visible.

Large red initial 'I' followed by the word 'olui' in black ink.

Handwritten text at the bottom of the page, with the number '18' visible.